





ՎԱՆԻ ԹԱԳԱՒՈՐՈՒԹԻՒՆԸ



9(566)

L-38

ՄՅՈՒԳՎՅՈՒ Է 1961 թ.


L E O

ՎԱՆԻ ==

ԹԱԳԱԽՈՐՈՒԹԻԻՆԸ

(ՈՒՐԱՐՏՈՒ)

6066 A I  
6842




•••••

Թ Ի Ֆ Լ Ի Ս

Տպարան Ն. Աղանեանի, Պոլից. 7.

1915



Վանի լճի տես



Թոփրաք-Կալէ, ետևում Սիփան.

անը վարագից





1915 թ. մայիսի 6-ին ռուսական զորքը գրաւեց Վան քաղաքը:

Պատմական այս խոշոր գէպքին և նրա հերոսներին եմ ես ձօնում այս գիրքը, որ մի գլուխ է իմ ընդարձակ ՀՍՅՈՅ ՊԱՏՄՈՒԹԻԻՆ աշխատութեան առաջին հատորից:



ՆԵՐԱԾՈՒԹԻՒՆ



1. Վ Ա Ն

Վանի հայ ժողովուրդն ասում է. «Վանն այս աշխարհում, արքայութիւնն այն աշխարհում»<sup>1)</sup>: Այս ասացուածքը տեղային սնապարծութիւնն չէ: Գեղեցիկ է, իրաւ, շատ գեղեցիկ է Վանի լճի արևելեան ափի այն մասը, ուր գետեղուած է Վան քաղաքը: Լինչը, բազմահմուտ անգլիացի մի հեղինակ, վկայում է թէ մարդու համար բնութիւնը ստեղծել է այս վայրը որպէս զի երկրային դրախտ դառնայ:

Ընդարձակ մի տափարակ է Վանի տեղը, ընկղմուած այգեստանների մէջ: Այդ հարթութեան վրայ ցցուած են

<sup>1)</sup> X. Ф. Б. Линчъ—„Арменія“, т. II, Тиф. 1910 с. 49.

ահագին ժայռեր— Միջնաբերդը, որի առջև փռուած են Հայկական Բարձրաւանդակի դարդերը կազմող մի քանի սքանչելի տեսարաններ. — արևելքում՝ Վարագի ծաղկաւէտ լեռները, արևմուտքում՝ գեղեցիկ լիճը, որի արևմտեան եզերքներում վեհ ու փառապանծ ցցուում են դէպի երկինք երկու հանգած հրաբուլդիներ— Միփան և Նիմրուդ: Հիւսիսից էլ, հարաւից էլ հայկական լեռնապարերի հուժկու պատուարներն են նայում Վանի առջև փռուած լճի կապուտակ հարթութեան:

Մեղմ ու բարեխառն են կլիմայական պայմաններն այդ դրախտանման վայրերում: Հողը արգաւանդ է, տալիս է հարուստ պտուղներ: Երկիրը կարևոր աշխարհագրական դիրք ունի Առաջաւոր Ասիայի արևմտեան մասում: Փտնւում է հազորդակցութեան մեծ ճանապարհների վրայ, առևտրական նշանակութիւնից աւելի ռազմական առաջնակարգ կարևորութիւններ է ներկայացնում հարաւային երկիրների համար:

Այս բոլոր յատկութիւնները ցոյց են տալիս թէ Վանի լճի այս ափը բնութիւնից նշանակուած է կուլտուրական և քաղաքական աչքի ընկնող կենտրոն դառնալու համար:

Հայաստանի մակերևոյթը այսպիսի կենտրոններ ստեղծելու մի քանի յարմար շրջանակներ է ներկայացնում: Այսպէս են, օրինակ, Արարատեան, Խարբերդի դաշտերը: Բայց ամենից առաջ Վանի լճի այս ափին էր ուր ճոխացաւ մի նշանաւոր կուլտուրա և կազմակերպուեց մի մեծ պետութիւն: Երևան եկաւ մի իսկապէս մեծագործ ժողովուրդ, որին կարծես վիճակուած էր մի խոշոր և երկարատև դեր համաշխարհային պատմութեան մէջ, բայց որ ենթարկուեց մի տարօրինակ ճակատագրի: Կորցնելով իր անկախութիւնը Քրիստոսից մօտ 600 տարի առաջ, նա բոլորովին անյայտացաւ, չը թողնելով իր անունն անգամ պատմութեան մէջ: Յոյն մատենագիրները ոչինչ չէին գրել այդ ժողովրդի մա-

սին, ուստի և նա թաղուեց կատարեալ  
և անթափանցելի խաւարի մէջ:

Սակայն մնաց այդ կորած ժողովրդի մայրաքաղաքը—Վանը: Եւ մնացին այդ ժողովրդի գրութիւնները Վանի միջնաբերդի ժայռերի վրայ: Զարմանք էին պատճառում այդ գրութիւնները, բայց ոչ ոք, ի հարկէ, չէր հասկանում նրանց:

Իարեւր անցան: Վանի լճափին նոր ժողովուրդ կազմակերպուեց, որ կարողացաւ պահպանել այդ երկրում գոյութիւն ունեցած պատմական մեծ գրոյցների և աւանդութիւնների շատ թոյլ, հեռաւոր արձագանգները միայն, որոնց առաջին անգամ գրի առնողը մեզանում եղել է Մովսէս Խորենացին:

Մեր պատմահայրը, նկարագրելով Վանի դիրքը, հիացմունքով է խօսում ակնոր հնութիւնից իր ժամանակներին հասած պատմական յիշատակարանները. մեծ ջրանցքը, քարակոփ շինութիւնները, ապարանքները: Եւ խօսք չը գտնելով դրանց թողած տպաւորութիւնը պատկերացնելու համար, գրում



է. «Այլ ասեմք միայն թէ ամենայն թագաւորականաց գործոց, որպէս լուաք, առաջին և վեհագոյն համարեալ»: Պակաս զարմացած չէ նա և միջնաբերդի ժայռի վրայ և ասում է. «Զամենայն երեսս քարին իբր գրչաւ զմոմ հարթեալ, բազում գիրս ի նմա գրեաց, ոյց հայեցուածն միայն զամենայն ոք ի զարմանս ածէ»: Եւ այսպիսի զարմանալի գրութիւն ոչ միայն վանում: «Այլ և ի բազում տեղիս յաշխարհին Հայոց արձանս հաստատեալ, նովին գրով յիշատակ ինչ հրամայէ գրել և ի բազում տեղիս սահմանս նովին գրով հաստատէր»<sup>1)</sup>:

Բայց ո՞վ էր այդ գրողը, ո՞վ էր այդ բոլոր զարմանալի ձեռնարկութիւնների հեղինակը:— Մի անձ միայն, պատասխանում է Ստրենացին և այդ անձը— Ասորեստանի հռչակաւոր թագուհի Շամիրամն էր:

Այսպէս էր ասում աղճատուած աւանդութիւնը: Եւ նա կիսաառասպե-

<sup>1)</sup> Գ. Ա. գլ. ԺԶ.

լական Շամիրամին յատկացրեց այն ամենը, ինչ ստեղծուել էր Վանում մօտ 300 տարուայ ընթացքում, մեծագործ սերունդների մի ամբողջ շարքի ձեռքով: Քաղաքն անուանուեց Շամիրամակերտ, հռչակաւոր ջրանցքը՝ Շամիրամի գետ (այժմ ևս—Շամիրամ-սու): Այսօր էլ դեռ կայ Վանում Շամիրամի թաղ:

Մնում էր որ հազարամեայ գերեզմանի մէջ թաղուած ազգութիւնն ինքը յարութիւն առնէ և պատմէ աշխարհին ճշմարտութիւններ իր մասին:

Այդ յարութիւնը տեղի ունեցաւ մեր օրերում և այսօր էլ դեռ շարունակուում է:

## 2. ԽՕՍՈՒՄ ԵՆ ՄԵՌԱԾ ԼԵԶՈՒՆԵՐԸ

ԺԹ դարի ահագին գիտական շարժումները, որոնք մարդկային մտքի հոյակապ նուաճումներն էին բազմացնում կեանքի բոլոր շրջաններում, ի միջի այլոց, կարողացան նաև կենդանութիւն տալ Արևելքի հին, վաղուց մեռած լեզուներին:

Եգիպտոսում, Սիրիայում, Հայաստանի լեռներում, Իրանի հարաւ-արևմտեան մասերում քարէ յուշարձանների և ժայռերի վրայ գծագրուած զանազան ձևի նշաններ էին մնացել հնութեան անյիշելի դարերից: Այդ լուռ յուշարձանների առջև դարեր էին թաւալուել, պատմական ահաւոր շարժումներ և կերպարանափոխութիւններ էին տեղի ունեցել, սերունդների եր-

կար շարքեր էին եկել-գնացել, ազգեր էին իրար յաջորդել, բայց ոչ ոք չէր կարողացել հասկանալ թէ ինչ են այդ նշանները, խօսել են նրանք երբ և իցէ մարդկային լեզուով: Հին ժամանակների մի առեղծուած՝ նրանք շատ շատերին են հիացրել, ինչպէս և մեր Խորենացուն, բայց եղել են միշտ մի խոր, անթափանցելի խորհրդաւորութիւն, գերեզմանի գաղտնիք:

ԺԹ դարն էր որ բաց արաւ այդ գաղտնիքը, խօսեցնել տուեց բազմադարեան լուսթեան մատնուած յիշատակարանները: Սակայն այս մեծ գործը միանգամից, հրաշքով չը կատարուեց: Պէտք եղաւ ահագին դժուարութիւններ յաղթահարել: Պէտք եղաւ բազմաթիւ գիտնականների միահամուռ գործակցութիւնը: Աշխատանքը սկսուած էր ԺԹ դարից առաջ: Եւ Իրանն էր, որ սկսել տուեց այդ աշխատանքը, հետը գաղտնիքը լուծելու բանալին էլ տուեց:

Ժէ դարում կաթօլիկ հոգևորականութիւնը առաքելութիւններ հիմնեց

Իրանում (մասնաւորապէս Սպահան և Նոր Զուղայ, հայերի համար)։ Այդ միսիօներները ուշադրութիւն դարձրին երկրի հնութիւնների վրայ, սկսեցին նկարագրել նրանց։ Ամենից շատ ուշադրութիւն գրաւում էր մի շատնշանաւոր, թէև միանգամայն աւերակ հնութիւն։

Շիրազից 12 մղոն հեռու մի բարձրութեան վրայ գտնւում է Իստահր գիւղը։ Նրանից ցած, դաշտի վրայ, փռուած են աւերակներ, որոնց մէջ բարձրանում են աւերակ շինութիւնների բարակ սիւներ։ Յայտնի էր որ սա հին Պերսեպօլիս քաղաքն է, ուր հաստատուած էր Աքեմէնեան թագաւորների գահը։ Այստեղից էին Դարեհները, Քսերքսէսները հրամայում իրանց ստեղծած Իրանին, որ պարունակում էր իր մէջ այն ժամանակուայ քաղաքակիրթ աշխարհի մեծագոյն մասը, սկսած Յունաստանի սահմաններից և Եգիպտոսից մինչև հնդկաստան։ Աքեմէնեանների այդ պեթութիւնը և այդ մայրաքաղաքը Ա-

լէքսանդր Մակեդոնացու ձեռքն անցան: Մի գինեխումութեան ժամանակ Ալէքսանդրը, յոյն մի հարճի թելադրութեամբ, իր ձեռքով հրդեհեց Աքեմէնեանների պալատը՝ իբրև վրէժ այն արշաւանքի համար, որ այդ պալատի տէրերից մէկը, Քսերքսը, կատարել էր դէպի Յունաստան<sup>1)</sup>: Աւերակները չը կենդանացան այն ժամանակից, մայրաքաղաքը անբնակ դարձաւ և ներկայացնում էր մի քարակոյտ:

ժէ դարի այցելուները, միսիոներներ և ճանապարհորդներ (նշանաւոր Շարդէնը), ուշադրութիւն դարձրին որ այդ աւերակների վրայ կան քանդակներ, որոնք ներկայացնում են սեպի ձև ունեցող դժեր զանազան դիրքերով (ուղղաձիգ, թեք, հորիզոնական), որոնք խմբեր են կազմում: Ի՞նչ էին դրանք: Առաջին անգամ Իտալացի Պիետրօ Դելլա-Վալլէն էր (1620 թ.) որ տեղն ու տեղը ուսումնասիրելով այդ նշանները, կարծիք

<sup>1)</sup> Joachim Ménant—„Les Achéménides“, Paris, 1872, p. 31.

յայտնեց, որ դրանք տառեր են և պէտք է կարդացուին ձախից դէպի աջ<sup>1)</sup>: Սակայն Եւրոպայում այդ նշանագրերը առանձին հետաքրքրութիւն չը զարթեցրին, և մի դար անցած՝ անգլիացի Թոմաս Հէյտը, որ արեւելագէտի համբաւ ունէր, ասում էր իր մի աշխատութեան մէջ՝ թէ շարժէ էլ ուշագրութիւն դարձնել դրանց վերայ, քանի որ դրանք իսկապէս գրեր չեն, այլ քանդակագործ վարպետի խաղեր: Մի տեսակ զարդեր են դրանք, որոնք հարկաւոր են եղել նկարի բաց տեղերը լցնելու համար:

Սակայն այս իբր թէ գիտնական վճռով իրանական նշանագրերի բախտը ընդ միշտ չէր որոշուում: 1765 թուին աւերակներն այցելեց դանիացի Նիբուրը, որ նշանաւոր գործ կատարեց, մանրամասն ուսումնասիրելով նշանագրերի բնաւորութիւնը, դասաւորութեան եղանակը: Նա էր, որ ցոյց տուեց թէ սեպագիր արձանագրու-

<sup>1)</sup> Voyages de Pietro Della Vallé dans la Turgue, l'Egypte, la Perse, Paris 1765, t. 5. p. 319.

թիւնները երեք խմբերի են բաժանուում, որովհետև գրուած են երեք տարբեր լեզուներով: Գրութեան օրէնքները գտնուած էին: Մնում էր կարդալը: Ահա այդ էր ամենադժուարը:

Մինչև այդ՝ նոյն ժԷ դարում տեղի ունեցաւ մի ուրիշ նշանաւոր գիւտ: Գտնուեց հին պարսկական լեզուն և այս գիւտը շատ նպաստեց բնեռագրերի վերծանութեան:

Ինչպէս յայտնի է, երբ արաբները նուաճեցին Իրանը (է դար), բոլոր այն պարսիկները, որոնք չը կամեցան իրանց կրօնից հրաժարուել և իսլամն ընդունել, հարկադրուած եղան հեռանալ իրանց հայրենիքից: Նրանք տարան իրանց հետ իրանց պաշտամունքը, իրանց սրբազան գրքերը: Սկզբում այդ գրադաշտականները կամ գեաբրները բնակութիւն հաստատեցին Օրմուզկղզում և ապա անցան Հնդկաստան: Այստեղ էլ նրանք երկար դարեր տառապանքներ էին կրում, տեղից տեղ



անցնելով ու իրանց համար ապահով մի ապաստարան որոնելով <sup>1)</sup>։

Հնդկաստանում էր որ գեաբրները հանդիպեցին եւրոպացիներին, որոնք և ծանօթացան նրանց կրօնին և արարողութիւններին։ Նոյն իսկ նրանց սրբազան գրքերի մի քանի կտորներն անցան եւրոպացիների ձեռքը, որոնք եւրոպա փոխադրեցին այդ կտորները։ Հետաքրքրութիւն ծագեց, զրադաշտական կրօնի մասին շատ վայրիվերոյ, կցկաուր տեղեկութիւններ էին մնացել հին յունական գրականութեան մէջ։ Ուսումնասիրել այդ կրօնը նրա իսկական աղբիւրներով — ահա ինչ ցանկութիւն էին յարուցանում Հընդկաստանից բերած կտորները։

Այդ ցանկութեամբ վառուեց մի երիտասարդ Ֆրանսիացի, Անրէտիլ Դիւպերրօն անունով։ 1754 թուին նա ճանապարհուեց Պարսիցից Հնդկաստան՝ զրադաշտական գրքերը որոնելու համար։ Նրան աջողուեց իր որոնածը

<sup>1)</sup> D. Menant—, „Les Parsis, Histoire des communautés Zoroastriennes de l'Inde“ Paris 1898. ch. 1.

գտնել, բայց ութ տարուայ տառապանքների գնով: Սուրաթ քաղաքի շրջականերում ապրող գեաբրնների մօտ նա գտաւ Ջենդ-Աւեստան: Սակայն իրանք գեաբրնները համարեա այլ ևս չէին հասկանում այդ գրքի լեզուն, զենդերէնը: Ինչ որ գիտէին այդ լեզուից, սովորեցրին Դիւպերրօնին և սա, թանկագին գիւտը վերցրած, արկածալից ճանապարհորդութիւն սկսեց՝ հայրենիք վերադառնալու համար:

Այստեղ նա թարգմանեց Ջենդ-Աւեստան, բայց միանգամայն անյաջող էր այդ թարգմանութիւնը, որովհետև Անքէտիլի ծանօթութիւնը զենդերէն լեզուի հետ չափազանց անբաւարար էր և սխալ: Ջենդերէն լեզուն այստեղ Եւրոպայում, պիտինոր յայտնագործուէր: Իսկ այս բանը վերապահուած էր արդէն ժթ դարին:

Բայց նոյն ժԸ դարին պատկանում է և մի այլ նշանաւոր նախապատրաստութիւն: Դարի վերջերում Ֆրանսիական զօրքերը, նապօլէօնի հրամանատարութեամբ, գրաւեցին Ե-

գիպտոսը: Փարաւոնների երկրի հին մեծ յիշատակարանների առատութիւնը հիացնում էր ամենքին, սկսած գլխաւոր հրամանատարից: Այս արշաւանքը մի առիթ էր որ եւրոպացիները, գլխաւորապէս Ֆրանսիացիները, իրանց ուշադրութիւնը կենտրոնացնեն եգիպտական հնութիւնների վրայ: Ամենից շատ հետաքրքրողը, ի հարկէ, եգիպտական գրութիւնն էր, որով ծածկուած էին յիշատակարաններից շատերը: Այս արդէն իրանական սեպագրութիւնն չէր, այլ գրութեան մի ուրիշ ձև, որ միտքը արտայայտում է գաղափարանշաններով, զանազան առարկաների պատկերների միջոցով: Այդ ձևը կոչւում է «մեհենագրոշմ» (հիերոգլիֆ):

Լուսանում է ժԹ դարը, և լոյս է գցում այս բոլոր հին առեղծուածների վրայ: 1802 թ. սեպտեմբերի 4-ին գերմանացի երիտասարդ գիտնական Գէորգ-Ֆրիդրիխ Գրետէֆէնդը կարդում էր Գեօտինգենի ակադեմիական ժողովում իր զեկուցումը աքեմենեան

սեպագրութիւնների մասին: Նա գտել էր այդ գրութիւնը կարդալու սրամիտ միջոցը: Առաջին քայլն արուած էր: Բ և Ե ռ ա գ ի տ ու թ Ե ա ն հիմքը դրուած էր: Բայց Գրետէֆէնդը արեւելեան լեզուների մասնագէտ շէր և նրա նշանաւոր գիւտը ամբողջացած չէր: Նրա գծած ուղղութեամբ սկսեցին աշխատել նշանաւոր արևելագէտ Սէն-Մարտէնը, Լասսէնը և ուրիշները: Բայց վախճանական լուծումը վերապահուած էր Փրանսիացի միւս նշանաւոր արևելագէտ Էօֆէն Բիւրնուֆին (1801—1852):

Սա էր որ գտաւ զենդ լեզուի օրէնքները և կազմեց նրա քերականութիւնը, թարգմանեց Զենդ-Աւեստայի մի քանի գրքերը: Զենդերէնը Աքեմէնեանների լեզուն էր, նրանց արձանագրութիւնների լեզուն էր: Տալով նրա ճիշտ ուսումնասիրութիւնը, Բիւրնուֆը թէ այդ և թէ սանսկրիտ լեզուների օգնութեամբ գտաւ սեպագիր արձանագրութեան և այն կէտերը, որոնց վրայ այնքան աշխատանք էին

վատնել գիտնականները և որոնք մընացել էին անվերծանելի <sup>1)</sup>։

Մինչդեռ Եւրոպայում բեռնագիտութիւնը այսպիսի քայլեր էր անում, անգլիացի Սըր Հենրի Ռաուլինսոնը անկախ կերպով նոյն գործի վրայ աշխատում էր Պարսկաստանում։ Նա զինուորական և դիւանագիտական գործիչ էր, բայց պակաս ընդունակութիւն չը ցոյց տուեց հնագիտութեան և լեզուագիտութեան մէջ։ Հընդկաստանի անգլիական բանակում էր ծառայում, երբ նշանակուեց պարսկական զօրքերի հրահանգիչ։ Իր այս պաշտօնի գործերով երկար ժամանակ մնաց Բիրմանշահ քաղաքում, բոլորովին կտրուած քաղաքակիրթ աշխարհից։ Այդտեղ, այն հին մեծ ճանապարհի վրայ, որ բանակների անցքն էր Իրանից դէպի Միջագետք, բարձրանում է Բիսիւթուն սարը, որի ժայռերի վրայ փորուած էր Դարեհի հռչակաւոր մեծ սեպածեւ արձանա-

<sup>1)</sup> Joachim Menaut—„Les Langues perdues—Perse“, Paris 1885, p. 101—133.

գրութիւնը: Ռաուլինսօնը ընդօրինակեց նրան և երկար աշխատելով ինքնաբերաբար գտաւ նրան կարգալու միջոցը այնպէս, ինչպէս գտնուած էր Եւրոպայում: 1836 թուին նա սկսեց իր այդ գիտական աշխատութիւնները մաս մաս ուղարկել Լօնդօնի Ասիական Ընկերութեան: 1843 թուականին պարսկական սեպագրութիւնները արդէն կարդացուած ու թարգմանուած էին:

Ճշտուեց առաջին ուսումնասիրողների այն դիտողութիւնը, որ արձանագրութիւնները երեք լեզուով են գրուած: Կարդացուեց նախ պարսկերէն (գենդ) լեզուն: Մնացած երկու լեզուներին մէկը անուանեցին մեդական կամ մարական (աւելի ճիշտ՝ ելամական): Իսկ երրորդը ասորական լեզուն էր: Գտնելով պարսկականի բանալին, այնուհետև դժուար չէր գտնել և ասորականի բանալին: Կենդանանում էր և մի ուրիշ մեծ պատմական լեզու:

Բայց մինչև այդ՝ վերժանելի դարձան Եգիպտոսի մեհենադրոշմ արձա-

նազրութիւնները: Այստեղ արդէն հարկաւոր շեղան դարերի գիտողութիւններ: Ֆրանսիացի գիտնական ժան-Ֆրանսուա Շամպոլլօնը 1814-ին գնաց Եգիպտոս՝ տեղն ու տեղը ուսումնասիրելու նրա հնութիւնները, և 1822-ին յայտնեց գիտնական աշխարհին իր անմահ գիւտը, որով մեհենադրոշմի ընթերցումը դառնում էր իրականութիւն: Ծնւում էր ընդարձակ մի գիտութիւն, որ և կոչուեց եգիպտագիտութիւն: Այնուհետև Եգիպտոսը դարձաւ զանազան երկիրներում կազմակերպուած գիտական արշաւախմբերի մանրակլրկիտ հետազօտութիւնների վայր. կառավարութիւնները միջոցներ չը խնայեցին ընդարձակ պեղումներ կատարելու համար և եւրոպական թանգարանները լցուեցին եգիպտական հնութիւններով: Դուրս եկան բազմաթիւ նոր արձանագրութիւններ քարերի վրայ և գրութիւններ քալապիրուս՝ անուանուած թղթի վրայ: Եւ ամենախորին հնութեան ծոցից (Քրիստոսից 4—5 հազար տարի առաջ) լոյս աշ-

խարհ եկաւ մի ամբողջ մեծ պատմութիւն, մի քաղաքակրթութիւն, որի շափերի մասին հասկացողութիւն անգամ չէին ունեցել մինչև այդ: Եգիպտագիտութիւնն ստեղծեց մի անագին գրականութիւն: Նրա ասպարէզում գիտնական հռչակի փայլ ստացան շատերը, ինչպէս Լեպսիուս և Բրիւզզ գերմանացիները, դը-Ռուֆէ, Մարիէտ, Մասպերօ, դը-Մօրգան ֆրանսիացիները:

Փարաւոնների հայրենիքը հնութիւնների մի անհուն շտեմարան է: Այժմ էլ նոյն եռանդով շարունակում են ուսումնասիրութիւնները. և Եգիպտոսի հին կեանքը, հազարամեակների պատմութիւնը գնալով աւելի և աւելի ընդարձակ շափերով է լոյս հանում իր բոլոր մանրամասնութիւնները:

Եգիպտոսից յետոյ հերթը գալիս էր այն հռչակաւոր դաշտավայրին, որ տարածուած է Եփրատ և Տիգրիս գետերի մէջ և հասնում է Պարսից Ծոցին — Միջագետք և Քաղղէա: Այս



դաշտի վրայ հազարաւոր տարիների փառաւոր կուլտուրա, ուժեղ քաղաքական կեանք կային հաստատուած: Բայց այստեղ պայմաններն ուրիշ էին: Քար ու ժայռ չը կայ այս երկրում: Եւ հնութեան յիշատակարանները չէին երևում հողի մակերևոյթի վրայ: Աղիւսն էր շինութիւնների ամենագլխաւոր նիւթը. քարը հեռուից էր բերւում և մասնաւոր գործածութիւն ունէր: Աւերակները ծածկուած էին հողով, ներկայացնում էին անյայտ բլուրներ դաշտի վրայ: Ճանապարհորդները մի քանի կտորներ էին գտել այդ կողմերում և տարել Եւրոպա: Դրանք միայն ցոյց էին տալիս եռանդուն և լուրջ, բազմածախս որոնումների անհրաժեշտութիւնը:

Եւրոպական կառավարութիւններն էին որ սկսեցին այդ գործը: Եւ ամենից առաջ Ֆրանսիական կառավարութիւնը: 1842 թուականին նա Մօսուլում հաստատեց փոխ-հիւպատոսութիւն՝ յատկապէս այն նպատակով, որ նա դառնայ հնագիտական աշխա-

տանքների կայարան: Այդ պաշտօնը  
յանձնուեց Ալէքսանդրիայի հիւպատոս  
Բօտտային, որ և իսկոյն գործի կպաւ,  
ձեռքի տակ ունենալով կառավարու-  
թեան կողմից նշանակուած յատուկ  
գումարները:

Մօսուլից էր սկսում գործը, որով-  
հետև այդ քաղաքի մօտ պիտի լինէր  
հաշակաւոր նինուէ մայրաքաղաքը, որ  
կործանուել էր 625 թ. Ք. առաջ և  
կործանուել էր այնպէս, որ մի երկու  
հարիւր տարի յետոյ ոչ ոք չը գիտէր  
Ասորեստանի այդ մեծ քաղաքական  
կենտրոնի տեղն անգամ: Բօտտան  
պեղումներ սկսեց կույունջիկ գիւղում,  
բայց շուտով դադարեցրեց աշխատան-  
քը, որովհետև մի գիւղացի ցոյց տուեց  
թէ Խորսաբաղ գիւղի բլուրը շատ  
հնութիւններ է պարունակում: Եւ ի-  
րաւ, Բօտտայի պեղումներն այդտեղ  
բաց արին մի ամբողջ արքունական  
պալատ: Աշխատանքները շարունակուե-  
ցին մօտ երկու տարի: Երևան հա-  
նուեց մի բոլորովին նոր աշխարհ – ա-  
սորական կուլտուրան իր հարուստ ա-

բուհատով, իր արձանագրութիւններով: Հնութիւններից ինչ որ կարելի էր տեղափոխել, ուղարկուեց Պարիզ:

Բօտտայի պեղումների ժամանակ Ասորեստանի կողմերում ճանապարհորդում էր երիտասարդ անգլիացի Սըր Հէնրի Լայարդը: Նա էլ լցուեց այդպիսի գործեր կատարելու ցանկութեամբ: Եւ Կ. Պօլսի անգլիական դեսպան Սըր Ստրատֆօրդ Կաննինգի աջակցութեամբ և հայթայթած դրամական միջոցներով նա 1845-ին սկսեց պեղումներ կատարել: Նրա անսովոր եռանդը, տոկունութիւնը, վառվռուն սէրը դէպի հնագիտութիւնը յաղթեցին բոլոր տեղական դժուարութիւններն ու արգելքները: Պեղումները նա սկսեց այնտեղ, ուր կիսատ էր թողել Բօտտան, Կուլունջիկ գիւղում <sup>1)</sup>: Այդտեղ նրան սպասում էր մի մեծ պատիւ: Բօտտայի բաց արած պալատը նինուէն չէր: Լայարդի պեղումներն էին որ Կուլունջիկի թումբի տակից

<sup>1)</sup> Joachim Menaut—, „Les Laugues perdias—Assyrie“. Paris, 1886 p. p. 45—71.

լոյս հանեցին տիեզերահռչակ նինուէն։ Անգլիական կառավարութիւնը հովանաւորեց երիտասարդ հնասէրին, առատ միջոցներ դրեց նրա տրամադրութեան տակ, եւ փոխարէնը լի ու լի վարձատրուեց։ Լայարդը շարունակեց իր աշխատանքները և ուրիշ տեղերում։ Նա ընդհատումներով գործեց մինչև 1852 թուականը և այնուհետև անցաւ Քաղղէա՝ այնտեղ եւ շարունակելու պեղումները։ Եւ նրա անխոնջ աշխատանքներով Բրիտանական Մուզէոնը լցուեց ասորա-բարելական հնութիւններով։ Ասորեստանում Լայարդին յաջորդեցին Ռաուլինսօնը և ուրիշները։ Անգլիական և Ֆրանսիական կառավարութիւնների մէջ մի ազնիւ մրցակցութիւն տեղի ունէր հնագիտական ուսումնասիրութիւնների վերաբերմամբ։ Թէև մեծ բաժինը Անգլիային էր ընկնում, բայց Ֆրանսիական կառավարութիւնն էլ մի ամբողջ գիտական արշաւախումբ ուղարկեց Բաբելոնն ուսումնասիրելու

համար: Պեղումները նորանոր յայտնագործութիւններ էին անում:

Այս բոլոր աշխատութիւնները գիտնական աշխարհին անհուն նիւթեր հայթայթեցին: Բևեռագիտութեան այն ճիւղը, որ վերաբերում է բարելաասորական աշխարհին, ընդարձակուեց, ահագին ծաւալ առաւ և ստացաւ «ասորագիտութիւն» անունը: Ասորական բևեռագրութիւնների ընթերցանութիւնն էլ միանգամայն հաստատուն գիտական հիմքերի վրայ դրուեց: Եւ երկու հռչակաւոր երկիրների—Քաղդէայի և Ասորեստանի հին կեանքն էլ լուսարանուեց ամենայն մանրամասնութիւններով: Թէ ինչ տեսակ հարըստութիւն էին ներկայացնում գետնի տակից փորուած նիւթերը, կարելի է հասկացողութիւն կազմել այս մի փաստից, որ Լայարդի պեղումները, ի միջի այլոց, բաց արին ասորական վերջին թագաւոր Ասսուր-Բանի-Պալի պալատը, որի մէջ գտնուեց մի ամբողջ մեծ մատենադարան: Ասորեստանցիները գրում էին աղիւսների վրայ, ո-

բոնց երկու երեսը ծածկում էին մանր սեպագրութիւններով: Նինուէի այդ մատենադարանում գտան մօտ տասը հազար այդպիսի աղիւսներ: Մատենադարանը բաղկացած էր վեց բաժանմունքներից. պատմութիւն, իրաւաբանական վաւերագրեր, բնական գիտութիւններ, կախարդութիւն, դաւանանքներ, առասպելներ <sup>1)</sup>:

Ներկայումս էլ դեռ շարունակում են ոչ միայն սեպագրութիւնների ուսումնասիրութիւնները, այլ և պեղումները: Այսպէս, 1889 թուականից ֆրանսիական կառավարութիւնը մի քանի անգամ գիտնական արշաւախմբեր ուղարկեց, հնագէտ Փ. դը Մօրգանի առաջնորդութեամբ, յատկապէս Շօշի աւերակները (հարաւային Իրանում, հին Քաղզէային սահմանակից) ուսումնասիրելու համար: Նշանաւոր եղան այդ արշաւախմբերի պեղումներն ու հետազօտութիւնները, երևան հանուեց հին Ելամը, մի ինքնուրոյն քա-

<sup>1)</sup> Joachim Menant—«La Bibliotheque du palais de Ninive», Paris, 1880.

դարակրթութիւն, որ շատ նշանաւոր պատմական դեր է կատարել հին աշխարհում:

Առհասարակ քննադատութեան և մասնաւորապէս ասորագիտութեան մէջ իրանց գիտական աշխատութիւններով հռչակ են ստացել ժիւլի Օպպերտ, Ժօախիմ Մէնան, Սմիթ, Սէայս, Հինքս, Ֆրանսուա Լընորման, Շէյլ և ուրիշները:

Այս բոլոր գիտնական մշակների ջանքերով էր որ յարութիւն առան հին, մեռած լեզուները, որոնք և միանգամայն կերպարանափոխեցին Արևելքի հին պատմութիւնը: Հայաստանը, մի մասնիկ այդ Արևելքի, իր բաժին լոյսերն ստացաւ այդ նոր ու մեծ գիւտերից՝ իր հնագոյն պատմութիւնը խաւարի միջից դուրս հանելու համար: Գարերի գերեզմանից դուրս եկաւ մի խոշոր եղելութիւն: Այն ժամանակ, երբ այժմեան հայ ժողովուրդը դեռ չէր հաստատուել հայկական լեռնաստանում, Ասորեստանի թագաւորները ստիպուած էին յաճախ արշաւանքներ

գործել դէպի այդ լեռնաստանը՝ այստեղի ըմբոստ և ազատասէր իշխողներին նուաճելու համար: Թագաւորները իրանց այդ արշաւանքները նկարագրել են սեպածև արձանագրութիւնների մէջ: Եւ ահա այդ գրութիւններն էլ դառնում են արտաքին կամ օտար աղբիւրներ Հայաստանի նախահայկական շրջանի պատմութեան համար:

Ասորական արձանագրութիւնները, տարաբախտաբար, միայն որոշ ժամանակամիջոցներ են լուսարանում Հայաստանի պատմութիւնը իրանց տեղեկութիւններով: Առաջին անգամ Հայկական Բարձրաւանդակը յիշատակողը Ասորեստանի Սալմանասար Ա. թագաւորն է (իբր 1330—1310 թ. Քրիստոսից առաջ): Այնուհետև գալիս է 200 տարուայ անյայտութիւն, որից յետոյ երևան է գալիս Թիգլաթ Պալասար Ա. (1108—1080) իր արշաւանքներով: Նորից գալիս է 200 տարուայ անյայտութեան մի շրջան: Բայց դրան յաջորդում է տեղեկութիւններով առատ մի շրջան, որ Թ դարի սկզբից տևում է



մինչև է դարը: Այս ժամանակի ասորական թագաւորները, որոնք արձանագրութիւններ են թողել Հայաստանի մասին, հետեւեալներն են. Թեզլաթ — Ադար Բ. (889—885), Ասսուր-Նազիրպալ (885—860), Սալմանասար Բ. (860—825), Շամսի-Ռամման Բ. (825—812), Ռամման-Նիրարի Գ. (812—783), Թեզլաթպալարսար Գ. (745—727), Սարգոն (722—705), Սեննախերիբ կամ Սենեքերիմ (705—682), Ասարհադդոն (682—668), Ասսուր-Բանիպալ (668—իբր 638) և Ասորհոդդոն Բ. (635—626)<sup>1)</sup>: Ասորական արձանագրութիւնները միայն Ասորեստանի գանազան վայրերում չեն գրտնուած. նրանից մի քանիսը փորագրուած են և Հայաստանի սահմաններում, ժայրերի վրայ:

Բայց նախահայկական Հայաստանը միայն արտաքին աղբիւրներով չը պիտի հանդէս բերէր իր պատմութիւ-

<sup>1)</sup> Յովսէփ վ. Սանտալճեան—«Ասորեստանեայ և պարսիկ սեպագիր արձանագրութիւնք», Վիեննա 1891.

նը: Երկիրը իր սեփական մեռած լե-  
 ղուն էլ ունէր, իր պատմութեան ներ-  
 քին, ազգային ազբիւրներն էլ ունէր,  
 որոնք սեպածն գրերով գրողմուած  
 էին ժայռերի վրայ: ԺՅ դարը այս  
 մեռած լեղուն էլ կենդանացնելու մե-  
 ծամեծ ջանքեր արաւ և կարողացաւ  
 այնքան յաջողութիւն ձեռք բերել, որ  
 Հայաստանի ժայռերն էլ ընդհատեցին  
 իրանց դարաւոր լռութիւնը և խօսել  
 սկսեցին, առատ նիւթեր տալով հնա-  
 խոյզներին:

### 3. ՎԱՆԵԱՆ ՍԵՊԱԳԻՐՆԵՐ

Տեղական, ազգային արձանագրութիւնները մեծագոյն մասամբ Վան քաղաքի շրջանում են կենտրոնացած և ստացան դիտութեան մէջ «Վանեան» անունը, որ միաժամանակ թէ տեղն էր արտայայտում և թէ այն պետութիւնը, որ դրանց հեղինակն էր հանդիսանում: Յետոյ, երբ արձանագրութիւններ զանուեցին և ուրիշ շատ տեղերում, այդ անուան հետ սկսեց յաճախակի գործ ածուել և «Ուրարտական» անունը:

Առաջին եւրոպացի դիտնականը, որ գնաց Վան՝ յատկապէս սեպաձև արձանագրութիւններն ուսումնասիրելու համար, պրոֆէսոր Շուլցն էր, ու-

րին ուղարկել էր Ֆրանսիական կառավարութիւնը 1827 թուին: Հետեւալ տարին, 1828-ին, Շուլցն ընդօրինակեց 38 արձանագրութիւն, որոնցից 18-ը Վանի մէջ և նրա արուարձաններում, 1 արձանագրութիւն Լէզք (Կալաջիկ) գիւղում, 2-ը՝ Շուշանց, 2-ը՝ Արտամէտ, 1-ը՝ Սըղգա գիւղերում, 9-ը՝ Վարագի լեռան գանազան կողմերում, 1-ը՝ Աղթամար կղզում, 1-ը՝ Մանազկերտում, 2-ը՝ Արճէշում, 1-ը՝ Կէլիշին գիւղի մօտ, թիւրք-պարսկական սահմանի վրայ: Այդ ընդօրինակումները նա ուղարկեց Պարիզ, բայց ինքն ալիւս չը կարողացաւ վերադառնալ Եւրոպա: Նոր ձեռնարկութիւնը, որ ահագին գիտական հետաքրքրութիւն պիտի շարժէր և նոր հորիզոն բաց անէր մարդու մտքի առջև, կարծես գոհ էր պահանջում առաջին և եթ քայլում: Շուլցը այդ նոր գիտութեան նահատակը դարձաւ, սպանուելով մի բուրդ ցեղապետի ձեռքով:

Շուլցի ընդօրինակութիւնները հրա-

տարակուսեցին 1840 թուին Պարիզի «Journal Asiatique» ուսումնասիրութի մէջ: Նոյն այդ միջոցին գերմանացի մի սպայ, Միւլլրախ, գտաւ մի սեպաձե արձանագրութիւն Մալաթիայում<sup>1)</sup>, մի գիւտ, որ ցոյց էր տալիս թէ միայն Վանի մէջ և նրա շրջականերում չը պէտք է որոնել Վանեան՝ դեռ անծանօթ յիշատակարանները:

Շուրջի մեծ գիւտը զրդիչ հանդիսացաւ, որ Հայաստանի սեպաձե արձանագրութիւնները Եւրոպայում առաջացնեն աչքի ընկնող հետաքրքրութիւն: Ասորեստանում և Բաբելոնում աշխատող ասորագէտները յատուկ ճանապարհորդութիւններ կատարեցին Հայաստանում՝ այդտեղի արձանագրութիւնները գիտելու համար: Նոյն 1840-ական թուականներին Ֆրանսիացի դը Սուրք գիտնականը մի սեպաձե արձանագրութիւն գտաւ Բասենում, Հասան-Կալէի մօտ<sup>2)</sup>, իսկ մեզ քաջա-

<sup>1)</sup> S. Guyard—«Mélanges d'Assyriologie», Paris 1883 p. 113.

<sup>2)</sup> H. Hyvernats—«Notices sur la Géographie et l' Histoire ancienne de l'Arménie et les Inscriptions

ծանօթ Լայարդը 4 արձանագրութիւն Վանու մ' արտագրեց և մի հաս էլ Պալուի մօտ, Եփրատի վրայ: Հետաքրքրութիւնը հաղորդուեց և այն ժամանակուայ ամենաձեռնհաս հայ հիմնարկութեան — Վենետիկի Մխիթարեան միաբանութեան, որի «Բագմավէպ» ամսագիրը սկսեց մի մի անգամ տեղեկութիւններ տալ սեպագրութիւնների մասին: Միաբանութեան անդամներից մէկը, Հ. Ներսէս Սարգիսեանը 1840-ական թուականներին իր կատարած ճանապարհորդութեան միջոցին ընդօրինակեց Վանի սեպագրութիւններից 8 հատ, որոնք տպուեցին յետոյ <sup>1)</sup>:

1860-ական թուականներից բեկոսած և արձանագրութիւններ երկան են հանուում և Ռուսական Հայաստանի սահմաններում: Այս գիւտերի պատիւը պատկանում է Էջմիածնի միաբան-

Cunelformes de Bassin de Van» (Տես P. Muller—Simons—«Du Caucase au Golfe Persique», Paris 1892 p. 552).

<sup>1)</sup> «Տեղագրութիւնք ի Փոքր և ի Մեծ Հայոս», Վենետիկ 1864, էր. 258—263:

ներից մէկին, Մեսրոպ վարդապետ (յետոյ արքեպիսկոպոս) Սմբատեանին, որ շունենալով ոչ մի մասնագիտական պատրաստութիւն, նոյն իսկ փոքր ի շատէ ընդարձակ կրթութիւն, այլ լինելով լոկ հնութիւններ սիրող, ուշադրութեան առարկայ է դարձնում սեպածե արձանագրութիւնները և հետզհետէ, տասնեակ տարիների ընթացքում, գտնում է այդպիսի արձանագրութիւններ և հաղորդում գիտնականներին: Առաջին արձանագրութիւնը նա գտել է Երևանից Դիլիջան տանող խճուղու էլառ իջևանում 1862 թուականին: Տեղացի քահանան պատմում է նրան թէ այդտեղ կայ մի հին բերդ, որի ետևում, ժայռի վրայ, փորուած են ինչ-որ տարօրինակ նշաններ — ծաղիկներ արդեօք թէ նշանագրեր — ոչ ոք չէ կարողանում բացատրել: Մեսրոպ վարդապետը տեսնում է ցոյց տուած ժայռը և որովհետև կարգացած էր Վենեաիկի «Բազմավէպ» ամսագրի մէջ մի քանի յօդուածներ սեպագրի մասին, իսկոյն

ըմբռնում է որ էլատի այս արձանագրութիւնն էլ սեպածե է: Եւ ընդօրինակելով արձանագրութիւնը, ուղարկում է Մոսկուա Մսեր մագիստրոս Մսերեանցին, որ և հրատարակում է «Համբաւարեր Ռուսիոյ» հայերէն շաբաթաթերթի մէջ<sup>1)</sup>: Այնուհետեւ Սմբատեանն արտագրեց, նոյն 1862-ին, մի մեծ սեպածե արձանագրութիւն (20 տող), որ փորագրուած էր Սեանի լճի հարաւային ափին ցցուած մի ժայռի վրայ, Ալիշալու գիւղի մօտ: Այդ աշխատանքը հեշտ չը կատարուեց, քանի որ պէտք էր նաւակով մօտենալ այն ժայռին, որի վրայ փորուած էր արձանագրութիւնը<sup>2)</sup>: Մի ուրիշ արձանագրութիւն էլ գտնուեց Ադամխան գիւղի մօտ, նոյն լճի հարաւարեմտեան անկիւնում: Այս երկու արձանագրութիւններն էլ հրատարակուեցին «Համբաւարեր Ռուսիոյ» թերթի մէջ:

<sup>1)</sup> 1863 № 53, 7 դեկտեմ.

<sup>2)</sup> Մեորոպ արքեպիս.—«Տեղագիր Գեղարքունի Մովազարդ դաւառի», Վաղարշապատ 1895, էր. 232—235.



1864 թուին ակադեմիկոս Կեստնե-  
րը իր ճանապարհորդութեան միջոցին  
երկու սեպագիր արձանագրութիւններ  
գտաւ. մէկը Ալէքսանդրապօլից 7 վերստ  
հիւսիս, Ղանլիջա գիւղի մօտ, միւսը՝  
Մեծ Մասիսի ստորոտում, Տոչբուրուն  
գիւղի մօտ: Այդ արձանագրութիւննե-  
րը հրատարակուեցին Պետերբուրգի  
Ակադեմիայի պաշտօնական հրատա-  
րակութիւնների մէջ<sup>1)</sup>: Մի քանի տա-  
րուց յետոյ, այն է՝ 1869-ին, Մեսրոպ  
վարդապետ Սմբատեանը սեպաձև ար-  
ձանագրութիւն գտաւ Արարատեան  
երկրի մի ուրիշ վայրում—Սարդարա-  
բադի գաւառում, Արաքսի ձախ ափին,  
Թափագիրի հայ գիւղի մօտ, այն բլու-  
րի վրայ, ուր ենթադրուում է թէ զըտ-  
նւում էր Արմաւիր քաղաքը: Արձա-  
նագրութիւնը մի կտոր քարի վրայ էր,  
որ փոխագրուեց էջմիածին, իսկ նրա  
ընդօրինակութիւնը տպագրուեց «Ա-  
րարատ» ամսագրի մէջ<sup>2)</sup>: Ապագան

<sup>1)</sup> «Bulletin de l'Académie Imperiale des Sciences de S. Pétersbourg», t. V p. 428—435, t. VII p. 275—181.

<sup>2)</sup> 1869 թ. № 6, էր. 138:

ցոյց տուեց որ այս տեղը նախահայկական շրջանում մի շատ կարևոր կենտրոն է եղել: Մեսրոպ եպիսկոպոսը զանազան ժամանակ գտաւ այդ տեղ նորանոր սեպագիր արձանագրութիւններ, ընդամենը 12 հատ<sup>1)</sup>:

1878 թուին Ա. Երիցեանը մի սեպագիր արձանագրութիւն գտաւ Սարիղամիշում, Կարսի մօտ, որ ուղարկուեց Թիֆլիսի թանգարանը:

1883 թուականին դարձեալ Սևանի լճի եզերքներում, այն է Օրդակու (հիւսիս-արևմտեան կողմ) և Զաղալու (հարաւ-արևելեան) գիւղերի մօտ, երևան հանուեցին երկու արձանագրութիւն, իսկ հետեւեալ 1889-ին՝ մի նոր արձանագրութիւն, այս անգամ արդէն Արագած սարի հիւսիս-արևմտեան կողմում, Ղուլիջան գիւղի մօտ<sup>2)</sup>: 1886-ին երկու նոր արձանագրութիւն գտնուե-

<sup>1)</sup> 12-րդ արձանագրութիւնը տես «Արարատ» 1896 թ. էր. 512:

<sup>2)</sup> Արձանագրութիւն գտնողն էր տեղացի ներսէս Յարութիւնեանը, որ և հաղորդեց Մեսրոպ եպիսկոպոսին:

ցին Տաշրուրուն գիւղում, այնտեղ, ուր, հայ հնասէրների կարծիքով, հին Յուրակերա բերդն էր գտնւում: Այս բուրբ արձանագրութիւնները Մեսրոպեայ. Սմբատեանի ձեռքով հրատարակուեցին «Արարատ» ամսագրի մէջ:

1870-ական թուականների վերջում վերսկսուեցին հնագիտական խուզարկութիւնները Թիւրքաց Հայաստանում, գլխաւորապէս Վանի շրջանում: Վանի անգլիական հիւպատոս կապիտան Բլէյտըն և անգլիացի ասորագէտ Հորմուզդ Ռասսամ, որ առաջներում Լայարդի օգնական էր եղել Նինուէի պեղումների ժամանակ, 1879—1880 թուականներին ձեռնարկեցին պեղումների՝ նախահայկական հնութիւններ երևան հանելու համար: Պեղումները կատարուեցին այն բարձրութիւնների վրայ, որ գտնւում է Վանի հիւսիս-արևելեան կողմում և կոչւում է Զրմփ-զրմփ-գաղ և որի գագաթի վրայ եղած աւերակները կոչւում են Թոփրակ-կալէ (Հողէ բերդ): Որ այս հնութիւնը պէտք է լինէր մի նշանա-

ւոր նախահայկական կենտրոն, այդ  
ցոյց էր տալիս և նոյն Զրմփ-զրմփ-



Վան. — Մհերի դուռը  
դադի արևելեան ծայրում գտնուող  
Մհերի դուռ (Մհեր կափասի) ժայռը

որի վրայ մի շատ մեծ սեպագիր արձանագրութիւն է փորուած: Երկու անգլիացիների պեղումները նշանաւոր հետեանքներ տուին, սակայն նրանց անփութութեան շնորհիւ՝ հողի տակ գտնուած իրերի մեծ մասը յափշտակեցին բանուորները <sup>1)</sup>: Այնուամենայնիւ, մի մասը եւրոպական թանգարանների (օր. Լոնդոնի և Բերլինի) սեփականութիւն դարձաւ: Նախահայկական կուլտուրայի վերին աստիճանի հետաքրքրական յիշատակարաններ էին այդ պեղումներից հանուած իրերը: Հորմուզդ Ռասսամը բացի դրանից գտաւ և ընդօրինակեց մինչև 14 հատ նոր սեպածե արձանագրութիւններ, որոնցից 1-ը՝ Վանի մէջ, 2-ը՝ Ծրվստան գիւղում, 3-ը՝ Շուշանց գիւղում, 2-ը՝ Վարագում, 2-ը՝ Սըղգա գիւղում, 2-ը՝ անյայտ տեղերում և 1-ը՝ Արճէշի մօտերքը: Այս արձանագրութիւնները հրատարակեց մեծանուն աստղագէտ պրոֆէսոր Սէյսը (Օքսֆորդի համալսարան) նախահայկական արձանագրու-

<sup>1)</sup> Линчъ—«Арменія», т. II, С. 19.

թիւնների շարքի մէջ <sup>1)</sup>: Իսկ հիւպատոս Քլէյտընը մի սեպաձև արձանագրութիւն գտաւ 1881-ին Մուշի դաշտում: Յաջորդ տարին պրոֆէսոր Յովսէփ Վունշ մի արձանագրութիւն երեւան հանեց Վանի մօտ գտնուող Սալխան գիւղի արևելեան կողմում. 1885-ին մի արձանագրութիւն ուղարկուեց Խոշաբի Աստուածաշէն գիւղից Վանի վաճառական Տէվկանցին: Դոկտոր Պօլակը ընդօրինակեց նրան: Այս երկու արձանագրութիւնը հրատարակեց դոկտոր Դ.—Հ. Միւլէրը Վիենայում 1886-ին <sup>2)</sup>:

1888—1889 թուականներին երկու ֆրանսիացի կրօնաւորներ, Միւլէր-Սիմօնի և արքայ Հիվերնա Վանում տեղեկութիւններ հաւաքելով, պարզեցին որ դեռ շատ կան անձանօթ մնացած սեպագրութիւններ: Կաթօլիկ միսիօնար Դիւպլանը տուեց նրանց երկու արձանագրութիւնների (մէկը Վանի,

<sup>1)</sup> H. Hyverned, p. 542—560.

<sup>2)</sup> J. Sândalgian—«Les Inscriptions Cuneiformes Urartiques», Venise 1900 p. 218.

միւսը Բաղնոցի մէջ գտնուած) ընդ-  
օրինակութիւնները, մի արձանագրու-  
թիւն էլ տուեց ամերիկացի միսիօներ  
Ռէյնոլդսը: Արբա Հիվերնա կարողա-  
ցաւ մի արձանագրութիւն ընդօրինա-  
կել Ետի-Քիլիսէ տեղում և եօթ հաս  
հատակտորներ Վանում <sup>1)</sup>: 1891-ին  
ժ. դը-Մօրգանը կելիշինի սիւնի վը-  
րայ, բացի արդէն ծանօթ արձանա-  
գրութիւնից, գտաւ և մի ուրիշը, որ  
աննկատելի էր մնացել մինչև այդ <sup>2)</sup>:  
Մի և նոյն տարին Վանի անգլիական  
հիւպատոս Դէվէյը գտաւ և ընդօրի-  
նակեց մի նոր արձանագրութիւն <sup>3)</sup>:

Գարձեալ 1891 թուականին գեր-  
մանացի ուսումնական դօկտօր Վոլդե-  
մար Բէլքը, որ քիմիկոսի պաշտօնով  
ժառայում էր Գետարէկի պղնձահան-  
քում, մի երկար ճանապարհորդութիւն  
կատարեց Գանձակի և Երևանի նա-  
հանգներում և Ասիական Թիւրքիայի

<sup>1)</sup> Hyvernat, p. 560.

<sup>2)</sup> De Morgan—«Mission Scientifique en Perse»  
t. IV, 1 partie, Paris 1896, p. 266.

<sup>3)</sup> Sandaljian, p. 55.



Կելիւրի արձանագր.



Վանի և Էրզրումի վիլայեթներում  
 յատկապէս սեպաձև արձանագրութիւն-  
 ներ ուսումնասիրելու համար: Անդր-  
 կովկասի սահմաններում նա առանձին  
 յաջողութիւն շունեցաւ: Կամենայնով  
 ճշտել ուրարտական արձանագրութիւն-  
 ների տարածման հիւսիսային սահման-  
 ները, հնախոյզ գերմանացին ման-  
 րակրկիտ որոնումներ արաւ Կուր և  
 Արաքս գետերի մէջ բարձրացած լեռ-  
 նաշխարհում, բայց նոր բան չը գտաւ  
 և բաւականացաւ արդէն յայտնի մի  
 քանի արձանագրութիւններ նորից ար-  
 տագրելով: Անհամեմատ արդիւնաւոր  
 հանդիսացան Բէլքի հնախուզութիւն-  
 ները թիւրքաց Հայաստանի սահման-  
 ներում: Այստեղ նրան յաջողուեց  
 գտնել, գլխաւորապէս գանազան մաս-  
 նաւոր տներում, դեռ անյայտ 7 հատ  
 սեպագրութիւններ<sup>1)</sup>, որոնցից 4 հատ

<sup>1)</sup> Sandaljian, p. 50 et suiv. Ինքը Բէլքը հաշ-  
 ւում էր իր գտած արձանագրութիւնների թիւը 31,  
 բայց այս թաւի մէջ, երևի, մտնում էին և արդէն  
 յայտնի արձանագրութիւնների նոր, աւելի քիչ տ-  
 ընդօրինակումները (Տ. շահդէս Ամսօրեայ Վիեննա,  
 1893 եր. 23):

Արտամէտ, 1 հատ Իշխանագոմ գիւղերում, 1 հատ Վանում և 1 հատ Քէշիշ-Գեօլ տեղում, Վանի մօտ, Վարազի լեռների սահմանում: Միաժամանակ դոկտոր Բէլքը մի քանի հնագիտական հետախուզութիւններ արւելք արտական հնութիւնների շրջանում, և ցոյց տուեց գիտնական աշխարհին թէ անհրաժեշտ է աւելի ընդարձակ ուսումնասիրութիւններ կատարել տեղն ու տեղը, մանաւանդ շարունակել եռանդով որոնել սեպագրութիւններ, որոնցից, ինչպէս հաւատացած էր նա, դեռ շատ պիտի գտնուէին:

Եւ այս միանգամայն ճիշտ էր: Նոյն այդ տարին Երևանի հանդում, Գանլիթափա (Արնաբերդ) տեղում, սեպագիր արձանագրութեամբ ծածկուած մի քար գտաւ նորքեցի Նազար Մատթէոսեանը <sup>1)</sup>: 1892-ին մի նոր սեպածե արձանագրութիւն գտնուեց դարձեալ հին Արմաւիրի մօտերքը, Սարգարաբատ գիւղում, Էջմիածնի միաբան Գա-

1) Մեսրոպ արքեպիս.— «Գեղարքունի», եր. 177.

լուստ Տէր-Մկրտչեանի ջանքերով <sup>1)</sup>։

Դօքտոր Բէլքի, ինչպէս և սրանից առաջ Հիվերնայի և Միւլլէր-Սիմօնիի կատարած ուսումնական ճանապարհորդութիւնները, որոնց մի մասը, ինչպէս տեսանք, տեղի ունեցաւ Ռուսական Հայաստանի սահմաններում, դրրդիչ հանդիսացան որ ռուս գիտնականներն էլ առանձին ուշադրութիւն դարձնեն գոնէ իրանց պետութեան սահմաններում եղած արձանագրութիւնների ուսումնասիրութեան վրայ։ Մոսկովայի Ռուսաց Կայսերական Հնագիտական Ընկերութեան յանձնարարութեամբ 1893-ի ամառը Անդրկովկաս ուղևորուեցին նրա անդամներից երկուսը՝ Մ. Նիկոլսկի և Ա. Իւանովսկի, որոնք մանրամասն ուսումնասիրութիւնների ենթարկեցին Կարսի և Երևանի նահանգներում գտնուած սեպագրութիւնները, վերցրին նրանց ձիշտ ընդօրինակութիւնները և պարզեցին շատ պատմական և աշխարհագրական հանգամանքներ, որ ցոյց էին

<sup>1)</sup> «Արարատ» ամսագիր, 1892, էր. 423 և 554.

տալիս արձանագրութիւնների տեղերը: Այդ հետազօտութիւնները հրատարակուեցին 1894—1896 թուականներին և բարձր գնահատութիւն գտան եւրոպական մասնագէտ շրջանների մէջ<sup>1)</sup>: Մինչև այս աշխատութեան հրատարակումը, 1895-ին, մի նոր արձանագրութիւն էլ գտնուեց Արաքս գետի աջ ափին, Արմաւիրից ոչ հեռու, կարակալա անունով աւերակների մօտ: Այդ արձանագրութիւնը էստամպածով ընդօրինակեց Մեսրոպ վարդապետ (այժմ եպիսկոպոս) Տէր-Մովսիսեանը<sup>2)</sup>: Նոյն այդ տարին էլ Բաղնոց գիւղի (թիւրքաց Հայաստան) եկեղեցում մի արձանագրութիւն գրտաւ Դոմինիկեան կաթօլիկ կրօնաւոր, մի և նոյն ժամանակ և յայտնի բեւեռագէտ Շէյլը<sup>3)</sup>:

Բայց նախահայկական հնագիտու-

<sup>1)</sup> Материалы по археологии Кавказа. Вып. V. Клинообразные надписи Закавказья, исследование М. В. Никольского, М. 1896. Вып. VI.—По Закавказью. А. Ивановского, М. 1911.

<sup>2)</sup> Никольский, с. 57.

<sup>3)</sup> Sandaljian, p. 168.


Թեան տարեգրութիւնների մէջ առանձնապէս պէտք է շեշտել 1898 և 1899 թուականները, երբ գերմանացի երկու գիտնականներ, մէկը մեզ արդէն ծանօթ դոկտոր Վօլդեմար Բէլք և միւսը՝ պրօֆէսօր Լէման-Հաուպտ, մասնագիտութեամբ ասորագէտ, երկար ճանապարհորդութիւններ կատարեցին Անդրկովկասում, Պարսկաստանում և Ասիական Թիւրքիայում, նպատակ ունենալով «ծանօթանալ Սալդեան (Վանեան, Ուրարտեան) բնեռագիր արձանագրութիւնքը կրկին համեմատել, նոյն կարգի ուրիշ բնեռագրութիւններ փնտռել և միանգամայն իրենց անցած երկիրներն ըստ կարելիութեան և պիտոյից՝ աշխարհագրօրէն ուսումնասիրել»<sup>1)</sup>։ Ուսումնական արշաւանքը դրամական առատ նպաստներ ստացաւ. դրանց մէջ էին և Վիլհելմ կայսրի, գիտութիւնների Ակադեմիայի և այլ հաստատութիւնների նըպաստները։ Եւ այդ ուղևորութիւնն

<sup>1)</sup> Հ. Ե. Տ.—«Տեղեկագիր քննական ուղևորութեան մի շաքա Վ. Բելքի և Կ. Ֆ. Լէմանի» «Հանդէս Ամսօրեայ», 1899, եր. 281.

ընդհանրապէս մեծ նշանակութիւն ստացաւ նախահայկական պատմութիւնն ուսումնասիրելու համար. մասնաւորապէս մեծ էին նրա արդիւնքները Թիւրքաց Հայաստանում և յատկապէս Վանում, ուր, չը նայած նախորդ այցելուների խուզարկութիւններին, գերմանացի գիտնականները գտան բազմաթիւ նոր արձանագրութիւններ: Մինչև այդ գտնուած և հրատարակուած էին մօտ 80 արձանագրութիւններ. Բէլքն ու Լէմանը դրանցից 70 հատ նորից համեմատեցին և ստուգեցին և բացի դրանից գտան մօտ 60 հատ նոր արձանագրութիւններ, որոնցից, սակայն, 10 հատի նկարագրութիւնն են տուել, մնացածների մի մասը հատակոտորներից է բաղկացած: Գլխաւոր արձանագրութիւններից մէկը, ասորական լեզուով, գտնուած է Կոշանլու գիւղի մօտ, Մանազկերտից ոչ հեռու, և մի մի հատ Վանի բերդի ժայռերի վրայ, Վանի «Գուրշուն» մզկիթում, ս. Մահակ և երկուսը ս. Պօղոս եկեղեցիներ:

րում, Սարակոնիս գիւղի մօտ, Ար-  
ճակ լճի ափին, երեք հատ Ար-  
ճէշի շրջանում, մի հաս էլ Քէշիշ-  
գեօլի մօտերքը: Նշանաւոր է և այն  
արձանագրութիւնը, որ գտնւում է  
Ուրմիայի լճի հարաւային կողմերում,  
Ռվանդուզի Սէդկան գիւղի մօտ, Կի-  
լիշէից ոչ հեռու: Յայտնի էր որ կայ  
այդպիսի մի արձանագրութիւն, բայց  
Բէլքն ու Լեմանն էին, որ առաջին  
անգամ, ահագին դժուարութիւններով  
ընդօրինակեցին արձանագրութիւնը,  
որ ցոյց է տալիս Ուրարտական իշխա-  
նութեան տարածման հարաւային ծայ-  
րը: Երկու գիտնականները նոյնպէս  
պեղումներ կատարեցին մեզ ծանօթ  
Թոփրաք-կալէի աւերակների մէջ, և  
առանձնապէս հետամուտ եղան նա-  
խահայրերի կուլտուրայի ուսումնասի-  
րութիւնը նորանոր հետաքրքրական  
փաստերով հարստացնելու համար:

Գիտնական այս մեծ արշաւանքի  
տարին (1899) Մարգար Եաղուբեան  
անունով հայր, աշակերտ Սարբերդի  
ամերիկական կոլլէջի, գտաւ մի սե-



Քարակ-կալի պեղումներ



պագրութիւն կիզիլ-գալա գիւղի կող-  
քին, Սարբերդի մօտ <sup>1)</sup>), իսկ հետեւեալ  
տարին, 1900 ին, մի մեծ սեպածե ար-  
ձանագրութիւն երևան հանեց Սաշիկ  
վարդապետ Դադեանը էջմիածնի մօտ,  
Զուարթնոց եկեղեցու աւերակների  
մէջ <sup>2)</sup>։ Տասը տարուց յետոյ (1910)  
մի արձանագրութիւն գտաւ գերմա-  
նացի կոմս Կունից Մակուի խանու-  
թեան մէջ։ Այդ արձանագրութիւնը  
հրատարակել է և թարգմանել պրօ-  
ֆէսօր Սէյսը 1912-ին <sup>3)</sup>։ Նոյնպէս  
1910 ին էր, որ էջմիածնի միաբա-  
նութեան անդամ Յուսիկ արքեպիս-  
կոպոսի ջանքերով արտագրուեցին և  
«Արարատ» ամսագրի մէջ հրատարա-  
կուեցին երկու սեպագրութիւններ,  
որոնք գտնուել էին թիւրքական Բա-  
սենի և Ալաշկերտի սահմաններում,  
Դէլի-Բաբա և Եազլի-դաշ գիւղերում։

1) Կ. Բասմաջեան—, Հայկական նորագիւտ բե-  
ւոտագիր մըն ալ՝ («Բանասէր» ուսումնաթիւրթ,  
Պարիզ, 1899, եր. 289—292)։

2) «Արարատ» ամսագիր, 1900, եր. 380։

3) Յ. վ. Սանաւճեան—, «Նորագիւտ Ուրարտեան  
սեպագիր արձանագրութիւնք» («Հանդէս Ամսօ-  
րեայ» 1913, էջ 407)։

Գտնողը և արտագրողը Կ. Տէր-Աղէքսանդրեանն էր: Առաջինը, բաղկացած 9 տողից, Դէլի-Բարայի հայ եկեղեցու պատի մէջ է գտնւում: Երկրորդը բաղկացած է մի տողից <sup>1)</sup>:

Այս է ութսուն և երկու (1819—1910) տարիների ընթացքում հաւաքուած սեպագրական և հնագիտական մթերքը, որի վրայ գլխաւորապէս պիտի կառուցուի Հայաստանի պատմութիւնը նախահայկական շրջանում: Բայց հաւաքելը բաւական չէր: Աւելի դժուար խնդիր էր դրւում մասնագէտ եւրոպացի գիտնականների առջև—արձանագրութիւնների վերծանութիւնը: Այս ուղղութեամբ երկար աշխատած, բայց արդիւնքի չը հասած եւրոպացի գիտնականներից կը յիշատակենք Էդուարդ Հինքսին (1848): Ամենագժուար հարցն այն էր թէ ի՞նչ լեզուով են գրուած այդ սեպածև արձանագրութիւնները: Առաջին հայեացքից աւելի քան հաւանական էր թւում թէ այդ

1) „Արարատ“ ամսագիր, 1910, եր. 189, 576:

լեզուն պիտի լինի հայերէնը: Այսպէս յայտարարեցին Վենետիկի Մխիթարեան վարդապետները դեռ 1845-ին, երբ նոր էին հրատարակուել Շուլցի ընդօրինակած արձանագրութիւնները: Գլխնական վարդապետների համար այս հանգամանքը պարզ էր այն պատճառով, որ Խորենացու վկայութեամբ Վանի արձանագրութիւնները գրել է Շամիրամ թագուհին. իսկ Շամիրամը գրելով ժողովրդի համար, պիտի, ի հարկէ, գործածէր նրա լեզուն: Եւ որովհետեւ հայկական տառերի գիւտի պատմութիւնն ասում է թէ առաջներում էլ հայերի մէջ գոյութիւն ունէր գրութեան ձև, ուստի հետևեցնում էին թէ այդ հին գրութիւնը պիտի լինէր սեպաձևը <sup>1)</sup>:

Այս ուղղութեամբ սկսեց աշխատել սեպագրութիւնների վրայ գերմանացի դոկտոր Մօրդմանը, յայտնի արևելագէտ, որ գերմանական հիւպատոսի պաշտօն ունէր Կ. Պօլսում: Համոզուելով որ Վանեան սեպագրութիւնների

<sup>1)</sup> „Բագմավէպ“ Վենետիկ, 1845, եր. 46:

մէջ խօսում է հին հայերէն լեզուն, գրաբարը, Մորդմանը սկսեց հայերէնի միջոցով էլ թարգմանել այդ արձանագրութիւնները<sup>1)</sup>։ Մասնաւոր փորձերից անցնելով ընդհանուրին, Մորդմանը 1871 թուականին գերմանական թերթերից մէկում տպեց մի ընդհանուր յօդուած Վանեան արձանագրութիւնների մասին, դնելով նրա մէջ իր ընթերցումներով լուսարանուած մի քանի արձանագրութիւններ<sup>2)</sup>։ Այս նախափորձին հետևեց մի ընդարձակ աշխատութիւն, որ տպուեց 1882-ին և որի մէջ Մորդմանը տուեց մինչև այդ յայտնի բոլոր սեպածև արձանագրութիւնների թարգմանութիւնը։ Բայց գերմանացի արևելագէտի այս անխոնջ ջանքերը վերջ ի վերջոյ դուրս եկան ապարդիւն։ Նա առհասարակ թոյլ ծանօթութիւն ունէր բևեռագիտութեան

<sup>1)</sup> Տ. օրինակ, Ղանլիջայի արձանագրութեան թարգմանութիւնը „Բաղմավէպ“, 1865, եր. 232:

<sup>2)</sup> Թարգմանել և հրատարակել է Գէորգ Արգուլլահեան — „Հայ բևեռածև արձանագրութիւնք, լուսարանեայ ի Մորթմանայ“, Կ. Պօլիս, 1873. Տ. և „Արարատ“ ամսագիր, 1872, № 4—6:

հետ և բոլորովին անծանօթ էր ասորական լեզուին: Եւ այս պատճառով էր որ Վանեսան արձանագրութիւններից մէկը, գրուած ասորական լեզուով, նա բացատրեց դարձեալ իբրև հայերէն լեզուով գրուած <sup>1)</sup>: Մորդմանի աշխատութիւնը գիտական արժէք չը ստացաւ:

Միաժամանակ առաջացաւ և աւելի հաւանական ընդունուեց զբան բոլորովին հակառակ մի կարծիք: Անգլիացի բեռագէտ Ռաուլինսօնը առաջինն էր, որ սկսեց պնդել թէ ուրարտացիները ոչինչ նմանութիւն չեն ունեցել հայերին և թէ Վանեսան արձանագրութիւնների լեզուն ոչ մի ազգակցութիւն չունի հայերէնի հետ: Նոյն այս կարծիքն ունէր և Ֆրանսուա Լընորմանը, որ և առաջին անգամ յայտնեց այն միտքը թէ Վանեսան արձանագրութիւնների լեզուն աւելի մօ-

<sup>1)</sup> М. Никольскій— „Клинообразныя надписи Ванскихъ царей, открытыя въ предѣлахъ Россіи“ («Древности Восточныя», т. I, вып. III, Москва 1893 с. 376).

տիկ է վրացերէնին, հետեաբար կարելի է ասել թէ նախահայերը արիացիներ չէին, այլ վրացիները հետ միասին պատկանում էին կովկասեան ցեղերի ընտանիքին<sup>1)</sup>: Թէև այդ միջոցին սեպագրութիւնների վերծանութեան բանալին իսկապէս դեռ չէր էլ գտնուել, բայց Ֆրանսիացի նշանաւոր արևելագէտը իր այդ ցուցմունքով առաջին հետքերն էր բաց անում բազմադարեան անթափանցելի գաղտնիքը բաց անելու համար: Ապագայ հետազօտութիւնները պիտի ցոյց տային միայն այն, որ Լընօրմանը իսկապէս մի երևելի գիւտ էր արել: Մի գիւտ, սակայն, որ դեռ հարցի վերջնական լուծումը չէր: Հարցի լուսարանութեան էր ծառայում և անուանի հայագէտ պրօֆէսօր Բերովըէ Պատկանեանի հակաճառութիւնը Լընօրմանի այս գիւտի առիթով: Պատկանեանը չէր ընդունում որ սեպագրութիւնների լեզուն վրա-

<sup>1)</sup> Fr. Lenormant—„Lettres Assyriologiques“, Paris 1871 t. I (Lettre 2—Sur l'Histoire de l'Arménie avant les Achéménides), 124—126).

ցերէնի ազգակից լինի, բայց միանգամայն անսխալ շէր գտնում և Մորդմանի սիստեմը: Իր կողմից նա առաջ էր բերում մի նոր տեսութիւն.—արձանագրութիւնների հեղինակները անշուշտ հայերն էին, բայց նրանց այն ժամանակուայ գործածական լեզուն կորել է, թողնելով շերտաւորումներ հին հայերէնի մէջ, շերտաւորումներ, որոնք հայոց արիական լեզուի մէջ մի ինչ-որ անձանօթ, ոչ-արիական տարր են կազմում <sup>1)</sup>: Այս հակաճառութիւնը շէր հերքում Լընորմանի գիւտը, այլ միայն լրացնում էր:

1880-ական թուականների սկզբում Վանեան սեպագրութիւնների վերձանութեան գործը ամուր գիտական հիմքերի վրայ դրուեց շնորհիւ ֆրանսիացի արաբագէտ և ասորագէտ Ստանիսլա Գիւլեարի մի քանի ցուցմունքների, որոնք կարողութիւն էին տալիս նոյն իսկ շօշափել անձանօթ լեզուի քերա-

<sup>1)</sup> К. Паткановъ—„Ванскіе надписи и значеніе ихъ для Исторіи передней Азіи“, СПб. 1881, с.с. 15, 32.

կանական ձևերը<sup>1)</sup>։ Այդ ցուցմունքներով առաջնորդուելով, անգլիացի գիտնական Սէյսը սկսեց և մեծ հմտութեամբ վերջացրեց բոլոր Վանեան արձանագրութիւնների վերծանութեան և թարգմանութեան գործը։ Օքսֆորդի համալսարանի մեծանուն պրոֆէսորը իր այդ բազմամեայ աշխատութիւններով կենդանացրեց Հայաստանի նախահայկական ժամանակների պատմութիւնը և դարձաւ մի պատկառելի հեղինակութիւն այս շրջանի գրաւոր աղբիւրների վերաբերմամբ<sup>2)</sup>։

Թէև խորհրդաւոր սեպագրութիւնները կարգացում և հասկացում էին,

<sup>1)</sup> „Journal Asiatique“, Paris, 1880, p. 540—543. S. և Stanislas Guyard—„Les Inscriptions de Van (Mebauges d'Assyriologie“, Paris, 1883).

<sup>2)</sup> Սէյսը իր աշխատութիւնները հրատարակել է գլխաւորապէս Լոնդոնի „Journal of the Royal Asiatic Society“ ուսումնաթերթի մէջ. 1880-ական թուականների սկզբում այստեղ լոյս տեսան մինչև այդ հրատարակուած արձանագրութիւնների թարգմանութիւնը։ Այնուհետև նոր գտնուած արձանագրութիւնների ընդօրինակութիւնները ուղարկում էին նրան և նա թարգմանում էր ու տպագրում նոյն ուսումնաթերթում կամ ուրիշ հրատարակութիւնների մէջ։



բայց նրանց լեզուի հարցը, այնուամենայնիւ բաց մնաց: «Զարմանալի երևնալու չէ—գրում է հայ բանասէրներին մէկը—թէ ինչպէս կրնան բեռագիրներ կարդացուիլ և նաև մեկնուիլ, ասոնցմէ ազգի մ'ամբողջ պատմութիւնը հանուիլ, և սակայն լեզուին՝ որով գրուած են՝ ինչ կարգի ըլլալուն նկատմամբ տարակոյսներ ունենալ: Ընթերցման մասին որ և է խնդիր չկայ: Վասն զի հայկական բեռագիրներ—նշանները գրեթէ բոլորովին նոյն են նոր ասորեստանեայ բեռագիրներու նշանաց հետ, ուստի պէտք են այնպէս կարդացուիլ ինչպէս միւսները: Իմաստն ալ մեկնելու մեծ դիւրութիւն կուտան գաղափարանիշները...», այսինքն այլ և այլ գաղափարներ յայտնող որոշ բեռագիրներ: Ասոնք որ ծանօթ էին ասորեստանեան արձանագրութիւններէն՝ կը գտնենք հայկականաց մէջ ալ. այնպէս որ նշաններուն իմաստը ծանօթ է, բայց կրնայ վիճելի ըլլալ թէ ինչ կը կարդար արդեօք նախահայ մ' այս

նշանը տեսնելով: Օրինակի համար: «Աստուած» և «Որդի» գաղափարները նշանակելու համար որոշ նշաններ կան՝ որոնք ասորեստանեայ լեզուի մէջ ilu և ablu կթ հնչուին. նոյները կան հայկականաց մէջ ալ, բայց ինչ կը կարդացուէին արդեօք՝ կրնայ խնդրական ըլլալ: Միւս կողմանէ բազմաթիւ արձանագրութիւններ համեմատելով՝ յաճախ ճիշտ նոյն տողերն ու խօսքերը, երբեմն ամբողջ արձանագրութիւններ նոյնութեամբ կը գրանուին: Մտազիր աչք մը դիւրաւ կը գտնէ արդ, որ յաճախ տեղ մը որուն իմաստը ծանօթ էր գաղափարանիշներէն, ուրիշ համեմատական տեղ մ'ամբողջ կամ բնեռատառերով գրուած է, որ է ըստ այսմ գաղափարանիշին հրնչումը, և ահա գտնուեցաւ բառ մը, խօսք մը այն անծանօթ լեզուին: Եւ այսպէս շարունակելով, մանաւանդ օգնութեամբ ասորեստանեայ արձանագրութեանց, որոնցմէ բաւական բառ անփոփոխ անուած քանդակուած կը գտնենք, հասած է այժմ գիտութիւնն

այն տեղն, որ քիչ շատ ամէն նախահայ բնեռագիր գոնէ մերձաւորապէս կրնայ թարգմանուիլ»<sup>1)</sup>։

Ընդհանրապէս եւրոպացի գիտնականների մէջ, լեզուի վերաբերմամբ, ամենահաւանականը ընդունուած է Լընորմանի տեսութիւնը։ Բայց հայ բանասէրների մէջ կան այնպիսիները, որոնք կարծում են թէ Վանեան սեպագրութիւնները բուն ազգային, հայկական են։ Այսպիսիներից մէկն է Յովսէփ վարդապետ Սանտալճեանը, որ 1900 թուականին տպագրեց Փրանսերէն լեզուով մի ստուար աշխատութիւն<sup>2)</sup>, որ ներկայացուած է Փրանսիական Ակադեմիային (արձանագրութիւնների)։ Այդ աշխատութեան մէջ Սանտալճեանն ասում է թէ ուրարտական բարբառը, հարկաւ, ուրիշ բան չէ և չէ կարող լինել, բայց միայն նախնական հայերէնը։ Ապա հայերէնի

1) Հ. Յ. Տ.—, «Քորձ մը լեզուի Վանեան բնեռագրութեանց», («Հանդէս Ամսօր.» 1899, էր. 16—17)։

2) „Les Inscriptions Cuneiformes Urartiques“, Venise, 1900, l. t. 506 p. p.

օգնութեամբ թարգմանելով բոլոր մինչև այդ հրատարակուած արձանագրութիւնները, հեղինակը վերջացնում է իր այդ գործը մի ամբողջ մեկնաբանական բառգրքով: Այս աշխատութիւնը թէև եւրոպական գիտութեան մէջ կարծիքների փոփոխութիւն չառաջացրեց, բայց, տնկասկած, նոյնպէս ունի իր ծանրակշիռ արժէքը լեզուի հարցի մէջ: Նա ցոյց է տալիս անհրաժեշտութիւնը որոնելու հայերէն լեզուի մէջ նախա-արիական տարրեր, որոնք պիտի նպաստեն Վանեան լեզուն մի օր գտնելուն: Այսպիսով Սանտալճեանը աւելի լայնացնում էր Պատկանեանի տեսութիւնը, թէև միւս կողմից մնում էր այն սխալի մէջ որ Վանեան լեզուն, գլխաւոր առմամբ, արիական է:

Պրօֆէսօր Պատկանեանի ցոյց տուած իրողութիւնը, այն է՝ ոչ-արիական շերտերի գոյութիւնը հայերէն լեզուի մէջ եռանդուն ուսումնասիրութիւնների առարկայ դարձրեց նրա աշակերտը, ալադեմիկոս Մառ, որի արդէն բազմաթիւ հետազօտութիւններն այս ուղղու-

թեամբ, ըստ երևոյթին, ապագայում  
բաւարար լուծում պիտի տան Վանեան  
լեզուի հարցին: Մինչև այժմ այս գիտ-  
նականը առաջացրել է և պաշտպանում  
է հետևեալ հիպոթեզը: Հայաստանում  
հին ժամանակներից գոյութիւն են ու-  
նեցել երկու լեզու. ազնուականների  
լեզու, որ մենք անուանում ենք «գրա-  
բառ» և որին Մառը տալիս է «հայոց»  
(հАйскій) անունը և ռամիկների լե-  
զուն, այն, որ մենք անուանում ենք  
«աշխարհարար» և որին ռուս գիտնա-  
կանը տալիս է «արմէնական» (армян-  
скій) անունը: Այս երկու լեզուներն էլ  
զուտ արիական չեն և ունին իրանց մէջ  
այնպիսի տարրեր, որոնք ցոյց են տա-  
լիս նրանց մօտիկ ազգակցութիւնը  
«յարեթական» լեզուների հետ <sup>1)</sup>: Իսկ  
«յարեթական» անունը ահագեմիկոս  
Մառը տալիս է Կովկասեան ազգերի  
(վրացիների, մինգրելների, լազերի,  
սվանների և այլն) լեզուներին: Այս ազ-  
գերը համարւում են միացորդներ այն


<sup>1)</sup> Н. Маррь — „Грамматика Чанскаго (Лаз-  
скаго) языка“, Пет. 1910 с. X—XI.

ազգերի, որոնք բռնած էին ամբողջ Փոքր Ասիան մինչև Կասպից ծովը և որոնք ընդհանուր առմամբ եւրոպական գիտութեան մէջ կոչուում են «հեթիթական» ցեղեր: Այդ ցեղերին էր պատկանում և այն ժողովուրդը, որի լեզուով գրուած են Վանի սեպագրութիւնները:


Ակադեմիկոս Մառի գծած այս ուղութիւնը դեռ եւրոպական գիտութեան կողմից գիմադրութեան է հանդիպում: Ապագայ ուսումնասիրութիւններին է պատկանում վճռական խօսք արտասանել այս առիթով: Մառի գործադրած քննական մեթոդները գիտական են և դրանց առաջնորդութեամբ գիտութիւնը գուցէ մի օր գանէ Վանեան լեզուի բանալին հէնց այն ոչարիական տարրերի մէջ, որոնք պահպանուել են հայոց լեզուի մէջ:

ՄԱՍՆ ԱՌԱՋԻՆ

ԵՐԿԻՐԸ ԵՒ ՄԱՐԴԻԿ







Կաճիք

Բազմաբնակավայր:

Սող Լ. Սողյան



ԳԼՈՒԽ Ա.

ՍԵՊԱԳԻՐ ԱՇԽԱՐՀԱԳՐՈՒԹԻՒՆ

Ասորեստանի հին արձանագրութիւնների մէջ, որոնք վերաբերում են ժԱ. դարին Ք. ա., Հայկական Բարձրաւանդակի մի նշանաւոր մասը կոչուած է Նաիրիի երկիրներ: Այս անունը, ինչպէս կարծում են, Միջագետքի հովտում տրւում էր Ասորեստանից դէպի հիւսիս գտնուող բոլոր երկիրներին, բայց անկասկած է, որ նա ունէր և իր յատուկ նշանակութիւնը, իբրև անուն այն լեռնային երկիրների, որոնք տարածուած են Վանի լճի շորս կողմերը: Նաիրի նշանակում է «գետեր»: Եւ իրաւ ասորեստ-

տանցիներէլ արշաւանքները տեղի ունէին գլխաւորապէս Արևելեան Եփրատի (Արածանի) և Արևելեան Տիգրիսի (Բոհտանսու) մէջ ընկած տեղերում: Այս երկու գետերը, որոնցից Արածանին սեպածև արձանագրութիւնների մէջ կոչուած է Արզանի, կարելի է համարել Նաիրիի հիւսիսային և հարաւային սահմանազծերը. արևմուտքում սահմանագիծ ընդունել կարելի է Եփրատ գետը, իսկ արևելքում՝ Ուրմիայի լիճը, որին ասորեստանցիները տալիս էին «Նաիրիի ներքին ծով» անունը «Նաիրիի վերին ծով» անունը վանի լճին էր յատկացրած):

Նաիրի—մի երկիր էր ընդհանուր առմամբ, իր տեղագրական և ազգագրական ընդհանուր հանգամանքների պատճառով: Բայց այդ ընդհանուր անունը քաղաքական միապաղաղութիւն չէր ցոյց տալիս: Նա պարունակում էր իր մէջ բազմաթիւ գաւառներ, որոնք և քաղաքական առանձին կազմակերպութիւններ էին ներկայացնում: Ասորեստանի թագաւորները

կոռուել են այդ դաւառական առանձին կազմակերպութիւնների դէմ և այս պատճառով իրանց յիշատակարանների մէջ պահել են նրանց անուաները, որոնք ամբողջ ցուցակներ են կազմում: Այսպիսով հնագոյն գրաւոր յիշատակութիւնները բաց են անում մեր առջև Հայկական Բարձրաւանդակին յատուկ և բնորոշ կերպարանքը — բազմաթիւ դաւառական անկախութիւններ կամ գուցէ կիսանկախութիւններ, միացած մի ընդհանուր կազմակերպութեան մէջ: Նաիրին, ուրեմն, լեռնային մանր իշխողների մի դաշնակցութիւն էր: Այդ դաշնակիցների թուի մասին մերձաւոր հասկացողութիւն տալիս են Թիգլաթպալասար առաջինի արձանագրութեան հետևեալ խօսքերը. «Նաիրի երկիրներուն ամբողջ 23 թագաւորք իրենց երկիրներուն մէջ պատերազմիկ կառքերնին և զօրքերնին ժողովեցին, պատերազմ ու ճակատ տալու յառաջացան: Հօր զինուցս սաստկութեամբ զանոնք ճնշեցի»<sup>1)</sup>:

<sup>1)</sup> Յ. Վ. Սանտալճեան — «Ասորեստանեայ և պարսիկ արձանագրութիւնք», Պիեմա, 1901, եր. 99.

Բայց այս բոլորը չէ. բացի այս 23 թագաւորներէ՛ց՝ «960 թագաւորսՆաիրեայ երկրաց՝ ընդ այնոսիկ որք անոնց օգնութեան եկած էին իմնիդակովս մինչև ցծոփն վերին հալածական տարի»<sup>1)</sup>։ Այս յաղթողից մօտ երկու դար յետոյ Ասուրնազիրապալը իր արձանագրութեան մէջ հաւատացնում է թէ «Նաիրի երկիրներուն մէջ 250 քաղաք իրենց զօրաւոր պարիսպներովն աւերեցի, քանդեցի»<sup>2)</sup>։ Եթէ այս թուանշաններէ մէջ ասորական սնապարծութիւն չը կայ կամ քիչ կայ, այն ժամանակ մենք պիտի ենթադրենք, որ, ուրեմն, իւրաքանչիւր ձոր, իւրաքանչիւր լեռ այդ երկրում անկախ էր և կազմում էր առանձին թագաւորութիւն։ Սակայն շատ պարզ է որ յաղթողները շափազանցնում էին իրանց կատարած դործերը։ 250 քաղաքները, եթէ ճիշտ որ Ասսուրի ծառան այսքան տեղ վերցրել է, պարզապէս ամրացրած դղեակներ են եղել, թագաւորներէ, իշխողներէ

<sup>1)</sup> Անդ, էր. 100.

<sup>2)</sup> Անդ, էր. 122.

ամբողջներ: Այսպէս էլ ընդունելով  
հանդերձ՝ մենք ստանում ենք այս  
անձանօթ երկրի վերին աստիճանի  
հետաքրքրական տեսարանը:

Ահա և այն յատուկ անունները,  
որ պահել են Ասորեստանի արձանագ-  
րութիւնները. 23 նուաճուած թա-  
գաւորութիւնները հետեւեալներն են.  
Նեմմէ, Տունուբէ, Տուալի, Քինաարի,  
Ուզուլա, Ունգամունի, Անդիարէ,  
Պիլաքիննի, Աթուրգինի, Կուլիբարգի-  
նի, Շինիբիրնի, Հիմուա, Պախտերի,  
Ուիրամ, Շուրուրիա, Արաենի, Ադաե-  
նի, Կիրինի, Ալբաա, Ուզինա, Նազա-  
րիա, Աբարսիունի, Դաիաենի: Մի ու-  
րիշ ասորական թագաւոր, Շամսի-Ռահ-  
ման, բերում է իր արձանագրութեան  
մէջ Նաիրիի երկիրների և նրանց ա-  
ռաջին իշխանների հետեւեալ ցանկը.

Բաբարուրա (իշխանը՝ Սիրաաշմէ),  
Հարմիշանդա (իշ. Ամահար), Պարսանի  
(իշ. Ջարիշու), Հունդուր (իշ. Ջարի-  
շու), Կիպարարուտակա (իշ. Սանա-  
շու), Ուշտաշշա (իշխ. Արդարաա),  
Կինուկա (իշ. Շումաա), Գինգիբիր

(իշ. Տաստայի), Արիմա (իշ. Բիսիրահն), Կիպարուշա (իշ. Պարուուշտա), Ուիլա (իշ. Աշպտաշտատաակ), Կինգիշտիլենգա (իշ. Ամամաաշ), Մասիրուուշ (իշ. Տարսիհու), Լուկսա (իշ. Մամանիխ), Գիմամոս (իշ. Ջաանգար), Սիմգուրի (իշ. Սիրաաշու), Աբգանա (իշ. Գիիշտա), Ասատի (իշխ. Ագագասնու), Գինհուհուու (իշ. Ուրսի), Գինղինա (իշ. Բաարա), Կինգուտաուշ (իշ. Աուուա), Կիրբու (իշ. Դիիրնակուուշ), Ջուգարուրա (իշ. Ջարանու), Գինգիրղա (իշ. Իրախատի), Տաւրլա (իշ. Բաարգուտա), Նանի (իշ. Շուուա), Սատիրիա և Արտասիրարի <sup>1)</sup>:

Այս երկու ցուցակի մէջ յիշուած անուններից մի երկու հատի տեղերն են միայն, որ այսօր կարելի է որոշել փոքր ի շատէ հաւանական ճշտութեամբ: Այսպէս, 23 երկիրների ցանկում յիշատակուած Դաիաննի երկիրը

<sup>1)</sup> Դր. Մարսիմիլիան Շարէք—Վալաստան, Քրդաստան և Արեւմտեան Պարսկաստան Բարեկական-Ասորեստանեայ սեպագրերու համաձայն, Թարգմ. Հ. Բ. Պիլգրիկեան, Վիեննա, 1904, եր. 8—9:



Նաիրիի հիւսիս-արևմտեան ծայրն էր, այժմեան Երզնկայից էրզրում և Բասեն: Մնացածները, ինչպէս երևում է, կազմում էին Նաիրիի ներքին զանգուածի ցանցը: Սակայն այդ զանգուածի շուրջը բոլորող երկիրների (նահանգ, գաւառ) մասին մենք ունենք և մի քանի որոշ տեղեկութիւններ: Դրանց տեղը որոշելու համար լաւագոյն միջոցն է վերցնել Վանի լիճը, որ Նաիրիի կենտրոնավայրը կարող է համարուել և ցոյց տալ թէ այդ լճի սր կողմի ուղղութեամբ էին տարածուած այդ երկիրները:

Հիւսիս-արևելեան և արևելեան ուղղութեամբ: Մաննա: Սա իսկապէս երկիրների մի հաւաքական անուն էր: Երկիրների, որոնք տարածւում էին Ուրմիայի լճի հարաւային ափերից մինչև Արաքս գետը, ասել է՝ այժմեան Սոյ և Սալմաստ գաւառները, աւելացնելով դրանց վրայ և Շատախ, Բաշկալէ և Սոշապ գաւառները: Ենթադրում են, որ Մաննայի ժողովուրդները Նաիրիի ժողո-

վուրդները հետ ազգակցութիւն շունէին և այս կողմերը գաղթել էին արևելքից<sup>1)</sup>։ Մաննայի գլխաւոր երկիրներն էին. Ման, Ուիշտիշ, Ջիկիրտու, Միսիանդի, Բիա-Դաիուկկի։

Հարաւարեւելեան։ — Մուղասիր։ Գրւում էր Վանի և Ուրմիայի լճերի մէջ ընկած այն լեռնաշխարհը, որ այժմ հիւսիսային Քրդիստանն է, այն է՝ Հէքիարրի գաւառից մինչև Ուրմիայի լճի հարաւարեւմտեան կողմերը (Ռէվսոնդուզ)։ Գլխաւոր քաղաքը ասորական վաւերագրերի մէջ նոյն անունն է կրում—Մուղասիր։ Նաիրեան ցեղերին պատկանող մի ժողովուրդ էր բնակւում այնտեղ, որ սերտ կապուած էր հարեան և ցեղակից Ուրարտուի հետ։ Նրա մայրաքաղաքումն էր գտնւում Խալդ աստուծու հռչակաւոր տաճարը։

Հարաւային ուղղութեամբ.

1) Հոլբուշկիա կամ Խոլբուշկիա՝ Տիգրիսի բազուկները կազմող

<sup>1)</sup> Վ. Բելլ — «Մաննացոց Տէրութիւնը». («Ազգագրական Հանդէս», Գիրք Ա. 1895, էր. 32—33)։

երկու Զարերի մէջ տեղը, անմիջապէս սահմանակից Ասորեստանին: Համարուում էր Նաիրիի երկիրներից մէկը<sup>1)</sup>: Իր դիրքով կարևոր տեղ էր բռնում: Ասորեստանից Իրանի սարահարթը դուրս գալու ճանապարհներ կային այստեղ և ժամանակի ընթացքում ասորացած երկիր էր: 2) Գիլգանի, Արգանա, որոնցից առաջինը համապատասխանում է այժմեան Խրզանին<sup>2)</sup>:

Հարաւ - արեւմտեան ուղղու թեամբ. 1) Կաշիարի և Նիրբու, լեռնոտ դժուարակոխ երկիրներ: «Ահեղ լեռներ», «դժուարին երկիր» — այսպէս են վկայում ասորական արձանագրութիւնները: Այս երկիրներում գտնւում էին հետևեալ քաղաքները. Իշտիլիբրիա, Մարիթու, Տելա: Վերջինիս նկատ-

1) Ս. Հ. Մէյս — «Սեպական արձանագրութիւնք Վանայ» («Յանաւէր» հանդէս, Պարիզ 1899, էր. 372):

2) Г. Халатьянц —, «О некоторых географических названиях древней Армении в связи с данными Ванских надписей» („Древности Востока“, т. II, вып. II, М. 1901, с. 126):

մամբ հաւանական են համարում, որ նա գտնւում էր այն տեղը, ուր Բիթլիսի դետը թափւում է Տիգրիսի մէջ: Եթէ այս ճիշտ է, այն ժամանակ այս երկու երկիրները պէտք է համարենք տարածուած արեւմտեան Քրդիստանից դէպի Դիարբէքիր: Եւ իրաւ, ինչպէս ենթադրւում է, այս լեռնային աշխարհի գաղաթներից մէկն էր որ հին յունական աշխարհագրութիւնների մէջ անուանուած է Մասիուս, մի լեռնաշղթայ, որ բաժանում էր Նաիրիի երկիրները Միջագետքից: Եւ եթէ այս բոլորը հաւանական է, այն ժամանակ պիտի ասենք որ այս երկիրներից դէպի հիւսիս էին գտնւում Մուշկի երկիրը և Սասուս սարը, որոնց համապատասխանող կարելի է համարել այժմեան Մուշ և Սասուն<sup>1)</sup> անուանները. 2.— Բիտ-Ջամանի: Արեւմտեան Տիգրիսի վրայ տարածուած գաշտային երկիր, որի քաղաքներից մէկը, Ամետ անուանով (Ամիթ, այժմ

<sup>1)</sup> Անդ.

և Տիգրանակերտ, Դիարբէքիր) պարզ որոշում է նրա տեղը: Բացի Ամիդից, Բիտ-Չամանի երկրին էին վերաբերում և Դամոգամուսա և Սինարու քաղաքները: Բայց Նաիրիի երկիրների համար աւելի կարևոր քաղաքական կենտրոն էր Տուշհա քաղաքը: Եւ այս՝ շնորհիւ այն շատ կարեւոր դերի, որ խաղում էր առհասարակ Բիտ-Չամանի երկիրը: Ասորեստանի բանակները Տիգրիսի նովտով էին բարձրանում Նաիրիի սարահատքը, երբ հարկաւոր էին համարում արևմուտքից յարձակուել այդ երկրի վրայ: Տիգրիսի արևմտեան ճիւղի կիրճերը դուրս էին բերում Ամիդի դաշտավայրը և այստեղից ասորական զօրքերը շարունակում էին իրանց առաջխաղացումը: Այս բնական դռների ռազմական նշանակութիւնը հասկացուեց շատ վաղուց, ուստի և այստեղ հիմնուեցին քաղաքներ և հաստատուեցին ասորական զաղութներ: Այսպիսի տեղերից մէկն էր Տուշհան, ասորական մի բերդ, որի դերն էր


հսկել Նաիրիի երկիրների վրայ: Այդտեղ էին Նաիրիի բազմաթիւ թագաւորներն ու իշխանները յանձնում իրանց հարկերն ու տուրքերը ասորի կուսակալին: Եւ որովհետեւ այդ հարկերի մեծագոյն մասը բաղկացած էր ցորենից և այլ արմտիքներից, ուստի ասորական կառավարութիւնն այդտեղ կառուցել էր մեծամեծ շտեմարաններ<sup>1)</sup>: Առհասարակ այստեղ, այս սահմանապահ ամրութեան մէջ էին տեղի ունենում Ասորեստանի և Նաիրիի յարաբերութիւնները. Բիտ-Չամանի, ինչպէս և նրա սահմանակից Շուպրիա և Ուրումէ երկիրները արամէական ցեղերին էին պատկանում, հետևաբար ներկայացնում էին Նաիրի երկիրների ազգաբնակութեան հետ ոչինչ առնչութիւն չունեցող ազգազրական տարրեր:

Արևմտեան ուղղութեամբ: Կիրհու երկիր—որ պարունակում էր իր մէջ Դիւայ և Արբակի երկիրներն ու Նիպուր-Գադատա լեռ-

<sup>1)</sup> Շորէք, հր. 20:

նազաւառը: Կիրհու երկրի մէջ էր էն գիտ, որ համապատասխանում է հին Հան ձիթ գաւտին (այժմ Սարբերդ): Այս գաւառի մէջ էր Ասորեստանի թագաւորներով հռչակուած Սուրնատը, այսինքն այն գետը, որ ասորիները համարում էին Արևմտեան Տիգրիսի ակունքը և որ այժմ կոչւում է Ջէբէնէ-սու: Գետը անցնում է մի նեղ կիրճով, որ ասորական բանակների ձանապարհն է եղել: Այստեղ, այս կիրճի մէջ, մի այրում, ասորական շորս թագաւորներ զծագրել են տուել իրանց գործերը պատմող արձանագրութիւններ և իրանց պատկերները:

Հիւսիսային ուղղութեամբ: Ուրարտու: Այս անունը Ասորեստանի արձանագրութիւնների մէջ երևան է գալիս միմիայն թ զարի (Ք. ա.) սկզբից: Այդ ժամանակ մի փոքրիկ թագաւորութիւն էր Ուրարտուն: Բոլոր եւրոպացի գիտնականները կարծում են թէ նա տարածուած էր Արգանիա (Արածանի) գետի վերին



Սուբնաս գետի այր



մասերում, ասել է՝ այժմեան Ալաշ-կերտի հովտում: Ռուս հետազօտող Նիկոլսկին աւելի դէպի արեւելք է տանում այդ թագաւորութեան սահմանները Արաքսի այն հովիտով, որ կոչւում է Արարատեան դաշտ<sup>1)</sup>, մինչև Նախճաւանի կողմերը<sup>2)</sup>: Այս սահմաններում էլ դնում են այն մի քանի ուրարտական քաղաքները, որոնց անունները մնացել են նոյն ասորական արձանագրութիւնների մէջ: Արգասկուն<sup>3)</sup>, Արամալի և Սուգունի<sup>4)</sup>: Կարծում են որ Ուրարտուն, մեծանալով ու զարգանալով Արածանիի և Արաքսի վրայ, շարժուեց դէպի հարաւ, դէպի Վանի լճի արեւելեան

1) „Клин. над. Зак.“ с. 3.

2) „Древности Восточная“, т. 1, вып. III, М. с. 396.

3) Յ. Վ. Սանտալճեանը կարծում է թէ այս անունը համապատասխանում է Արծն քաղաքին, Կարինից հարաւ-արեւելք, մինչդեռ Փրանսիայի դիւնաւանների համար այդ քաղաքը Արճէշն էր կամ Նրամօտ էր գտնուում, Վանի ծովի հիւսիսային ծայրում:

4) Նիկոլսկին, չը գիտենք ինչ հիման վրայ, համարում է այդ քաղաքը Նախճաւանը:

ափերը, ուր և հաստատեց իր մայրաքաղաքը Տուսպա անուանով:

Սակայն այս բացատրութիւնները Սախուտ հիմքերի վրայ են դրուած: Գլխաւոր փաստը այսպէս պնդողներին համար այն է, որ Ուրարտու համանիշ է Արարատ անուան, իսկ Արարատը, ինչպէս յայտնի է, Մասիսի լեռան անունն է և նրա առջև փոռուած գաշտն էլ կոչուում է Արարատեան գաշտ: Սակայն պրոֆէսոր Պատկանեանը վաղուց է ցոյց տուել թէ Արարատ անունը համեմատաբար յետին ժամանակներում է յատկացուել Արաքսի հովտի Մասիս սարին և թէ այն երկիրը, որ սեմական ցեղերը (և յատկապէս Աստուածաշունչը Չրհեղեղի պատմութեան մէջ) անուանում էին Արարատ, գտնուում էր Վանի լճի շրջականերում և հայոց մատենագրութեան մէջ էլ յայտնի է Արարադ անունով: Հանդուցեալ անուանի գիտնականը պնդում էր թէ սեպագրութիւններին Ուրարտուն հէնց այդ հա-

րաւային Արարադն է<sup>1)</sup>։ Միենոյն միաքը յայտնեց և Սէյսը<sup>2)</sup>։ Հաստատուած է որ հարաւից հիւսիս փոխադրուել է ոչ միայն Արարատ անունը, որ երկրի անուն էր, սարի անունն էլ<sup>3)</sup>, այլ նոյն իսկ և այն հին աւանդութիւնները, որոնք կապուած են եղել այդ հարաւային տեղերի հետ<sup>4)</sup>։

Թէ այս փաստերը և թէ պատմական մի շարք հաւաստիացումներ աւելի հաստատուն են դարձնում այն ենթադրութիւնը, որ Ուրարտուն գրտնում էր Վանի լճի շրջականերում, հաւանօրէն նրա արևելեան փերին և տարածում էր Վերին Զարի աղունքների շուրջը<sup>5)</sup>, այսինքն Վանի լճից մինչև այժմեան Կոթոր։ Ուրար-

1) Ванскія надписи, 76, 89, 104.

2) A. H. Sayce—, „Les Hétééens, histoire d'un empire oubliée“, Paris 1891 p. 50.

3) Г. Халатьянц—, „Очерки истории Армении“, М. 1910 с. 122.

4) Ս. Կանայեան—, „Անյայտ դաւաններ Հին Հաստանի“, էջմիածին 1914, եր. 72—88.

5) Б. Тураевъ „Исторія Древняго Востока“, ч. II, Пет. 1913 с. 47.

տուի հետ սերտ կապուած էր Մուղասիրը, որի գլխաւոր քաղաքը ասորական արձանագրութիւնների մէջ նոյնպէս Մուղասիր է կոչուած, մինչդեռ Վանեան արձանագրութիւնների մէջ նա անուանուած է Արդինի, հռչակուած Քալդ աստուծու հարուստ տաճարով<sup>1)</sup>։

Հետաքրքրական է որ ասորական արձանագրութիւնների Ուրարտուն Վանեան արձանագրութիւնների մէջ Բիայնա է կոչում (այս անունից է Վան անունը), Բայց այս չէ նշանակում թէ Բիայնայի բնակիչները երբէք չէին գործածում Ուրարտու անունը, իսկ ասորեստանցիներին միանգամայն անձանօթ էր Բիայնա անունը։ Սէյսը կարծում է թէ Ասորեստանի արձանագրութիւնների մէջ եղած Բիթանու անունը կարող է ներկայացնել Բիայնայի ձևը<sup>2)</sup>, իսկ Նիկոլսկին Ջախալուի Վանեան արձանագրութեան մէջ կարդացել է Ուրարտուի յիշատակութիւնը<sup>3)</sup>։

1) Ibid.

2) „Բանասէր“ 1899 եր. 377.

3) „Клин. надписи Закав.“, с. 177.

Վանի թագաւորների արձանագրութիւններն էլ հաղորդում են մեզ աշխարհագրական անունների մի երկար շարք: Այսպէս, Վանի «Մհերի դուռ» անուանուած ժայռի մեծ արձանագրութեան մէջ, բացի Տուսպայից, յիշատակուած են և հետեւեալ քաղաքները, որոնք Բիայնայի թագաւորութեան մէջ էին գտնուում. Արդիւնինա, Քումենունա, Արձուինիս, Երիդիաս, Ուիսինի, Իրդիյա, Նիսիագուրի, Չուինի և երկիրներ՝ Աաքանան և Բարանի<sup>1)</sup>: Դժբախտաբար, մինչև այժմ անկարելի է եղել որոշել այս քաղաքների և երկիրների տեղերը: Նոյն վիճակի մէջ է ուրարտական քաղաքների այն ցանկը, որ գտնուում է Ասորեստանի աղբիւրներից մէկի, այն է Թիզլաթ-Պալասար Գ.ի (745—727 թ. Ք. ա.) արձանագրութեան մէջ: Ահա այդ ցանկը. Կաստիրա, Պարիսու, Տաշուխա, Մանտուուր, Շարգավրիի, Բարուտտա,

<sup>1)</sup> Sandalagian—, „Les Inscriptions“ p. p. 189—215.

Լուսիա, Կասսիա, Սիկիբատա, Ասուր-  
դա, Ուսուրնու, Ուսուրրա, Սասսու  
(Սասուն?), Լուբ, Լուբի, Քուտա, Ուր-  
րա, Արանա, Տաբա, Ուալլիա<sup>1)</sup>։

Աւելի բախտաւոր վիճակ ունեն  
Բիայնա—Ուրարտուի հիւսիսային գա-  
ւառները, որովհետեւ այստեղ արձա-  
նագրութիւնները գտնուում են այն  
կողմերում, որոնք յիշատակուած են  
նրանց մէջ։

Մենք տեսանք, որ ասորական ար-  
ձանագրութիւնների մէջ Դաիանի  
անունով էին կոչւում այժմեան Կա-  
րինի, Բասենի գաւառները. Ուրար-  
տական արձանագրութիւնների մէջ  
այդ անունն է Դիա հինի, ինչպէս  
ցոյց է տալիս Դէլի-Բարայի սեպա-  
գրութիւնը։ Արաքսի աղուներէից  
մեծ ազմական ճանապարհը մտցնում  
էր այժմեան Կարս-չայի աղուներէի  
երկիրը (Վանանդ գաւառ)։ Այդ երկի-  
րը անուանուում էր Էտիունի և նրա  
գլխաւոր քաղաքի անունն էր Ախու-

<sup>1)</sup> Սանտալճեան—Սևուր. և Պար. Արձ. էր.  
160—161.

րեանի, շինուած կարս-շայի վրայ-  
այդ անունը հայ գրականութեան մէջ  
պահուելէ անաղարտ — Ախուրեան գետ:

Արարատեան դաշտում ծայրագոյն  
հարաւային երկիրը, Մասիսի հիւսի-  
սային ստորոտում, կոչուած էր էրի-  
գուախի և նրա քաղաքը՝ Լուխիուին-  
նի, որ յետոյ կոչուել է Մենուախի-  
նիլի (Տաշքուրուն): Արագածի հարա-  
ւային ստորոտներէց մինչև Արաքս  
(հայոց Արագածոտն գաւառը) տարած-  
ւում էր Ազանի երկիրը, որ յետոյ  
ստացաւ Արգիշտինինա անունը, երբ  
և նրա գլխաւոր քաղաքը կոչուեց Ար-  
գիշտինինիլի: Սա հայկական աւան-  
դութիւնների մէջ էլ հռչակաւոր դար-  
ձած Արմաւիրն էր, որ մի շատ կա-  
րևոր կրօնական կենտրոն էր Արաքսի  
հովտում և յետոյ առանձին կարևո-  
րութիւն ստացաւ և իբրև քաղաքական  
ու ռազմական դիրք, ուստի և դարձաւ  
Վանեան թագաւորների երկրորդ մայ-  
րաքաղաքը:

Նոյն Արագածի հիւսիսային ստո-  
րոտներում գտնւում էր Կուլիաինի

երկիրը, որի քաղաքն էր Դուրուբանի (Ղուլիջան): Իսկ այստեղից հիւսիս-արևմուտք ուղղութեամբ, Արփաշայի վերին մասերում, Իշկազուլու երկիրն էր, որի քաղաքն էր Իրդանիունի, այժմեան Ալէքսանդրոպօլի հիւսիսային կողմերում: Ալէքսանդրոպօլից հարաւ, Արփաշայի ձախ կողքին ընկած էր Էրիահի երկիրը (արևելեան Շիրակ):

Հրազդան (Չանգու) գետի ստորին հովտում գտնւում էր Երիաինի երկիրը (Երևան), միջին հովտում՝ Ուլուանի երկիրը, որի քաղաքն էր Դարանի (Էլիաո): Այստեղից մինչև Սևանի լճի հիւսիս-արևմտեան ծայրը տարածւում էր Կիեհունի (Գեղաքունի) երկիրը, որի քաղաքն էր Իշտիքունի: Նոյն լճի հարաւ-արևմտեան կողմում գտնւում էր Ուղուրիեաինի երկիրը՝ Տուլիխունի քաղաքով: Իսկ հարաւ-արևելեան կողմում գտնւում էր Արքուքինի երկիրը, որ կազմում էր Ուրտահինի երկրի մասը: Այս անունը— Ուրտահինի—հետազօտողներից մէկը<sup>1)</sup> համա-

<sup>1)</sup> Никольскій, — „Клин. над. Закав.“, с. 177.



րում է Ուրարտու անուան տեղական ձև:

Սևանի լճից դէպի արևելք և հարաւ տարածւում էին երկիրների խումբեր, որոնք իրանց առանձին անունների հետ ունէին և ընդհանուր խումբական անուններ: Առաջին խմբի անունն էր Սուխնիա, որ համապատասխանում է Սիւնիք անուան: Ենթադրւում է որ Սուխնիա, իբրև հասարակ անուն, ուրարտական լեզուի մէջ նշանակում էր պարզապէս «լիճ»: Նա էլ յատուկ անուն դարձաւ Սևանի լճի, ապա և այն երկիրների համար, որոնք տարածուած են դէպի արևելք և կազմում են այժմեան Գանձակի նահանգի մի մասը (Ղարաբաղ և Ջանգեզուրի դաւառ): Սիւնիքի բաղկացուցիչ մասերից սեպածև արձանագրութեան<sup>1)</sup> մէջ յիշատակուած են. Ադահունի, Ուելիդա, Կումերունի և վերոյիշեալ Արքուքիների: Միւս խումբը անուանւում էր Րիդուանի և բաղկա-

<sup>1)</sup> Ալիշայուի կամ Քեօլանի—Գրլանի, Նիկուսի և վերձանութեամբ:

ցած էր հետեւեալ 19 գաւառներից. Ուրբմենի, Շանատուաինի, Տերիուշաինի, Բիշուաինի, Զուաինի, Ակուանի, Ամանինի, Իրկիմաինի, Ելաինի, Երիելատուաինի, Աիդամանիուենի, Գուրիաինի (Գառնի?), Ալգիւրանի, Պիրուաինի (Ապարան?), Մելաինի (Մուղնի?), Ուշեդուինի (Ուշական?), Ատաղաինի, Երիաինի (Երևան), Ազամերուսինի:

Դիմելով այժմ աշխարհագրական ուրիշ տեսակ անունների, մենք հանդիպում ենք լեռների հետեւեալ անունները (ասորական արձանագրութիւնների մէջ). Ելամա, Ամաղանա, Ելնթիշ, Շէրաբէլի, Տարհունա, Տիրկահուլի, Կիսրա, Տարհանարէ, Ելուլա, Հաշտարաէ, Շահիթիշարա, Ուրբերա, Միլիադրունի, Շուլիանգի, Նուբանաշէ, Շէշէ<sup>1)</sup>: Այսքանը միայն գիտենք այս լեռների մասին, որ նրանք զըտնւում էին Նաիրիի երկիրների արևմտեան մասում: Բիտ-Ջամանիի և Նաիրիի սահմանների վրայ գտնւում

<sup>1)</sup> Շարէք, Կր. 7.

էին Չիմդանուի և Միրխուի լեռները: Յիշատակեցինք արդէն Կաշիարի լեռնաշղթան, որ համապատասխանում էր յունական աղբիւրների Մասիուս լեռներին, նաիրիի հարաւ-արեւմտեան կողմում<sup>1)</sup>:

Գետերի անուններից արդէն յիշատակեցինք Արզանին (Արածանին) և Սուբնատ (Արեւմտեան Տիգրիս Ձէքէնէ-սու): Եփրատը ասորական լեզուով Ֆրատ էր կոչւում, իսկ Տիգրիսը — Դկլաթ: Մի արձանագրութեան մէջ<sup>2)</sup> յիշուում են Կալար և Սուկուր գետերը, որոնց տեղը, սակայն, չէ ճշտուած: Նիկոլսկին ենթադրութիւն է յայտնում թէ հին ուրարտական Երիահի աշխարհագրական անունը<sup>3)</sup> ոչ միայն Արաքսի հովտի մի մասի անունն էր, այլ գուցէ և հէնց իր Արաքսի անունն էլ<sup>4)</sup>:

<sup>1)</sup> Ըստ Սանտալնեան վարդապետի բառարանի («Inscriptions» և այլն, Կր. 395) Վանեան լեզուի «մաշիս» կամ «մասիս» բառը համապատասխանում է հայկական «սեծ» բառին: Եթէ այս ճիշտ է, այն մասնակ կարելի է ենթադրել որ Արարատ սարի հայկական «Մասիս» անունը ծագում ունի Վանեան այս բառից, որ պահուել է ամբողջութեամբ:

<sup>2)</sup> «Բանասէր» 1899 Կր. 383.

<sup>3)</sup> Ղանլիջայի արձանագրութեան մէջ.

<sup>4)</sup> „Клин. над. Зак.“ с. 88.

ԳԼՈՒԽ Բ.

Ժ Ո Ղ Ո Վ ՈՒ Բ Գ Ը

Աշխարհագրական այս հարեանցի տեսութիւնը ցոյց է տալիս թէ որ աստիճանի մանրութեան էին հասնում նաիրի—Ուրարտու երկրի քաղաքական բաժանումները: Ուղղակի անթիւ կարելի է անուանել այդ «թագաւորութիւնները», «իշխանութիւնները», որոնք խիտ ցանցի պէս ծածկում էին Հայկական Բարձրաւանդակի՝ համեմատաբար փոքր մակերևոյթը: Մի և նոյն տեսարանը կը ներկայանայ մեզ, եթէ մի հայեացք զցենք այդ Բարձրաւանդակի շրջակաները կազմող երկիրների վրայ: Հարց է՝ ի՞նչ տե-

սակ ժողովրդից կամ ժողովրդներից էր կազմուած այս անթիւ անկախութիւնների, կէս-անկախութիւնների ազգաբնակութիւնը:

Որոշել այս հարցը զբաղանապէս զեռ չէ կարողանում գիտութիւնը իր ձեռքի եղած միջոցներով, ուստի աւելի ենթադրութիւններով ու հաւանականութիւններով է առաջնորդուում բազմադարեան այս թանձր մթութեան մէջ: Յատկապէս Նաիրիի ազգաբնակութեան վերաբերմամբ ենթադրուում է թէ դա միատարր մի զանգուած էր, այսինքն միևնոյն ծագման տէր մի ժողովուրդ էր, բաժանուած մանր մասնիկների, ցեղերի<sup>1)</sup>: Բայց այս կարծիքին հարկադրուում է բոլորովին հակառակ մի միտք, այն՝ որ ազգաբնակութիւնը շատ խառն էր, որովհետև Առաջաւոր Ասիայի վրայով անցնող գաղթականութիւնները հատուածներ էին թողում հայկական լեռներում<sup>2)</sup>:

<sup>1)</sup> F. Lenormant et E. Babeln—, «Histoire Ancienne de l'Orient», t. IV Paris 1885 p. 246.

<sup>2)</sup> G. Maspero—«Histoire Ancienne des Peuples de l'Orient Classique», t. III, Paris 1897 p. 55.

Այս երկրորդ ենթադրութիւնը, այսինքն խառն ազգաբնակութեան թէօրիան, աւելի հաւանական է երևում, քանի որ այնպիսի աշխարհագրական դիրք գրաւող մի երկիր, որ ոտնակոխ էր լինում դարերից ի վեր, հազիւ թէ կարողանար անխառն, միատարր ազգաբնակութիւն ունենալ: Եթէ այսպէս է, ապա ուրեմն հարցը պէտք է ձևակերպել այն իմաստով թէ ի՞նչ ծագում ունէր, ի՞նչ տեսակ ժողովուրդ էր ազգաբնակութեան մեծամասնութիւնը:

Փաստ է, որ վաղ ժամանակներից ամբողջ Փոքր Ասիան, Սիրիան, Պոնտոսի (Սև ծովի) հարաւային կողմերը, Հայաստանը, Կովկասը մինչև Կասպից ծովը և Իրանի սարահարթը, ինչպէս նաև Միդիան (Մարաստանը), Կորդուքների լեռնաստանը (Քրդիստան), Ելամը (Շօշ, Պարսից Ծոցի մօտ) բնակեցրած էին մի ընդհանուր ծագում ունեցող, իրար հետ ցեղակից կամ քոյրաթիւ ազգերով: Նրանք բազմաթիւ բաժանումներ էին ներկայացնում և

չէին պատկանում սեմական ցեղին: Բայց ո՞րն էր նրանց հայրենիքը:

Մի ժամանակ գիտութեան մէջ տիրում էր այն թէօրիան թէ բոլոր այդ ոչ-սեմական ազգերն ունէին թուրանական ծագում, ուրեմն և նրանք համարւում էին եկուորներ, գաղթականներ Միջին Ասիայից: Հետազօտողներից ոմանք, թուրանցի անունը չը գործածելու համար, ստեղծեցին այդ բոլոր ազգերի համար մի ընդհանուր անուն, այն է՝ սպիտակ ալա տ ո հ մ ի կ ն ե Ր (blanc allophyl): Բայց վերջը գիտութիւնը կանգ առաւ այն տեսութեան վրայ, որ այդ բոլոր ազգերը բնիկն էին: Իսկ դրանց մի ընդհանուր անուն տալու համար մի քանի առաջարկութիւններ եղան: Ծ. Լընորմանի առաջարկութեամբ մի ժամանակ գործ էր ածւում Ալարոգեան ցեղանունը, քանի որ Արարատի ստորոտների մօտ ապրող ժողովուրդը (ուրարտացիները) յայտնի էր Հերոզոտին «ալարոզ» անունով: Յետոյ աւելի լաւ համարուեց վերց-

նել այդ ընդհանուր ընտանիքին պատկանող մի այլ նշանաւոր ազգի անունը և տարածել ընտանիքի միւս անդամների վրայ: Այդ այն ազգն էր, որ Ասորեստանի արձանագրութիւնների մէջ կոչուած է *Ս ա թ թ ա կամ Ս ա թ*, իսկ Եգիպտոսի արձանագրութիւնների մէջ՝ *Ս ե թ ա կամ Ս ա թ ա*<sup>1)</sup> անուններ, որոնք այժմ դարձել են *հ ա թ*, *հ ե թ ի թ* (Աստուածաշունչի հայերէն թարգմանութեան մէջ—Քեւտացիք)<sup>2)</sup>: Հաթերը ապրում էին Պալեստինի հարաւային կողմերում (նրբանք են շինել Երուսաղէմը), բայց առաւելապէս հիւսիսային Սիրիայում: Նրանց բուն հայրենիքն էր Փոքր Ասիայի այն մասը, որ տարածուած է Ալէքսանդրէտի Ծոցի և Եփրատի մէջ<sup>3)</sup>: Արեւելքի պատմութեան մէջ հաթերը կամ հեթիթները շատ նշանաւոր դեր են խաղացել թէ իրանց ուժեղ քաղաքական կազմակերպութեամբ և թէ

<sup>1)</sup> A. H. Sayce—«Les Hétéens, histoire d'un empire oublié», Paris 1891, p. 12.

<sup>2)</sup> Ծոնդոց, ԻԶ. 34.

<sup>3)</sup> J. de Morgan—«Les Premières Civilisations», Paris, 1909, p. 282.





իրանց ինքնուրոյն քաղաքակրթու-  
թեամբ: Գիտական հետազոտութիւն-  
ները բոլորովին ապացուցել են որ  
հեթիթները կազմում էին մի ճիւղը  
այն քոյրաթիւ ազգութիւնների, ո-  
րոնք, ինչպէս վերև յիշատակեցինք,  
տարածուած էին Փոքր Ասիայից մինչ-  
չև Կասպից ծովը, մինչև Պարսկաս-  
տան և Պարսից Ծոցը: Այս պատճա-  
ռով ազգերի այդ ամբողջ ընտանիքը  
կոչուեց հաթիան կամ հեթիթա-  
կան ցեղ:

Ի հարկէ, այս անունը ցոյց է տա-  
լիս միայն ցեղական ծագումը, միու-  
թիւնը, բայց չէ նշանակում թէ այդ  
անունը կրող բոլոր ազգերը խօսում  
էին մի լեզուով: Ինչպէս առհասարակ  
իւրաքանչիւր մեծ ցեղ, հաթեան ըն-  
տանիքին պատկանող լեզուները այն-  
քան տարբերում էին իրարից, որ  
նոյն իսկ կարող էին և անհասկանալի  
լինել միմեանց, ինչպէս են, օրինակ,  
արիական կամ սեմական լեզուները <sup>1)</sup>:

<sup>1)</sup> Г. Винклеръ — „Западная Азія въ древнія времена“ (S. Гельмольтъ — „Исторія Человѣчества“, т. III., Пет. 1903) с. 111.

Վերջապէս, երբորդ մի անուն էլ ստացան այդ ազգութիւնները բոլորովին նոր ժամանակներում. ինչպէս վերևում տեսանք, ակադեմիկոս Մաուր այդ ցեղերի լեզուին յատկացրեց «յարեթական» անունը:

Այս երեք պայմանական անունների տէր ազգութիւնները արևմուտքից տարածուել են դէպի արեելք և հարաւ: Պատմութիւնը պահել է և դրանցից մի քանիսի անունները. Իվերներ, Սալիբներ, Սասպիրներ, Մոսխեր, Քուրալ<sup>1)</sup>: Հայկական լեոնաստանի բնակիչներն էլ, Նաիրիի և Ուրարտուի ցեղերը, նոյնպէս պատկանում էին հեթիթական մեծ ընտանիքին<sup>2)</sup>: Այսպիսով նրանք ցեղակից են հանդիսանում կովկասեան կոչուող ազգութիւններին, որոնց ներկայացուցիչներից մէկն է այսօր քարթվէլ կամ վը-

<sup>1)</sup> De Moropu—, „Les Prém, Civ.“, p. 320.

<sup>2)</sup> Այս իրողութիւնն ընդունուած է գիտնականների մեծագոյն մասի կողմից, Տ. Maspero—«Histoire», t. III, p. 55—56.

ը ա ց ի ազգը: Ֆրանսիացի գիտնական  
դը-Մօրգանը գտնում է որ նախկին  
հեթիթական ցեղի մնացորդներն են  
կովկասի գլխաւոր լեռնաշղթայի վրայ  
և երկու կողմերում ապրող ազգու-  
թիւնները. լէզգիները, շէշէնները և  
ուրիշները կազմում են հեթիթական  
լեզուի հիւսիսային ճիւղը, իսկ վրա-  
ցական ցեղերը—հարաւային ճիւղը <sup>1)</sup>:  
Պէտք է ասել, որ բուն հաթերը թո-  
ղել են քարերի վրայ փորագրուած  
մեհենադրոշմ արձանագրութիւններ,  
որոնց վերձանութիւնը մինչև այժմ  
չէ յաջողուել գիտնականներին <sup>2)</sup>:

Բայց ալարողեան, հաթեան կամ  
յարեթական ծագում ունեցող այն  
ցեղերը, որոնք բնակւում էին Հա-  
յաստանի հողի վրայ, ի՞նչ յատուկ  
ցեղային անուն ունէին: Այս էլ մին-  
չև այժմ մնում է պատմական մի ա-  
ռեղծուած: Ասորեստանցիները այս

<sup>1)</sup> „Les prem. Civ.“ p. 281.

<sup>2)</sup> Գերմանացի գիտնական Էնսենի փորձը նոյ-  
նացնելու հաթերին հայերի հետ և կարգալու հա-  
թեան արձանագրութիւնները հայերէնի միջոցով  
համարում է անյաջող:

ցեղերի մի մասին «Ուրարտու» անունն էին տալիս, յոյները՝ «ալարոդներ», որ միենոյն բանն է համարուում: Սակայն միւս բոլոր ցեղերն էլ միենոյն անունն էին կրում: Յայտնի չէ: Ուստի դարձեալ պայմանական անուններ են սահմանուել Հայաստանի հին ժողովուրդների համար: Ամենից համապատասխան անունը, որ, սակայն, զուրկ է որոշակի արտայայտումի կարողութիւնից, ն ա խ ա հ ա յ անունն է: Վոլգեմար Բէլքը և պրօֆէսօր Լէմանը առաջարկեցին անուանել նախահայերին *Սալդեր*: Երկրի գլխաւոր աստուածը կոչուում էր *Սալդի*, որ և, թւում է, իր անունը տուել էր ամբողջ ժողովրդին. ապացոյց է համարուում և այն, որ Սև ծովի հարաւային կողմերում մնացել է *Սաղդիք* անունով նահանգ և ժողովուրդ, մի անուն, որ պահպանել են թէ յոյն մասենագիրները և թէ հայոց գրականութիւնը <sup>1)</sup>: Սակայն այս առա-

<sup>1)</sup> «Սաղդեր» անունը Լ. Բարայեանի («Ազգ. Հանդէս») Բ. գիրք 1897, հր. 300—306):

Չարկութիւնը դուրս չը մղեց առաջին երկու անունները, այնպէս որ Հայաստանի հաթերին անխտիր անուանում են թէ «նախահայ», թէ «ուրարտացի» և թէ «խալդեր»:

Հեթիթական ցեղերի բուն հայրենիքը լինելով, ինչպէս ասացինք, Փոքր Ասիան, բնականաբար առաջանում է հետևողութիւն թէ Հայաստանի Բարձրաւանդակի վրայ և նրա հիւսիսային, արևելեան և հարաւային ուղղութեամբ գանուող երկիրներում բնակութիւն ունեցած հեթիթական ցեղերը բնիկներ չէին այդ վայրերում, այլ գաղթել են Փոքր Ասիայից: Տարարախտաբար նաիրիի բոլոր մանր պետութիւնների մասին մենք չունենք բաւարար տեղեկութիւններ: Նրանցից մի քանի տասնեակները լոկ իրանց անուններն են թողել ասորական արձանագրութիւնների մէջ: Համեմատաբար աւելի շատ ծանօթ է մեզ այդ ցեղերի մէկը—ուրարտացին: Հնագիտական խուզարկութիւնները մինչև այժմ բերել են այն եզրակացութեան

թէ ուրարտացիների կուլտուրան (արուեստի ձևերը, պաշտամունքներ) մօտ է Միկենեան կամ հին յունական քաղաքակրթութեան, իսկ լեզուն մօտ է միտանացիների լեզուին, այն ժողովրդի լեզուին, որ ապրում էր Փոքր Ասիայում:

Իսկ ե՞րբ պէտք է տեղի ունեցած լինի այդ գաղթականութիւնը: Պրոֆէսոր Լէմանի կարծիքն է՝ թէ այդ գաղթականութիւնը տեղի է ունեցել ժԱ.—թ դարերում Քրիստոսից առաջ<sup>1)</sup>: Եթէ ճիշտ լինի նրա ենթադրութիւնը այն մասին թէ ինչ պատճառներից առաջացաւ ուրարտացիների գաղթականութիւնը արևմուտքից արևելք, այն ժամանակ մենք հիմք կունենանք ասելու թէ միւս հաթեան ցեղերից շատերն էլ նոյն այդ գաղթականութեան հետ են առաջացել դէպի արևելք, մինչև Կասպից ծովը: Գաղթականութիւնը կատարուեց ակամայ, անդիմադրելի ոյժի ստիպմամբ: Այդ

<sup>1)</sup> C. F. Lehman. Haupt—, „Materialien zur älteren Geschichte Armeniens und Mesopotamiens“, Berlin 1907 (Տ. „Բազմազէպ“ 1998, էր. 443):

ոյժը ներկայացնում էին թրակիայից շելեսսպոնտի և Բօսֆօրի վրայով Փոքր Ասիա անցած հնդկա-եւրոպական կամ արիական ազգերը<sup>1)</sup>, որոնք առաջ քշեցին տեղացիներին (հաթական ցեղերը) և զրաւեցին նրանց տեղերը: Նշանակում է՝ այդ հեռաւոր ժամանակներում Առաջաւոր Ասիայի հիւսիս-արեւմտեան մասերում տեղի ունէին ազգերի մեծ տեղափոխութիւններ արեւմուտքից արեւելք ուղղութեամբ: Եւ եթէ ճիշտ որ այսպէս պէտք է ձևակերպել այդ հեռաւոր իրողութիւնը, ապա ուրեմն ուրարտացիները մենաւոր գաղթականներ չէին, այլ շարժւում էին արիւնակից միւս ցեղերի հետ, որոնելով նոր հայրենիք: Նրանք կանգ առան Վանի լճի աւազանում, մինչդեռ միւսները գնացին աւելի հեռուն, կովկասի զլխաւոր շրջալին սեղմուեցին, նրա վրայ բարձրացան, մտան Կուր գետի ստորին հովիտը<sup>2)</sup>:

<sup>1)</sup> Այդ ազգերի մէջ էին և արմէնները (հայերը):

<sup>2)</sup> J. de Morgan—, Mission Scientifique au Caucase, t. II—Recherches sur les origines du Caucase, Paris 1889 p. 106, 122.



Այս գաղթականութիւնների տարածման սահմանները մօտաւորապէս որոշելն անգամ դժուար է, քանի որ նրանցից չեն մնացել յիշատակարաններ հողի վրայ, իսկ հողի մէջ պահուածների որոնումներ շատ քիչ են եղել: Արդէն մի քանի լուրջ աշխատանքներ ցոյց են տուել իրողութեան ազօտ նշոյլները: Այժմեան Գանձակի նահանգի մի քանի տեղերում, որոնք համապատասխանում են Հին Ուտի և Արցախ նահանգներին, հնագիտական պեղումները բաց են արել հին քարէ գերեզմաններ, որոնք ըստ վկայութեան Վ. Բելքի պատկանում են Վանի թագաւորների ժամանակին<sup>1)</sup>: Հնագէտ Իվանովսկին վկայում է, որ Մասիսի ստորոտում, ուրարտական մի բերդի պեղումների ժամանակ գտնուած կաւէ ամանները ճիշտ նոյն տեսակի են, ինչ նա գտել է Գանձակի նահանգի քարէ գերեզմաններում<sup>2)</sup>: Նոյն-

<sup>1)</sup> Никольскіи — „Клин. над.“ с. 74.

<sup>2)</sup> А. Ивановскіи — „По Закавказью“ („Материалы по археологіи Кавказа“ М. 1911 с. 44—45.

պէս և գերմանացի գիտնական Վիր-  
խովը գտնում է, որ Գանձակի նահան-  
գի գերեզմաններում գտնուած ա-  
րուեստը որոշ չափով նման է Թուր-  
րաք-կալէի (Վանի մօտ) ուրարտական  
աւերակների մէջ գտնուած արուես-  
տին<sup>1)</sup>։ Եւ այս նշանները, անշուշտ  
պէտք է մի ցուցմունք համարուեն  
թէ նոյն ցեղի հատուածներն էին ապ-  
րում Փօքր կովկասի լեռներում։

<sup>1)</sup> „Աղագրական Հանդէս“ 1895, թ. 1, էր. 112»

## ՔԱՂԱՔԱԿՐԹՈՒԹԻՒՆ

Շնորհիւ այն հանգամանքի, որ նախրիի երկիրները յաճախ ենթարկուում էին ասորական արշաւանքներին, որ ասորական զինուորները պարծենում էին թէ նուաճած երկրից այս ու այն տեսակ աւար ու կողոպուտ են վերցրել, որ, վերջապէս, նախրացիները մշտական որոշուած հարկ էին տալիս նինուէի տէրերին, մենք կարող ենք ընդհանուր մի գաղափար կազմել նախահայ ազգաբնակութեան կուլտուրայի և տնտեսական կացութեան մասին: Ուրիշ տեղեկութիւններ դեռ չունինք:

Արդ՝ Ասորեստանի պատերազմական տարեգրութիւնների հայթայթած նիւթերը պարզ ցոյց են տալիս, որ Հայկական Բարձրաւանդակի ազգաբնակչութիւնը Քրիստոսից 9—10 դար առաջ, այժմեանի պէս, գերազանցօրէն հողագործ և անասնաբոյծ ժողովուրդ էր: Մենք հէնց նոր տեսանք որ Բիտ-Չամանի երկրի Տուշհա կարևոր բերդում կառուցուած էին պետական մեծամեծ շտեմարաններ, ուր հաւաքւում էր Նաիրիից ստացուած պետական հարկը արմտիքներով: Ասուրնազիրապալ թագաւորը (թ. դար Ք. ա) իր յաղթանակները ցուցադրող խոշոր յաջողութիւնների թւում ասում է. «Նաիրիի հուձքը հնձեցի և իմ երկրիս օգտին համար դանոնք Տուսիայի, Գամղամուսայի, Աինարուի ու Տիգուի մէջ համբարեցի»<sup>1)</sup>: Այս յայտարարութեան յոխորտալից եղանակը, ինչպէս նաև ամբարելու տեղերի ցուցմունքը ցոյց են տալիս թէ որ-

<sup>1)</sup> Սանտալնեան—, Աս. և Պարս. սեպ. Արձ. 11, 6ր. 124.

քան մեծ էր հունձի աւարը: Հայկական սարահարթի արգաւանդ հովիտները արմտիքների այսպիսի մեծ պաշարներ միշտ կարող էին տալ նուաճողներին: Ինորոշ յատկութիւն է, որ տուրքերի և աւարի մէջ յիշատակոււմ է և յարգը, մի բան, որ անշուշտ շատ կարևոր էր ասորական ձիաւոր զօրքերի և առհասարակ բեռնակիր անասունների համար:

Այգեգործութեան ճիւղերից զարգացած էր գինեգործութիւնը, ի հարկէ երկրի այն խոր հովիտներում, ուր խաղող էր հասնում: Նաիրիի գինին այնքան յարգի էր, որ նոյն իսկ նրանով էլ հարկ էր վճարոււմ Ասորեստանի թագաւորներին:

Անասունների մեծաքանակ աւարներ էլ էր տալիս Նաիրիի լեռնաստանը: Ինչպէս և այժմ, այդ լեռների գեղեցիկ արօտներում արածում էին բիւրաւոր շորքոտանիներ: Եւ ահա աւարառութիւնների ցուցակները լիքն են արջառների, կովերի, ոչխարների մեծ քանակութիւններով: Սարգոն


Թագաւորը 100,225 ոչխար քշեց տարաւ Մուսասիից<sup>1)</sup>: Արջառ, ձի եզ, էշ, ջորի հարիւրներով ու հազարներով են յիշուում: Նաիրիի երկիրները հարկ տալիս էին 1200 ձի, 2000 եզ<sup>2)</sup>: Թէ այս ցուցակը և թէ ուրիշ այսպիսիները վկայում են թէ մասնաւորապէս ձիարուծութիւնը զարգացած էր Հայաստանում դեռ նախահայկական շրջանի մէջ և ձիերի հայկական ցեղի ազնուութիւնը, ուրեմն, յատուկ էր այս երկրին շատ հին ժամանակներից:

Սակայն երկրի հարստութիւնը միմիայն երկրագործական բերքերը և անասնապահութիւնը չէին: Ինչպէս երևում է, շատ առաջացած էին և արհեստները, բայց մանաւանդ մետաղագործութիւնը: Հարկերի ցուցակներում մենք տեսնում ենք ոչ միայն մետաղներ — անագապղինձ (բրոնզ), պղինձ, անագ, այլ մանաւանդ պղրնձէ ամաններ — կաթսաներ, կոնքեր,

1) Շարէք, Կր. 89.

2) Սանտալճեան, Կր. 101.

պնակներ: Թէ որքան կարևոր նշանակութիւն ունէին ասորեստանցիների համար Հայաստանի պղնձէ ամանները, ցոյց է տալիս այն, որ համարեա իւրաքանչիւր թագաւոր յիշատակում է այդպիսի ամանները աւարի կամ հարկերի թւում: Բագմայաղթ Ասսուրնագիրասպալը իր երկար արձանագրութիւնների մէջ բազմաթիւ անգամ յիշատակում է պղնձէ ամանները: «Ջորիներու, արջառի, ոչխարներու, գինւոյ, պղնձի անօթներու հարկն ու տուրքը առաջուրնէ աւելի բարձրացուցի», ասում է այդ յաղթողը: Աւար առնուող պղնձի իրերից մէկը ցոյց է տալիս և այն, որ ձուլագործութիւնը նոյնպէս լաւ զարգացած էր նախահայերի մէջ: Այդ առարկան «պղնձէ ցուլն» է, որ յիշուում է յաճախ: Երևի այստեղ մենք գործ ունինք կրօնական պաշտամունքի մի առարկայի հետ, որ նախահայկական տաճարների մի պատկանելիքն էր կազմում: Ազնիւ մետաղներն էլ—ոսկի, արծաթ—բաւական կային նաիրիի եր-



Ն ա ի ռ ի թ 6 ա ռ ի ե ռ թ



կիրներում: Եւ եթէ նրանք նոյն այդ երկիրների հանքերից չէին ստացում, ապա ուրեմն ներմուծում էին ուրիշ երկիրներից առևարի միջոցով: Ահա նաիրիի թագաւորներից կամ իշխաններից մէկի հարստութեան հետաքրքրական մի ցուցակը, որ պահուել է ասորական արձանագրութիւնների մէջ. «Սպառազինեալ կառքերը, զօրականաց կազմածը, երիվարները, 460 երիվար, կառուց ձիոց հարկերը, 2 տաղանդ արծաթ <sup>1)</sup>, 2 տաղանդ ոսկի <sup>2)</sup>, 200 տաղանդ անագ, 100 տաղանդ պղինձ, 300 տաղանդ երկաթ, 100 հատ սըղնձէ անօթներ, 3000 պղնձի սկաւառակ, 1000 հատ գոյնագոյն հիւսուած կտաւեայ զգեստներ, բաժակներ, նեցուկներ, փղոսկրէ և ոսկիէ աթոռներ, ...2000 զուարակ, 500 ոչխար, անոր (իշխողի) կինը՝ իր հարուստ օժտիւն, զդասերս աւագորերոյ նորա իրենց հարուստ օժիտներովն <sup>3)</sup>»:

Այս պատկերը, յամենայն դէպս,

<sup>1)</sup> 17187 ֆրանկ այժմեան դրամով:

<sup>2)</sup> 275000 ֆրանկ:

<sup>3)</sup> Սանտալնեան, եր. 122—123:

ապացոյց է որ գէթ տիրապետող տարրերը Նաիրիի երկիրներում զրրկուած չէին այն ժամանակուայ քաղաքակիրթ կեանքի մեծագոյն յարմարութիւններից, նոյն իսկ շքեղութիւնից: Եթէ սրա վրայ աւելացնենք այն, որ երկիրն ունէր նշանաւոր քանակութեամբ քաղաքային ազգաբնակութիւն, այն ժամանակ պարզուած կը լինի որ Նաիրիի բարձրաւանդակում տնտեսական և կուլտուրական կեանքը շատ առաջացած էր: Սօսելով քաղաքների մասին, մենք պիտի կրկնենք մեր՝ արդէն մի անգամ ասածը, այսինքն քաղաքների անհաւատալի մեծ քանակութիւնը: Ասորեստանցի թագաւորները հաւատացնում են թէ իրանց այս կամ այն արշաւանքի ժամանակ քանդած և աւերած քաղաքների թիւը տասնեակներով էր, նոյն իսկ հասնում էր 100-ի, 200-ի և էլ աւել: Եթէ այս թուերը միտումաւոր չափազանցութիւններ չեն, պէտք է ընդունենք ուրեմն որ քաղաք անունով հասկացւում էին և այն բեր-

դերը, ուր ապրում էին սովորական մի դիւղի բնակչութիւնից մեծ թուով մարդիկ: Այս էլ, ի հարկէ, բաւական է՝ ցոյց տալու համար որ Նաիրիի երկիրների ազգաբնակչութիւնը խիտ էր, խոշոր թուով համախմբուած լեռնային և դաշտային մասերում:

Նախահայկական քաղաքակրթութեան ամենաբարձր և առանձնայատուկ զարգացումը ներկայացրել են ուրարտացիները: Այս քաղաքակրթութիւնը, սակայն, ուրարտական պատմութեան է վերաբերում և մենք նրա մասին կը խօսենք շուտով, երբ կը հասնենք այդ ընդունակ նաիրեան ցեղի պատմութեան:

ԳԼՈՒԽ Գ.

Կ Ր Ո Ն

Կրօնական պաշտամունքներ մշակելու մէջ, ինչպէս երևում է, աշխատակցութիւն ունեցել են նաիրեան բոլոր ցեղերը: Այդ պաշտամունքների մէջ երևան եկող աստուածների թիւը շատ մեծ էր: Վանի Մհերի դուռ անունով ժայռի մեծ արձանագրութիւնը, որ պարունակում է իր մէջ կանոններ թէ որ աստուծուն ինչ գոհեր պէտք է բերել, տալիս է քառասուն և վեց աստուածների անուններ: Եւ եթէ ենթադրենք թէ նախահայրերի պանթէոնը ամբողջովին յիշատակուած է այս արձանագրութեան մէջ, աս-

սուածների այդ մեծ թիւը չը պիտի մեզ զարմացնէ, քանի որ այստեղ էլ, ինչպէս և միւս տեղեր հին աշխարհում, ընդհանուր համազգային պանթէոնը ամփոփում էր իր մէջ տեղական աստուածութիւնները: Երկիրը քաղաքականապէս ներկայացնում էր առանձին անկախութիւնների մի դաշնակցութիւն: Այդպէս էր նա և կրօնական տեսակէտով. դաշնակցութեան մէջ էին ոչ միայն զանազան երկիրներ, այլ և նրանց աստուածները:

Հին աշխարհում իւրաքանչիւր առանձին քաղաքական կազմակերպութեան ամենաբարձր արտայայտութիւնը, մարմնացումը տեղային աստուածն էր: Եւ երբ այդ առանձին կազմակերպութիւնները դաշնակցութեան մէջ էին մտնում մի ընդհանրութիւն կազմելու համար, պէտք էր, ի հարկէ, որ այդ դաշնակցութիւնն էլ մարմնաւորուի բոլոր տեղական աստուածների համախմբմամբ մի ընդհանուր պանթէոնի մէջ: Այս հանրակեցութեան մէջ աստուածներն էլ ճիշտ այն տեղն

էին գրաւում, ինչ գրաւում էր նրանց ներկայացրած երկիրը կամ քաղաքը, նայած իր ոյժին և նշանակութեան: Գլխաւոր աստուածը այն երկրի աստուածն էր, որ դաշնակցութեան գլուխ էր կանգնում:

Նախահայկական պանթէոնի մէջ գլուխ կանգնած էր մի երրորդութիւն, որի մէջ առաջին անձն էր Սալդ աստուածը: Դա, ինչպէս կարծում են, երկնքի աստուածն էր, համայն ազգի, այսինքն բոլոր նաիրեան ցեղերի հովանաւորը, որ և տալիս էր իր անունը ամբողջ ազգին (խալդեր, խալդիացիներ): Նրա հետ էին՝ Տէխսրաս, ինչպէս կարծւում է, օդի աստուած և Արդինիս — արեգակ աստուած: Այնուհետև նախահայկական պանթէոնի մէջ պաշտուող աստուածներն էին. Սուտուինի, Ուաս, Նալաինի, Սերիտու, Անապաս, Դիդուաինի, Սիէլարդիս<sup>1)</sup>, Ատրինի, Քուերա, Ելիպրի, Քալրահնի, Ադարուտա, Իրմուսինի, Երինաս, Սինիրիս, Ունինա, Զուզումա-

<sup>1)</sup> Հաս Մասպերոյի՝ *Լուսին* (Hist., t. III p. 60).

տու, Խարա, Արագաս, Զիկիդքունի,  
Ուրա, Արձիբեդիս, Առնիս, Արտուա-  
րաիրու, Սուբաս, Ելիատու, Ուաինա,  
Հարուրաինի, Բարաս, Աուխս<sup>1)</sup>, Աիաս<sup>2)</sup>,  
Շարդի, Իպխարի, Արա, Ադիա, Աինա,  
Արդի, Ինուանա: Բացի այս բոլորից՝  
առանց յատուկ անունների, յիշատա-  
կուած են «լեռների աստուած», «ցո-  
րենի տեղերը կողոպտող աստուած»,  
«ուռնածից (կռան խփողների) աս-  
տուած», «տառապելոց աստուած»,  
«փոների աստուած», «ձիւնաբեր աս-  
տուած», «անձրևաբեր աստուած»<sup>3)</sup>:

Ըստ երևոյթին, միայն մի հաս  
աստուածունի կար այդքան աստուած-  
ների մէջ և կոչւում էր Շարիս Թա-  
գունի<sup>4)</sup>: Այս դիցունին Բաբելոնի նա-  
նա, Ասորեստանի Իստար աստուա-  
ծունին էր:

Գլխաւոր աստուածը՝ Խալդին պաշ-  
տում էր իբրև մաքրութեան աս-  
տուած և արձանագրութիւնների մէջ

<sup>1)</sup> Զրի աստուած (Անդ):

<sup>2)</sup> Հողի աստուած (Անդ):

<sup>3)</sup> Sandalgian p. p.—188—215.

<sup>4)</sup> Ibid. p. 220.

նրա անուան հետ անբաժան է «մաք-  
րութիւն տուողի» յորջորջումը:

Միաժամանակ նա երկրի ոյժի, քա-  
ջութեան ներկայացուցիչն էր և հո-  
վանաւորում էր ձիաւորներին, պա-  
տերազմներին:

Մեզ յայտնի են խալդիական կրօնի  
միայն ծիսական մի քանի արարողու-  
թիւններ և գլխաւորապէս՝ զոհաբե-  
րութիւնները իւրաքանչիւր աստուծու  
համար սահմանուած էր զոհերի որոշ  
քանակութիւն: Այսպէս, մենակ Սալ-  
դի աստծուն զոհ պէտք էր բերել 17  
եղ և 34 ոչխար, իսկ այն երրորդու-  
թեան, որի մի անդամն էր նա—6  
գառն<sup>1)</sup>: Զոհի կենդանիների մէջ յա-  
ճախ յիշատակուում է և վայրի եղ:  
Աստուածներին նուիրաբերել կարելի  
էր և իւղ, գինի, միս, խոզ: Թւում է  
որ խալդիական պաշտամունքին խորթ  
չէր և մարդկանց զոհաբերութիւնը<sup>2)</sup>:

<sup>1)</sup> Ibid. p. 188—190.

<sup>2)</sup> Թոփրաք-կալէի պեղումների ժամանակ բա-  
ցուած է տաճարի կողքին մի տեղ, ուր հողի տակ  
թափուած էին մարդկանց և անասունների ոսկորներ:




Այս բաղմաթիւ գոհաբերութիւնները արդէն ցոյց են տալիս մի շատ զարգացած և բարդ կրօնական սիստեմ: Իսկ այս հանգամանքը մի վկայութիւն է, որ Սալդեան պաշտամունքին նուիրուած ժողովուրդը, ինչպէս և այն ժամանակների բոլոր ժողովուրդները, սնուցանում էր իր մէջ քրմական մի մեծ դասակարգ, որ այս երկրում էլ, հարկաւ, կատարում էր կարևոր դեր: Մհերի Գուռ ժայռի արձանագրութիւնը, որ մանրամասն նկարագրում է թէ քանի գոհեր պէտք է մատուցանել իւրաքանչիւր աստուծուն, պատկանում է վանի Իսպուիսիս թագաւորին և նրա որդի Մինուասին: Սա մի ցուցմունք է, որ թագաւորը այս երկրում միացնում էր բազաական իշխանութեան հետ և քրմապետի բարձր պաշտօնը: Երկիրը, ուրեմն, կառավարւում էր աստուածպետական ընթիմով: Այսպէս էր կա-

Կարծւում է թէ այդտեղ էին թափւում գոհերի սուկորները: Տ. Լեմանի վերոյիշեալ «Materialien» և «Բաղմազէպ» 1908 էր. 487:

ռավարութիւնը և ուրիշ երկիրներում։  
 Սալգիական պանթէոնի աստուած-  
 ները ունէին տաճարներ, ուր գտըն-  
 ւում էին նրանց պատկերները կամ  
 արձանները։ Հաւանական է համար-  
 ւում որ նախահայերը իրանց աս-  
 տուածներին ներկայացնում էին ոչ  
 թէ մարդկային կերպարանքով, այլ  
 մարդու մարմնի վրայ զանազան անա-  
 սունների և գլխաւորապէս շան և կա-  
 տուի գլուխ դնելով<sup>1)</sup>։ Այդ տաճար-  
 ներից մէկն ու մէկը կանգուն չէ մը-  
 նացել մինչև այսօր, բայց Ասորես-  
 տանի բարձրաքանդակ նկարների մէջ  
 մնացել է ասորական զինուորների  
 ձեռքով կողոպտուող նախեան մի  
 տաճարի պատկերը։

Սա քառակուսի յատակի վրայ բար-  
 ձրացած մի շինութիւն է, որի ծածֆը  
 վերջանում է բրգաձև նոճու նմանու-  
 թիւն ունեցող մի սիւնով։ Ճակատը  
 զարդարուած է չորս քառակուսի սիւ-  
 ներով, որոնց մէջ տեղը գտնւում է

<sup>1)</sup> Հ. Ն. Ա. — «Մհերի Դուն — Տոսպեանց Կրօնը»  
 («Հանդէս Ամս.» 1893, եր. 242)։



Նախըրի (Մուգապրի) տանար

մի փոքրիկ գուռ: Միւների վրայ կախուած են ուխտական (ընծայ մատուցուած) կոլոր ուռուցիկ վահաններ: Դռների երկու կողմին բարձրանում են կայմեր, որոնց վերին ծայրերը նման են բրգաձև նոճիների: Դրան ձախ կողմը նկարուած է մի կով, որ կաթ է տալիս իր հորթին. սա կրօնական նշանաբան էր Առաջաւոր Ասիայում: Դրան առջև, եզան ոտների ձև ունեցող եռոտանիների վրայ, գրուած են երկու կոլոր աւագաններ, որոնց մէջ պահուում էր քաւութեան ջուրը<sup>1)</sup>: Տաճարի անօթները, որ կողոպտել են ասորական զինուորները, ներկայացնում են անուշահոտութիւնների բազինները կամ ծխարանները:

Սակայն այս պատկերը չէ կարող բաւարար համարուել նախնական Հայաստանի կրօնական ամբողջ եռանդը շափել—հասկանալու համար: Երկիրը գիտէր և հոյակապ տաճարներով պա-

<sup>1)</sup> Lenormant—«Lettres Assyriologiques» p. 131.



## Տանարի անօրնիւր

տուել իր աստուածներին: Թօփրաք-  
կալէի աւերակներում պեղուած է մի  
խալդեան տաճարի հիմքը, որ պրօ-  
ֆէսօր Լէմանն անուանում է «շքեղ»<sup>1)</sup>:  
Այսպիսի կերտուածների հեղինակները  
թագաւորներն էին, որոնց ծախքով  
շարունակ զոհեր էին մատուցում  
աստուածներին: Կառուցանել տաճար,  
հասարակաշահ մի շինութիւն, նոյն  
խակ մի պալատ համարում էր աս-

<sup>1)</sup> «Հանդէս Ամս.» 1900, եր 246.

տուածահաճոյ գործ և այդպիսի գործերը յայտարարուամ էին կատարուած ի պատիւ խալդեան աստուածների: Նոյն աստուածներն էլ պիտի պահպանէին այդ շինութիւնները. ուստի, ինչպէս և Քաղզէայում կամ ուրիշ տեղերում, անէծքներ էին փորագրուամ շինութիւնների վրայ՝ շարագործ մարդկանց նրանցից հեռու պահելու համար: Ահա մի նմուշ ուրարտական անէծքի. «Սարիգուրիս ասէ. որ ոք զշինուածն քանդէ, որ ոք զայս արձանագրութեան վէմ բառնայ, որ ոք հողով զայս տեղի ծածկէ, իւր սեպհականէ զողջոյն զքանդակն, որ ոք որիշ իւր սեպհականէ զոր ևս շինեցի, քանդակաց պաշտպանք Պալղիս, Տէխսրաս և Արդինիս աստուածքն զնա հարուածեսցեն 4—4 անգամ առ օրին, զանուն նորա, զհայր և զորդեակս նորա, զբաղաքակիցս նորա զեաոց ջրովք ողողեսցեն»<sup>1)</sup>:

<sup>1)</sup> Sandaljian, p. 235.

ՄԱՍՆ ԵՐԿՐՈՐԴ

ՆԱԽԱԿԱՆԵԱՆ ՇՐՋԱՆ





## ՆԱԽՐԻ ԵՒ ՄԻՋԱԳԵՏՔ

Նախրիի բարձրաւանդակի բազմաթիւ մանր իշխանութիւնները, ինչպէս տեսանք արտաքին մի քանի երևոյթներից, տեղական անկախութիւնների սխտեմն էին ներկայացնում, անկախութիւններ, որոնք, սակայն, ընդհանուր վտանգի դիմաց գիտէին միանալ, կազմել դաշնակցութիւններ: Թէ ինչ փոխադարձ յարաբերութիւններ գոյութիւն ունէին այս մանր թագաւորութիւնների և իշխանութիւնների մէջ, — մենք համարեա ոչինչ չը գիտենք: Չը գիտենք նոյնպէս թէ ինչ յարաբերութիւններ ունէր Նախրին

այն ազգերի հետ, որոնք շրջապատում էին նրան արևմուտքից, հիւսիսից և արևելքից, որովհետև այդ կողմերը, ինչպէս և ինքը Նաիրին, թաղուած էին անգիր դրութեան խաւամէջ:

Միայն գերազանցօրէն քաղաքակրթուած հարաւն է պահել իր յիշատակարանների մէջ այնպիսի նիւթեր, որոնք բաւականաչափ լոյս են սրբում Տիգրիս-Եփրատեան հովտի և նրա հիւսիսում բարձրացած լեռնաշխարհի մէջ գոյութիւն ունեցած յարաբերութիւնների վրայ:

Մի քանի ազօտ տեղեկութիւններ ցոյց են տալիս, որ Քրիստոսից դեռ մօտ 3000 տարի առաջ Հայկական Սարահարթը ենթարկուած էր Քաղղէայի հզօր ազդեցութեան: Բայց այս ազդեցութիւնը պէտք է որ բացառապէս խաղաղ-քաղաքակրթական լինէր, քանի որ այդ հին ժամանակներում Միջագետքի հարաւային ծայրն էր քաղաքական և քաղաքակրթական մեծ կենտրոնը, որ և այնքան հեռու էր

Հայաստանի լեռներից, որ հազիւ թէ քաղաքական շահերի խիստ ընդհարումների և բաղխումքների հող մնար այդ երկու երկիրների մէջ: Լեռնաստանի բնակիչները կարող էին Քաղղէայի քաղաքակրթութեան բարիքները վայելել, առանց թշնամական դիրք բռնելու կամ թշնամական գործողութիւնների առարկայ դառնալու:

Դրութիւնը փոխուում է այն ժամանակից, երբ հիւսիսային Միջագետքում, հայկական լեռների ստորոտներում, սկսում է կազմակերպուել ասորական ինքնակալութիւնը: Քրիստոսից մօտ 1500 տարի առաջ էր, որ համաշխարհային պատմութեան ասպարէզում երևան եկաւ այդ զինուորական բռնապետութիւնը: Համարեանոյն այդ ժամանակներից էլ կարևոր քաղաքական յարաբերութիւններ են սկսուում Ասորեստանի և Նաիրիի մէջ: Այս յարաբերութիւնների թելադրողն այն աշխարհագրական դիրքն էր, որ գրաւում էին այդ երկու հարևանները: Ասորեստանը հիմնաւորւում և մե-

ծանուծ էր Միջագետքի դաշտերում, որոնց հիւսիսային սահմանների վրայ, միջնաբերդի պէս, բարձրացած էր Նաիրին:

Այդ տեղից էին գալիս Միջագետքի երկու մեծ գետերը, ճեղքելով լեռնաշղթաները և յարմար ճանապարհներ բաց անելով դէպի դաշտը: Այդ ճանապարհներով ցուրտ ու աղքատ լեռների վաշկատուն ցեղերը իջնում էին Ասորեստանի հարուստ և բարեբեր տափարակները՝ կողոպուտով ձեռք բերելու համար այն ամենը, ինչ այնքան առատ էր դաշտային քաղաքակրթութեան մէջ և ինչ զլանում էր տալ լեռնային բնութիւնը: Ահագին դժուարութիւններով էր կարող դաշտը պաշտպանուել լեռան դէմ, որ մշտական վտանգ է սպառնում բաց ու դիւրամատչելի երկրին: Եւ հասկանալի է որ Ասորեստանը չէր կարող արհամարհել իր թիկունքի ետևում բարձրացած մեծ միջնաբերդը:

Իր քաղաքակրթութիւնը փոխ անելով Քաղզէայից, Ասորեստանը ամե-

նից առաջ նրա դէմ դարձրեց իր գէնքը, որպէսզի նրա քաղաքական ժառանգն էլ հանդիսանայ: Ապա նա պիտի հաշիւ տեսնէր Եփրատից գէպի արևմուտք գտնուող երկրների հետ: Այդտեղ էին Սիրիայի արամէական և Փոքր Ասիայի հեթիթական ցեղերը, որոնք պատկառելի ոյժ էին ներկայացնում: Եւ արիւնահեղ պայքարը հարաւի ու արևմուտքի հետ փոփոխակի յաջողութեամբ տևում էր դարեր:

Այսպիսի հանգամանքների մէջ ասորական պետութիւնը չէր կարող անուշադրութեան մատնել Նաիրիի լեռնաստանը, որ ամբողջապէս պատկանում էր դարձեալ հեթիթական ցեղերին: Պատերազմ մղելով այդ ցեղերի դէմ արևմուտքում, անկարելի էր հանդիստ թողնել նրանց ցեղակիցներին հիւսիսային լեռնաստանում: Միջագետքի տէր կարող էր դառնալ նա, ով ուժեղ կերպով հաստատուած էր Հայաստանի Բարձրաւանդակում: Եւ ահա այստեղից առաջանում էր պետական առաջնակարգ անհրաժեշտու-

թիւնը անվրաս դարձնել այդ Բարձրաւանդակը, այն է՝ նուաճել նրան, հպատակեցնել կայսրութեան: Եւ այս մեծ անհրաժեշտութիւնն է պատճառոր Ասորեստանը, գրեթէ որքան ժամանակ որ գոյութիւն ունէր, նկատում էր Նաիրին որպէս մի երկիր, որ պէտք էր հարուածել՝ հնազանդութեան մէջ պահելու համար, իսկ Նաիրին էլ մշտապէս այն ընթացքն ունէր իր հարաւային ասեղ հարեանի վերաբերմամբ որ պէտք է կոուել նրա դէմ ամեն յարմար միջոցում: Այս դարաւոր պայքարը մի երևոյթն էր այն ասաւոր մրցութեան, որ տեղի ունէր երկու մեծ աշխարհների, այն է՝ սեմական և հեթիթական ցեղերի մէջ<sup>1)</sup>: Հայաստանը հեթիթական աշխարհի գրաւած ռազմական դիրքերի ձախ թնն էր կազմում:

Ասորեստանի թագաւորներից Սալմանասար Ա. է (Ք. ա. մ. 1330—1316), որ առաջին անգամ յիշատակում է իր արձանագրութեան մէջ թէ


<sup>1)</sup> Винклеръ, с. 125.

տիրեց Նիրիի (Նաիրիի) երկիրներին<sup>1)</sup>, Արշաւանքը Ասորեստանից Տիգրիսի գետահովտով ուղևորուեց այժմեան Դիարբէքիւրի դաշտը և այնտեղից դէպի հիւսիս, ուր Սուրնատ գետի (այժմ Զերենէ-սու) նեղ անցքում փորագրեց իր արձանը իբրև նշան իր յաջողութիւնների և իբրև ուղեցոյց յետագայ արշաւող բանակներին: Այս նեղ անցքը, որ փորել է գետը ժայռերի մէջ, մի գուռն էր, որ մտցնում էր Նաիրիի երկիրները<sup>2)</sup> արևմտեան կողմից: Անցնելով այդ դռները, Սալմանասարը իր դէմն ունէր Նաիրիի իշխողներին, սրոնց և յաղթեց:

Այսպէս է ասորական առաջին արձանագրութիւնը Հայաստանի մասին: Բայց նախ մենք պէտք է պարզենք մեզ համար թէ ասորական աղբիւրները առհասարակ ինչ պատմական արժէք են ներկայացնում մի երկրի վերաբերմամբ, որ պատերազմող կողմ է եղել, թշնամի, ըմբոստ:

1) Սանտալեան—«Ասոր. և Պարս. Արձ.» եր. 84.

2) Hyvernat, p. 501.



Ասոր. Արձանագրութիւն Սուրբնաւ գետի կիրճում



Պէտք է իմանալ որ շատ յաճախ ասորական արձանագրութիւնների վեր հանած իրողութիւնները չեն համապատասխանում այն ճշմարտութեան, որ հէնց նոյն այդ գրութիւնների տողամէջերից կարելի է հանել: Իւրաքանչիւր արշաւանք, ըստ այդ արձանագրութիւնների, վերջանում է ասորական զէնքի կատարեալ յաղթանակով և թշնամու կատարեալ ոչնչացմամբ, մինչդեռ իրապէս այդ յաջողութիւնները այսքան վճռական չեն և այնպէս չեն փոխում իրողութիւնը, ինչպէս ներկայացւում է Միջագետքի գոռոզ տէրերի պատմութեան մէջ: Եւ այս հասկանալի կը լինի, եթէ մենք աչքի առաջ բերենք թէ ինչ էր ասորական թագաւորը, առաջին մարդը այս աշխարհում աստուածներից յետոյ, անսահման տէրն ու հրամայողը: Այսպիսի մի մեծութիւն, ինչպիսին էր ոյժի այդ ահեղ ներկայացուցիչը, ի հարկէ, չէր զիջի ասելու իր հպատակներին թէ ինքը անյաջողութեան է հանդիպել այս ինչ պատերազմի մէջ

կամ գէթ շատ շնչին յաջողութիւն է ձեռք բերել: Իր ուժով, իր դատանութիւններով յոխորտալը ասորական թագաւորների փառքն ու պարծանքն էր, ուստի և իւրաքանչիւր յաջողութիւն ներկայացւում էր շափազանցրած, անզուսպ պարծենկոտ ձևով: Ահա այս պատճառով էլ շը պէտք է բառացի մտքով հասկանալ Սալմանասարի յայտարարութիւնը թէ ինքը տիրել է Նաիրիի երկիրներին: Այդ տիրապետութիւնը, յամենայն դէպս, այնպէս չէր եղել, որ Ասորեստանը իրան ապահովուած համարէր հիւսիսային լեռների կողմից: Ապացոյց՝ նոյն Սալմանասարը ստիպուած էր, ինչպէս պատմում է յետագայ ժամանակների (թ. դար Բ. ա.) մի արձանագրութիւն, ասորական, գաղթականութիւններ հիմնել հիւսիսային սահմանների վրայ «Նաիրիի դէմ»<sup>1)</sup>:

Այս հանգամանքը պարզում է ասորա-նաիրեան յարաբերութիւնների մի կարևոր և բնորոշ կողմը: Միջա-

<sup>1)</sup>Անդ. եր. 86.

գետքի համար հիւսիսից պաշտպանուելու լաւագոյն միջոցն էր զինուորական գաղթականութիւններով ու ամրոցներով գոտևորուելը: Այս ռազմական սիստեմին դիմողը միմիայն Սալմանասար Ա չէր, այլ և նրանից յետոյ նոյն միջոցները գոյութիւն ունէին դարերի ընթացքում: Այսպիսի սիստեմի դիմելու կարիք չէր լինի, եթէ Ասորեստանի թագաւորներին յաջողուէր միանգամայն ընկճել և ընդ միշտ հպատակական երկիւղի մէջ պահել Նաիրիի բնակիչներին: Հիւսիսային վասնզր Տիգրիս-Եփրատեան հովտի աշխարհակալ կայսրութեան համար շատ զգալի էր հէնց այն պատճառով, որ Նաիրիի լեռներում ապրող ժողովուրդները, ճիշտ է, մանր մասերի էին բաժանուած, բայց անկախութեան ոգին նրանց մէջ չէր պակասում և ասորական քաղաքակրթութեան շատ ուժեղ ազդեցութիւնը այդ երկիրներում ապազգայնացում չէր առաջացնում:

Այդ ազգային անշէջ ինքնազգա-

ցումը, այդ անկախութեան ոգին ընդ-  
վզումներ էր հանդէս հանում ամեն  
յարմար առիթով, որ ներկայացնում  
էր հարաւային ասիական բռնակալու-  
թիւնը:

Երբ Ասորեստանը անկարող թա-  
գաւորների շնորհիւ մատնւում էր  
թուլութեան, Նաիրին, ինչպէս մէկը  
այն բազմաթիւ երկիրներից, որոնք  
ենթարկուած էին ասորական լուծին,  
համարեա միշտ ջանք էր անում ա-  
զատուելու այդ լուծից և ամեն ան-  
գամ Ասորեստանի բանակները բար-  
ձրանում էին անհնազանդ լեռները՝  
նրանց նուաճելու համար:

Ասորական բանակները քանդել,  
ոչնչացնել և անզուսպ զազանութիւն-  
ներով սարսափ ու ահաբեկում տա-  
րածել գիտէին գերազանցօրէն և աշ-  
խարհի մէջ ոչ ոք չէր կարող մրցել  
նրանց հետ այդ կողմից: Բայց որքան  
և ահեղ լինէր փոթորիկը, նրա անց-  
նելուց յետոյ աւերակների մէջ նո-  
րից բարձրանում էր տեղական անկա-  
խութեան ոգին, որ և գործում էր

մինչև ասորական նոր արշաւանքը։  
 Բայց Նաիրիի ճակատագիրը Միջագետքի հարուածների տակ հասկանալու համար մենք չը պէտք է մոռացութեան տանք և այն կարևոր հանգամանքը, որ բնորոշում է հին մեծ կայսրութիւնների (եգիպտական, քաղդէական, ասորական, ապա և պարսկական) տիրապետութիւնը։ Այդ կայսրութիւնների համար նուաճել մի երկիր չէր նշանակում միանգամայն ոչնչացնել նրա ազգային-կուլտուրական ինքնուրոյնութիւնը և նուաճողը սովորաբար բաւական էր համարում հարկի ենթարկել գրաւած երկիրը. այս հարկատուութիւնն էլ հպատակութեան երաշխիք էր համարուում։ Պետական այս սխտեմը, որ յատուկ էր հին Արևելքին, նոյնպէս շատ էր նպաստում որ Նաիրիի մանր անկախութիւնները միանգամայն չոչնչանան ասորական զինուորների ոտների տակ։ Իրանք, այդ անկախութիւնները, որքան էլ ընդհանուր վտանգի դիմաց գիտէին միանալ, չէին կարող, ի հարկէ, ասո-

բական կուռ բանակների դէմ հանել  
այնպիսի մի մեծ ոյժ, որից ընկճուէր  
թշնամին: Պատերազմը Նաիրի լեռ-  
ներում սովորաբար լեռնային, պար-  
տիզանական բնաւորութիւն ունէր և  
յենւում էր ոչ այնքան զօրքերի բազ-  
մութեան, որքան լեռնային բնութեան  
հայթայթած ամրութիւնների վրայ:  
Եւ ասորական թագաւորների համար  
իրանց յաղթական արձանագրութիւն-  
ների մէջ պարծանքի առարկայ էր  
դառնում բարձր, անմատչելի լեռներ  
բարձրանալը և այստեղ ամրացած ար-  
քայիկներին ու իշխաններին յաղթելը:  
Մի դաշտեցի ժողովրդի համար, հար-  
կաւ, լեռնային դժուար պատերազմը  
կարող էր մեծագործութիւնների կար-  
գը դասուել, ուստի և արձանագրու-  
թիւնների մէջ, ինչպէս կը տեսնենք,  
մշակւում է յատուկ, նոյն իսկ բանա-  
ստեղծական ոճ լեռներն ու նրանց կա-  
տարներին մղած պատերազմները նկա-  
րագրելու համար:

Սալմանասարի որդի Թեգլաթ-Ա-  
դար Ա. թագաւորը (1310—1270 թ.

ա.) զբաղուած էր երկարատև պատերազմներով Քաղզէայի դէմ, իր տիրապետութիւնը հաստատեց Բաբելոնում, բայց այդ զբաղմունքների մէջ էլ, ինչպէս երևում է, ժամանակ զտաւ Նաիրիի հարաւային երկիրները (Կորդուաց աշխարհը) արշաւելու համար: Սակայն հարաւում մղած երկարատև պատերազմները սպառեցին Ասորեստանի ոյժը և Թեգլաթ-Աղարի մահից յետոյ Միջագետքի նորակազմ կայսրութիւնը ստիպուած էր իր ինքնապաշտպանութեան մասին հոգալ, մանաւանդ որ Թեգլաթ-Աղարի յաջորդներն էլ թոյլ թագաւորներ էին. Նաիրին համարեա թէ մոռացւում է: Թէև կարծւում է թէ Նինիւր-պալասար (1190—1170), և Ասսուրրիսիսի (1130—1108) թագաւորները զբաւած են կամ, աւելի ճիշտ, յետ խլած են Նաիրիի մի քանի կորցրած հողերը<sup>1)</sup>, բայց այդ գործողութիւնները այնքան խոշոր դէպքեր չէին և մանաւանդ անյայտ

1) Սանտալճեան, եր. 23—24.

են մնացել իրանց մանրամասնութիւններով:

Ասորական առաջին կայսրութեան վերջին ներկայացուցիչն էր Թեգլաթպալասար Ա. (1108—1080 Ք. ա.), որի ժամանակ Ասորեստանը նորից ձեռք բերեց զինուորական մեծ պետութեան հմայքը: Արևելքի ուժեղ աշխարհակալներից մէկն էր դա, որ արշաւանքներ սկսեց դէպի հիւսիս-արևմտեան երկիրները, Եփրատի միւս կողմում: Այդտեղից էին առաջանում հեթիթական ազգերը, այդտեղ կար ծաղկած քաղաքակրթութիւն և առևտրական մեծ ճանապարհների վրայ կարելի էր հարուստ աւար ձեռք բերել: Եւ երբ գործողութիւնները այդ ուղղութեամբ էին առաջ տարւում, անկարելի էր, ի հարկէ, անտես անել հեթիթական երկիրների այն մասը, որ Նաիրին էր:

Իր արշաւանքները դէպի այս երկիրները Թեգլաթպալասարը պատմել է մի քանի արձանագրութիւնների մէջ, որոնցից մէկը գտնւում է նոյն Սուր-



նատ (Զէքէնէ-սու) գետի նեղ ձորում, ժայռերի վրայ, ուր նա էլ, հետևելով Սալմանասարի օրինակին, փորագրել տուեց իր պատկերը: Այդ փորքրիկ արձանագրութեան մէջ ասուած է. «Օգնականութեամբ Ասսուրայ, Շամասայ, Ռամմանայ աստուծոց մեծաց՝ իմ տէրանցս, ես Թեզլաթ-պալասար՝ Ասորեստանի թագաւոր, որդի Ասուրբիսիսեայ արքային Ասորեստանի, որդւոյն Մուտակկիլ (Նուսկուի) արքային Ասորեստանի, աշխարհակալ ի մեծ ծովէ արևմտից մինչև Նախրիի ծովն, 3 անգամ Նախրիի վրայ արշաւեցի»<sup>1)</sup>:

Նախ քան բուն Նախրի մտնելը, Թեզլաթ-պալասարը երկար պատերազմական գործողութիւններ էր մղում կումմուխ երկրում, որի տեղը որոշում է այժմեան Դիարբէքիւր քաղաքը և որ տարածւում էր մինչև Մուշ քաղաքը: Իսկ Նախրիի մէջ եղած գործողութիւնները հետևեալ պատմութիւնն ունին:

<sup>1)</sup> Անդ, եր. 107.

«Հեռաւոր թագաւորաց երկիրներուն վրայ՝ Վերի Ծովուն՝) եզերքը, որոնք հպատակութիւն չէին ճանչնար, Ասսուր տէրն խրկեց զիս և ես խաղացի գնացի: Դժուարին նուրբ շաւիղներէն և կիրճերէն՝ զորոնք յառաջագոյն երբէք թագաւոր մը չէր տեսած, սեպ ճամբաներէն, զառիվերերէն՝ որոնք չէին բացուած՝ զօրաց խաղալ գնալ տուի... 16 ահագին լեռները կոխեցի անցայ, դիւր տեղուանքը՝ իմ մարտակառքիս մէջ, իսկ դժուարին տեղուանքը պղնձի բրիչներով ուղղեցի: Լեռանց ուրումի ծառերը մէկդի վերցուցի. կամուրջս վասն խաղացից զօրաց իմոց շինել ետու, Եփրատի՝) վրայէն անցայ, Նիմմէ երկրին թագաւորն, Տունուրէ երկրի թագաւորին, Տուալի երկրին թագաւորն, Բինտարի երկրին թագաւորն, Ուզուլա երկրին թագաւորն, Ունգամունի երկրին թագաւորն, Անտիարէ երկրին թագաւորն, Պիլաքինի երկրին թագաւորն, Աթուրգինի երկրին թագաւորն, Կուլիբարգինի երկրին թագաւորն, Շինիբիրնի երկրին թագաւորն, Հիմուա երկրին թագաւորն, Պախտերի երկրին թագաւորն, Ուիրամ երկրին թագաւորն, Շուրուրիա երկրին թագաւորն, Արասնի երկրին թագաւորն, Ա-

1) Հաւանական է համարուում որ այս անունով կոչուած է Վանի լիճը:

2) Հաւանականաբար՝ Արածանի:

դաննի երկրին թագաւորն, Կիրինի երկրին թագաւորն, Ալքաա երկրին թագաւորն, Ուզինա երկրին թագաւորն, Նագաքինա երկրին թագաւորն, Աբարաիունի երկրին թագաւորն, Իաիաննի երկրին թագաւորն, Նաիրիայ երկիրներուն ամբողջ 23 թագաւոր՝ իրենց երկիրներուն մէջ պատերազմիկ կառքերնին և զօրքերնին ժողովեցին, պատերազմ ու ճակատ տալու յառաջացան: Հօր զինուցս սաստկութեամբն զանոնք ճնշեցի. անոնց բազմաթիւ զօրաց մէջ Ռամմանայ ամպրոպի նման՝ աւերում ձգեցի: Իրենց պատերազմողաց զիակաները լերանց բարձանց վրայ և առ երի քաղաքաց նոցա շուշմայի (լկնջիթ բոյս) պէս սփռեցի: Իրենց պատերազմիկ կառքերէն 120-ը ճակատամարտի մէջ խորտակմամբ խորտակեցի: 260 թագաւորս Նաիրեայ երկրաց՝ ընդ այնոսիկ որք անոնց օգնութեան եկած էին, իմ նիզակովս մինչև ցծոջն վերին տարի: Իրենց մեծամեծ քաղաքներուն տիրեցի: Անոնցմէ բռնած գերիններն, անոնց ինչքն ու ստացուածքը առի տարի. անոնց քաղաքները հրով այրեցի, աւերեցի, քանդեցի, փլատակներու բլուր ու խոպան երկիր դարձուցի: Երամակս բազմաթիւ ձիերու, ջորիներու, մոզիներու և զինչս նոցա երկրագործականս անթիւս առեալ տարի: Զամենայն թագաւորս Նաիրեայ երկիրնե-

րուն իմ ձեռքս կենդանւոյն գերի բռնեցի։ Այս թագաւորաց շնորհս շնորհեցի. անոնց կեանքը խնայեցի. գերի ընկած ու շղթայի զարնուած ըլլալովնին, Շամուշայ<sup>1)</sup> իմ տեառս առջև անոնց ազատութիւն տուի. աստուածոց մեծաց առջև ապագային համար և վասն աւուրց մնացելոց հպատակութիւն պահելու զանոնք երդուընցուցի։ Անոնց արքայորդիները պատանդ առի։ 1200 ձի, 2000 եղ անոնց վրայ հարկ գրի և զանոնք թողուցի որ իրենց երկիրներն երթան։ ՉՍինի՝ Դաիաինեայ թագաւորը, որ Ասուրայ՝ իմ տեառնս՝ չէր հպատակած, գերի և շղթայակապ իմ քաղաքս յԱսուր տարի և թողութիւն շնորհեցի անոր։ Իմ Ասուր քաղաքէս՝ իբր ծառայ աստուածոց մեծաց ծառայելու և ապրելու աղագաւ զանի թողուցի որ երթայ։ Երկրաց Նաիրիայ լայնածաւալաց՝ բովանդակ տարածութեամբըն՝ տիրեցի և անոնց բոլոր թագաւորները ինձի հպատակ կացուցի»<sup>2)</sup>։

Այս մանրապատում ասորական նրկարագրութիւնը պարզապէս այն է ցոյց տալիս որ Նաիրիի երկիրներում թեզլաթ-պալասարի տարած յաղթութիւն-

<sup>1)</sup> Ասորական Աստուած (արևի)։

<sup>2)</sup> Անդ, եր. 98—101.

ները այն աստիճան փայլուն և վճռական չէին, ինչպէս ինքն է աշխատում ցոյց տալ: Երկրի քաղաքական կազմակերպութեան մէջ այդ յաղթութիւնները տակնուվրայութիւններ չը մըտցրին: Բոլոր թագաւորները նորից իրանց իշխանութեան մէջ էին, խոստանալով հարկ տալ իրրե հպատակութեան նշան: Նշանակում է որ այդ թագաւորները միանգամայն խորտակուած ու մոխիր դարձած չէին, այլ յայտնի պայմաններով հաշտութիւն էին կնքել թեզլաթ-պալասարի հետ: Միայն Դաիանիի Սինի թագաւորն էր, որ շղթայակապ գերի տարուեց Ասորեստան, երևի այն պատճառով որ նա էր Նաիրիի դաշնակցութեան գլուխը և դիմադրութեան ղեկավարը: Սակայն նա էլ Ասորեստանում չը սպանուեց կամ ընդ միշտ շարգելուեց, այլ դարձեալ դաշնադրական պայմանների միջոցով վերադարձաւ իր երկիրը իր թագաւորութիւնը շարունակելու համար:

## ՆԱԻՐԻԻ ԱՆԿՈՒՄԸ

Թեզլաթ-պալասարից յետոյ երկու հարիւր տարուց աւել մի ժամանակամիջոց Նաիրիի երկիրների բախտը անյայտութեան մէջ է մտում: Զը նայած, սակայն, փաստերի պակասութեան, կարելի է պնդել որ Նաիրին այդ ժամանակներում դարձեալ ձեռք էր բերել իր անկախութիւնը և Ասորեստանի հարուածների վտանգին չէր ենթարկուած: Այս իրողութեան վկայութիւնն այն է, որ Ասորեստանը Թեզլաթ-պալասարից յետոյ անկման մէջ էր գտնուում, երբ նա կորցրեց այդ հուժկու թագաւորի զէնքով նուա-

ճուռած բոլոր երկիրները և զինուորական մեծ պետութեան աստիճանից իջաւ երկրորդական պետութեան վիճակին:

Թուլացած պետութիւնը նորից իր նախկին դիրքը բռնելու ջանքեր սկսում է ցոյց տալ Թեգլաթ-Աղար Բ. թագաւորի (889-885 թ. Ք. ա.) ժամանակ: Սակայն սրան վիճակուած էր թագաւորել միայն հինգ տարի և այդ ժամանակամիջոցում նա կարողացաւ արշաւել Նախրիի վրայ հիւսիս-արևմտեան ուղղութեամբ, Սալմանասարի և Թեգլաթ պալատարի ճանապարհով: Դարձեալ Սուբնատ գետի կիրճում է ուր Թեգլաթ-Աղար Բ. փորագրել է մի համառօտ արձանագրութիւն, որի մէջ ասում է. «Թեգլաթ-Աղար, արքայ մեծ, արքայ հօր, արքայ ժողովրդոց, արքայ Ասորեստանի... Օժանդակութեամբ աստուածոց մեծարանաց իւրոյ հոն գնաց, ահագին լեռներ՝ ի ծագմանէ արևու մինչև ցմուտս արեգական՝ նուաճեց: Բուռն, անպարտելի... հոն գնաց

կայծակի նման, գետեր... առաթուր  
կոխեց»<sup>1)</sup>։

Թեզլաթ-Ադարին յաջորդեց նրա  
աւագ որդի Ասսուրնազիրաբալը (885—  
860 թ.)։ Ասորեստանը հարևան եր-  
կիրներու մէջ ալ ևս ոչ մի հպատակ  
ազգութիւն չունէր. միայն Նաիրիի  
հարաւային մի քանի կտորներն էին,  
որոնք դեռ մնում էին Նինուէի տիրա-  
պետութեան տակ<sup>2)</sup>։ Ասսուրնազիրա-  
բալը իր ստացած վտիտ ժառանգու-  
թիւնը մեծացնելու համար թագաւո-  
րութեան առաջին տարուանից սկսեց  
ահագին եռանդով աշխարհակալական  
արշաւանքներ պատրաստել և իր պա-  
տերազմական խոշոր տաղանդով հան-  
դիսացաւ Թեզլաթալասարի արժանա-  
ւոր յաջորդ, նոյն իսկ աւելի ևս բարձ-  
րացրեց Նինուէի կայսրութեան փայլը  
ամբողջ Առաջւոր Ասիայում։ Նորից  
արևմտեան աշխարհը, Բաբելոնից մինչ-  
չև Եփրատի արևելեան ճիւղը, մինչև  
Միջերկրական ծովը, զգաց ասորական

<sup>1)</sup> Սանտալճեան, եր. 108.—<sup>2)</sup> Maspero Hist. t.  
III, p. 6.



արշաւանքների ամբողջ սոսկումը: Աստուերնազիրաբալը մեծ նուաճող էր, միևնույն ժամանակ և արիւնարբու մի գազան: Նրա գործադրած սխտեմատիք գազանութիւնները, աւերանքները ճիշտ որ ընդունակ էին աւելի մեծ սարսափ տարածելու, քան նրա ճակատամարտերը: Իր յետնորդները գերագանցեցին նրան ոչ միայն նուաճողական թափի, այլ և գազանային արարքների նրբութիւնների և բազմազանութեան մէջ:

Ծանր կացութիւն վիճակուեց մանաւանդ Նաիրիին: Աստուերնազիրաբալը ամենից առաջ առանձին մեծ եռանդով գործում էր մանաւանդ այս երկրի դէմ և իր թագաւորութեան ընթացքում չորս անգամ արշաւեց նրա վրայ, սոսկալի աւերանքների ու կոտորածների ենթարկելով երկիրը: Նա շատ լաւ գիտակցել էր այս լեռնաշխարհի կարևոր նշանակութիւնը իր ապագայ գործունէութեան տեսակէտից և ամենից առաջ, ու ամենից շատ աշխատում էր իրականացնել Նաիրիի

կատարեալ նուաճումը: Առաջին անգամ 884 թուականին էր որ նա յարձակուեց Վերին Արածանիի կողմերում նուամի երկրի վրայ և այդ տեղից արշաւելով դէպի Ուրմիայի ծովը, վերահաստատեց ասորական տիրապետութիւնը Սուբուսկիա և այլ հարեան երկիրներում: Զարմանալին այն է, որ ահեղ աշխարհակալի ոյժը վնասութիւն և լքում չէր առաջացնում այն երկիրներում, որոնց վրայ դնում էր նա իր թաթը: Կան երկիրներ, որոնք ապրտամբում են նրա դէմ: Ապստամբուողները թւում են նախ և առաջ այն ասորական գաղութները, որոնք հաստատուած էին Տիգրիսի և Եփրատի մէջտեղերում (Դիարբէքիւրի կողմերը) և պաշտպանում էին դէպի Ասորեստան տանող լեռնային անցքերը: Հնազանդեցնելով ապստամբներին, Ասուրնազիրաբալը առանձնապէս ամրացնում է Տուշհա քաղաքը, որ, ինչպէս տեսանք, շատ կարևոր դեր էր խաղում սահմանագլխի վրայ:

Իսկ յաջորդ տարին, 883-ին, ասոր-

բական թագաւորը մտնում է Նաիրիի երկիրները արևմտեան կողմից, այսինքն Տիգրիսի հովտով: Նաիրեան գաշնակցութիւնը արդէն առաջուայ պէս ուժեղ չէ, բայց և այնպէս, Ասսուր-նագիրարալը առանց դժուարութիւնների չէր որ նուաճեց բոլոր այդ երկիրները: Նա սահմանում է հարկային նոր սիստեմ: Բայց կայ աւելի վատը, որ արդէն լուրջ սպառնալիք է տեղային թագաւորների անկախութեան— թագաւորը կուսակալներ և կառավարիչներ է նշանակում երկրի զանազան կողմերում: Երբորդ արշաւանքը տեղի ունեցաւ 880-ին, իսկ շորբորգը՝ 867-ին: Այս արշաւանքների մանրամասնութիւնները ամենից լաւ կարող է պատմել ինքը այդ արշաւանքների հրամանատարը: Ուստի խօսքը տանք Ասսուր-նագիրարալին:

... Ասուրնաձիրարագ՝ հզօր թագաւոր,  
... արքայ բովանդակութեան շորից կողմանց աշխարհի...

կառավարութեանս առաջին տարին...  
պստտերագմիկ կառքերս ու զօրքս ժողուեցի,  
արշաւեցի սեպ ճամբայներէն, դժուարին

լեռներէն, որոնք գնացից կառացս ու զօրացս անյարմար էին: Նուամի երկրին վերայ գնացի. Գուրբի՝ իրենց բերդաքաղաքին, Սուրբա, Արուքու, Արուրա, Արուրի ամուր քաղաքներուն՝ որոնք Ուրինի, Արունի, Իտինի կոչուած ահագին լեռներուն մէջ կը գտնուին՝ տիրեցի, զպատերազմողս նոցա բազմաթիւս սպանի, աւարնին, ինչքերնին, արջառնին յափշտակեցի. զօրքն փախաւ, զժուարին լերան մը վրայ ամրացաւ: Լեռն կարի զժուարին էր. անոնց ետեւէն փութով հետամուտ չեղայ. լերան գագաթն երկաթի գաշունի մը ծայրին պէս կը բարձրանար, և երկնից թեւաւոր թռչուն մ'անոր չը մօտենար: Նման բունոյ ուղիկի (թռչնոյ) իրենց ամբութիւնը նոյն լերան վրայ շինած էին: Ուր որ իմ հարցս մէջէն և ոչ մի թագաւոր մտած էր, երեք օրուան մէջ զիւցազնն մազլիւով (\*) լերան վրայ ելաւ՝ քաջասրտութեամբ կոուոյ ցանկանալով: Վեր ելաւ, իւր ոտքերովն լեռը կտակատեց, անոնց բոյնը ջախջախեց, բանակնին խորտակեց: Անոնց պատերազմողներէն 200-ը զէնքով յերկիր կործանեցի. անոնց մեծաքանակ աւարը՝ ոչխարաց երամակներու պէս առի տարի: Անոնց արեամբը՝ լեռն ասրի նման ներկեցի. իրենց մնացորդները լերանց ծործվրներու և անձուկներու (\*) մէջ ոչնչացուցի. անոնց քաղաք-

ներն աւերեցի, քանդեցի, հրով այրեցի։  
 Նուամի երկրէն ելայ, Կիրրուրի երկիրը վար  
 իջայ։ Հարկս Կիրրուրի, Սիմսի, Սիմիրա,  
 Ուլմանիա, Ադաւս, Խարզա ու Խարմասա եր-  
 կիրներէն ձիեր, ջորիներ (°) արջառ, ոչ-  
 խարներ, գինի, պղնձի անօթներ իբր ի-  
 բնոց հարկն ընդունեցայ։ Անոնց վրայ կող-  
 մակալներ դրի։ Մինչդեռ (գօրքս) Կիր-  
 րուրի մէջ կը գտնուէր, Ասուրայ՝ իմ  
 տեառնս՝ պայծառութիւնն զԿիրզանացին և  
 զՊուրուսկացին յերկիր կործանեց։ Չիեր,  
 արծաթ, ոսկի, կապար, պղինձ, պղնձի ա-  
 մաններ ի սակ հարկի առջևս բերին։ Կիր-  
 րուրիէն ճամբայ ելայ, Խուլուն քաղաքին  
 կրճին մէջ մխեցայ, որ Կիրխի երկրին  
 դիմացն է։ Խատու, Խատարու, Նիստուն,  
 Իրբիդի, Միաքիա, Արձանիա, Տիլա, Խա-  
 լուա քաղաքներուն՝ որոնք Կիրխի երկրին  
 Ուսու, Արուա, Արարդի ահագին լեռնե-  
 րուն մէջ կը գտնուէին՝ տիրեցի. անոնց  
 բազմաթիւ գօրքը սպաննեցի. աւարնին և  
 ինչքերնին առի տարի։ Զօրքն փախաւ,  
 Նիստունի դիմացը դուրս ցցուած լեռնային  
 ժայռ մը բռնեց, որ երկնից ամպի մը նը-  
 ման՝ երկնքէ դէպ ի վար կը հակէր։ Ուր  
 որ թագաւորաց իմ հարցս մէջէն և ոչ մէկն  
 մտած էր, իմ զինուորներս թռչնոց պէս  
 անոնց վրայ խոյացան։ Անոնց պատերազ-  
 մող գօրքէն 260-ը գէնքով դիաթաւալ կա-

ցուցի, գլուխնին կտրեցի. անոնցմէ սիւն մը կառուցի: Անոնց ֆնացորդն թռչնոց պէս լերան գագաթան վրայ իւր բոյնը շինեց: Անոնց աւարն ու ինչքը լերան մէջէն վար բերել տուի քաղաքները՝ որ ի մէջ ահագին ու թաւուտ լերանց էին, աւերեցի ու քանդեցի, հրով այրեցի: Մարդիկն՝ որչափ բազմութեամբ որ գինուցս երեսէն փախած էին, վար իջան, ոտքերուս փարուեցան: Անոնց վրայ տուրքեր, հարկեր ու վերակացուններ դրի: Նիստունի քաղաքապետը՝ Բուբայի որդին՝ զԲուբու Աբրահիլի մէջ մորթագերծ ըրի, պատի մը մէջ հիւսեցի: Նոյն ատեն իմ անձինս պատկերը շինեցի. իմ կարող զօրութիւնս անոր վրան գրեցի, Իքի լերան վրայ՝ Ասուրնաձիրապլու քաղաքին մէջ՝ աղբերական տեղը՝ զայն կանգնեցի:

Նոյն անուանակիր տարւոյն մէջ Աբամսոյն 24-դ օրն ըստ հրամանի Ասուրայ և Իստարայ աստուածոցն մեծաց՝ տերանց իմոց՝ Նինուէէն ելայ, Նիրուր և Պաձատու ահագին լեռներուն ոտքը գանուող քաղաքաց վրայ արշաւեցի: Ատկուն, Ուսխու, Պիլագի վիճակներուն մէջ 20 քաղաքի տիրեցի. անոնց բազմութիւ պատերազմողները սպաննեցի. աւարնին և ինչքերնին առի տարի. քաղաքները հրով այրեցի: Մարդիկն՝ որչափ բազմութեամբ որ իմ գինուցս երեսէն փախած էին՝ վար իջան, ոտքերուս

փարուեցան. անոնց վրայ տուրքեր զրի՝  
Նիրուր ու Պաձատու լերանց ստորոտներն  
եղող քաղաքներէն ելայ, Տիգրիսի վրայէն  
անցայ, Քուժմուխի մօտեցայ:

... Նոյն անուանակիր տարին և իմ Նի-  
նուէ գտնուած ատենս բերին լուր թէ արք  
Ասորեստանեայր և Սուլայի՝ անոնց քաղա-  
քապետն, զորոնք Սաղմանասար Ասորես-  
տանի թագաւորն՝ ինծմէ առաջ թագաւորող  
Իշխան մը Սալզիդիպիսայի մէջ բնակեցու-  
ցած էր, ապստամբեցան, իմ թագաւորա-  
րական քաղաքս զԴամղամուսա առնելու  
համար յառաջ խաղացին: Ասուրայ, Շամա-  
սայ և Ռամմանայ՝ իմ վստահութեանս աս-  
տուածոց՝ հրամանաւն, ժողուեցի իմ պա-  
տերազմիկ կառքերս և զօրքս: Սուրնատ  
գետոյն աղբերակունքը՝ տեղի պատկերաց  
Թագղաթփաղսարայ և Թագղաթաղարայ  
Ասորեստանի թագաւորաց՝ իմ հարցս, իմ  
արքայական անձինս մէկ պատկերը շինեցի,  
և զայն անոնց քովը կանգնեցի: Նոյն ա-  
տեն Իձալա երկրէն ի սակ հարկի արջառ,  
ոչխարներ և գինի ընդունեցայ: Յառաջ  
խաղացի դէպ ի Կասիարի, Կինարուին,  
Սուլախայ բերդաքաղաքին մօտեցայ: Զօ-  
րացս յարձակմամբն, բունն ճակատամար-  
տիւս խոյացայ, քաղաքին տիրեցի: Անոնց  
պատերազմողներէն 600-ը գինուր յերկիր  
կործանեցի. 3000 գերի կրակի մէջ այրեցի:

իրը պատանդ՝ անոնցմէ և ոչ մէկը կենդանի թողուցի: ՉՅուլաի անոնց քաղաքապետը կենդանւոյն ձեռք ձգեցի: Անոնց դիակներն ի ցից հանեցի. մանչ ու աղջիկ տըղաքնին խարուկի մէջ այրեցի: ՉՅուլաի անոնց քաղաքապետը մորթազերծ ըրի. Դամդամուսայի պարսպին մէջ զանի հիւսեցի. քաղաքն աւերեցի, քանդեցի հրով այրեցի: Մարիրու քաղաքին և իւր վիճակին տիրեցի. անոնց պատերազմողներէն 50-ը զինուք յերկիր կործանեցի. անոնցմէ բոնուած 200 գերիները կրակի մէջ այրեցի: 332 զինուորս երկրին Նիրբուայ՝ դաշտին մէջ կոռելով սպաննեցի. աւարնին, արարջառնին և ոչխարնին առի տարի: Նիրբու երկիրն՝ որ Ուխիրա լիբան ստորոտն է, դաշնակցութիւն մ'ըրած ըլլալով՝ իրենց Տիլա ամրոցին մէջ քաշուած էին: Կինարուէն ելայ, Տիլաին մօտեցայ. քաղաքն խիստ ամուր էր. 3 պարխսպ զանի կը շըրջապատէր: Մարդիկն իրենց հօր պարխսպներուն և բազմաթիւ զօրացը վրայ վստահացան. վար չեկան, ոտքերուս չփարուեցան: Կոռուով և ճակատամարտիւ քաղաքին վրայ յարձակեցայ, տիրեցի: Անոնց 3000 պատերազմող մարդիկը զինուք յերկիր կործանեցի. անոնց աւարը, ինչքը, արջառը, անոնց ոչխարներն առի. շատ մը գերիներ կրակի մէջ այրեցի. շատ մը մարդիկ կենդան-



ւոյն ձեռք ձգեցի. ոմանց ձեռքերը և թեւերը (°) կտրեցի. ոմանց քիթը (°) ականջները, (թևերը°) կտրեցի. շատ մը մարդոց աչքերը բրեցի. կենդանի եղողներէն աշտարակ (°) մը կանգնեցի. մէկ մ'ալ կառափներէն կանգնեցի: Ծառերու վրայ՝ իրենց քաղաքին վիճակին մէջ՝ անոնց գլուխները վարսեցի. իրենց արու տղայքը, աղջիկ տղայքը կրակի մէջ այրեցի. քաղաքն աւերեցի, քանդեցի, հրով այրեցի, ոչընչացուցի: Նոյն ատեն Նիրբի երկրին քաղաքները, անոնց ամուր պարիսպներն աւերեցի, քանդեցի, հրով այրեցի: Նիրբիէն ելայ, Տուսխաին մօտեցայ: Տուսխան նորէն գրաւեցի, անոր հին պարիսպը կործանեցի. տեղը մաքրեցի, հիման հասայ: Նոր պարիսպ մը ի հիմանց մինչև ցկատարն կանգնեցի, աւարտեցի, (գեղեցիկ կերպով) կարգի գրի: Իմ արքայական բնակութեանս համար հոն պալատ մը հիմնեցի. գրան թևերն աւարտեցի, զանոնք իրենց գրան վրայ կանգնեցի: Նոյն պալատը կանգնեցի ի հիմանց մինչև ցտանիս. զանի աւարտեցի. պիլի շողուն քարէ իմ անձին պատկերը շինեցի, զկարողութիւն շքեղագոյն զօրութեանս՝ ու Նաիրիի երկիրներուն մէջ կատարած զիւցազնական գործոցս պատմութիւնն անոր վրան գրեցի, զանի Տուսխայի մէջ կանգնեցի: Տախտակ մը գրեցի, անոր պարսպին վրայ

զետեղեցի: Վատթարեալ Ասորեստանեանները՝ որոնք կարօտութեան և քաղցի պատճառաւ ի լերինս յայլս դէպ ի Սուպրի ելած էին, ետ բերի, Տուսխայի մէջ հաստատեցի: Նոյն քաղաքն իմ վերագոյն իշխանութեանս տակ զրի: Նիրբու երկրէն ընդեղէններ ու յարզ հոն զիզեցի. Նիրբուին մնացորդներն՝ որոնք իմ զինուցս երեսէն փախած էին, վար իջան, օտքերուս փարուեցան: Իրենց քաղաքներուն ու զեղեցիկ շէնքերուն մէջ զանսնք բնակեցուցի:

... Նաիրիի երկիրներուն վրայ կողմնակալներ զրի: Նաիրիի երկիրներէն դառնալուս ասեն՝ Նիրբու երկիրն՝ որ ի մէջ կասիարի լերինն՝ ապստամբած էր. իրենց քաղաքներէն 9 հատ թողած էին, իրենց Իսպիլիրբիա ամրոցին և դժուարին լերան վրայ կը վստահէին: Լերան գազաթներուն վրայ յարձակեցայ, տիրեցի. ահագին լեռներու մէջ անոնց պատերազմողները սպաննեցի. անոնց արեամբն ասրի պէս լեռներկեցի: Մնացեալները լերան ծործորներուն և անձուկներուն մէջ ոչնչացուցի: Անոնց աւարն և ինչքը՝ առի, անոնց պատերազմոցաց կասափունքը կտրեցի. անոնց կասափներովս սիւն մը կանգնեցի. մանչ ու աղջիկ տղաքնին խարուկի մէջ այրեցի: Բուլխանի քաղաքին կրճին մէջ մտայ, Լուքիա գետոյն եզերքը հասայ. Յառաջ խա-

դալուս ատեն՝ կրճին մէջ եղող կիրիսի երկրին քաղաքներուն տիրեցի, անոնց բազմաթիւ պատերազմողները սպաննեցի. անոնց կողոպուտն առի. քաղաքները կրակով այրեցի:

... Պուրուսկացիներն և կիրիզանացիներն երկիւղն վեհափառութեան Ասուրայ՝ տեառն իմոյ, նկուն ըրաւ. արծաթ, ոսկի, ձիեր, գործուած զգեստներ, արջառ, ոչխարներ, զինի ի սակ հարկի և արոց իմ առջևս բերին:

Իստարատի երկրին միեցայ. կիպակի քաղաքին մէջ բանակեցայ, արջառ, ոչխար, զինի, պղնձի ամաններ ի սակ հարկի կիպակիէն ընդունեցայ: կիպակիէն ելայ, Մատիատի քաղաքը մօտեցայ. Մատիատուն՝ իւր գերեզմանաց քաղաքան՝ տիրեցի. անոր պատերազմողներէն 2800-ը զինուք յերկիր կործանեցի. անոնց մեծաքանակ աւարն առի տարի: Որչափ մարդիկ որ զինուցս երեսէն փախած էին՝ ոտքերուս փարուեցան: Զանոնք իրենց քաղաքներուն մէջ բնակեցուցի. հարկ ու տուրք և շուրասիք պաշտօնեայ մը՝ զոր զօրացուցի, անոնց վրայ դրի: Անձինս պատկերը շինեցի. հզօր զօրութիւնս անոր վրան գրեցի: Մատիատի մէջ կանգնեցի: Կասիարի ահագին լեռներուն մէջ վեց օր անցուցի. զը-

ժուարագնաց երկիր մը՝ որ պատերազմիկ կառքերու և զօրաց յառաջ խաղացման յարմար չէր: Երկաթի բրիչներով լեռը ճեղքեցի. անագապղնձի թիերով զանի հարթ հաւասար ըրի. կառքերն և զօրքը յառաջ խաղացուցի: Կասիարի լեռան մէջ եղող դաշտին (\*) քովի քաղաքներուն մէջ արջառ, ոչխարներ, գինի, պղնձի անօթներ, պղնձի կաթսայներ ընդունեցայ: Կասիարու լեռը կտրեցի անցայ. երկրորդ անգամ Նախրիի երկիրներուն վրայ իջայ: Սիգիսա քաղաքին մէջ բանակս դրի: Սիգիսայէն ելայ, Մաղարա քաղաքին մօտեցայ, որ Տուրուզիի որդւոյն Լապտուրիի ամրոցն էր: Քաղաքն խիստ ամուր էր. 4 պարիսպ զանի կը բոլորէին: Յարձակելով քաղաքն առի. հօր զինուցս առջև զարհուրեցան. անոնց ինչքը, անոնց ստացուածքը, անոնց տղայքը իբր փրկանք (\*) անոնցմէ առի յազատութիւն անոնց կենաց: Անոնց թողութիւն շնորհեցի: Հարկ ու տուրքեր, «ուրասի» պաշտօնեայ մը անոնց վրայ դրի: Քաղաքն աւերեցի, քանդեցի, աւերած ու խոպան երկիր դարձուցի: Կասիարի լեռան ստորտը՝ Տուրուզիի որդւոյն Լապտուրիին 60 քաղաքները, ամրոցները, աւերեցի, քանդեցի, փլատակաց կոյտ ու խոպան երկիր դարձուցի: 'Լստահացեալ յԱսուր՝ իմ տէրս, թեթև (\*) մարտակառքերովս և լաւագոյն հեծեալնե-

բովս Տուսխանէն ճամբայ ելայ: Լաստերով Տիգրիսի վրայէն անցայ. բոլոր գիշերը խաղացի գնացի. Դիրբացւոց ամբողջ Պիտուրային մօտեցայ: Քաղաքն իստա զըժուարամատոյց էր. 2 պարիսպ գանի կը շրջապատէին. պատուարն լերան մը գագաթան պէս բարձր էր: Ասուրայ՝ իմ տեառնս՝ բարձր օժանդակութեամբն, զօրացս յարձակմամբն և յուզեալ ճակատամարտիւս անոնց հետ պատերազմեցայ: Օղբոյ դից Ռամմանի նման՝ 2 օր մինչև արևու ծագումն անոնց վրայ որոտացի: Անոնց վրայ կրակ անձրևեցի. սաստկութեամբ և զօրութեամբ՝ զօրքս թռչնոց խուռնընթաց բաղմութեան (°) նման անոնց վրայ սրացան: Քաղաքին տիրեցի. անոնց մարտիկներէն 800-ը զէնքով յերկիր կործանեցի. անոնց կառափնեւրը կտրեցի. կենդանի մնացող շատ մը մարդիկ գերի բռնեցի. մնացեալները կրակի մէջ այրեցի: Անոնց ձօխ կողոպուտն առի: Կենդանի մնացողներէն և կառափունքէ կոթող մը քաղաքին դռան առջև կանգնեցի, 700 մարդիկ իրենց քաղաքին դռան քով ցիցերու վրայ վարսեցի, քաղաքն աւերեցի, քանդեցի, աւերած ու խոպան երկիր դարձուցի: Անոնց մանչ տղայքը, աղջիկ տղայքը կրակի մէջ այրեցի: Մատնի լերան կրճին ըերանը գտնուող Կուկունու

քաղաքին տիրեցի. 700 պատերազմող նը-  
 կուն ըրի զինուք. անոնց ճոխ կողոպուտան  
 առի: Դիրա երկրին մէջ 50 քաղաքի տի-  
 րեցի. անոնց պատերազմողները սպաննե-  
 ցի. աւարնին առի տարի: 50 մարդ կեն-  
 դանւոյն գերի բռնեցի. անոնց քաղաքներն  
 աւերեցի, քանդեցի, կրակով այրեցի. ա-  
 նոնց վրայ իմ ճոխութեանս պայծառու-  
 թիւնը սփռեցի: Բիտուրայէն ելայ, հանդի-  
 պակաց Կիրխի երկրին Արբակի քաղաքին  
 վրայ իջայ: Իմ արքայական վեհափառու-  
 թենէս զարհուրեցան. իրանց քաղաքներն  
 և զօրաւոր պարիսպները թողուցին. կեան-  
 քերնին ազատելու համար՝ Մատնի ահա-  
 գին լերան վրայ ելան: Անոնց հետամուտ  
 եղայ. դժուարագնաց լեռներու մէջ անոնց-  
 մէ 1000 պատերազմող մարդ խորտակեցի.  
 անոնց արեամբն լեռը ներկեցի. անոնց  
 գիակներովը զժորժորս և զանձուկս լերանց  
 լցուցի: 200 մարդ կենդանւոյն գերի բռնե-  
 ցի. ձեռքերնին կտրեցի. 2000 հոգի գերի  
 տարի. անոնց արջառն և ոչխարները ան-  
 համար թուով առի տարի: Արբակի քաղա-  
 քին, Իյայա և Մալանիրա ամրոցներուն  
 տիրեցի, (անոնց) պատերազմողները սպան-  
 նեցի, կողոպուտանին առի: Նարի երկիրնե-  
 րուն մէջ 250 քաղաք իրանց զօրաւոր պա-  
 րիսպներովն աւերեցի, քանդեցի, աւերած  
 ու խոպան երկիր դարձուցի: Անոնց երկ-

բին հունձքը հնձեցի, ցորեն ու յարդ Տուս-  
խայի մէջ համբարեցի<sup>1)</sup>;

Այս բոլոր հարուածներով ասորա-  
կան դաժան աշխարհակալը պատրաս-  
տում վերջացնում է իր հիւսիսային  
մեծ ծրագիրը: Ապահովուել Նաիրիի  
կողմից, հաստատուն կռուան դարձնել  
այդ լեռնաշխարհը արևմուտքում գոր-  
ծողութիւններ սկսելու համար—այս  
է այդ ծրագիրը: Եւ երբ Նաիրին  
արդէն բոլորովին խաղաղացրուած և  
հաւատարիմ հպատակութեան մէջ վե-  
րահաստատուած էր, այդ ժամանակ  
Ասորնազիրարալը ձեռնարկեց արև-  
մտեան երկիրների նուաճման: Նրան  
յաջողուեց այդ ծրագիրը, որովհետև  
նրա յենակէտը ամուր էր: Նաիրիի  
բարձրութիւններից էր նա վճռում Սի-  
րիայի, Պալեստինի և Փիւնիկէի ճա-  
կատագիրը: Եփրատի արևմտեան կող-  
մում ապրող հեթիթական ազգերը  
թուլացած էին և չէին կարող կանգ-  
նեցնել նոյն այդ ազգերի պաշտպանո-  
ղական գծի ձախ թևի (Նաիրիի) վրայ

<sup>1)</sup> Սանտալճեան, եր. 108—122.

յենուած և այդտեղից առաջացող Ասորեստանը: Ասուրնազիրաբալը առաջինն էր իր երկրի թագաւորներէց, որ նուաճեց Սիրիան, Փիւնիկէի քաղաքները և իր գէնքը ընկղմեց Միջերկրականի ջրերի մէջ: Եւ թւում էր թէ հեթիթական աշխարհը վերջնականապէս տեղի էր տալիս սեմական աշխարհին, խոստովանելով իր կատարեալ անուժութիւնը:



ԳԼՈՒԽ Է.

Ո Ի Ր Ա Ր Տ Ո Ւ

Բայց դեռ վաղ էր այդպիսի մի վիճակի հասնելու համար: Աստուրնազիրաբալի այս ահեղ շարժումների ժամանակ, նոյն այդ նախրիի աշխարհում, գլուխ ճկած և պարտութեան մատնուած այդ ազգաբնակութեան մէջ, նկատուում է մի կենսունակ երևոյթ, մէկը մարդկային կեանքի այն շարժումներից, որոնք իրանց անակնկալ արտայայտութեամբ, իրանց զարմանալի յաջողակութեամբ և խոշոր հետեւանքներով հրաշքի նմանութիւն բերող բաներ են: Ամբողջ հեթիթական աշխարհի համար, ինչպէս տեսնում

ենք, դրուած էր կեանքի և մահուան հարց: Յեղը կենսունակութիւն ունի՞ ասորական ահաւոր ոյժի դիմաց ապրելու, ինքն իրան պաշտպանելու համար:

Եւ նրան պատասխանելու համար դուրս է գալիս մի փոքրիկ երկիր, որ թէև նաիրիի դաշնակցութեան է պատկանում, բայց ունի իր յատուկ անունը: Ասորական սեպագրութիւնների մէջ Ասսուրնագիրարալի մասին ասուած է. «Սուրնատ գետոյն աղբերակունքէն մինչև Ուրարտի իւր ձեռքովս տիրեց»<sup>1)</sup>: Առաջին անգամն է այսպիսի մի անուն հրասարակ գալիս — Ուրարտի կամ յաճախագոյն՝ Ուրարտու: Թեզլաթ-պալասարը չէ ճանաչում այդպիսի մի երկիր Հայկական Բարձրաւանդակում: Եւ այս հանգամանքը իրաւունք է տալիս ենթադրելու որ Ուրարտուն կազմակերպուել է Թեզլաթ-պալասարից յետոյ, ասել է ԺԱ.—Թ դարերի արանքում:

Ահա այս փոքրիկ երկիրն է, որ պատ-

1) Անդ, էր. 129.

մութեան ասպարէզ է իջնում մի մեծագործ առաքելութեամբ—միացնել հիւսիսային ազգերը Ասորեստանի դէմ: Նըպատակը ինքնապաշտպանութիւնը չէ միայն: Եթէ լոկ ինքնապաշտպանողական լինէր այդ խիզախ առաջխաղացումը, Ուրարտուի դերը կը լինէր տեղական, մասնաւոր: Բայց Ուրարտուն մօտ հարիւր տարի ահեղ մրցութեան մէջ էր Ասորեստանի դէմ և Ասորեստանը մի քանի անգամ հասաւ կորստեան ծայրին: Այստեղ է ահա Ուրարտուի այն դերը, որ արդէն տիեզերական պատմութեանն է պատկանում: Այդ պայքարը համաշխարհային տիրապետութեան համար էր: Հեթիթական աշխարհը Ուրարտուի միջոցով պայքար էր մղում այն մասին՝ թէ ինչ պիտի լինի Արևմտեան Ասիան—հեթիթական թէ սեմական<sup>1)</sup>:

Այս զարմանալի ընդունակ ցեղը իր զարգացման ճանապարհն էր մտել ամենայն թափով, երբ նրան դտաւ և

<sup>1)</sup> Никольскіи—„Клинооб. над. Ванскихъ царей, отк. въ пред. Россіи“, с. 390.

բաց արաւ Ասսուրնազիրարալի որդին  
 և յաջորդը, Սալմանասար Բ. (860—  
 825 Ք. ա.): Ինչպէս ասացինք վերե-  
 ւում, ենթադրում է որ մօտաւորա-  
 պէս այդ ժամանակները կամ դրանից  
 առաջ ուրարտացիները, գաղթելով ա-  
 րևմուտքից, մտել էին Նաիրիի ազգե-  
 րի շարքը: Ամեն ինչ դեռ պարզ չէ  
 այս ժողովրդի պատմութեան մէջ:  
 Մենք տեսանք (եր. 89—94) թէ ինչ  
 ենթադրութիւններ գոյութիւն ունեն  
 ուրարտացիների սկզբնական շրջանի,  
 նրանց բնակած երկրի մասին և թէ  
 այդ ենթադրութիւններից որն է աւե-  
 լի հաւանականը:

ԳԼՈՒԽ Ը.

Ա Ր Ա Մ Է

Սալմանասար Բ-ի ժամանակ Ուրարտուն սկսում է իր վերին աստիճանի կարևոր քաղաքական դերը: Սալմանասարը իր երկարատև թագաւորութեան մածագոյն մասը անց կացրեց պատերազմական արշաւանքների մէջ: Միայն Նիւրատի միւս կողմում իր հօր նուաճած երկիրները հնազանդութեան մէջ պահելու համար նա ամեն տարի իր բանակը անց էր կացնում այն կողմերը և այդպիսի արշաւանքներից նա յականէ յանուանէ յիշում է 21 հատ: Այս թիւը բաւական է ցոյց տալու համար թէ որքան

յամատ դիմադրութիւն էր ցոյց տալիս հեթիթական աշխարհը Ասորեստանի ահաւոր ոյժին: Այդ դիմադրութեան մեծապէս նպաստում էր Ուրարտուն, ուր Սալմանասարի ժամանակ թագաւորում էր Արամէ անուշով մէկը:

Մենք տեսանք որ ասորական բանակները Նաիրիի բարձրաւանդակի վրայ յենուելով պիտի յարձակուէին արևմտեան աշխարհի վրայ: Ուրարտուն ոչ միայն վտանգի է ենթարկում այդ պատերազմական յենարանը, այլ և իր գործողութիւնները միացնում է արևմտեան աշխարհի գործողութիւններին, այնպէս որ երկու կողմերի՝ այն է Ուրարտուի և հեթիթական երկրի գործողութիւնները միաժամանակ և փոխադարձաբար իրարից էին բըղխում և իրար պահպանում<sup>1)</sup>: Սալմանասարը ստիպուած էր պարբերաբար իր զէնքը դարձնել Ուրարտուի դէմ՝ ոչնչացնելու համար այնտեղ կազմակերպուող քաղաքական խոշոր կենտրոնը, որ միացնում էր հիւսիսային

<sup>1)</sup> Никольскій, с. 385.

ազգերը: Այս ուղղութեամբ գործած նրա արշաւանքների թիւը շորս էր:

Առաջին անգամ Սալմանասարը արշաւեց Ուրարտուի դէմ իր թագաւորութեան առաջին տարին (860): Ինչպէս և Ասուրնազիրաբալը, նա այս անգամ գնաց հիւսիս-արեւելեան ուղղութեամբ, դէպի Ուրմիայի լիճը, ուր աւերեց և ասպատակեց Պուրուշկիա երկիրը, որ, պէտք է ենթադրել, մըտնում էր Ուրարտուի գլխաւորութեամբ կազմուած դաշնակցութեան մէջ: Արշաւանքը դժուարին էր, լեռնային անցքերը մեծամեծ խոչնդոտներ էին հանում բանակի առջև: Պուրուշկիան գրաւելուց յետոյ ասորական թագաւորը մտաւ Ուրարտուի սահմանները: Այսպէս է ինքը թագաւորը նկարագրում այդ արշաւանքը.

Թագաւորութեանս սկիզբն, կառավարութեանս առաջին տարին արքայական զահոյս վրայ մեծ վայելչութեամբ նստայ, պատերազմիկ կառքեր և զօրք գումարեցի, Սիմիսի երկրին կրճին մէջ մխեցայ, յԱրիզի ի բերգաքաղաքն Նինսքի մօտեցայ, քա-



### Նախբրինների դիմադրութիւնը

դաբը յարձակմամբ առի. անոր տիրեցի,  
 անոր բազմաթիւ պատերազմողները սպա-  
 նեցի, անոր արջառն առի տարի: Անոր  
 բազաբին դիմացը կառափունքէ կոթող մը  
 կառուցի. անոնց մանչ ու աղջիկ աղայքը  
 խարուկի մէջ այրեցի: Մինչդեռ անոնք  
 տակաւին Արիդիի մէջ կը կենային, զհարկն  
 Խարգացւոյն, Խարմասացւոյն, Սիմիսացւոյն  
 Սիմիացւոյն, Սիրիսացւոյն և Ուլմանացւոյն՝  
 ձիեր, հարկիք ձիոց, արջառ, ոչխարներ, գինի՝






U. r. m. d. t. p. u. r. a. r. u. f. i. n. d. k. u. o. r. p.

ընդունեցայ: Արիդիէն ելայ. սեպ նուրբ շաւիղներ, դժուարին լեռներ՝ որոնք երկաթի դաշոյնի մը սայրին պէս դէպ յերկինս վեր կանգնուած են, պղնձի և անագապղնձի թիւերով խորեալ պեղեցի, կառքերուն և զօրքին քալել տուի: Խուրուշկիա քաղաքին մօտեցայ: Խուրուշկիա քաղաքն և իր վիճակէն 100 քաղաք հրով այրեցի: Կակիա՝ Բաիրիի թագաւորն և իւր զօրաց մնացորդներն զինուցս սաստկութենէն զարհուրեցան և ահագին լեռներ բռնեցին: Անոնց հետէն լեռներուն վրայ ելայ. լերանց մէջ անոնց հետ սաստիկ ճակատամարտ տուի. անոնց վրայ յաղթութիւն կատարեցի: Լեռներէն կառքեր, զօրքեր, ձիեր, ձիերու հարկիք առիտարի: Սարսափն վեհափառութեան Ասուրայ՝ իմ տեառնս՝ զանոնք նկուն ըրաւ. վար իջան, ոտքերուս փարուեցան. անոնց վրայ հարկ ու տուրք դրի: Խուրուշկիա քաղաքէն ելայ, Ուրարտացի Արամէի<sup>1)</sup> բերդաքաղաքն Սուգունիայի մօտեցայ, քաղաքին վրայ յարձակեցայ, անոր տիրեցի: Անոր զօրքերէն շատերն սպաննեցի. կողուպուտնին առիտարի. անոր քաղաքին զմացը կառափներէն կոթող մը շինեցի: Իւր երկրէն 14 քաղաք հրով այրեցի: Սուգունիայէն ելայ, դէպի Նաիրիի ծովն վար իջայ. գէնքերս ծովուն մէջ մխրձեցի: Աս-

<sup>1)</sup> Կարգացուած է և Արամի:



Սարգսնաւորի գոյաբերութիւնը Վաղնի լճի ափին

տուածոցս զոհեր մատուցի: Նոյն ժամանակ իմ անձինս պատկերը շինեցի, Ասսուրայ՝ պերճափայլ տեառն, իմ տեառնս համբաւն և իմ կարող զօրութիւնս անոր վրան գրեցի, ծովուն քով կանգնեցի»<sup>1)</sup>:

Սալմանասարը այնքան մեծ նշանալութիւն էր տալիս իր այս արշաւանքին, որ նրա մանրամասնութիւնները զանազան տեսարաններով ներկայացնել տուեց իր պալատի բրօնզէ դռների վրայ (Բալավարամ) բարձրավանդակներով: Այդ տեսարանները անգնահատելի պատմական և ազգագրական վաւերագրեր են: Նրանց վրայ մենք տեսնում ենք Ուրարտացիների տիպը:

Սակայն ինչ պէտք է հասկանալ Սալմանասարի արձանագրութեան այն կտորից, որ վերաբերւում է Ուրարտուին: Բոլոր հետազօտողներն այն կարծիքի են, որ Ուրարտուի մէջ ասորական բանակը յաջողութիւն չունեցաւ: Ծիշտ է, Սուգունիան վերցուեց, բայց Սալմանասարը, ինչպէս երևում

<sup>1)</sup> Սանտալենան, եր. 140—142:



Տավրիսի գերիները

է, չը կարողացաւ առաջ խաղալ Ուրարտուի երկրի մէջ և շտապեց հեռանալ այնտեղից, իջնելով Վանի ծովի ափը: «Ակնեբըն է—ասում է Նիկոլսկին—որ այդ արշաւանքը, չը նայած ամրացրած քաղաքի գրաւման, իրապէս լուրջ հետեանքներ չունեցաւ»<sup>1)</sup>: Արամէ թագաւորի զօրութիւնը խորտակուած չէր:

Երեք տարուց յետոյ (857) Սալմանասարը նորից արշաւեց դէպի Ուրարտու, այս անգամ արդէն հարաւարեւմտեան ուղղութեամբ: Անցաւ Եփրատը, հաթերի երկրում վերանորոգեց մի բերդ, որ պիտի պաշտպանէր նրան թիկունքից և իր անունով կոչեց այդ բերդը Կար Սալմանասարի դ: Ապա նորից անցաւ Եփրատը և նուաճելով Նաիրիի մի քանի երկիրներ, դուրս եկաւ Արածանիի վերին մասերը: Ահա թէ ինչպէս է նա ներկայացնում իր այդ արշաւանքը.

«Բիտ-Չամանի երկրին վրայ իջայ՝  
Բիտ-Չամանիէն ելայ, Համգանա, Միլիխու

<sup>1)</sup> С. 396.

Երկիրները կտրեցի անցայ, սեպ նուրբ շա-  
 լիղներ, լերինք դժուարագնացք, որոնք  
 դաշունի մը սայրին պէս դէպ յերկիրնս վեր  
 կը բարձրանան, անագապղնձէ թիերով փո-  
 ռեցի. պատերազմիկ կառքերն ու զօրքը  
 խաղացուցի գնացուցի: Իջի յերկիրն Ին-  
 զիտի<sup>1)</sup>, երկրին Իսուայ: Ինզիտի բոլոր  
 տարածութեամբն՝ ձեռքս տիրեց: Անոնց  
 քաղաքներն աւերեցի, քանդեցի, հրով այ-  
 րեցի: Անոնց անհամար կողոպուտը, ինչքը,  
 գոյքը առի տարի: Թագաւորութեանս մէկ  
 յաղթ պատկերը շինեցի, Ասուրայ՝ մեծի  
 տեառն՝ կարողութիւնն և իմ հօր զօրու-  
 թիւնս վրան դրեցի: Չանի Սալուրիի մէջ  
 կանգնեցի, որ ընդարձակ գնացքի տեղ մըն  
 է: Ինզիտէն ելայ, Արզանիային վրայէն  
 անցայ, Սուխմի երկրին մօտեցայ: Անոր  
 բերդաքաղաքն Ուաստալին տիրեցի. զՍուխ-  
 մի՝ բովանդակ տարածութեամբն՝ աւերեցի,  
 քանդեցի, հրով այրեցի: ՉՍուա՝ անոնց  
 քաղաքին տէրը՝ իմ ձեռքովս բռնեցի:  
 Սուխմիէն ելայ, Դաիաինի երկրին վրայ  
 իջայ: Դաիաինիին՝ իւր բովանդակութեամբն՝  
 տիրեցի. անոր քաղաքներն աւերեցի, քան-  
 դեցի, հրով այրեցի: Անոնց ճոխ կողոպու-  
 տը, ինչքը, գոյքն առի: Դաիաինիէն ելայ,  
 Ուրարտացի Արամէին թագաւորական քա-

<sup>1)</sup> Հանձիթ, այժմ Խարբերդ:

զաքին Արզակուին <sup>1)</sup> մօտեցայ: Ուրարտացի Արամէն հզօր զինուցս սաստկութիւնէն և ուժգին ճակատամարտէս զարհուրեցաւ, իւր քաղաքը թողուց, Ազդուրի երկիրն, լերանց վրայ ելաւ: Անոր ետեւէն լերանց վրայ ելայ. լերանց մէջ սաստիկ պատերազմ տուի, 3400-ի նորա պատերազմողաց զինուք նկուն ըրի. Ռամամանի նման՝ անոնց վրայ փոթորիկ տեղացուցի, անոնց արեամբն լեռն ասրի պէս ներկեցի, անոր բանակատեղն առի. անոր մարտակառքերը, հեծեալները, ձիերը, ջորիները, որթերը, գոյքը, կողոպուտն և հարուստ ինչքը լեռներէն առի տարի: Արամէ առ ի զերծուցանել զիւր կեանս՝ դժուարին լեռան մը վրայ ելած էր: Իմ առնի զօրութեամբս իւր երկիրը վայրի ցլոյ մը պէս առաթուր կոխեցի, իւր քաղաքներն աւերակ զարձուցի. զԱրզասկու՝ քաղաքօք իւրոյ վիճակին՝ աւերեցի, քանդեցի, հրով այրեցի: Անոր զրան առջևը կառափունքէ կոթող կանգնեցի: Չոմանս կենդանւոյն գերաններէն կախեցի և զոմանս գերաններուն բոլորտիքը ցիցերու վրայ վարսեցի:

<sup>1)</sup> Կարգացում է և Արզասկուն, Արզասկունու: Ուրարտական այս մայրաքաղաքի տեղը որոշելի դժուար է: Մինչդեռ Մասպետոն գնում է նրան Արածանի գետի և Վանի լճի մէջ տեղ (Histoire, III, p. 55), Նիկոլսկին կարծում է թէ նա շինուած էր Արաքսի վրայ, Մեծ Մասիսի մօտ (с. 397):



Արգասկուէն չուեցի ի լեառն Իրիտիայ ե-  
լայ. թագաւորութեանս մէկ մեծ պատկերը  
շինեցի. Ասսուրայ՝ իմ տեառնս՝ կարողու-  
թիւնը և Ուրարտիի մէջ իմ ի գործ դրած  
հզօր զօրութիւնն անոր վրան գրեցի, Իրի-  
տիա լերան վրայ կանգնեցի: Իրիտիաէն  
չուեցի, Արամալի<sup>1)</sup> քաղաքին մօտեցայ.  
անոր քաղաքներն աւերեցի, քանդեցի, հը-  
րով այրեցի: Արամալիէն ելայ, Չանգուինա  
քաղաքին մօտեցայ... իմ ճակատամարտէս  
վախցաւ, ոտքերուս փարուեցաւ: Չիեր,  
հարկիք ձիոց, արջառ, ոչխառներ անկէ  
ընդունեցայ. անոր թողութիւն շնորհեցի...  
Յընթացս արշաւանացս՝ ի ծոփն Նաիրիի  
իջայ. Ասսուրայ հզօր զէնքերը ծովուն մէջ  
մխրճեցի, զոհ մատուցի, թագաւորութեանս  
մէկ պատկերը շինեցի. զկարողութիւն Աս-  
սուրայ՝ մեծի տեառն, իմ տեառնս, իմ  
զիւցազնական քաջագործութեանս պատ-  
մութիւնն և զօրեղ գործերս վրան գրեցի<sup>2)</sup>:

Վանի լճի ափից Սալմանասարը  
Ասորեստան է իջնում կիրզանի և  
Սուբուշկիա երկիրների վրայով, ո-

<sup>1)</sup> Արամալի նշանակում է Արամի բնակարան:  
Նիկոլսկին ենթադրում է որ այս մայրաքաղաքը  
գտնուած պիտի լինէր այն տեղը, որ յետոյ ստացաւ  
Արամալի բնունը:

<sup>2)</sup> Սանտալճեան, եր. 143—145:

րոնց նորից ենթարկում է իր իշխանութեան: Նախրիի երկիրներում և յատկապէս Ուրարտուի դէմ գործելու համար Սալմանասարը իր երրորդ արշաւանքը կատարում է մէկ էլ 12 տարուց յետոյ (844-ին): Այս արշաւանքը նա նկարագրել է արդէն շատ համառօտ կերպով.

«Կառավարութեանս 15-րդ տարին դէպի Նախրիի երկիրը քալեցի: Տիգրիս գետոյն աղբերականց վրայ՝ լեբան քարածերպի մը մէջ՝ անոր աղբերական բազկին ծագման տեղն իմ արքայական պատկերս շինեցի: Կարող զօրութիւնս և զպատմութիւն իմոյ դիւցազնական քաջութեան անոր վրայ գրեցի: Տունիրունի երկրին մըտից—կրճին մէջ մտայ: Ուրարտացի Արամէին քաղաքները՝ մինչև ցզլուխ ջրոյն Եփրատայ <sup>1)</sup> աւերեցի, քանդեցի, հրով այրեցի: Եփրատայ աղբերակունքը գնացի, աստուածոցս զոհեր մատուցի: Հոն Ասսուրայ գէնքերը փառաւորեցի <sup>2)</sup>: Ասիա, Իսիա-

<sup>1)</sup> Արածանի, արևելեան Եփրատ:

<sup>2)</sup> Տիգրիսն ու Եփրատը մեծ, սրբազան նշանակութիւն ունէին Միջագետքի բնակիչների համար: Այս պատճառով էր, երևի, որ ասորական թագաւորները չէին կարողանում անտարբեր անցնել այդ եր-

նի երկրին թագաւորն ստքերուս փարուեցաւ. ի սակ հարկի բազմաթիւ ձիեր ընդունեցայ: Թագաւորական պատկերս շինեցի, անոր քաղաքին մէջ տեղը կանգնեցի»<sup>1)</sup>:

Այսպէս են ներկայանում Ասորեստանի յարաբերութիւնները ուրարտուի հետ ասորական արձանագրութիւնների մէջ: Մալմանասարի պատմուածքները, ընդհանուր առմամբ, նպատակ ունին հասկացնելու թէ նա խորտակեց Ուրարտուն, յաղթեց ու իր իշխանութեան ենթարկեց Արամէ թագաւորին: Մենք տեսանք որ առաջին արշաւանքի հետեանքները շեն համապատասխանում ասորական թագաւորի հաւաստիացումներին: Այսպէս էին և հետեւեալ երկու արշաւանքները: Ծիշտ է, քաղաքներ քանդուեցին, մարդիկ կո-

կու գետերի ակունքների մօտով: Սուրնատ գետի կիրճը համարւում էր Տիգրիսի ակունք. և այդտեղ թագաւորները իրանց պատկերներն են թողնում: Մալմասասարը, հասնելով Եփրատի ակունքին (այժմեան Դիազին), զոհեր մատուցեց այդտեղ: Յայտնի է որ Եփրատի այս ակունքը սրբազան նշանակութիւն ունի հայ ազգաբնակչութեան համար և այժմ:

1) Սանտալճեան, եր. 149.

տորուեցին, բայց և այնպէս, կատարեալ և վերջնական յաղթանակ տեղի չունեցաւ: Չը նայած իր գոռոզ ինքնագովութիւններին, Սալմանասարը, այնուամենայնիւ, չէ կարողանում ասել թէ գերիներ է վերցրել, իր ձեռքն է գցել երկրի իշխողներին, մեծամեծ աւար է տարել և հարկեր է գրել ընկճուածների վրայ: Իսկ այս բոլորը, ասորական արձանագրութիւնների լեզուն և ոգուն լաւ ծանօթ մարդկանց ասելով, նշանակում է եթէ ոչ պարտութիւն, գէթ աննշան մի յաջողութիւն:

Նաիրիի թագաւորները այժմ իւրացրել էին նոր ռազմական սկզբունք: Առաջուայ նման նրանք այլ ևս չէին կենտրոնացնում իրանց ոյժերը թըշնամու գէմ ճակատամարտերի մէջ, այլ մղում էին մանր պատերազմ, լեռնային ամբութիւնների մէջ փակուած և այսպիսով յոգնեցնում էին թշնամուն, որ ստիպուած էր ըազմաթիւ ամբութիւններ վերցնել գէնքով: Մեծ յաջողութիւններ այս սիստեմի պատ-

ճառով չէր կարող վաստակել ասորական բանակը, և երկրի քաղաքական կազմակերպութիւնը, մեծագոյն մասամբ, մնում էր անաղարտ:

Այս սիստեմը գուցէ Արամէ թագաւորի գործն էր: Սա սովորական թագաւորներից չէր: Սալմանասարը անդադար նրա անունն է տալիս և վկայում է, որ նա բազմաթիւ զօրքեր ունէր: Այսպիսով Ուրարտուն արդէն մի ուժեղ թագաւորութիւն էր, այնքան ուժեղ, որ յատկապէս նրան նուաճելու համար ասորական բանակները այնքան երկար արշաւանքներ էին սկսում: Թէև Ուրարտուն Նաիրիի միջին և հիւսիսային կողմերն էր գրաւում և Ասորեստանից բաժանուած էր Նաիրիի ուրիշ երկիրներով, բայց այս հանգամանքը չէր կարող հանգստացնող բնաւորութիւն ունենալ Նինուէի կառավարութեան համար, որ տեսնում էր թէ ինչպէս փոքրիկ Ուրարտուն արագ կազմակերպւում է, դառնում ուժեղ թագաւորութիւն:

Կազմակերպողը, պետական միութիւն ստեղծողը Արամէ թագաւորն էր: Հեթիթական մանր ազգակից ցեղերի այն բազմաթիւ իշխանութիւնները, որոնք ծածկում էին Արաքսի վերին և միջին հովիտները, այն նիւթն էին, որից գոյանում էր նոր պետութեան զանգուածը: Կուլտուրայով, լեզուով ու սովորութիւններով միանման էին այդ ցեղերը և դրանց էլ Արամէն հաւաքեց, ինչպէս կարելի է ենթադրել, ոմանց զէնքի ոյժով, ոմանց՝ խաղաղ գաշնադրական համաձայնութիւններով: Աւելի մեծ գործ տեսնում էին խաղաղ համաձայնութիւնները և այստեղ Ուրարտուն հանդիսանում էր ոչ միայն զինուորական ազդու ոյժ, որ թելադրում էր իր հետ միանալու օգուտները, այլ և կուլտուրական միայնալիսի միջավայր, որ անհամեմատ բարձր էր միւսներից և, ուրեմն, կարող էր նրանց բոլորին ձուլել իր մէջ: Կուլտուրայով գօրեղանալու, կուլտուրայով յաղթահարելու և տիրելու մեծ գաղափարը Ուրարտուն

սկսեց գործադրել Արամէի ձեռքով և սրա ժամանակ, ինչպէս կը տեսնենք, երկիրը աշակերտում էր Ասորեստանին, սովորում էր նրա լեզուն, նրա գրութիւնը: Ասորական գէնքը ոչնչացնել այդ ընդունակ և մեծագործ թագաւորին չը կարողացաւ: Ուրարտուն և նրա կազմակերպած դաշնակցութիւնը շուտ էին բուժում իրանց ստացած վէրքերը և պետական շինարարութեան գործը առաջ էր գրնում եռանդով:

«Արամէին — ասում է Նիկոլսկին — մենք պէտք է համարենք ուրարտական հզօրութեան իսկական հիմնադիր: Նա ոչ միայն երեք անգամ յաղթականօրէն յետ մղեց իր երկրի դէմ ուղղած ասորական երեք արշաւանքները, բայց և մի շարք վճռական գործողութիւններով և միջոցներով իրանից կախում ունեցող հարեան երկիրներին մէջ ստեղծեց մի անմատչելի պաշտպանութիւն Ասորեստանի դէմ, որի շնորհիւ ասորեստանցիներին ներս խուժումը Ուրարտու ապագա-

յում դարձաւ ընդ միշտ անկարելի։ Ասորական տարեգրութիւնները, ի հարկէ, ոչինչ չեն ասում մեզ այն մասին թէ ինչի մէջ էր կայանում այդ թագաւորի ներքին և ակտիւ գործունէութիւնը, բայց եթէ մենք ունենայինք նրանից (Արամէից) սեփական արձանագրութիւններ, մենք անշուշտ կիմանայինք թէ որքան ջանքեր, որքան մրցութիւն էր պէտք նւրան՝ լայնացնելու համար իր պետութիւնը մինչև Եփրատ և վասսալական հպատակութեան ենթարկելու համար իր հօր հարեաններին, մենք տեսնում ենք, որ նա պայքարում է Ասորեստանի դէմ ոչ թէ իբրև մէկը դաշնակիցներից, այլ ինչպէս միապետ մի մեծ պետութեան, անձամբ իր անունից, և այստեղ մենք այլ ևս չենք հանդիպում տասնեակ այնպիսի ազգերի անունների, որոնք իբրև ամբոխ դուրս էին գալիս ասորիների դէմ և ցրում էին փոշու նման։ Սա մի կազմակերպուած քաղաքական և զինուորական սխտեմ էր, որ կար-



գապահութիւն և հնազանդութիւն էր  
մտցնում բաժան բաժան ազգերի զան-  
գուածի մէջ և որ ահաւոր էր Ասոր-  
բեստանի համար<sup>1)</sup>։

---

<sup>1)</sup> Никольскій—„Клинообразныя надписи Ван-  
скихъ царей, отк. въ Россіи“ („Древности Восточ-  
ныя“, т. I в. III, с. 399).



ՄԱՍՆ ԵՐՐՈՐԴ

ՎԱՆԵԱՆ ՇՐՋԱՆ



## Մ Ա Ր Դ Ո Ւ Ր Ի Ա.

Չորրորդ անգամ ասորական բանակը Ուրարտու արշաւեց 832 թուականին: Այս անգամ նրան Ուրարտուի մէջ հանդիպողը այլ ևս Արամէն չէ, այլ Սեղուրի անուէնով թագաւորը: Որպէս զի իմանանք թէ ով է սա, պիտի դիմենք պատմական այն աղբիւրներին, որոնք նոյն այս ժամանակներէից են սկիզբ առնում, այն է՝ Վանեան սեպածե արձանագրութիւններին:

Այդ արձանագրութիւններից հնագոյնը, որ գրուած է ասորական լեզուով, պատկանում է Սարգուրի թագաւորին: Եւ սա, ինչպէս ապացուցել

է Սէյսը, նոյն Սեղուրին է, որ յիշատակուած է Սալմանասար Բ-ի արձանագրութեան մէջ իբրև Ուրարտուի թագաւոր: Ուրեմն, 832 թուին Արամէի թագաւորութիւնը գտնուում էր Սարգուրիի ձեռքին:

Իր արձանագրութեան մէջ Ուրարտուի այս թագաւորը իրան անուանում է Լուտիբրիի որդի: Ի՞նչ յարաբերութիւն ունէր նա Արամէի հետ: Ճիշտ տեղեկութիւններ չեն մնացել, իսկ գիտնականների կարծիքները այստեղ հակառակ ուղղութեամբ են ընթանում: Սէյսը կարծում է թէ Արամէն, սասաիկ պարտութիւն կրելով Սալմանասարից, կորցրեց հեղինակութիւնն իր ժողովրդի մէջ. տեղի ունեցաւ յեղափոխութիւն, որ և առաջացրեց մի նոր հարստութեան հաստատումը ուրարտական գահի վրայ: Եւ այդ դինաստիայի հիմնադիր պէտք է համարել Սարգուրիին: Ուրիշները (օր. Նիկոլսկին, Սանտալճեան) հակառակն են պնդում, այսինքն թէ Սարգուրին Արամէի ժառանգներից էր

և ոչ մի հիմք չը կայ ենթադրելու թէ դինաստիաների փոփոխութիւնն է առաջացել, քանի որ Արամէնն ոչ միայն պարտուած չէր, այլ մեծ հեղինակութիւն ունէր ժողովրդի մէջ իբրև Ուրարտուի հօգօրութեան հիմնադիր և հիւսիսային ազգերի միութեան հեղինակ: Որ Սարգուրին Արամէի որդին չէ, այլ Լուտիրրիի, այս բոլորովին չէ նշանակում թէ նա, ուրեմն, չէր կարող Արամէի ուղիղ ժառանգը լինել: Լուտիրրին կարող էր թագաւորած լինել Արամէից յետոյ կարճ ժամանակ:

Մի ուրիշ նշանաւոր հանգամանք, որ ներկայացնում է Սարգուրի թագաւորը, այն է որ նրա ձեռքով Ուրարտական թագաւորութեան կենտրոնը տեղափոխուած է հարաւ, Վանի լճի արևելեան ափը, այն երկիրը, որ յետագայ թագաւորների արձանագրութիւնների մէջ պիտի հռչակուի Բիայնա անունով և այն քաղաքը, որ ստանում է Տուսպա կամ Տուշպա անունը: Սարգուրին իր արձանագրութեան մէջ, որ փորագրուած է քարի

մի մեծ կտորի վրայ և գտնուած է Վանի միջնաբերդի ստորոտում, հայոց ս. Յովհաննէս եկեղեցու աւերակների մէջ, ասում է թէ Ալնիունայ քաղաքում ինքը բերդ շինեց<sup>1)</sup>: Ենթադրում են որ Տուսպա (Վան) քաղաքի ամենահին անունն է այս: Հետևաբար, Սարգուրին էր որ առաջին անգամ Վանի բնական ամրութիւնների վրայ ուշագրութիւն դարձրեց և թագաւորութեան կենտրոնը այդ մեծ ժայռի վրայ հիմնաւորեց:

Ի՞նչ նկատառումներով էր ղեկավարուել Սարգուրին, ձեռնարկելով այդպիսի մի գործի: Վանի աշխարհագրական դիրքը Միջագետքի վերաբերմամբ առաջին իսկ հայեացքից միանգամայն հասկանալի է դարձնում Սարգուրիի այդ ընտրութիւնը: Լաւագոյն դիրք հարաւից դէպի հիւսիս շարժուող պետութեան հարուածները ոչնչացնելու համար շէր էլ կարելի գտնել: Մօտենալ մի կողմից լճով և միւս կողմից լեռնային շղթայով պաշտպանուած

<sup>1)</sup> Sandaigian, p. 2.



այդ ամբողջեան կարելի էր երկարատե ծանր արշաւանքով, որ պիտի կատարուէր Տարոսի և Ջագրոսի լեռների միջով: Ահա ինչպէս է Նիկոլսկին գնահատում Վանի նշանակութիւնը նորակազմ պետութեան համար.

«Ինչ վերաբերւում է Բիայնա երկրին, որի մէջ գտնւում էր այս քաղաքը (Վան), նա ամենահին ժամանակներէց կարող էր եղած լինել մի երկիր, որ անբաժան կերպով կապուած էր Արաքսի վրայ գտնուող Ուրարտուի հետ և նոյն իսկ նրա համար կենտրոնական տեղի դեր կատարել մի որ և իցէ պատճառով: Կարելի է հաւանականօրէն ենթադրել, որ առաջներում Բիայնայի ոչ թէ քաղաքական պայմանները, այլ կրօնական պաշտամունքի նշանակութիւնը տալիս էր նրան առաջնակարգ դիրք Ուրարտուի երկիրներէ մէջ: Բիայնա երկրում կամ նրանից մօտ մի տեղ, շատ հաւանական է որ գտնւում էր ուրարտական պաշտամունքի կենտրոնը, այն է Խալդի աստուծու, ուրար-

տական աստուածութիւնների մէջ ամենակարևոր այս աստուածու, բնակութեան տեղը<sup>1)</sup>: Բիայնա անուան հետ մի շարքում մենք հանդիպում ենք մի ուրիշ անուան, որ նոյն երկրին էր պատկանում, այն է՝ Ս ա լ զ ի ն ա, այսինքն Սալզի աստուածու երկիր: Այս սրբազան երկիրը ուրարտական ժողովրդի համար միայն մի առանձին նահանգ էր Բիայնա երկրում և շատ կարելի է, որ հեռաւոր ժամանակներից Ուրարտուի թագաւորները ստնձգութիւններ ունէին կրելու այս քաղաքականապէս անկարևոր երկրի տիտղոսը ազգային-կրօնական պատճառներով: Բայց, ի հարկէ, այս կրօնական նկատառումները չէին որ հարկադրեցին Ուրարտուի թագաւորներին փոխադրել իրանց պետութեան ծանրութեան կենտրոնը հիւսիսից հարաւ, այլ զուտ ռազմագիտական նկատառումները, որոնք ներշնչւում էին այն եռանդուն քաղաքականութեամբ, որ վարում են

<sup>1)</sup> Մենք արդէն տեսանք որ այդ տեղը Մուզասիր (Արդինի) քաղաքն էր՝ Պանի լճի աւազանին պատկանող Մուզասիր երկրում...

Ասորեստանի վերաբերմամբ Ուրարտուի թագաւորները Արամէի նախաձեռնութեամբ: Փոխադրելով իրանց պաշտպանողական գիծը Արաքսից և Արարատից եփրատի <sup>1)</sup> վրայ, նրանք կարիք զգացին պաշտպանութեան ուժեղութեան և յարմարութեան համար հարաւ փոխադրել և իրանց մայրաքաղաքը և ստեղծել նրանից մի նոր յենակէտ Ասորեստանի դէմ: Տեղը շատ յաջող կերպով ընտրուած եղաւ անմատչելի մենաւոր ժայռի վրայ, որ մօտիկ տարածութեան վրայ շրջապատուած էր լեռնային շղթաներով, իսկ արեւմուտքից խոնարհուած էր դէպի ծովը: Ուրարտուի թագաւորը, ընակութիւն հաստատելով Վանում, դրանով պարզ նշմարում էր իր նպատակը — ամրապնդել հարաւում իր հօրութիւնը և դրա հետ միասին լինել հիւսիսի տէրը և համարել իրան անմերձենալի՝ որ և իցէ կողմից յարձակում լինելու դէպքում»<sup>2)</sup>:

<sup>1)</sup> Արևելեան:

<sup>2)</sup> Ibid c. 401.

Այս շարժումները, հիւսիսում աճող այս քաղաքական միտումները իրանց արժանի ուշադրութիւն ու գնահատութիւն էին գտնում Միջագետքում: Սալմանասարը հետևեալ կերպով է նկարագրում 832-ի արշաւանքը. «Կառավարութեանս 27-դ տարին պատերազմիկ կառքերս և զօրքս գումարեցի, զԴաինասուր զՏուրասան (ընդհանուր սպարապետ) քանակին ստուար մասին հրամանատարն ի գլուխ զօրացս Ուրարաուի վրայ զրկեցի: Իջաւ ի Բիտլամանի և Ամմատուրիի կիրճին մէջ Արգանիային վրայէն անցաւ: Ուրարտացի Սեզուրի այս բանիս լուրն առաւ, իւր մեծաթիւ զօրաց բազմութեանը վստահացաւ և պատերազմ ու ճակատ տալու համար ինձի<sup>1)</sup> դէմ քալեց: Անոր հետ պատերազմեցայ, անոր

<sup>1)</sup> Թէև Սալմանասարը չէր գնաքել Ուրարաուի դէմ, այլ նրա զօրապետներէց մէկը, բայց և այնպէս գործողութիւնները իր դէմքից է պատմում թագաւորը: Այս անիրաւացի չէ, եթէ նկատի առնենք, որ զօրքը թագաւորինն էր, նրա գործողութիւնները թագաւորի համար էին և նրա դէմ կռուելը թագաւորի դէմ կռուել էր նշանակում:

յաղթեցի: Իւր զօրացը դիակներովն  
ընդարձակ դաշտը լեցուցի» <sup>1)</sup>:

Նկարագրութեան համառօտութիւնն  
ու անգունութիւնն անգամ բաւական  
համոզիչ են ցոյց տալու համար որ  
ասորական բանակը ոչինչ յաջողու-  
թիւն չէ ունեցել: Ուրարտուի պաշա-  
պանողական դիժը այս անգամ այլ ևս  
Բագրևանդը չէ, այլ հարաւային Արա-  
ծանին: Սարգուրին մենակ, առանց  
դաշնակիցների դուրս եկաւ ասորական  
բանակի դէմ և յաղթականօրէն դիմա-  
դրեց նրան, չը թոյլ տալով որ նա  
նոյն իսկ մտնէ Ուրարտուի սահման-  
ները: «Մնամէջ ասածը թէ «ես նրան  
յաղթեցի» ասորական արձանագրու-  
թիւնների լեզուով համազօր է «ես  
յաղթուեցի» խօսքերին, ասում է Նի-  
կոլսկին <sup>2)</sup>: Սարգուրին հանդիսանում  
էր Արամէի արժանաւոր ժառանգը և  
նրանից ոչ պակաս մեծ թագաւոր:

Միայն «մեծաթիւ զօրքերի բազ-  
մութիւնը» չէր վստահութիւն ներշն-

<sup>1)</sup> Սանտալեան եր. 136:

<sup>2)</sup> Ibid c. 348:

չու՛մ Ուրարտուի թագաւորին, այլ և այդ երկրի մէջ ծաղկած առաջադիմութիւնը: Սարգուրին իր ժողովրդի համար էր գրու՛մ իր արձանագրութիւնները (երկու հատ): Եւ երբ այս արձանագրութիւնների լեզուն ասորերէնն էր, այս արդէն ցոյց է տալիս թէ ասորական լեզուն, գրութիւնը, դրանց հետ և Միջագետքի կուլտուրան շատ էր տարածուած այդ երկիրներում: Արևելքի պատմութիւնը վկայում է որ քաղաքական քաղաքակրթութիւնը ամենահին ժամանակներից էր իր հօօր ազդեցութիւնը տարածելու շատ երկիրների, դրանց թւում և Հայկական Բարձրաւանդակի վրայ: Իսկ յատկապէս ասորական ազդեցութիւնը պիտի հաստատուէր դարերի ընթացքում տեղի ունեցած շփումների միջոցով և մանաւանդ Արամէի ժամանակից, երբ Ուրարտացի ժողովուրդը արդէն մտաւոր-կրթական աշխատանքի մէջ է ցոյց տալիս իր եռանդը: Նմանուել իր հօօր հակառակորդին — սա ուրարտացիների համար դատարկ ինքնասիրութիւն չէր,

այլ պետական-քաղաքակրթական նպատակ: Եւ այս ուղղութիւնը պարզելու համար թանկագին նիւթեր են տալիս Սարգուրիի արձանագրութիւնները:

Այստեղ Սարգուրին գործ է ածում այնպիսի տիտղոսներ, որոնք յատուկ էին Ասորեստանի թագաւորներին. «Տախտակ Սարգուրեայ՝ որդւոյ Լուտիբրեայ, արքայի մեծի, արքայի հօօրի, արքայի բազմութեանց, արքայի նաիրեայ, արքայի՝ որում ոսոխ նմա ոչ գտաւ, մարդկան հովուի սքանչելւոյ, որ շերկնչի յընդդիմութենէ, արքայի նուաճողի զանհնագանդս նմա: Սարգուրի որդի Լուտիբրեայ, արքայ արքայից, յամենայն ի նոցունց թագաւորաց հարկս առի»<sup>1)</sup>: Այս բոլոր յորջորջումները նախ ցոյց են տալիս թէ իրօք ինչ ազդեցութեան և տիրապետական հեղինակութիւն էր հասել Ուրարտուի թագաւորը: Աշխարհակալ նուաճողի տիպը, որ մշակուել էր Միջագետքի դաշտերում, տեղափոխւում էր հիւսիսային լեռնաշխարհը: Ասորես-

<sup>1)</sup> Sandalagian p. 2.

տանի միապետը պարծենում էր «Շումիրի և Ակկարի արքայ» տիտղոսով, Ռւրարտուի միապետը դրան հակադրում էր «Նաիրիի երկիրների թագաւոր» տիտղոսը: Մնապարծութեան համար չէր այս հակադրութիւնը: Չգտում գէպի համաշխարհային տիրապետութիւն<sup>1)</sup> ահա ինչ պիտի ցուցադրէր այդ տիտղոսը, և ահա ինչ պիտի տար այն պայքարը Ասորեստանի գէմ, որ միացնում էր Նաիրիի թագաւորներին մի ընդհանուր գլխաւորի, մի շահնշահի (արքայից արքայի) գայիսոնի տակ:

Արամէի և Սարգուրիի ջանքերով Ռւրարտուի սահմանները անմատչելի էին դարձել ասորեստանցիներին համար: Նրանց առաջացրած ազգային—քաղաքական շարժումները Նաիրիի անթիւցեղերին տուել էին ինքնագիտակցութեան և ոգևորութեան ուժեղ կռուաններ, այնպէս որ Ռւրարտուի և Ասորեստանի մէջ բնակուած այդ ցեղերը արդէն կենդանի պատուարներ էին Ռւրարտուն պաշտպանելու համար:

<sup>1)</sup> Никольскія с. 402.



ԳԼՈՒԽ Ժ.

Ի Ս Պ Ո Ւ Ի Ի Ն Ի

Սարգուրի Ա.-ին յաջորդեց նրա  
որդի Իսպուխնի, որից հասել են մեզ  
հինգ հատ սեպածե արձանագրութիւն-  
ներ: Այդ յիշատակաւրաններէ մէջ Իս-  
պուխնին հանգէս է գալիս միայն իր  
անուանով, բայց կան և շորս հատ ար-  
ձանագրութիւններ, որոնց մէջ Իսպու-  
խնին իր որդի Մենուասի (կարգացում  
է և Մենուա) հետ է գործում: Այս վեր-  
ջին հանգամանքը ենթադրել է տալիս  
որ իր թագաւորութեան վերջում Իս-  
պուխնին իր գահակիցն էր գարձրել  
որդուն, գուցէ սրան յանձնելով զօր-  
քերի հրամանատարութիւնը, իսկ իրան  
վերապահելով ներքին կառավարու-  
թիւնը:

Տեսնենք նախ արտաքին յարաբերութիւնները, այսինքն Ասորեստանի վերաբերմունքը: Սալմանասար Գ.-ին յաջորդեց նրա որդի Շամսի-Ռամմանը (825 – 812 Ք. ա.), որ իր 13 ամեայ թագաւորութեան ընթացքում նպատակ էր դարձրել ոչնչացնել Նաիրիի ոյժը, բայց յաջողութիւն չունեցաւ, որովհետեւ կար Ուրարտուն, որ գիտէր դեկավարել Նաիրիի ցեղերը: Թագաւորութեան առաջին տարին Շամսի-Ռամմանը հիւսիս-արեւմտեան կողմից յարձակուեց Նաիրիի վրայ, բայց չը կարողացաւ նոյն իսկ Արածանիին հասնել որպէս զի փորձէ ուրարտական հողը կոխել: Նա պատերազմական գործողութիւններ էր մղում ընդարձակ տարածութեան վրայ, մինչև նոյն իսկ Կարխեմիշ քաղաքը: Սակայն, ինչպէս երևում է, ստիպուած եղաւ թողնել այդ տեղերը և վերադառնալ Ասորեստան՝ այդտեղից դէպի հիւսիս-արեւելք դիմելու համար, քանի որ պետութիւնը վտանգուած էր այդ կողմից: Դէպի Ուրմիայի լճի և Կասպից

ծովի ուղղութեամբ զետեղուած երկիրները, ամենքն էլ ուրարտացիներին ցեղակից ազգաբնակութեամբ, ապստամբուել էին, և Նինուէի թագաւորին հարկաւոր եղաւ շատ հեռաւոր արշաւանքի ձեռնարկել՝ այդ շարժումները ճնշելու համար:

Իմանալու համար թէ ինչից էին ներշնչուած և ինչպէս էին առաջանում այդ ապստամբական շարժումները, մենք պիտի որոնենք վանեան արձանագրութիւններ: Եւ ահա տեսնում ենք Իսպուինիի ու նրա զահակից Մենուասի արձանագրութիւնները Ուրմիայի լճի հարաւ-արեւմտեան կողմում, Կելէշէնի և Սետէկի մօտ, Ռէվանդուղոզ գաւառում: Կելիշէնի կիրճը Զագրոս լեռների միջով տանող ամենայարմար ճանապարհն է, որ դուրս է բերում Տիգրիսի հովիտը և այս ճանապարհով Վանը Նինուէից մի քանի օրով էր միայն հեռու <sup>1)</sup>: Մեզ յայտնի չեն Իսպուինիի և Մենուասի այս

<sup>1)</sup> De Morgan «Mis. Scien. en Perse», t. IV p. 279.

շարժման մանրամասնութիւնները, բայց ռազմական այդ կարևոր կէտը, ուր նրանք կանգնեցին կոթող արձանագրութեամբ, պերճախօս ապացոյց է որ Վանը ամենալուրջ կերպով սպառնում էր Նինուէին, միւս կողմից էլ վտանգաւոր շարժում էր մտցնում Ասորեստանի հպատակ այն ազգութիւնների մէջ, որոնք բնակուած էին Իրանի սարահարթի հիւսիս-արևմտեան կողմերում: Այնպէս որ Շամսի-Ռամմանի գործողութիւնները աւելի ինքնապաշտպանողական բնաւորութիւն ունէին <sup>1)</sup>:

Արտաքին այս փայլին համապատասխանում էր ներքին կուլտուրական փայլը, որ նորակազմ թագաւորութիւնը հանդէս բերաւ Իսպուինի ժամա-

<sup>1)</sup> Իր արձանագրութիւններից մէկի մէջ Իսպուինին գործ է ածում «Շուրա և Նաիրի երկիրների թագաւոր» տիտղոսը: Նիկոյսին կարծում է թէ «Շուրա, անունը Աշուրա» անուան ուրարտական ձևն է, իսկ Աշուրան՝ Ասորեստանն էր: Ռուս գիտնականը գտնում է որ այսպիսի մի տիտղոս Իսպուինին կարող էր գործածել, քանի որ նա իրապէս տիրում էր ասորական մի քանի երկիրների վրայ (Клими. Надп. 6p. 407):

նակից: Ժողովրդի մէջ տեղի ունէին մեծամեծ քաղաքակրթական շարժումներ: Մինչդեռ Սարգուրին ասորական լեզուն էր գործածում իր արձանագրութիւնների մէջ, նրա որդին կիրառութեան մէջ է դնում ասորական սեպագրութեան մինոր սիստեմ, որ յատկապէս մայրենի լեզուի համար էր մշակուած: Ուրարտական լեզուն այնուհետև դառնում է գրաւոր պաշտօնական լեզու: Ոչինչ մանրամասնութիւն այս մասին չը գիտենք, բայց հսկայական գործը ինքն ըստ ինքեան թելագրում է ենթադրել ազգային ինքնագիտակցութեան մի եռանդուն և արգասաւոր շարժում: Ասորական սեպաձև նշաններն իբրև նիւթ ծառայեցնել, վերլուծել ուրարտական լեզուի հնչիւնները և իւրաքանչիւրին յատկացնել առանձին նշան, մի խօսքով կատարել տառերի գիւտ—այսպիսի մեծագործութիւն գլուխ բերելու համար պէտք էր որ ստեղծուած լինէր ժողովրդի մէջ դաստիարակութեան և ազգային կրթութեան մեծ պահանջ, պէտք էր

որ լինէին ակադեմիական ծանր աշխատանք կատարելու ընդունակ գիտնականներ:

Եւ նորաստեղծ ազգային գրականութիւնը իսկոյն իր յուշարձանն է բարձրացնում Վանի ժայռերի վրայ: Դա այն ընդարձակ սեպագրութիւնն է, որ փորագրուած է Մհերի դուռ ժայռի վրայ: Արձանագրութիւնը 84 տող է և նրա բովանդակութիւնն էլ վկայում է որ Իսպուհնիի և Մենուասի խաղաղ շինարարական գործունէութիւնը, բացի գրականութիւնից, տուեց երկրին նաև ազգային միացման այնպիսի մի խոշոր գործ, որպիսին էր սիստեմի վերածած կրօնական պաշտամունքը: Ինչպէս տեսանք, Մհերի դրան արձանագրութիւնը մի առ մի յիշում է Բիայնա երկրի և նրա դաշնակից երկիրների և քաղաքների աստուածներին և կանոնադրում է թէ ինչ զոհեր և ընծաներ պիտի ստանայ իւրաքանչիւր աստուածութիւն այդ աւատական պանթէոնի մէջ:

ԳԼՈՒԽ ԺԱ.

Մ Ե Ն Ո Ւ Ա Ս Ա.

Իսպուլինի մահից յետոյ մենակ սկսեց թագաւորել Մենուասը (շուրջ 800—780 թ. Ք. ա.): Կորովի, յաղթող, ընդարձակ ձեռնարկութիւնների, մեծագործութիւնների մարդ էր նա և աշխարհակալ մի թագաւոր: Նա մի խոշոր օրինակ է տալիս արևելցի միահեծան նուաճող իշխանութեան, որ մի և նոյն ժամանակ աւելի շինարարական մեծամեծ աշխատանքներով է զբաղուած, քան իր յաղթական սրի համար պարծենկոտութեան նորանոր առիթներ որոնելով: Իսկապէս Մենուասի ժամանակն է, որ Հայկական

Բարձրաւանդակի վրայ սկսում է կազմուել մի պետութիւն, որ ձգտում էր յենուել այդ երկրի բնական սահմանների վրայ: Մինչև այդ՝ Հայկական Բարձրաւանդակի այս կամ այն մասն էր դառնում ուրարտական թագաւորութեան հողը: Այդ դրութեան մէջ ոչ մի թագաւորութիւն դեռ չէր կարող իրան համարել ամբողջ Բարձրաւանդակի տէր, հետևաբար և բնական սահմաններով պաշտպանուած մի քաղաքական ամբողջութիւն:

Մենուասի պատերազմական գործողութիւնները արևելքում հասան Ուրմիա լճին. Մաննայի երկիրը, որ կոուածադիկ էր Ուրարտուի և Ասորեստանի մէջ, ենթարկուեց առաջինին: Իսկ արևմուտքում Մենուասը իր գէնքը մտցրեց հեթիթների երկիրը: Գրաւելով Պուտերիոս (հաւանաբար այժմեան Պալու) քաղաքը, նա առաջացաւ դէպի Մելիդա (Մելիտինէ, Մալաթիա) քաղաքը և յաղթական պատերազմ ունեցաւ այդտեղի թագաւորի հետ:



Բայց աւելի նշանաւոր էր շար-  
ժումը դէպի հիւսիս: Ուրարտուն սկըզ-  
բից ձգտում ունէր տարածուելու հա-  
րաւից դէպի հիւսիս և մենք արդէն  
տեսանք, որ Արամէի ժամանակ նրա  
սահմանը հիւսիսում հասել էր Արգա-  
նի (Արածանի) գետի ափունքներին:  
Մենուասը վերջնականապէս գրաւեց  
այդ գետի ամբողջ հովիտը մինչև նրա  
խառնուրդը արևմտեան Եփրատի հետ:

Այստեղից նա իր իշխանութիւնը  
տարածեց նաև էրզրումի սարահարթի  
վրայ, ինչպէս ցոյց է տալիս Հասան-  
կալէի սեպագև արձանագրութիւնը,  
որի մէջ Մենուասը պատմում է թէ  
այդ կողմերում մի տաճար է վերա-  
նորոգել: Մի անգամ մտնելով Արաքսի  
վերին հովիտը, Մենուասը շարժուեց  
դէպի արևելք նոյն հովիտով և Արաք-  
սի աջ ափին, Մեծ Մասիսի ստորոտի  
մօտ, այժմեան Տաշրուրուն գիւղում  
թողեց արձանագրութիւն, որ վկայում  
է թէ նա նուաճեց Երիզուաինի եր-  
կիրը և նրա մայրաքաղաք Լուխու-  
նինին և փոխելով վերջինիս անունը,

կոչեց իր անուհնով Մենուհահինի<sup>1)</sup>,  
 Ինչպէս ցոյց են տուել այստեղ կատարուած պեղումները, Մենուհահինին  
 եղել է մի բաւական խոշոր քաղաք, մի և նոյն ժամանակ և մի մեծ բերդ, որ շատ կարևոր դեր է կատարել<sup>2)</sup>, քանի որ գտնուում էր հաղորդակցութեան այն նշանաւոր ճանապարհի վրայ, որ Վանից Չինգիլի լեռնանցքով մտնում է Արարատեան դաշտը: Յենեւով այդ խոշոր ամրութեան վերայ, Մենուհասը և նրա յաջորդները հետզհետէ առաջ տարան իրանց նուաճումները Արաքսի հովտում և այդտեղից հիւսիս, դէպի Փոքր Կովկասի լեռները:

Մեզ թւում է թէ այս խոշոր հանգամանքը շատ պարզ կերպով որոշում է, որ Ուրարտուն նախնայէս Արաքսի հովտում չէր գտնուում և որ ուրարտացիները այնտեղից չէր որ շարժուեցին դէպի հարաւ, դէպի Վան:

<sup>1)</sup> Никольскій—«Клинооб. Надписи Закавк.», с. 14—30.

<sup>2)</sup> Ивановскій—«По Закавказью», с. 54—61.

Եթէ Արաքսի հովիտը լինէր ուրարտացիների բնագաւառը, պէտք չէր լինի որ նրանք նորից նուաճեն նրան՝ այդտեղից իրանց թագաւորութեան կենտրոնը հարաւ փոխադրելուց մի քանի տասնեակ տարի միայն անցնելուց յետոյ: Նիկոլսկին զգացել է այս հակասութիւնը, որ տապալում է նրա թէօրիան և այդ պատճառով Մենուսի և նրա յաջորդների շարժումները դէպի հիւսիս փորձում է բացատրել նրանով թէ Արաքսի հովտում եղած իշխանութիւնները ինքնագլուխ էին դարձել և Վանի թագաւորները ստիպուած էին նորից նուաճել նրանց: Այսպէս կարող էր լինել միայն այն ժամանակ, եթէ Արաքսի հովիտը հաստատուն ուրարտական հող չը լինէր, եթէ Վան տեղափոխուած թագաւորների հետ այստեղից հեռացած լինէր և ամբողջ ուրարտական ժողովուրդը, մի բան, որ, ի հարկէ, չէ կարելի ընդունել: Ուրարտացիները շափազանց հասկացող և ընդունակ մի ժողովուրդ էին, որպէս զի բոլորովին

լքէին այնպիսի մի կարևոր և հարուստ երկիր, որպիսին է Արաքսի հովիտը:

Այս հանգամանքները նորից աւելի հաւանական են դարձնում ուրարտացիներին շարժումը Վանի լճի աւազանից դէպի հիւսիս և ոչ թէ հակառակը: Եւ Մենուասը, երևի, շարունակում էր Արամէի գործը:

Իսկ հարաւում Մենուասը իր ձեռքը գցեց Տարօնի գաւառը, Մուշի դաշտը<sup>1)</sup>: Այսպիսով Վանի միջնաբերդից դեկավարող քաղաքական միութեան և մեծութեան գաղափարը ձգտում էր մի պետական շէնքի մէջ մտցնել ամբողջ Հայկական Բարձրաւանդակը՝ պարփակուած իր բնական սահմանների մէջ, ուրիշ խօսքերով՝ այն լեռնային կղզին, որի ամբողջութիւնը արտայայտում է Հայաստան անունով:

Իսկ ի՞նչ էր անում այս միջոցին Ասորեստանը: Մենուասը թագաւորել է, ինչպէս երևում է, Շամսի-Ռամ-

1) Hyvernat, p. 529.

մանի և նրա յաջորդ Ռամման-Նիրարիի ժամանակ: Սրանց օրով ասորական պետութիւնը գեռ այնքան թուլացած և ընկած չէր որ չը կարողանար իր հիւսիսային մրցակցի յաղթական քայլերը կանգնեցնելու փորձերը շանել: Ասորեստանը պիտի չը թոյլ տար Մենուասի շարժումները մանաւանդ եփրատի միւս կողմում, Մելեղի և առհասարակ հեթիթական երկիրներում: Սակայն Մենուասը իմանում էր թէ ինչպէս պէտք է վախեցնել թշնամուն: Ուրմիայի լճի հարաւ-արեւմտեան կողմերը տիրապետութեան տակ ունենալով, նա սպառնում էր անցնել Զարգետի հովիտով՝ Ասորեստան արշաւելու համար: Հարուածը այդ կողմից ամենից շատ էր վախեցնում ասորական թագաւորին: Եւ նա ստիպուած էր միայն հանդիսատես լինել թէ ինչպէս է աստիճանաբար, քայլ առ քայլ մեծանում Ուրարտուն:

Մենուասից մնացած սեպագրութիւնների թիւը հասնում է յիսունի<sup>1)</sup>:

<sup>1)</sup> „Հանդ. Ամս.“, 1893 էր. 48.

Ուրարտական ոչ մի թագաւոր այսպիսի քանակութեամբ յուշարձաններ, ցրուած զանազան կողմերում, չէ տուել: Եւ արձանագրութիւնների այդ քանակութեան մեծագոյն մասը պատմում է Մենուասի շինարարական գործերը — թէ որտեղ ինչ պալատ, տաճար և կամ այլ հասարակաշահ շինութիւններ կառուցեց:

Այդ բոլոր գործերի թագն ու պըսակն այն է, ինչ Մենուասն արել է Վանի մէջ և Վանի համար: Առաջին անգամ նա է, որ յիշում է իր արձանագրութիւնների մէջ Գուսպա քաղաքը, ուր բնակւում է ինքը: Այս մի ցուցմունք է թէ այդ քաղաքն էլ Մենուասի ձեռակերտն է: Միջնաբերդը, ինչպէս գիտենք, կառուցել է Սարգուրի թագաւորը: Մենուասի հիմնարկածը պէտք է համարել ժայռի ստորոտից դէպի արևելք ձգուող այգեստանների քաղաքը<sup>1)</sup>: Իսկ այգեստաններ գոյութիւն ստացան այն ժամանակ, երբ Մենուասը գլուխ բերեց իր

<sup>1)</sup> Линчъ — „Арменія“, т. II, с. 92.

հսկայական, անօրինակ գործը—Վանի ջրանցքը:

Այդ հոյակապ ձեռնարկութիւնը գոյութիւն ունի և այսօր: Բոլոր ժամանակներում նա հիացմունք է պատճառել տեսնողին: Ժողովրդական աւանդութիւնը պատմում է թէ ինչպէս նա շինուեց, բայց մոռացել է մեծագործութեան հեղինակին և նրա տեղ յիշատակում է ասորական կիսաառասպելական թագուհի Շամիրամին: Այսօր էլ այդ ջրմուղը կրում է այդ թագուհու անունը, մինչդեռ նրա եզերքներին փորագրուած սեպաձև արձանագրութիւններից երկուսը ասում են. «Սալգեայ հօր որդւոց Մենուաս Իսպուլինինի որդին այս պիլին (Ջրմուղը) շինեց: Մենուասայ ջրմուղ է անոր անունը»<sup>1)</sup>: Յայտնի է նոյն իսկ որ Մենուասը մենակ չէ այդ մեծագործութիւնը կատարել, այլ նրա

<sup>1)</sup> «Հան. Ամս.» 1893, կր. 50. Անկասկած են համարում որ «պիլի» ուրարտական լեզուով նշանակում էր «ջրմուղ»: (Տ. П. Мсерянцъ — «Къ интерпретации Ванскихъ надписей» М. 1897)

հետ է եղել և նրա մայր Տարիրիասը <sup>1)</sup>։  
 Մենուասի պիլին և նրա մասին պատմուող աւանդութիւնը Մովսէս Խորենացին ներկայացնում է հետևեալ գեղեցիկ նկարագրութեան մէջ։ «Հրաման տայ բիւրուց և երկու հազար արանց անարուեստից գործաւորաց յասորեստանեաց և յայլոց իշխեցելոց, և վեց հազար իւրոց ընտրելոց յամենայն արուեստաւոր գործաւորաց փայտի և քարի, պղնձոյ և երկաթոյ, որք ամենեքին կատարեալք իցեն ի յարուեստագիտութեան, ածել անխափան ի փափագեալ տեղին, և գործն հաւասար հրամանին առնոյր զկատարումն։ Եւ վաղվաղակի ածեալ լինէին բազմութիւն խառնիճադանճ գործաւորացն և բազմարուեստից հանճարեղաց իմաստնոցն։ Եւ հրամայէ նախ զամբարտակ գետոյն ապառաժիւք

1) Անդ, եր. 86. Արձանագրութիւնը այսպէս է թարգմանում. «Մենուասայ մօրը Տարիրիասայ է այս իշատակարանը Մենուասայ տեղի (?) կոչեց զայնն։ Սէյսը կարծում է որ այս տիկնոջ անունն է մոզովրդական աւանդութեան մէջ զարձել Շամիրամ թագուհի։



և մեծամեծ վիմօք շինել, կրով և աւա-  
դով մածուցեալս. անբաւ լայնութեամբ  
և քարձրութեամբ, որ կայ հաստա-  
տուն, որպէս ասեն, մինչև ցայսօր ժա-  
մանակի: Եւ ի պատառուածս նոյն  
ամբարտակի գետոյն՝ այժմ, որպէս  
լսեմք, մարդիկ աշխարհին ի հէն և ի  
գաղթականս փախստեամբ ամրանան,  
իբրև ի ծայրս քարանձաւաց լերանց  
ամրացեալք: Եւ թէ զփորձ առնուլ  
դէպ ումեք լինիցի, և ոչ իբր պար-  
սատակաց քար մի արժանաւոր ի շի-  
նուածոյ ամբարտակին խլել ոք զօ-  
րեսցէ, թէև մեծաւ աշխատութեամբ  
ջանայցէ: Եւ ի հեղուածս արուեստին՝  
որ գքարամբք՝ հայեցեալ ուրուք, որ-  
պէս ճարպոյ ինչ հեղման հայեցողաց  
երևեցուցանէ կարծիս <sup>1)</sup>,

<sup>1)</sup> Պոր., Ա., ժգ., Անա այս կտորի աշխարհարար  
թարգմանութիւնը. «Հրամայեց իսկոյն փափագած  
տեղը տանն երկու հազար հասարակ զործաւորներ  
բերել Ասորեստանից և իր իշխած ուրիշ երկիրներէց,  
և վեց հազար ընտիր արուեստաւոր զործաւորներ  
փայտի և քարի, պղնձի և երկաթի, որ ամենքն իրանց  
արուեստագիտութեան մէջ կատարեալ լինէին: Եւ  
զորձը կատարեցաւ նրա հրամանի համեմատ: Եւստ  
բերուեցան բազմութեամբ խառնինազանն զործաւոր-

Մեր օրերի տեխնիքական հրաշա-  
կերտութիւններին ընտանի մարդն  
անգամ Մենուասի այս «պիլիի» վրայ  
պակաս հիացմունք չէ արտայայտում:  
Շամիրամի գետը (Շամիրամ-սու) նկա-  
րագրել են շատերը, բայց լաւագոյնն  
այն է, որ տուել է դոկտոր Վալդե-  
մար Բելլը: Ահա ինչպէս է նա ներ-  
կայացնում ուրարտական արուեստի  
այս փառահեղ յուշարձանը:

«Շամիրամ-սու ըսուածը՝ արուես-  
տական ջրմուղ մըն է, որն որ Վա-  
նայ լճին հարաւային արևելեան կողմը՝

ներ և հանճարեղ, իմաստուն արուեստագէտներ:  
Շամիրամը հրամայեց նախ գետի ամբարտակը շինել  
ապտոածներով և խոշոր քարերով և կրով ու աւա-  
զով միաւարել, անշափ լայնութեամբ և բարձրու-  
թեամբ, որ, ինչպէս ասում են, հաստատ կայ մինչև  
այսօր: Եւ գետի այն ամբարտակի ճեղքերի մէջ  
այժմ, ինչպէս լսում ենք, փախչում ամբանում են  
այն աշխարհի աւազակ և թափառական մարդիկ, որ-  
պէս թէ ամբացած լինէին սարերի քարարուրների  
մէջ: Եթէ մինին դէպք լինի փորձելու, այս ամբար-  
տակի շինութիւնից պարտաակի համար մի քար ան-  
գամ հանել չի կարողանայ, որչափ մեծ աշխատու-  
թեամբ և ջանար: Նայելով քարերը ճարտարութեամբ  
միմեանց կոպող աւազին ու կրին, նայողը կը կար-  
ծէ թէ ճարպ լինի թափած» (Թարգմ. Խորէն եպ.  
Ստեփանէի, Պետր. 1897 եր. 44):

Հայոց Ջորի հարաւային սահմանը կազմող բարձրաբերձ ժայռոտ լեռան մը ստորոտէն կը բղխէ և Վերին Մէշինկերտէն ու Սոչապ գետին վրայէն անցնելով՝ քանի մը գիւղեր ու քաղաքներ ոռոգանելէն ետև Վանայ լիճը կը թափուի համանուն քաղաքէն քիչ մը վար։ Ջրմուղին ակունքը հոկտեմբեր ամսոյն մէջ՝ ամենէն չոր ժամանակը մանրերկրորդ (վայրկեան) մը մէջ ապահովապէս 1500 լիտր ջուր կուտան, գարնան անշուշտ կրկինը պիտի տան։ Այս ջուրը, որն որ մեծ քանակութեամբ ածխոյ թթու կը պարունակէ, ժայռերու ճեղքուածներէն ելլելով՝ անմիջապէս գահավիժաբար ու մեծ շառաշիւնով ժայռոտ գետնի վրայ կը նետուի և ի սկզբան ուղղակի Սոչապ գետը կը թափուէր, որն որ ակունքէն 5 քիլոմետր հեռու է... Ետքէն ընդհանուր օգտին համար Ջրմուղը շինուեցաւ ջուրը աղբիւրի քովէն դարձնելով և ուղղելով դէպի Վերին Մէշինկերտ, ուր մեծ աւազան մը շինուեցաւ գանոնք ժողովելու համար։

Հոս՝ ըստ հին աւանդութեան՝ ժամանակաւ մեծ քաղաք մը կար: Վերին Մէշինկերտէն՝ ջրմուղին յատակը բարձրացնելով ջուրը տարուած է Ստորին Մէշինկերտ, և անկէ բարձրաբերձ ծառերու հաստ կոճղերով շինուած յաղթ խողովակով մը Սոշապ գետին վրայէն միւս կողմն անցուած է: Սոշապէն անդին ջրմուղը ցցուած ժայռերու և լեռան ստորոտին քովէն դէպի արևմուտք՝ Իշխանի Գոմ գիւղը կերթայ՝ Սէօլ պլասան, Կէմ, Քարավանց, Անգղ և Մաշիքքէք գիւղերը ոռոգանելով: Իշխանի Գոմի քովը՝ լեռան հիւսիսային ստորոտը դառնալով՝ կամաց-կամաց դէպի արևելք կուղղուի, կանցնի Սաղամ, Քէօշկ, ս. Վարդան և Սարապաքէօյ գիւղերէն և կերթայ մինչև Արտամիտ: Արտամիտի ետևէն, Ծըվստան գիւղէն ջրմուղը կը շրջի դէպի հիւսիս և կը վազէ Վան քաղաքին հարաւային կողմն եղած դաշտերու մէջէն, ուր հաւանականաբար հին ժամանակները Վանայ հոշակաւոր բուրաստաններն ու տունները կը գտնուէին, բայց հի-

մա մեծաւ մասամբ անմշակ և խոպանացեալ երկիր մըն է: Ըսինք որ ջրմուղին ակունքը Վան քաղաքէն 70 քիլոմետր հեռու են, սակայն ջրմուղին երկայնութիւնն՝ անոր կորութիւններն ալ հաշուելով՝ 80 քիլոմետրի կը հասնի: Ջուրը Սոչապ գետին վրայէն անցնելէն ետև մինչև ս. Վարդան՝ ջրմուղին շինութիւնը մեծ դժուարութեանց չէ հանդիպած, որովհետև մեծաւ մասամբ կակուղ երկրէ կանցնէր, բայց այնպէս չէ ս. Վարդանէն մինչև Արտամիտ՝ ուր գետինն ապառաժուտ է և խորին վիհերով պատառոտուած. հոս հարկ եղած էր ամենամեծ դժուարութեամբ վիհերուն եզերքը՝ յատակէն մինչև վեր 10—15 մետր և աւելի բարձր կիկլոպեան լայն պատեր շինել մեծ ու պզտիկ ժայռերու կտորներ առանց շաղախի վրայի վրայ դիզելով և ջուրն անոնց վրայէն անցընել: Եւ այս պատերը դեռ կեցած են: Այս ջրմուղին քովերը՝ վերէն մինչև վար զանազան տեղեր, գլխաւորաբար ուր շինութիւնը դժուար

րութեանց հանդիպած է՝ ժայռերու վրայ սեպածև արձանագրութիւններ գտնուած են»<sup>1)</sup>։

Այսքան մեծ մի գործ կարող էր կատարել միայն այնպիսի մի թագաւոր, որ շատ ուժեղ էր և հարուստ, ինչպէս այս տեսնում ենք Արևելքի և մասնաւորապէս Եգիպտոսի պատմութեան մէջ։ Աւանդութիւնը պատմում է թէ ջրմուղի վրայ աշխատում էին 12 հազար ասորեստանցի և այլ տեղացի մշակներ։ Գուցէ այս տեղեկութեան մէջ իրականութիւնն է պահուած, և այն ժամանակ կարելի պիտի լինէր ենթադրել թէ աշխատող ձեռքերի այդ անագին բազմութիւնը պատերազմական գերիներ էին ասորի և այլ նուաճուած ազգերից։ Սակայն այդքանով բան չէր կարելի գլուխ բերել։ Ինքը Ուրարտուն էլ պիտի ինքնուրոյն մեծ աշխատանքն ունենար։ Ասորեստանի և Քաղդէայի մէջ, ճիշտ է, շատ ծաղկած էր ջրմուղներ շինելու արուեստը, բայց այդ կողմերի վարպետները, միշտ

<sup>1)</sup> «Հանդ. Ամս.» 1893, էր. 84—85.

գործ ունենալով փափուկ հողի հետ, հարթ տարածութիւնների վրայ, միւսն-գամայն անկարող պիտի լինէին լեռնային մի ջրանցք շինելու մէջ: Նուաճել անդունդները ահազին քարէ պատեր դարսելով, ժայռերի կտորներ պոկել և դնել իրար վրայ այնպէս որ անսասան մնան դարերի ընթացքում— այսպիսի գործ չէր կարող լինել Տիգրիս-Նփրատեան հովտում և այսպիսի հսկայական կերտուածներ, կիկլոպեան պատեր լեռնցու ձեռքից կարող էին դուրս գալ: Եւ աւանդութիւնն ասում է թէ վեց հազար զանազան վարպետներ (փայտի, քարի, պղնձի և երկաթի), ամենքն էլ ճարտար և իմաստուն, դուրս հանուեցին, ջրանցքի գործի համար, «իբ ընտրութեամբ», այսինքն՝ Մենուասի (ըստ աւանդութեան Շամիրամի):

Այս հսկայական ձեռնարկութիւնը հսկայական ջանքերով գլուխ բերուեց պետութեան մայրաքաղաքը զարդարելու և շէնացնելու համար: Երկիրը դուրս հանեց ինչ ունէր— և տաղանդ,

և՛ գիտութիւն, և՛ ժողովրդական աշխատաւոր մեծ ոյժ: Եւ հասկանալի է այստեղից թէ ինչպիսի գեղեցկութիւններ պիտի ունենար իր մէջ ինքը քաղաքը, Մենուասեան Դուսպան կամ Տուսպան: Ոչինչ չէ մնացել այդ գեղեցկութիւններից: Բայց եթէ աւանդութիւնը, Շամիրամին վերագրելով ջրմուղի շինութիւնը, հաւանականաբար պահպանել է իր մէջ այդ շինութեան վերաբերեալ իրական փաստեր, ներելի պէտք է լինի ուրեմն, ենթադրել որ նոյն աւանդութեան մէջ պահուել են հեռաւոր արձագանգները այն մանրամասնութիւնների, որոնք քաղաքի հիմնարկութեան են վերաբերուում: Խորենացին, պատմելով թէ ինչպէս ջրմուղը բերուեց մինչև քաղաք, շարունակում է. «Անդ հրամայէ <sup>1)</sup> զամբոխն ի բազում դասս որոշել. և ի վերայ իւրաքանչիւրոց դասուց զընտիրս ի ճարտարացն վարդապետս կարգել. և այնպէս ի սաստիկ ճգնու-

<sup>1)</sup> Խոսքը միշտ Շամիրամի մասին է, բայց իրապէս Մենուասն է կանգնած մեր առջև:



թեան պահեալ, յետ սակաւ ամաց  
 կատարէ զհրաշալին ամբագունիւք պա-  
 րբսպօք հանդերձ գրամբք պղնձակեր-  
 տիւք: Շինէ և ընտիր ընտիրս և բա-  
 գումս ի մէջ քաղաքին ապարանս ի  
 պէս պէս քարանց և ի գունից զար-  
 դարեալս, կրկնայարկս և եռայարկս,  
 և ըստ պատենի իւրաքանչիւր՝ արե-  
 դակնակս, և գեղեցիկ գունիւք և ըն-  
 դարձակ փողոցիւք զկողմանն քաղա-  
 քին որոշելով: Շինէ զչքնաղս ոմանս  
 և զգարմանալոյ արժանաւորս ըստ  
 պիտոյից ի միջոցաց քաղաքին լուա-  
 լիս: Եւ զմասն ինչ գետոյն ընդ մէջ  
 քաղաքին բաշխեալ գնացուցանէ ի  
 պէտս ամենայն պիտոյից և յարբուց-  
 մունս բուրաստանաց և ծաղկոցաց և  
 զայլն և գեղերբ ծովակին յաջմէ և  
 յահեկէ, քաղաքին և բովանդակ շր-  
 շակային յարբուցումն: Եւ զամենայն  
 արհելեան և զհիւսիսային և զհարա-  
 ւային կողմանս քաղաքին զարգարէ  
 գաստակերտօք և սաղարթիւք ծառոց  
 վարսաւորաց՝ զանագանեալք ի պտուղս  
 և ի տերևս, և բազումս բազմաբերս

և գինեբերս ի նմա տնկեաց ովիտս: Եւ ամենայնիւ հոյակապ և հուշակաւոր զպարսպեալն յօրինէր. և անթիւ բազմութիւն մարդկան ի ներքս բնակեցուցանէ: Իսկ զծայր քաղաքին և որ ինչ ի նմանէ գործոյ նրաշակերտութիւնք, բազմաց ի մարդկանէ ոչ հասու լեալ, և ոչ պատմել է կարողութիւն: Զորոց զպարսպեալ զգագաթն՝ դժուարամուտս ոմանս և դժոխելանելիս ի նմա՝ յօրինէ շինուածս արքայանիստս, և ծածուկ իմն ահագին<sup>1)</sup>:

1) Պորեն. Ա. ժգ. Վսյնակոյ Շամիրամը նրամայեց այն ամբսխը դաս-դաս որոշել և իւրաքանչիւր դասի վրայ վարպետ կարգել նարտարներից ընտիրներին, և այսպէս պահելով նոցա մեծ աշխատութեամբ սակաւ տարիներից յետոյ աւարտեց հրաշալի շինութիւնը, ամուր պարիսպներով և պղնձէ զոններով: Քաղաքի մէջ շինեց պէս-պէս քարերից և գոյներից, զարգարուած կրկնայարկ և եռայարկ ընտիր-ընտիր տպարանքներ և յարմարութեան համեմատ առանձին վերնատաներ: Քեղեցկազոյն և ընդարձակ փողոցներով բաժանեց նա քաղաքի կողմերը: Քաղաքի մէջ հարկաւար տեղերում քանի մի չքնաղ և զարմանալի բաղանիքներ շինեց: Քեաի մի մասը բաշխեց քաղաքի մէջ ամենայն պիտոյքի համար, բուրաստաններ և ծաղկոցներ ջրելու, իսկ միւս մասը ծովակի աջ ու ձախ ափերի մօտ՝ քաղաքը և նրա բոլոր շրջակայքը ջրելու: Եւ քաղաքի բալոր արևելեան, նիւսիսային և

ԳԼՈՒԽ ԺԲ.

Ա Ր Գ Ի Ս Տ Ի Ա


Մենուասին յաջորդեց նրա որդի Արգիստին (կամ Արգիստիս, մօտ 780—755 թ. Ք. ա.): Սա Ուրարտուի թագաւորութիւնը հասցրեց մեծութեան գագաթնակէտին, հանդիսանա-

հարաւային կողմերը դարգարեց շինութիւններով և միմեանցից պառւգներով և տերեւներով զանազանուող տերեւալի ճիւղաւոր ծառերով, այլ և տնկեց այնտեղ շատ բազմաբեր գինեւեր որթեր: Եւ այս պարսպուած քաղաքը տմեն կերպով հոյակապ և հռչակաւոր շինեց և մէջը մարդկանց անթիւ բազմութիւն բնակեցրեց: Իսկ քաղաքի ծայրը և նրա մէջ եղած հրաշակերտ շինութիւնները շատերը շն կարողացել հասկանալ. պատմելու կարողութիւն ևս չը կայ: Քարաբլրի գագաթը պարսպելով, նրա մէջ թագաւորանիւտ ծածուկ և ահագին շինուածներ շինեց, ուր մտնել և դուրս գալը սարսափելի է (Ստեփանէ, եր. 45—46):

լով մի մեծ աշխարհակալ, մէկը այն  
 ահարկու նուաճողներից, որոնք անօ-  
 րինում էին Ասիայի ճակատագիրը:  
 Արգիստին շատ քիչ արձանագրութիւն-  
 ներ է թողել զանազան շինութիւն-  
 ների, կրօնական-կուլտուրական հաս-  
 տատութիւնների մասին: Դրա փոխա-  
 րէն՝ արշաւանքներ և նուաճումներ  
 պատմող արձանագրութիւնները շատ  
 ընդարձակ են և պարզապէս ցոյց են  
 տալիս որ Վանի այս թագաւորը ժա-  
 մանակ չունէր ներքին շինարարական  
 գործունէութեամբ շատ զբաղուելու,  
 քանի որ իր թագաւորութեան մեծա-  
 գոյն մասը անց է կայրել արշաւանք-  
 ների մէջ:

Բայց որ պատերազմական դաշտի  
 մեծ նուաճողը կարող էր մեծ նուա-  
 ճումներ անել և խաղաղ աշխատանքի  
 ասպարէզում, այդ վկայում է նրա՝  
 նմանը չունեցող մի յուշարձանը: Վա-  
 նի ժայռի կենտրոնական, ամենա-  
 բարձր կողմին գտնւում է մի քարայր,  
 որ անուանւում է այժմ Մորխոր: Քա-  
 րայրը մուտք է ժայռի մէջ փորուած

մի շարք սենեակների, որոնք զարմանք  
են յարուցել ամեն ժամանակ, քանի



Վ.ԱՆ — Միջնաբերդ — մեծ արձանագրություն (խորխոր) անի կտրվում

որ նիւթը, այն է՝ քարը, շատ կարծր  
է։ Ով է շինել տուել այս սենեակնե-

րը — յայտնի չէ: Նոյն հին աւանդու-  
թիւնը վերագրում է այս մեծագոր-  
ծութիւնն էլ առասպելական Շամիրա-  
մին: «Իսկ զընդդէմ արեգական կողմն  
անձաւին, — ասում է նա —, որ և ոչ  
գիծ մի երկաթոյ այժմ վերագրել ոք  
կարէ, զայսպիսի կարծրութիւն նիւ-  
թոյ՝ պէս պէս տաճարս և սենեակս  
օթից և տունս գանձուց և վինս եր-  
կարս, ոչ գիտէ ոք՝ թէ որպիսեաց  
իրաց պատրաստութիւն հրաշակեր-  
տեաց<sup>1)</sup>: Այդ զարմանալի քարայրի  
մուտքի ձախ կողմին և ճակատին փո-  
րագրուած է մի վիթխարի սեպածև  
արձանագրութիւն, բաղկացած շուրջ  
400 տողից, — մեծագոյնը այն բոլոր  
արձանագրութիւններից, որոնք երբ և  
իցէ փորուել են քարի վրայ: Սորե-  
նացին պատմում է թէ այդ էլ Շա-  
միրամի դործն է. «Իսկ զամենայն ե-

<sup>1)</sup> Անդ. «Իսկ քարայրի արեգակի գէմ եղած  
կողմը, որի վրայ այժմ ոչ ոք չէ կարող երկաթով մի  
գիծ քաշել — այնքան պինդ է նիւթը — Շամիրամը զա-  
նազան պալատներ, սենեակներ, գանձատներ և երկար  
վիներ հրաշակերտած է՝ ոչ ոք չը գիտէ ինչ նպատա-  
կի համար:»

րեսս քարին իբր գրչաւ զմոմ հարթել, բազում զիրս ի նմա գրեաց, որոյ հայեցուածն միայն զամենայն ոք ի զարմանս ածէ»<sup>1)</sup>։ Սակայն այսօր պարզ է որ այդ վիթխարի արձանագրութիւնը փորագրել է տուել Արգիստին, նրա մէջ իր արշաւանքներն ու նուաճումները պատմելու համար։

Թւում է թէ Վանի մեծ թագաւորը այդ գործը կատարել է իր թագաւորութեան վերջում <sup>2)</sup>։ Արձանագրութիւնը ըստ բովանդակութեան բաժանւում է 15 մասի, որոնցից 14-ը արշաւանքներ են նկարագրում, իսկ վերջին մասը եզրակացութիւն է։ Ենթադրում են որ 14 արշաւանքները պէտք է կատարուած լինեն 14 տարուայ ընթացքում, սկսած թագաւորութեան առաջին տարուց։ Նրանք նկարագրուած են մեծ արձանագրութեան մէջ ժամանակագրական կարգով։ Արշաւանք-

<sup>1)</sup> Անդ.— «Իսկ քարի բոլոր երեսի վրայ, կարծես գրչով մամի վրայ, շատ գրեր գրեց, որոնց տեսքը միայն զարմացնում է ամենքին» (Ստեփանէ, էր. 46)։

<sup>2)</sup> Hyvernat p. 537.

ները երեք գլխաւոր ուղղութեամբ են տարուել. դէպի հիւսիս և հիւսիս-արևելք, դէպի հարաւ-արևելք և դէպի հարաւ-արևմուտք:

Գէպի հիւսիսային երկիրները կատարած արշաւանքների ուղղութիւնները ցոյց են տալիս այն արձանագրութիւնները, որ Արգիստին թողել է զանազան կողմերում: Մենք տեսանք որ Մենուասը, Արգիստի հայրը, նուաճել էր Արաքսի վերին հոսանքը, ինչպէս այդ ցոյց է տալիս Հասան-Կալէի արձանագրութիւնը և այդտեղից էլ, Արաքսի հովտով, դուրս եկաւ Արարատեան դաշտը, ուր իր տիրապետութեան տակ ձգեց Արաքսի աջ ափը մինչև Մասիսի ստորոտները: Այս արշաւանքը մի նախապատրաստական աշխատանք էր նրա յաջորդների համար: Վանի թագաւորները, ինչպէս ասացինք, ձգտում էին իրանց թագաւորութիւնն ամփոփել այն բնական սահմանների մէջ, որ բնութիւնից ստացել է Հայկական Բարձրաւանդակը: Եւ այդ ձգտումը նրանց տանում էր դէպի Փոքր



Կովկասի լեւնաշղթաները և դրանց մէջ  
բացուած անցքերով՝ գէպի Կուր գե-  
տի հովիտը: Արգիստին, այս հիւսիսա-  
յին սահմաններին հասնելու համար,  
բռնեց այն ճանապարհը, որ Արաքսի  
վերին հոսանքներից տանում է Ախու-  
րեան գետի (այժմեան Կարս-չայի) ա-  
կունքները և այդտեղից, գետի հով-  
տով, հասցնում է այժմեան Արփաչայի  
հովիտը (Ալէքսանդրոպոլի գաշտավայ-  
րը): Այս այն շափազանց կարևոր ուղ-  
մական ճանապարհն է, որ տանում է  
Ալէքսանդրոպոլից, Կարսի վրայով, էր-  
զրում, մի ճանապարհ, որին շամակու-  
թիւնը ըմբռնուած է եղել հին ժամա-  
նակներից: Առաջ խաղաղով այս ուղ-  
ղութեամբ, Արգիստին նուաճեց Իշկի-  
զուլու երկրի Իրգանիունի քաղաքը,  
որ համապատասխանում է այժմեան  
Ղանլիջային (Ալէքսանդրոպոլի շրջա-  
կայքը): Այս վայրը կազմում է հիւ-  
սիսային այն ամենահեռու կէտը, ուր  
Վանի թագաւորների շարժումը նշա-  
նակուած է արձանագրութիւններով<sup>1)</sup>:

<sup>1)</sup> Այստեղից էլ հետո գէպի հիւսիս-արեւմուտք,

Բայց Արգիստիի համար աւելի մեծ գործ եղաւ Արաքսի միջին հովտի նուաճումը: Իր հօր Մենուասի նուաճած երկրից (Մենուասիսիլի քաղաքից) նա անցաւ Արաքսի ձախ ափը և այստեղ այն բլուրի վրայ, որ բարձրանում է դաշտի մէջ և որ յետոյ, հայկական հին պատմութեան շրջանում, դարձաւ մայրաքաղաք Արմաւիր անունով, իր համար մայրաքաղաք կառուցեց, այսինքն իր կայանի տեղը՝ պատերազմական գործողութիւնների ժամանակ և անուանեց այդ ձեռակերտը իր անունով—Արգիստիհինիլի, այն է՝ Արգիստիի քաղաք: Ենթադրւում է թէ այս բլրի վրայ մինչև այդ էլ գոյութիւն ունէր մի քաղաք և Արգիստին միմիայն վերանորոգեց նրան, ինչպէս որ արձանագրութեան մէջ էլ ասում է թէ վերանորոգեց պալատը <sup>1)</sup>:

Չբլզբը լճի ափին Իվանովսկին գտել է մի ուրարտական բերդ, սակայն, հակառակ սովորականի, առանց արձանագրութեան (По Закав. с. 82):

<sup>1)</sup> Նիկոլսկին ենթադրում է թէ այդ հին քաղաքը պիտի եղած լինի Արամէթաղաւորի շինած Արամալի քաղաքը: Բայց այս ենթադրութիւնը ոչ մի ապացոյց չունի:

Թէ որքան կարևոր նշանակութիւն ստացաւ Արգիստիհինիլին ուրարտական պատմութեան մէջ, այդ ցոյց է տալիս այն հանգամանքը, որ այստեղ գտնուել են մինչև այժմ 12 սեպածեղ արձանագրութիւններ: Ենթադրուում է որ այս քաղաքը մինչև Արգիստիի ձեռքըն ընկնելը կարևոր կրօնական նշանակութիւն ունէր, որովհետև նա արձանագրութիւնների մէջ կոչւում է Խալդի աստուծու երկիր: Այդ նշանակութիւնը նա պահպանեց և Վանի թագաւորների սեփականութիւնը դառնալուց յետոյ. և այստեղ էլ, ինչպէս Վանում, կար մի արձանագրութիւն, որ սահմանում էր աստուածներին մատուցելիք զոհերի թիւը:

Արգիստին բարձրացրեց իր քաղաքի քաղաքական և ռազմական նշանակութիւնը: Նա առաջաւար մի դիրք էր այն ռազմական գործողութիւնների համար, որոնք թելադրուում էին Արաքսի հովտի և նրա հիւսիսային կողմերը եզերող լեռնաշխարհի աշխարհագրական դիրքով: Այդ տեղից հեռու

չէին Քասախ և Հրազդան (Չանգու) գետերի հովիտները, որոնք բնական ճանապարհներ էին դէպի հիւսիս: Մեծ նուաճողը առանձին ուշագրութիւն դարձրեց Արագած լեռան վրայ, որի հարաւային ստորոտները մանաւանդներկայացնում էին մի գեղեցիկ և արգաւանդ երկիր: Այդ երկիրը, որ հայկական աշխարհագրութեան մէջ յայտնի է Արագածոտն անունով, Արգիստին իր անունով կոչեց Արգիստինա և Արգիստիհինիլի (Արմաւիր) քաղաքը դարձաւ այդ գեղեցիկ գաւառի կենտրոնը: Քասախ գետի հովտում այսօր էլ երևում են նշանաւոր հին բերդեր և ժայռերի մէջ փորուած տներ (Ամբերդ և Բիւրական): Ենթադրում են որ դրանք ուրարտական թագաւորների ժամանակներից են<sup>1)</sup>: Արգիստին Քասախի հովտով և Արարանի կիրճով հասաւ Արագածի հիւսիսային ստորոտին, ուր նուաճեց Կուլիաինի երկիրը (այժմ Ղուլիջան): Արագածի հիւսիսային և

1) Никольскій Клинообразныя Над. Закавказ. с. 70—83.

հարաւային ստորոտներին տիրելով միայն կարելի էր ամուր կերպով հաստատուած լինել Արաքսի հովտում: Արգիստին, այս բազմական ծրագիրը գլուխ բերելուց յետոյ, մտաւ միւս նշանաւոր լեռնացիք, որ Արաքսի հովտից Չանգուի հովիտով տանում է Կուրի հովիտը: Այս ուղղութեամբ արշաւելիս Արգիստին արձանագրութիւններ է թողել Երևանի մօտ, Ղանլի-թափա տեղում, Էլառի կիրճում և հասել է Սեւանի լճի հարաւ-արեւմտեան ծայրին, ուր այսօր էլ Օրդակլու գիւղի սեպածև արձանագրութիւնը յիշատակում է հռչակաւոր թագաւորի անունը:

Այդտեղից նրան մնում էր իջնել Դիլիջանի կիրճը, որպէսզի Աղստափա գետի հովտով դուրս գար Կուրի հովիտը: Արդեօք կարողացան նա կամ նրա յաջորդները կատարել այսքան նշանաւոր մի յառաջխաղացութիւն: Մասպեթոն կարծում է որ ուրարտական թագաւորները կարողացան իրանց իշխանութիւնը հաստատել նաև Կուրի հովտում և մինչև իսկ կասպիական տա-

փարակների մի մասում<sup>1)</sup>, եթէ այս ճիշտ է, այն ժամանակ սէտք կը լինի որոնել այն ճանապարհը, որով այդ թագաւորները դուրս եկան Փոքր Կովկասի և Մեծ Կովկասի մէջ տարածուած մեծ դաշտը: Եթէ ոչ Արգիստին, զոնէ նրա ժառանգները նուաճեցին նաև այն երկիրները, որոնք Սևանի լճի հարաւարեկեան ծայրի ուղղութեամբ էին գտնուում: Այստեղից կարելի է իջնել Թարթար գետի հովիտը, որ Արցախի լեռների միջով տանում հանում է ուղիղ Կուր գետի աջ ափը: Ամենակարճ ճանապարհն այս է: Տարաբախտաբար, այս ուղղութեամբ հետազօտուած չէ երկիրը: Եւ ո՞վ գիտէ, զուցէ ժամանակը երբ և իցէ երևան կը հանէ արձանագրութիւններ, որոնք ցոյց կը տան թէ վանեան բանակները քայլել են այս կողմերով էլ, ուղևորուելով դէպի Արուանից մեծ դաշտավայրը:

Եւ այսպէս, Արգիստին իր քաջարի գործողութիւններով միացրեց իր ձեռքի տակ այն բազմաթիւ մանր անկա-

<sup>1)</sup> Maspero t. III p. 34.

խուժիւնները, որոնք գտնուում էին Արաքսից դէպի հիւսիս, սկսած գուցէ Չըլդըր լճից մինչև Սեանի լճի հիւսիս-արևմտեան ծայրերը:

Այս մի ընդարձակ ձեռնարկուածիւն էր այն մեծ ծրագրի մէջ, որ պետական շինարարութիւնը ամբողջացնելու ձգտումն ունէր: Բայց այդ ծրագրի մեծագոյն մասը պէտք էր իրագործել Ուրմիայի լճի արևմտեան և հարաւարևմտեան կողմերում: Արգիստին յիշատակում է բազմաթիւ արշաւանքներ դէպի Մաննայի երկիրը, արշաւանքներ, որոնք վերջանում էին կատարեալ յաջողութեամբ և յաղթողի ձեռքն էին տալիս ահագին քանակութեամբ գերիներ, աւար և այլն: Այս պատերազմական գործողութիւնները չափազանց կարևոր նշանակութիւն ունէին Ուրարտուի համար. նրանցով էր լուծուում պատմական մի մեծ պայքար և Վանի թագաւորութիւնը իր գոյութեան խնդիրներն էր արծարծում պատերազմական դաշտերում:

Տեղային իշխանութիւնները ընկ-

ճելու հոգսը չէր միայն, որ հարկադրում էր Արգիստիին այնքան մեծ եռանդով գործողութիւններ կատարել Ուրմիայի լճի շրջականերում: Այդտեղ նրա դէմ կանգնած էր դարաւոր սոսիւր—Ասորեստանը: Եւ այդ տեղերում էլ վճուում էր թէ ով պիտի լինի Առաջաւոր Ասիայի տէրը:

Այսպիսի մի մեծ պայքարի մէջ Արգիստիին հովանաւորում էին մի քանի նպաստաւոր հանգամանքներ և ամենից շատ—Ասորեստանի դրութիւնը: Ռամման-Նիրարի թագաւորից յետոյ ասորական պատմութեան մէջ գալիս է մօտ 38 տարուայ մի շրջան, որից մանրամասն արձանագրութիւններ չեն մնացել: Իսկ սա արդէն նշանակում է քաղաքական ոյժի անկում: Այս մի ժամանակ էր, երբ Ասորեստանն ունեցաւ իրար յաջորդող երեք թոյլ թագաւորներ, երբ նա այլ ևս չէր կարողանում յարձակուել ուրիշների վրայ և երբ, ուրեմն ուրիշները պիտի յարձակուէին նրա վրայ<sup>1)</sup>:

<sup>1)</sup> Винклеръ, с. 63.



Միայն ասորական համառօտ տարե-  
գրութիւններն են որ տեղեկութիւն-  
ներ են տալիս այս անկման մասին:  
Ռամման-Նիրարիի յաջորդն էր Սալ-  
մանասար Գ. (783—733), իսկ սրան  
յաջորդեց Ասուր-դան (773—755):  
Արգիստին այս երկու թագաւորների  
ժամանակակիցն է համարուում<sup>1)</sup>: Հա-  
մառօտ տարեգրութիւնը Սալմանասար  
Գ-ի թագաւորութեան 6 տարին նշա-  
նակում է «դէպի Ուրարտու» խօսքե-  
րով: Սա պիտի նշանակէ թէ այդ թա-  
գաւորը արշաւանքներ է գործել դէ-  
պի Ուրարտու: Բայց Արգիստի մեծ  
արձանագրութիւնը Վանի ժայռի վրայ  
բացատրում է որ, ընդհակառակն, Ար-  
գիստին իր թագաւորութեան 5, 6, 8  
տարիներում յատուկ արշաւանքներ է  
ունեցել Ասորեստանի դէմ, իսկ 9,  
10, 12 և 13-րդ տարիները արշաւել  
է Մաննայի երկիրը, որ «համարեա  
համանիշ է—ասում է Նիկոլսկին—Ա-  
սորեստանի վրայ յարձակուելուն»:  
Սալմանասարը, այսպիսով, լուկ պաշա-

<sup>1)</sup> Ibid. c. 127.

պանողական դիրք էր բռնած, այն էլ առանց որ և է յաջողութեան, քանի որ Արգիստին վճռական հարուած հասցրեց Միջագետքի մեծ պետութեան և իջեցրեց նրան երկրորդական աստիճանի: Մեծ պետութիւն դարձել էր Ուրարտուն: Վանի մեծ արձանագրութեան մէջ երեք տեղ Արգիստին գրում է թէ ինքը նուաճել է Ասորեստանի երկիրները<sup>1)</sup>: Տարաբախտաբար պակասում են մանրամասնութիւններ և մենք գուցէ միայն ենթադրաբար ասենք թէ Արգիստին իր յաղթական բանակը մտցրել է բուն Ասորեստանի սահմաններից ներս: Այս տեսակ մի ենթադրութեան չիմք տալիս է արձանագրութեան մի նախադասութիւնը, ուր Արգիստին շնորհակալութիւն է յայտնում աստուածներին որ Ասորեստանի երկիրը պարգևեցին իր ժառանգներին: Այս առիթով Նիկոլսկին գրում է. «Եթէ Վանի թագաւորի այն արտայայտութիւնը թէ աստուածները այս կամ այն երկիրը տուել են պար-

<sup>1)</sup> Sandaljian, p.p. 77, 83, 93.

գև իր ժառանգներին՝ պէտք է հասկանալ այն մտքով թէ նուաճուած երկիրները պարտաւոր էին հարկ տալ, այն ժամանակ մենք պէտք է ընդունենք թէ և մեծ Ասորեստանը պարտաւորուած էր հնազանդուել Ուրարտուին հարկ տալու ստորացուցիչ վիճակին»<sup>1)</sup>։ Եւ բոլորովին անհնարին չէր որ Ասորեստանը այնքան ստորանար, քանի որ նրա դրութիւնը այդ միջոցներին շատ էր գժրախտ։ Երկրի մէջ տիրում էր անիշխանութիւն. քրմական դասակարգը ապստամբութիւններ յարուցեց իր կորցրած իրաւունքները վերականգնելու համար։ Դա մի կատարեալ յաղթանակ էր, որ տաճարը տանում էր զինուորական դասակարգի վրայ։ Բացի զրանից սաստիկ երկիւղ և լքում տարածեց արեգակի խաւարումը 763 թուին։ Նա համարուեց մի վատ նշան ապագայ դժբախտութիւնների։ Եւ իրաւ, 759 թուին երկրում տարածուեցին համաճարակ հիւանդութիւններ։ Հասկանալի

<sup>1)</sup> «Клин. над. Ван. царей», с. 409.

է որ այս վիճակի մէջ ընկած մեծ պետութիւնը չը պիտի կարողանար դիմանալ Ուրարտուի հուժկու բաղխումներին:

Եւ Արդիստին, ձգտելով միանգամայն տիրանալ իր յաղթութիւններով ստեղծուած դրութեան, չը մոռացաւ այն ճանապարհը, որ գծել էր իր հայր Մենուասը հարաւ-արեւմտեան ուղղութեամբ: Անցնելով Եփրատը, հա մտաւ հաթերի երկիրը, նուաճեց նոյն իսկ Մալաթիա քաղաքը և այլ ամբութիւններ<sup>1)</sup>: Ուր էր տանում այդ ճանապարհը Վանի թագաւորին: Հաստատուելով հիւսիսային Սիրիայում, ուրարտական զէնքը կարող էր այդտեղից առաջանալ դէպի Պաղեստին և ապա ձախ թևի վրայ շարժում գործելով, նոյն իսկ մտնել Քաղզէա, ուր Վանի թագաւորը կը գտնէր պատրաստ իր համար Շումմիրի և Ակկարի թագաւորի տիտղոսը, որ դարգարում էր Ասորեստանի թագաւորներին: Առաջ

1) Seyce—«Les Hétééens», p. 51.

բերելով այս հաւանականութիւնները, Նիկոլսկին ասում է.

«Ուրարտական հզօր թագաւորութիւնը հիւսիսում բաւականաչափ ուժեղ կը լինէր հակազրելու համար արիացի թափառականների, այն է՝ կիմերացիների, սկիւթացիների և ուրիշների շարժումներին և համաշխարհային պատմութեան տեսքը այն ժամանակ բոլորովին այլ կը լինէր»<sup>1)</sup>:

Այս բանը, սակայն, տեղի չունեցաւ: Եւ այս՝ ոչ թէ Արգիստի պատճառով: Նա մեռաւ փառքի գազաթնակէտին հասած և մինչև մահը նուաճողի բախտը չը դաւաճանեց նրան:

Մեզ մնում է բնորոշել այդ նուաճողին նրա արձանագրութիւնների տուած նիւթերով, տեսնել թէ ինչպէս էր նա արշաւանքներ գործում: Ահա մի կտոր նրա մեծ արձանագրութիւնից. «Նուաճեցի գերկիրն Սերիաջեայ, գքաղաքս այրեցի, զպալատս խարխարել ետու: Տիրացեալ վիճակի քաղաքին Պուտեայ, զաղջկունս երկրին Բիս-

<sup>1)</sup> Никольскій—«Клин. над. Ван. цар.», с. 410.

տու և երկրին Սուսանեայ փոխադրեցի ընդ պատանիս երկրին Տարխուսայ: Արշաւեալ յերկիրն Զարախասեայց, նուաճեցի զերկիրն Զարախասեաց վիճակին: Տիրեցեալ վիճակի քաղաքին Հուզի-նարիդունայ, բոլոր երկրին Շիրիմուտրայ և երկրին Բաբանեայ, զպատանիս քաղաքին Մաքալուսի և երկրին Ազասեանց՝ փոխադրեցի: Ասպատակեալ Երիասայ որդւոց յերկիրս, արշաւեալ յերկիրն Աբասացւոց, նուաճեցի զքաղաքն Ուրիէնուն՝ զքաղաքն արքայական և ի քաջազարմից 19,255 տղայս, 10,146 զինուորս զերիս, 23,280 կանայս, ընդ ամենայն 5 բիւր 2695 խոռվարարս, զնոսա զամենեսին կենդանւոյն կալայ, զամենեսին գերի տարայ, 1104 երկվարս վարեալ բերի, 35,016 եզինս, 10 բիւր 1829 (101829) ոչխարք<sup>1)</sup>:

Այս պատմութիւնը ամենից առաջ վկայում է որ Վանի նուաճողները նմանւում էին Ասորեստանի թագաւորներին: Այրել, քանդել, ամայաց-

<sup>1)</sup> Sandal. p. 59—62.

նել — այս գործողութիւններն են յաղթական պարծենկոտութեան առարկաները: Բայց և այդպէս, տարբերութիւնը ուրարտացիների և ասորիների մէջ նոյնպէս աչքի ընկնող է և այս հանգամանքի մէջ խօսում է, անշուշտ, ցեղերի հոգեբանութիւնը: Արգիստիի և ուրիշ թագաւորների արձանագրութիւնների մէջ չը կայ այն յղիացումը գազանական արարքներով, որ այնպիսի մանրամասնութիւններով հանգէս է գալիս ասորական պատմուածքների մէջ: Ուրարտացիները, ինչպէս երևում է, աշխատում էին աւելորդ սպանութիւններից խուսափել և լայն շափերով գործադրում էին գերեզմարութիւնը: Գերիները փոխադրում էին մի երկրից միւս երկիրը: Միտ դնելով այն հանգամանքին, որ գերի էին վերցւում մեծագոյն մասամբ կանայք և երեխաներ, կարելի է ենթադրել որ ստրկութիւնը Ուրարտուի մէջ պակաս դարգացած չէր, քան հին աշխարհի ուրիշ երկիրներում:

ԳԼՈՒԽ ԺԳ.

Ս Ա Ր Գ Ո Ւ Ր Ի Բ.

Մեծ Արգիստիից յետոյ Ուրարտուն սկսում է արագ իջնել քաղաքական ոյժի բարձրութիւնից: Եւ այս անկումը չէ կարելի համարել հետեւանք Արգիստի յաջորդների անկարողութեան: Նրա որդի Սարգուրի Բ. (մօտ 755—730 թ. Ք. ա.) իր հօրից պակաս յաջողակութեամբ չէր պատերազմական գործողութիւններ մղում հարաւ-արեւելքում, հարաւ-արեւմուտքում և հիւսիս-արեւելքում, ուր նրա արշաւանքները նշանակուած են Սեանի լճի հարաւային ափերում մնացած սեպածե արձանագրութիւններով: Նա



իրան անուանում է «թագաւորների  
թագաւոր», «հօր թագաւոր», «թա-  
գաւոր Սուրասի»<sup>1)</sup>), և Մաննայի եր-  
կրում, ինչպէս և հեթեթների մօտ,  
Մալաթիայի գէմ մղած պատերազմ-  
ները և նուաճումները նկարագրում  
է ճիշտ իր հօր նման, պատմելով մէ-  
կիկ մէկիկ թէ որքան աւար է վեր-  
ցրել, թէ քանի կանայք և երեխաներ  
է գերի տարել: Սարգուրին այսպի-  
սով հանդիսանում էր իր հօր արժանի  
ժառանգ: Գուցէ նոյն իսկ յաջողուէր  
նրան հօր կատարեալ օրինակը ներ-  
կայացնել, եթէ չը պակասէր մի հան-  
գամանք, որ Արգիստիի և Ուրարտուի  
բախտի աստղն էր, այն է՝ Ասորես-  
տանի թուլութիւնը:

Երբ Սարգուրին գահ բարձրացաւ,  
Ասորեստանում թագաւորում էր Աշ-  
շուր-նիրարին, որի կարճատև գահա-  
կալութիւնը խառնակութիւնների մի  
ժամանակամիջոց էր: Մենք տեսանք,  
որ յազթել էր քրմական յեղափոխու-  
թիւնը և նրան ենթարկուել էր զինուո-

<sup>1)</sup> Hyvernat, p. 537.

րական ոյժը: Աշշուր-նիրարիի թագա-  
ւորութիւնը համառօտ ժամանակա-  
գրութեան մէջ նշանակուած է «տանը»  
խօսքով, այսինքն թէ ասորական թա-  
գաւորութիւնը արտաքին արշաւանք-  
ներ չէր կատարում: Այսպիսի մի թա-  
գաւորի ժամանակ Վանի Սարգուրին  
կարող էր իր գէնքի յաղթանակները  
տօնել: Բայց Ասորեստանը դեռ գա-  
ւաւանալ մի պետութիւն չէր, որպէս  
զի չը կարողանար դուրս գալ անկման  
և մահանման քնի դրութիւնից: Նո-  
րից տեղի ունեցաւ յեղափոխութիւն  
և այս անգամ յաղթողն արդէն զի-  
նուորականութիւնն էր: Թագաւորող  
տոհմին չը պատկանող մէկը գահի  
յափշտակիչ հանդիսացաւ և սկսեց  
թագաւորել Թեզլաթ-պալասար Գ. ա-  
նունով (745 — 727): Նրա հետ սկսոււմ  
էր ասորական երրորդ կայսրութիւնը,  
որ ասորական ոյժը ամենաբարձր աս-  
տիճանին պիտի հասցնէր, որպէս զի  
յետոյ կործանէ. այդ մեծ պետու-  
թիւնը:

Թեզլաթ-պալասարի առաջնորդու-

Թեամբ ասորական բանակը նորից սկսեց յաղթական արշաւանքներ սրբուել Արևմտեան Ասիայում: Թագաւորը յարձակուեց Միդիայի (Մարաստանի) վրայ, հասաւ Կասպից ծովի հարաւային երկիրներին: Բայց գլխաւորն այդ չէր. ձգտումը դէպի Միջերկրական ծովի ափերը, դէպի այն հարուստ երկիրները, որոնք ծաղկած էին այդտեղ, Թագաւորի առաջ դնում էր մեծ և ահաւոր հարցը— Ուրարտուի հարցը: Ընդհարումը այդ պետութեան հետ անխուսափելի էր ոչ միայն այն պատճառով, որ վերանորոգուած Ասորեստանը պիտի վրէժ հանէր իր ուժեղ թշնամուց նախկին պարտութիւնների և ստորացման համար, այլ մանաւանդ այն պատճառով, որ միայն այդ պետութիւնը խորտակելուց յետոյ կարելի էր ազատօրէն գործողութիւններ սկսել Միջերկրականի ափերի վրայ: Գահ բարձրանալու օրից Թեգլաթ-պալասարը յարմարութիւն էր որոնում Սարգուլրիի հետ շափուելու: Չեոնարկութիւնը շափագանց վտանգաւոր էր,

բաւական էր որ Ասորեստանը մի անգամ էլ պարտութիւն կրէ Ռերարտուի կողմից և նրա ճակատագիրը վերջնականապէս վճռուած կը լինէր: Ուստի պահանջուեւ էր առանձին զգուշութիւն և կանխատեսութիւն:

Եւ Ասորեստանի նոր թագաւորը մեծ իմաստութեամբ լուծեց իր առջև դրած ծանր հարցը: Նա վճռեց հանդիպել Սարգուրիին ոչ թէ նրա երկրում, ուր պայմանները աննպաստ էին ասորական զօրքերի համար, այլ հիւսիսային Սիրիայում, հեթիթական այն երկրներում, որոնք նուաճուած էին Վանի թագաւորների ձեռքով և նրանց վասսալներն էին: 743 թուականի դարնանը նա անցաւ Եփրատը և պաշարեց Արպադ բերդը, որ բաց արաւ իր դռները նրա առջև: Սարգուրիին օգնութեան հասաւ մի շատ ստուար բանակով, որ թուով գուցէ մեծ էր ասորական բանակից: Ռերարտական բանակում էին գտնուում և Սարգուրիի հօր վասսալները—Ազունիի թագաւոր Մատիլու, Կուլմմուխի

Թագաւոր Կուշտաշալի, Մալաթիայի  
 Թագաւոր Սուլուճալ, Գամգուճի Թա-  
 գաւոր Թարխուլարա: Այսպիսով ու-  
 րարտական և հեթիթական իշխանների  
 մի միութիւն էր, որ դուրս էր եկել  
 Ասորեստանի դէմ:

Ճակատամարտը տեղի ունեցաւ  
 Կուճմուխի մէջ, ոչ հեռու Եփրատից:  
 Նա տեեց մի ամբողջ օր, որի ընթաց-  
 քում երկու թագաւորները իրար հան-  
 դիպեցին կռուի դաշտի վրայ, դեկա-  
 վարելով կռիւր: Իրիկնապահին վեր-  
 ջապէս, ուրարտական կառախմբերը  
 և այրուձին ցրուեցին և սկսուեց  
 խառնաշփոթութիւնը: Յաղթող ասորի-  
 ները խուժեցին ուրարտական բանա-  
 կը, փախչողների ետևից: Սարգուրին  
 թողեց իր կառքը, բայց միայն մի  
 մատակ ձի գտաւ իրան փրկելու հա-  
 մար և հեծաւ այդ ձին, չը նայած որ  
 դեռ այն ժամանակից Արեւելքում յար-  
 գաբեկ, անպատիւ մի բան էր հա-  
 մարում այդպիսի մի հեծանելի գոր-  
 ծածելը: Ամբողջ գիշերը ձիավարելով՝  
 Սարգուրին, որին քայլ առ քայլ հա-

լածում էր ասորական մի հեծեալ գորարբաժին, դժուարութեամբ հասաւ Եփրատի կամուրջին: Այդտեղ սեպացած եղբին, կանգ առան հալածողները և Ուրարտուի թագաւորը ողջ առողջ մտաւ իր երկիրը: Նա կորցրել էր մօտ 73,000 մարդ, մեռած թէ գերի, իր կառքերը, իր ամբողջ ծանրոցքը: Նրա վրանը, որի մէջ գտնուում էին թագաւորական զարդերը, մահճակալը, շարժական գահը, բարձերը, պատգարակները, ամբողջովին ընկաւ թշնամու ձեռքը: Թեզլաթ-պալասարը այդ բոլորը այրեց տեղն ու տեղը, ի պատիւ աստուածների, որոնք նրան նըպաստել էին այսքան նշանաւոր չափով: Նա պահեց միայն թագաւորի մահճակալը և իբրև պատերազմի յաղթանակ տուեց Իշտար աստուածունուն<sup>1)</sup>:

Սարսափելի էր ուրարտական միութեան կրած պարտութիւնը: Բայց դա դեռ չէր նշանակում հիւսիսային այդ մեծ ոյժի կատարեալ ոչնչացում: Թեզ-

<sup>1)</sup> Maspero, t. III, p. 146.

լաթ-պալատսարը չը կարողացաւ օգտուել իր տարած յաղթանակի արդիւնքներէց: Ուրարտուն նրա համար դեռ նշանաւոր ոյժ էր, ուստի նա սիրտ շարաւ անմիջապէս մտցնել իր բանակը Ուրարտուի ներսը և շարունակել մի անգամ սկսած գործը: Իրան էլ թուլացած գտնելով, նա վերադարձաւ տուն, բայց, ի հարկէ, չէր մոռանում որ Ուրարտուն դեռ շարունակում է մնալ սպառնացող մի ոյժ, որ յարմար ընպէին դարձեալ կարող է վերանորոգել իր պայքարը համաշխարհային տիրապետութեան համար:

Սարգուրիի հետ նորից չափուելու յարմար առիթ ասորական թագաւորին ներկայացաւ միայն եօթը տարուց յետոյ (736): Այս անգամ պատերազմական արշաւանքը արդէն յատկապէս Ուրարտուի դէմ էր և այս անգամ Սարգուրին արդէն միայնակ, առանց դաշնակիցների էր ասորեստանցիների հանդէպ: Թեզլաթ-պալատսարը, ինչպէս երևում է, մեծ դժուարութիւններ չը հանդիպելով մտաւ Ուրարտու և

պաշարեց Վանը, որ և ամբողջ երկրի առաջնակարգ բերդն էր: Մենուասը, Արգիստին, ինքը Սարգուրին, արհեստական ամրութիւններ աւելացնելով բնական ամրութիւնների վրայ, դարձրել էին Վանի ժայռը միանգամայն անմատչելի: Բերդի մէջ հաւաքուած էր բաւականաչափ պաշար, ուստի միայն դաւաճանութիւնը կարող էր բաց անել դռները թշնամու առաջ: Դաւաճանութիւն չեղաւ և Սարգուրին, ապահով նստած ժայռի գագաթին, ուր գտնուում էին նրա պալատը, աստուածների տաճարը և դօրանոցները, տեսնում էր թէ ինչպէս թշնամին ոչնչացնում էր ցածի քաղաքի հարուստ այգեստանները, քարուքանդ էր անում տները, պալատները...

Այս գործողութիւններով էլ թեզլաթ-պալատարը շը կարողացաւ ազդել պաշարուածների վրայ, ուստի զնելով բերդի դռների դիմաց իր քարէ պատկերը, վերցրեց պաշարումը և վրէժ հանելու համար՝ արշաւանքներ տարածեց դէպի ամեն կողմ, կրակի և



սրի մասնելով ողջ երկիրը: Բազմաթիւ քաղաքներ կործանուեցին և ասորական բանակը հարուստ աւարով ծանրաբեռնուած՝ վերադարձաւ իրերկիրը<sup>1)</sup>:

Ահա ինչպէս է ինքը Թեգլաթ-պալասարը նկարագրում իր արշաւանքները դէպի Ուրարտու. «Շարգուրի<sup>2)</sup> ուրարտացին ինձմէ ապստամբեալ յետս եկաց, Մատիւիլուի հետ դաշնաւորութիւն ըրաւ: Կիստան ու Խալպի երկրաց մէջ, որ Կուժմուխ քաղաքին մէկ վիճակն են, զանի զարկի մինչև ցեղծումն: Անոր ամբողջ կարասին առի: Զինուցս տարափէն զարհուրեցաւ, իւր կեանքը փրկելու համար՝ միակ միայնակ փախստական զնաց: Իւր քաղաքն Տուրուսպայի<sup>3)</sup> մէջ զանի փակեցի, անոր բազմաթիւ պատե-

1) Ibid. p. 154—155.

2) Ասորական և ուրարտական արձանագրութիւնների մէջ ա և օ տառերը յաճախ խառն կերպով են կարդացուում. մէկը կարգում է Արգիստի, միւսը՝ Արգիշտի, Սարգուրի—Շարգուրի, Սամսի-Ռիմման—Շամշի-Ռիման և այլն:

3) Տուսպա՝ ըստ Վանեան արձանագրութիւնների:

րագմողները նոյնին դրանց առջև սպա-  
 նեցի: Իմ արքայական պատկերս Տու-  
 րուսպա քաղաքին առջևը կանգնեցի:  
 Լայնատարած Ուրարտու երկրին մէջ  
 470 կրկին ժամս ճանապարհի վերէն  
 մինչև վար արշաւեցի. հաւասարագօր  
 ոսոխ մը չկար: Ուլլուբա երկիրը բո-  
 լոր բովանդակ ընդ լծով արկի, կտրե-  
 ցի անցայ: Կասաիրբա, Պարխու, Տա-  
 շուխա, Մանտուուր, Շարդուրրիի քա-  
 ղաքները՝ մինչև Բաբուտտա, Լուսիա,  
 Կասսիա քաղաքները մինչև Սիկիրտա  
 քաղաքն, Ասուրտա քաղաքն Ասորես-  
 տանի երկրին միացուցի: Անոնց վրայ  
 կողմնակալ մը դրի, Ուլլուբա երկրին  
 մէջ տեղի բերդաքաղաքը, զոր Ուրար-  
 տու երկրէն աշխարհակալեցի, քաղաք  
 մը շինեցի, անունն Ասուր-իկիշա կո-  
 շեցի. Բաբա-բի-լուլ կողմնակալութեան  
 պաշտօնեաներս հոն դրի՝ իբր հոգա-  
 բարձու Ուսուրնա, Ուսարբա, Ինու,  
 Սասսու, Լուբ, Լուքի քաղաքաց մին-  
 չև ի լերինս անդր: Քուտա, Ուրբա,  
 Արանա, Տաբա, Ուալլիա քաղաքնե-  
 րուն մինչև ի վեր ցնփրատ, Կուսմ-

մուխ, Կիլիմիր, Աբբիսա, Սարպիսին-  
նա քաղաքներուն վիճակաց, Ինզի եր-  
կրին, Անգանու, Բինդու քաղաքնե-  
րուն՝ Ուրարտուի բերդաքաղաքաց,  
Կալլարմա գետոյն... տիրեցի, Ասոր-  
բեստանի երկրին միացուցի»<sup>1)</sup>։

Ուրարտուից խլած և Ասորեստա-  
նին միացրած այս քաղմաթիւ երկիր-  
ները, ինչպէս երևում է, գանւում  
էին թագաւորութեան հարաւային և<sup>2)</sup>,  
մասամբ և արեւմտեան կողմերում։  
Սակայն այս գեռ չէր նշանակում թէ  
Ուրարտուն իբրև քաղաքական մարմին  
ոչնչացել է։ Դեռ մնում էր նրա ազ-  
գային թագաւորը, մնում էր նրա մայ-  
րաքաղաքը, մնում էին հիւսիսային  
նահանգները, դէպի ուր այնուհետև,  
ընականաբար, պիտի ուղղէին իրանց  
ուշադրութիւնը Վանի թագաւորները։  
Ուրարտացիների համացեղ ժողովուրդ-  
ները, որոնք մինչև այդ յետուած էին  
ուրարտական ոյժի վրայ, կարողացել  
էին աւելի ևս տարածուել, յետ մղե-

<sup>1)</sup> Մանասաւան, եր. 159—161.

<sup>2)</sup> Винклеръ, с. 65.

լով սեմական ցեղերը: Այս բոլոր հանգամանքները դեռ բաւական կենսունակութիւն էին ներկայացնում ե Ուրարտուի ձեռքում դարձեալ մնում էր Ասորեստանի դէմ մրցելու հնարաւորութիւնը:

Սարգուրի Բ-ը վախճանուեց մօտաւորապէս 730 թուին, երբ Ասորեստանում դեռ կենդանի էր նրա բախտաւոր հակառակորդը: Հետեւելով իր նախնիքներին, Սարգուրին չը մոռացաւ ծառայել իր երկրի ներքին բարօրութեան: Նրանից մնացած մի քանի արձանագրութիւններ վկայում են որ նա եղել է շինարար թագաւոր: Արձէշ քաղաքի մօտ եղած արձանագրութիւնն ասում է թէ այդտեղ Սարգուրին անկել է այգիներ և կոշիկ է նրանց իր անունով: Իսկ Բաղնոց գիւղի եկեղեցում մնացած արձանագրութիւնը յիշատակում է թէ թագաւորն այդտեղ կառուցել է վալաէ կամուրջ Արածանիի վրայ:

ԳԼՈՒԽ ԺԿ.

Ռ Ո Ւ Ս Ա Ս Ա.

Սարգուրիին յաջորդեց նրա սրբի Ռուսաս կամ Ռուշա Ա, որ ասորական արձանագրութիւններէ մէջ կոչուած է Ռւրսա կամ Ռւրշա (730—714): Եթէ մինչև այժմ մենք տեսանք Վանեան հարստութեան մէջ նշանաւոր նուաճողներ, այս մէկը, Ռուսաս, ներկայանում է մեզ արդէն իբրև նշանաւոր քաղաքագէտ: Եւ պէտք է խոստովանել որ իրերի գրութիւնը աւելի մի խելացի քաղաքագէտի անհրաժեշտութիւնն էր առաջացնում քան մի երկւելի գորավարի: Դրութիւնն այնպէս

էր, որ գործել կարելի էր զլիսաւորապէս խելքով և ոչ զէնքով:

Ստանալով իր հօրից մի տխուր ժառանգութիւն, այն է՝ քայքայուող մի պետութիւն, որ կորցրել էր Արգիստի ժամանակների մեծ հմայքը, Ռուսասն սկզբից և եթ, մօտ տաս տարուայ ընթացքում, Ասորեստանի վերաբերմամբ ընդգրկեց սպասողական քաղաքականութիւն: 727-ին մեռաւ Թեգլաթ-պալասարը, նրան կարճ ժամանակով յաջորդեց (729—722) Սալմանասար Ե, բայց նրան էլ Ռուսասը հանգիստ թողեց: Նա իր բռնած դիրքը չը լքեց և այն միջոցին, երբ 722-ին նորից յեղափոխութիւն ծագեց Ասորեստանում և նրա հետեանքով գահին տիրացաւ Սարգոնը (722—705):

Բայց այս սպասողականութիւնը անգործութիւն չէր նշանակում: Ռուսասը շարունակ գործում էր մեծ շրջահայեցութեամբ, զգուշութիւններով, չը մոռանալով որ թուլացած Ուրարտուի վրայ աչք ունի յանկարծակի ուժեղացած Ասորեստանը: Նա փոր-

ձեց և զէնքի բախտը, բայց իր երկրի հիւսիսային սահմաններում, ուր ասորական կասկածամտութիւնը չէր կարող գրըգռուել: Սևանի լճի հարաւային ափերում, Ալիշալուի արձանագրութիւնը պատմում է որ Ռուսասը Արարատեան դաշտի հիւսիսակողմում բարձրացած լեռնաշխարհում 23 երկիրներ նուաճեց և դրանցից մի քանիսի բնակիչներին, ըստ ուրարտական սովորութեան, տեղափոխեց Բիայնա: Քաղաքական հանգամանքները ցոյց են տալիս Վանի թագաւորին, որ եթէ Ռուրարտուն պիտի նորից ընդարձակուի իբրև պետութիւն, այդ կարելի պիտի լինի մասնաւորապէս հիւսիսային երկիրների նուաճումով: Ռուսի նա, իր նախորդների ճանապարհը շարունակելով, իր իշխանութիւնը տարածեց նաև Սևանի լճի արևելեան և հարաւարեւելեան ուղղութեամբ, գրաւելով Սիւնիքը: Գուցէ հէնց նա էր, որ փորձեր արաւ այդ ուղղութեամբ առաջ շարժուելու և Արցախի լեռնանցքներով Կուրի հովիտը դուրս գալու համար:

Աւելացնենք այս գործունէութեան վրայ և այն, որ Ռուսասի շինարարական եռանդն էլ պակաս չէ եղել, ինչպէս վկայում են մի քանի արձանագրութիւններ: Ամենից առաջ, ինչպէս հաւանական է կարծել, նա հոգ տարաւ թեզլաթ-պալասարի ձեռքով կործանուած Վանի մասին: Քաղաքը տեղափոխուեց այն քարաժայռի ստորոտը, որ այժմ կոչւում է Զրմփզրմփզ (զաղ<sup>1</sup>): Բայց այս թագաւորի ամենանշանաւոր գործը, այնուամենայնիւ, կը մնայ նրա քաղաքագիտական գործունէութիւնը, ուղղած Ասորեստանի դէմ:

Սարգոնի թագաւորութեան սկզբից ասորական մեծ պետութեան մէջ զանազան կողմերում, ապստամբութիւններ ծագեցին: Ռուսասը շատ բարեպատեհ համարեց այդ հանգամանքը և ձեռք առաւ այն միջոցների գործադրութիւնը, որոնց վրայ աշխատել էր 6 տարի: Դեռ Արամէի ժամանակից մենք տեսանք մի քաղաքականութիւն,

<sup>1</sup>) Հանդէս Ամսօր. 1900 թ. հր. 247:



որ յատուկ էր ուրարտացիներին՝ Ասորեստանի հանդէպ: Դա դրացի ցեղակից ազգերի միութիւնն էր՝ ուրարտական թագաւորի առաջնորդութեամբ: Ահա այս ուրարտական քաղաքականութեան զարգացումն էր, որ Ռուսաս Ա. ի նշանաւոր գործը դարձաւ: Լաւ զգալով որ թուլացած Ուրարտուն չէ կարող միայնակ ընդհարուել Միջագետքի աշխարհակալ պետութեան հետ, Վանի թագաւորը մեծ եռանդով աշխատում էր մի ղինուած զաշնակցութեան առաջնորդը դառնալ և վրէժ հանել Ասորեստանից: Սարգոնի զբժուար կացութիւնը ներքին ապստամբութիւնների հանդէպ՝ զբզոեց Ռուսասի մէջ տոնմային ռազմիկոզին: Մենուասի և Արգիստիի կատարած շահատակութիւնների յիշատակով էր ապրում նրա շրջապատը — ստում է Մասպերոն, — և նրա զօրապետների մէջ մէկից աւելի էին այնպիսիները, որոնք սկսել էին իրանց ծառայութիւնը այնպիսի մի ժամանակ, երբ Արպաղից և Կարխեմիշից մինչև Մեդերի երկիրը (Մա-

րաստան) հողերի մի երրորդ մասից աւելին, կախուած էին ուրարտական գինւաստիայից, մինչդեռ այսօր միացուած էին Նինուէին»<sup>1)</sup>: Ռուսասը վրձուել էր յետ նուաճել այդ երկիրները:

Մենք արդէն գիտենք թէ Ասորեստանի համար որքան կարևոր նշանակութիւն ունէին Ուրմիայի լճի արևմտեան և հարաւային կողմերում գրանուող երկիրները զուտ ռազմագիտական տեսակէտից և թէ ինչպէս այդ երկիրներում գործած վանեան թագաւորները (Մենուաս, Արգիստի) ծանր հարուածներ էին հասցնում ասորական Միջագետքին: Ռուսասը դարձեալ այս երկիրների վրայ զրեց իր յոյսը: Նա յաջողութիւն գտաւ, իր կողմը գրաւելով այդ երկիրների տէրերից մէկին: Երկիրը կոչւում էր Զիկարտու: Գիտնականները նրան գետեզում են Ուրմիայի լճից գէպի հարաւ, ուր նա կազմում էր Մաննայի թագաւորութեան մի ինքնավար մասնիկը: Մի փոքրիկ թագաւորութիւն, որ, սակայն, Մասպե-

<sup>1)</sup> Maspero, t. III p. 237.

րօի կարծիքով, լաւ կազմակերպուած ու ասորական քաղաքակրթութիւնը իւրացրած էր<sup>1)</sup>: Նրա թագաւորը, Միտատի անունով, զուրկ չէր ռազմական տաղանդից: Գլխաւոր գործը, որ սկսեց նա Ռուսասի հետ միասին, այն էր որ Մաննայի ընդարձակ երկիրն էլ միանայ իրանց հետ Ասորեստանի դէմ: Սակայն: Մաննայի թագաւոր Իրանզուն հաւատարիմ ֆնաց Ասորեստանին և հէնց այս պատճառով էլ նրա դէմ դարձան երկու դաշնակիցներ զործողութիւնները: Երկուսի ջանքերով էր որ 719 թ. մաննական երկու քաղաքներ — Շուանդախուլ և Դուրդուկա ապստամբուեցին Իրանզուի դէմ և իրանց դոները բաց արին Զիկարտուի թագաւորի առջև:

Սարգոնը, որի դէմ այդ միջոցին

<sup>1)</sup> Ibid. p. 238.—Վինկլերը կարծում է թէ Զիկարտուի ժողովուրդը հնդկահարապական ծագում ունէր (Винклеръ, с. 68): Եւ եթէ ճիշտ է այս, այն ժամանակ պէտք է ընդունել որ ի դէմս այս փոքրիկ թագաւորութեան առաջին անգամ պատմութեան ասպարէզն էր դուրս գալիս իրանական արիացիների ցեղը:

մի քանի ապստամբութիւններ էին բորբոքուած, իսկոյն ըմբռնեց թէ որ



Ս ա Ր Ղ Ո Ն

կողմն է աւելի մեծ սպառնալիք ներկայացնում և իր ամբողջ բանակը նե-

տեց Մաննայի երկիրը: Այստեղ նա քարուքանդ արաւ, այրեց, ոչնչացրեց երկու աստամբուած քաղաքները և շրջակայքում եղած ուրիշ քաղաքները, իսկ բնակիչներին դերի տարաւ և բընակեցրեց հաթերի երկրում: Ասորական թագաւորի յանկարծահաս, շեշտակի հարուածը պարտ ու պատշաճ տպաւորութիւնը գործեց. ոչ Ռուսասը և ոչ Միտատտին չը համարձակուեցին միջամտել և օգնութիւն հասնել երկու քաղաքներին: Հետեւեալ տարին Սարգոնը զբաղուած էր կիլիկիայում, ուր թաբալ ցեղի գլխաւորը ապտամբուել էր նրա դէմ: Իսկ միւս տարին, այն է՝ 717-ին, ասորական թագաւորի առջև ծառայած էր մի ուրիշ նշանաւոր վտանգ: Ապտամբուել էր հեթիթների երկիրը: Այստեղ չէր մոռացուած Ուրարտուի հետ ունեցած բարեկամութիւնը և Պիղիրիս թագաւորը, ինչպէս մի անգամ սուր էր հասնել Սարգուրի թագաւորի հետ միասին ասորական արշաւանքի դէմ պաշտպանուելու համար, այնպէս էլ այժմ,

անշուշտ ղեկավարուելով Ռուսասի  
հրահանգներով, կազմակերպեց միամ-  
բողջ դաշնակցութիւն: Նա համաձայ-  
նեցրեց Մուշկի երկրի տիրոջը, որ  
կոչուում էր Միտա, դառնալ այդ դաշ-  
նակցութեան հոգին: Եւ այսպիսով  
պատրաստ էր հեթիթական ծագում  
ունեցող ազգերի զինակցութիւն նաև  
Ուրարտուի արևմտեան կողմերում:  
Պիղերիսը, ապստամբուելով, յայտա-  
բարեց իրան անկախ: Սակայն Սար-  
գոնից շարաշար պարտութիւն կրեց,  
գերի ընկաւ և կարխեմիշ մայրաքա-  
ղաքը, հռչակուած իր մեծ առևտրով  
և հարստութիւններով, ընդ միշտ միա-  
ցուեց Ասորեստանին: Սա մի մեծ  
անցք էր հին պատմութեան մէջ: Ոչն-  
չացաւ հեթիթական պետութիւնը, որ  
մէկից աւելի դարեր տիրապետող էր  
եղել Առաջաւոր Ասիայում: Հեթիթները  
հեռանում էին պատմութեան ասպա-  
րէզից և յետ էին մղուում դէպի լեռ-  
ները, ուր նրանց խմբակցութիւննե-  
րը այնուհետև սկսեցին ձուլուել դա-  
նազան ցեղերի հետ:

Ռուսաստը մինչև այստեղ հանդիսատես էր այն անցքերին, որոնք տեղի էին ունենում իր պետութեան հարաւարեւելեան և հարաւ-արեւմտեան կողմերում, առանց խառնուելու այդ անցքերին: Հիւսիսային Սիրիայի դուրս գալը հեթիթների ձեռքից՝ նրան ստիպեց նորից գործողութիւններ Վայրընտրել Մաննայի երկիրը, Զիկարտուի Միտատտին էր դարձեալ, որ լուրջ կերպով աշխատում էր մաննացիներին ոտքի կանգնեցել: Սակայն Իրանցուի, ապա և նրա որդի և յաջորդ Ազայի հաւատարմութիւնը դէպի ասորական գահը անխախտելի էր: Հետաքրքրական է որ Ուրարտուի և Զիկարտուի դաշնակցութեան յարել էր և Ումիլ-դիշ երկրի արքայիկը: Այս երկիրը, հաւանականաբար, Մաննայի մի վիճակն էր կազմում, իսկ նրա արքայիկն էր Բագ-գադատտի, որ, ինչպէս կարծւում է, Ազայի որդին էր: 716 թուականին Մաննայի մէջ բռնկւում է ապստամբութիւն, որի գլխաւոր առաջնորդն էր, ինչպէս կարելի է ենթադրել, նոյն

Բազմազատտին: Ապստամբները հաւաքուում են Ուաուշ սարի վրայ, սպանում են Ազալին և Բազմազատտին, որ այսպիսով հանդիսանում էր իր հօր սպանման մեղսակից և դառնում է Մաննայի տէրը:

Սարգոնը անմիջապէս վրայ հասաւ այս վտանգաւոր շարժումը ճնշելու: «Ի ժամանակի—գրում է նա—յորում ճակատագիրն եկաւ հասաւ Մաննացի Իրանգուի վրայ, որ հնազանդ ծառայմըն էր և իմ լուծս կը սիրէր, զիւր որդին Ազա անոր գահին վրայ նստուցած էր, ուրարտացի Ուրշա իւր կողմանէ Ումիլդիշ, Զիկարտու և Միսիանդի երկրաց ցեղերուն, առ կողմնակալս աւագս Մաննայի պատգամաւորներ խաւրեց և զանոնք անիրաւութեան յորդորեց: Իրանց տեառն՝ Ազալի դիակը գժուարին Ուաուշ լերան վրայ նետեցին:... Առ Ասսուր տէր իմ՝ առ ի փրկել զՄաննա և առ ի փրկել զԱսսորեստան ձեռքերս վերցուցի: Ուանուշ լերան վրայ՝ ուր որ Ազալին դիակը նետած էին՝ Բազմազատ-



տին մորթագերծ և Մաննայի տեսիլ  
ըրի: Զնորա եղբայրն Ուլլուսունու  
արքայական գահուն վրայ նստեցու-  
ցի»<sup>1)</sup>։

Բայց սրանով չը վերջացաւ ապա-  
տամբական շարժումը: Ընդհակառակն,  
Ուլլուսունուն չը գնաց դէպի ասորի-  
նեքը, այլ Ռուսասի ներշնչումներին  
ենթարկուեց: Նրա օրինակին հետևե-  
ցին շատ ուրիշ երկիրներ, որոնք թեզ-  
լաթ-պալասարի ձեռքով միացուած  
էին Ասորեստանին: Այսպէս էին Կա-  
րալու, Ալարբիա, Նիկսամա, Բիտսագ-  
բատի, Բիխիրմամի, Կիլամբատի, Ար-  
մանգու, Խարխար, Էլլիպի: Այս բոլոր  
երկիրները զէնք վերցրին՝ Ուրարտա-  
կան միութեան յաղթանակ բերելու հա-  
մար: Եւ այսպէս, Ասորեստանի ամբողջ  
սահմանագլխի վրայ, Ելամից մինչև Տաւ-  
րոս, բոլոր ազգերը գլուխ էին բար-  
ձրացրել: Միայն Սարգոնի ռազմական  
հանձարն էր, որ կարողացաւ այդ  
ընդհանուր խառնակութեան մէջ գըտ-  
նել ամենից վտանգաւոր կէտերը և

<sup>1)</sup> Սանտալճեան, եր. 177, 168:

հարուածել այդ տեղերը առանձին առանձին: Նախ և առաջ նա քարուքանդ արաւ Մաննայի երկիրը, ոչնչացրեց շատ քաղաքներ, Ուլլուսունուն փախաւ լեռները: Ապա նրա ծանր հարուածներին ենթարկուեցին հարկան մանր երկիրները, որոնց անունները յիշեցինք վերևում: Դրանցից որը կորցրեց իր անկախութիւնը և ասորական նահանգներին կցուեց, որը անբնակ դարձաւ, քանի որ ազգաբնակիւթեան մեծագոյն մասը գերի տարուեց: Պարտուեց և Զիկարտուն, իսկ նրա Միտատտի թագաւորը փախաւ լեռները: Սարգոնը թէև գիտէր որ իր ամենամեծ թշնամին Ռուսասն է, բայց նրա դէմ արշաւանք չը սկսեց, այլ յարձակուեց Մեդական երկրի (Մարաստան) վրայ և այդտեղ նորից վերահաստատեց ասորական գերիշխանութիւնը:

Այսպէս վերջացաւ 716 թուականը: Մինչդեռ ձմեռուայ միջոցին ասորական բանակը քաշուել էր Միջագետք, Ռուսասը նոյն այդ ձմեռուանից օգուտ

էր քաղուժ Մաննայի երկրում իր ծրագիրը իրագործելու համար: Գարունը բացուելուն պէս նա երևաց Մաննայի երկրում և այդտեղ Ուլլուսունուի թոյլտուութեամբ գրաւեց 22 բերդաքաղաք: Միաժամանակ Սարգոնը լուր առաւ որ ապստամբութիւն է սկսուել Սիրիայում, իսկ Մուշկի թագաւոր Միտան յարձակուել է Կիլիկիայի վրայ: Հարկաւոր էր միանգամից երեք պատերազմ մղել: Բայց Սարգոնն իմացաւ ինչ անել: Նա բանակը իր հետ պահեց և այս անգամ էլ հետևեց իր տակտիկային— խորտակել թշնամիներին միմեանց ետևից, առանձին-առանձին: Ամենից մեծ վրտանգ սպառնացողը Մաննան: Էր և Սարգոնը նորից մտաւ նրա սահմաններից: Այսպէս է նա նկարագրում իր գործողութիւնները այդ երկրում.

«Ուլլուսունու Մաննային՝ որ իւր հօրն գահն ելած էր, Ուրարտացի Ուրշային վստահացաւ և իւր բերդաքաղաքներէն 22 իբրև պարզև անոր տուաւ: Զայրացեալ սրտիւ՝ Ասորես-

տանի զօրաց գումարութիւնը մէկտեղ ժողովեցի, առիւծի նման մոնչեցի և այն երկիրներու տիրելու ձեռնի գործ դրի: Մաննացի Ուլլուսունու իմ արշաւանացս մօտենալը տեսաւ. թողուց իւր քաղաքը և սարսափած՝ դժուարին լերանց ապաստաններուն մէջ ամրացաւ: Ի վեր տուի իւր արքայական քաղաքին, Իզիրիայի, Արմիդայ իւր ամուր բերդաքաղաքներուն տիրեցի, հրով այրեցի, ապականեցի... Մաննացի Ուլլուսունու ըրած գործերս զըժուարամատոյց լերանց մէջ լսեց, թռչնոց նման թռաւ եկաւ, ոտքերուս փարուեցաւ: Անոր անհամար յանցուածոց ներեցի, մոռցայ անոր շարագործութիւնը, ներումն շնորհեցի անոր. իրեն արքայական գահուն վըրայ նստեցուցի, 22 բերդաքաղաքները՝ հանդերձ 2 ամուր քաղաքներով, գորոնք Ուրշային և Միտատտիին ձեռքէն առած էի, անոր տուի. անոր աւերեալ երկիրը նորոգեցի»<sup>1)</sup>:

Կատարելով այս գործը, Սարգոնը

<sup>1)</sup> Անգ. եր. 177, 179.

ստիպուած եղաւ նորից արշաւել Մի-  
զիա և հարևան երկիրները, ուր նո-  
րից ապստամբութիւն էր ծագել: Այ-  
նուհետև տարուայ միւս մասը Սար-  
գոնը անցկացրեց Ասորեստանի արև-  
մտեան երկրներում, միշտ գրազուած  
ապստամբութիւններ ճնշելով: Իսկ 714  
թուականի գարնան նա ժամանակը  
հասած համարեց Ուրարտուի հետ  
վերջին հաշիւը տեսնելու: Իր բանա-  
կով նա մտաւ դարձեալ Մաննա՝ այդ-  
տեղի և ուրիշ երկիրների հարկերը  
հաւաքելու համար: Այնուհետև նա  
Զիկարտուի վրայ գնաց, քանդեց և  
այրեց տասնեակ գիւղեր: Միտատտին  
յադթուած էր, մեծակ, անօգնական  
մնացած, լքուած իրայինների կողմից:  
Նա չընկաւ Սարգոնի ձեռքը, բայց և  
այդպէս, կորցրեց իր իշխանութիւնը,  
անհետացաւ ասպարէզից:

Այս յաջողութիւնը թելադրեց Սար-  
գոնին Ռուսասին հանդիպելու միտքը:  
Եւ նրանք, վերջապէս, հանդիպեցին  
իրար: Ուրարտացի ճարպիկ և անխոնջ  
քաղաքագէտը գէնքով էր դուրս եկել

Ասորեստանի մեծ նուաճողի դէմ: Ի՞նչ պիտի առաջանար այս հանդիպումից:

Ինչպէս երևում է, Ռուսասի հաւաքած զօրքը մեծաքանակ էր: Ճակատի տեղ նոյն Ուաուշ լեռն էր, Մաննայի երկրում, ուր սպանուել էր Ազան: Ռուսասը սարսափելի պարտութիւն կրեց, կորցրեց ամեն ինչ և իր հօր նման փախաւ մատակ ձիու վրայ հարևան Մուզասիր լեռնոտ երկիրը, որ Ուրարտուի դաշնակիցն ու ցեղակիցն էր և որի թագաւորն էր Ուրզանան: Սարգոնը գնաց նրա ետևից և կատարեալ յաղթութիւն տարաւ այդ տեղ էլ: Դիմենք իր, Սարգոնի նկարագրութեան<sup>1)</sup>.

«Ուրարտացի Ուրշային պատերազմողները՝ թուով անհամար՝ սպանեցի. անոր արքայական սերունդէն 260 հոգի՝ որոնք ձիաւոր հեծեալ էին, գերի բռնեցի: Նա՛ առ ի վրկել զանձն՝ մատակ ձիոյ մը վրայ նստաւ, իւր լերանց վրայ փախաւ: Ուաւս լեռնէն

<sup>1)</sup> Անդ, եր. 171—173.

5 կրկին ժամուց ճամբայ (մինչև) Զի-  
խարդուսսու երկիրն և Մաննայի լեռ-  
նային վիճակն Ումիլդիս՝ անկէ առի,  
Մաննացի Ուլլուսունուին տուի: Ուս-



Մուգասիւրի Ուրգանա բագաւորի կնիք

քայա բերդաքաղաքին՝ որ Զարան եր-  
կրին կիրճին մէջն է, Մալլաւ երկրին,  
Դի-րիգ-լի-րակ-սատու երկրին՝ անոնց  
140 քաղաքներովը՝ տիրեցի: Բիտ-  
Մանգիրուտի երկրին վիճակին Աստա-  
նիա քաղաքին, Դալա երկրին Տարուի  
և Տարմակիսա քաղաքներուն, Ուլխու  
քաղաքին՝ որ կիս-պալ լեռան ստո-  
րոտն է, 21 ամուր քաղաքաց և 140  
քաղաքաց վիճակաց նոցա՝ որք Ար-  
զարիա լեռան վրայ էին, տիրեցի,

հրով այրեցի: Ամուր քաղաքաց և անոնց վիճակաց 30 քաղաքներու՝ որոնք Արմա-դալ-լի երկրին մէջ էին, Ուրիանդա լերան վրայ՝ տիրեցի: Արբու քաղաքին՝ տեղի յորում Ուրշա ... (քաղաքաց) ամբոց Արաիդ երկրի վիճակին առ եզերք ծովու, ... և Կադուլա-նի-ա քաղաքներուն՝ որք ի վերայ Արծի լերին... Եւ վիճակին Արգաւնիա լերին շինեալ էին, Ուայաւս լերան վիճակէ 5 քերդաքաղաքաց, և Ուայաւս երկրին վիճակէն 30 քաղաքներու տիրեցի, հրով այրեցի: Յանգու թագաւորէն նա՛րի երկրին՝ իւր ամուր քաղաքն Սուբուսկիայի մէջ արջառ և ոչխարներ իբր անոր տուրքն ընդունեցայ: Մուձաձիրցի Ուրգանա, Ասուր և Մարգուկ գից վրայ ըրած երգումն առ ոտն հարած էր, և Ուրարտացի Ուրշային յայանած էր հպատակութիւն: Ասուր տէր իմ գիս քաջալերեց. իմ Ն պատերազմիկ կառքովս և 1000 ձիաւորներովս և ոտանաւորներովս, բունն ոտանաւորք ի պատերազմունս, Սիակ Ար-գի-շի և Ուլաիաւ Ալլուրիա-



յի դժուարին լեռները կտրեցի անցայ-  
 ճամբայ դտնուած տեղուանք ձիու վրայ  
 հեծած, իսկ դժուարին տեղերն հե-  
 տիոտս քալեցի: Մուճաձիրացի Ուր-  
 դանա իմ արշաւանացս յառաջա-  
 նալը լսեց, թռչնոյ պէս փախաւ,  
 դժուարին լեռան մը վրայ ելաւ:  
 ԶՄուճաձիր՝ Քաղղիա աստուածոյն  
 կայանքը պատնէշով՝ պաշարեցի: Ուր-  
 դանայի կինը, անոր ուստերքը,  
 անոր դստերքը, 6170 բնակիչ, 690  
 ջորի, էշ, 100, 225 ոչխար առի  
 տարի:... 34 տաղանդ, 18 մնաս ոսկի,  
 160 տաղանդ, 2 1/2 մնաս արծաթ, ա-  
 նագապղինձ... պատուական քարեր...  
 անհամար գոյնագոյն կերպասներ և  
 զգեստներ..., ընդ..., տաղանդ, 3 մնաս  
 ոսկի, 2 տաղանդ, ... մնաս արծաթ, ...  
 բազումս, անագապղինձ, երկաթ, ան-  
 համար... առեալ տարի:... Ասուր  
 զիք... իրենց ընչից մնացորդը լայնա-  
 ծաւալ երկիրը... ամեն տեսակի սի-  
 բիատու ըրի: Անոնց թագաւորն Ուր-  
 շային՝ կոծ ու ողբ ... այն վիճակն  
 Ասորեստանի միացուցի, և իմ պաշ-

տօնէիս՝ պալատան հազարապետին՝  
 ձեռքը զայն յանձնեցի: Ասուր դից՝  
 տեառն իմոյ՝ շքեղութիւնն զՈւրշայ  
 Ուրարտացին յերկիր կործանեց. իւր  
 իսկ երկաթի դաշունիւ շախուի մը  
 պէս իւր սիրտը զարկաւ, զինքն ի  
 կենաց զրաւեց»:

Մի ուրիշ արձանագրութեան մէջ  
 Սարգոնն ասում է. «Ուրարտուի վը-  
 րայ՝ իւր ըովանդակ տարածութեամբը՝  
 թշուառութիւն հոսուցի, հոն բնակող  
 մարդիկը կոծ ու ողբի մէջ նետեցի»<sup>1)</sup>:  
 Սակայն, ասորական այս մեծադղորդ  
 ինքնապարծութեան դիմաց մենք ու-  
 նենք իր, Ռուսասի մի արձանագրու-  
 թիւնը, որ գտնւում է Ուրմիայի լճի  
 հարաւ-արեւմտեան կողմում, Սեդիկան  
 քուրդ գիւղի մօտ: Ճշտ արձանա-  
 գրին—ասում է պրօֆ. Լէմանը—Ասոր-  
 բաստանցիք յառաջ վաղանցուկ յաջո-  
 ղութիւն մ' ունեցած են, յանկարծա-  
 կի բերելով առած Մուցացիքը (Կիլի-  
 շինէն գալով) և Մուցացիքի Ուրգա-  
 նա արքայն փախած ապաստանած

<sup>1)</sup> Անդ, եր. 181.

Ռուսասայ Ա. քով: Վերջինս նորէն շինած է Մուցացիք քաղաքը. կրկին կարգադրած Սալդիսի գոհերն և զՈւրգանա վերստին թագաւոր դրած, Ռուսասի մինչև Ասուրի լեռները յաղթական յառաջ քալելէն ետքը»<sup>1)</sup>:

Ասորական և Ուրարտական աղբիւրների մէջ եղած այս մեծ հակասութիւնը հազիւ թէ կարելի լինի պարզել այժմ բաւարար կերպով: Եթէ ճիշտ են Սարգոնի հաւաստիացումները, այն ժամանակ պէտք է ընդունել որ Ռուսասի պարտութիւնն ու անձնասպանութիւնը տեղի են ունեցել նրա այդ արձանագրութիւնից շատ յետոյ, երբ Սարգոնը երկրորդ անգամ վերցրել է Մուզասիք քաղաքը, երկրորդ անգամ փախցրել է Ուրգանա թագաւորին: Դժուար է, սակայն, ասել թէ դէպքերը այսպէս կրկնուել են: Յամենայն դէպս, պարզ է որ Ռուսասը Սարգոնի արժանաւոր ախոյեանն էր և պատերազմի դաշտում: Բայց որ պարտութիւն կրողը վերջ ի

<sup>1)</sup> «Հանդէս Ամսօրեայ», 1900 թ. եր. 66:

վերջոյ Ուրարտուն էր, երևում է հէնց այն հանգամանքից, որ վանի թագաւորութիւնը այնուհետև հանդէս է գալիս շատ թուլացած, իր առաջնակարգ դիրքը կսրցրած: Ռուսասի ջերմ հայրենասիրութեան և ասպետական զգացմունքի պատկերն է, որ Սարգոնը տալիս է իր հետևեալ տողերի մէջ.

«Ուրշա Ուրարտուի թագաւորն Մուսասիր քաղաքին կործանելը, իւր Պալդի աստուածոյն աւարի առնուիլը լսեց. իւր իսկ ձեռքովն իւր գօտւոյն երկաթի դաշունիւն ինք զինքն ի կենաց զրաւեց»:

714 թուականը, երբ տեղի ունեցաւ այս դրաման, նոր իրողութիւնների և քաղաքական դասաւորումների մի դարազուլս է կազմում Արևմտեան Ասիայի պատմութեան մէջ: Կարելի է ասել որ այդ ժամանակ վերջանում էր սեմական և հեթիթական ցեղերի մէջ դարերից ի վեր բոլորքուած պայքարը տիրապետութեան համար: Յաղթանակը սեմացիներին էր պատկա-

նուժմ և ալարոտեան ցեղը յետ էր մղւում պատմութեան ասպարէզից, երկրորդական նշանակութիւն էր ստանում: Ուրարտական դաշնակցութեան մէջ մտնող բազմաթիւ մանր թագաւորութիւնները անհետանում են, անյայտութեան մէջ կորչում: Ինքը Ուրարտուն, սակայն, դեռ շարունակում է իր գոյութիւնը, յարմարուելով նոր ստեղծուած քաղաքական պայմաններին:

## Ա Ն Կ Ո Ւ Մ

Ուրարտական թագաւորութեան ամբողջ տեղութիւնը կարելի է հաշուել մօտ<sup>1)</sup> 280 տարի (860—580 Ք.ա.), Ռուսաս Ա.-ի մահը գալիս էր այնպիսի մի ժամանակ, երբ այդ ամբողջ շրջանի համարեա ճիշտ կէսն էր լրացել (146 տարի): Այս շրջանը Ուրարտական թագաւորութեան բարձրացման ժամանակն էր, որ վերջանում էր անկումով: Այնուհետև գալիս էր երկ-

<sup>1)</sup> Ճիշտ թուականները պակասում են և կարելի է հազիւ ասել մօտաւորապէս, հետեւելով ասորական տարեգրութիւններին:

րորդ կէսը, մօտ 134 տարուայ մի ժամանակամիջոց, երբ երկիրը հաշտուած է քաղաքական անկման ճակատագրի հետ և ապրում է այնպէս, ինչպէս հանգամանքներն են տրամադրում:

Այս երկրորդ շրջանում վանում թագաւորել են, որքան կարելի է հետևեցնել մեզ հասած աղքատ նիւթերից, եօթը հոգի. Արգիստի Բ, Ռուսաս Ա-ի որդին, (714—685), Ռուսաս Բ., նրա որդին (685—675), Էրիմենա (675—670), Ռուսաս Գ., նրա որդին (670—645), Սարգուրի Գ. (645—620), Իրկուաս (620—600), Մենուաս Բ, նրա որդին (600—580)<sup>1)</sup>: Այս թագաւորներից ոմանք թողել են արձանագրութիւններ, որոնց մէջ յիշատակում են թէ ինչ շինութիւններ են կառուցել, կան դրանց մէջ և մի երկու դէպք, երբ քաղաքների նուաճման խօսք է լինում:

Մինչդեռ այսպէս էր վանի լճի ափում, Ասորեստանը, Սարգոնի տա-

<sup>1)</sup> Sandaljian, p. XLVI.

դանդաւոր յաջորդների ղեկավարութեամբ, հասաւ քաղաքական ոյժի գաղաթնակէտին և Առաջաւոր Ասիայի ամենամեծ պետութիւնը դարձաւ: Եգիպտոսն անգամ, որ մի ժամանակ իր յաղթական բանակներով հասնում էր Եփրատին, ասորական նահանգ դարձաւ: Եւ Միջագետքի հզօր նուաճողների արձանագրութիւնների մէջ մենք այլևս չենք տեսնում արշաւանքներ դէպի Ուրարտու: Նրանց հարուածներին մի մի անգամ ենթարկւում են հարևան երկիրները, մանաւանդ Մաննան: Այսպէս, Սարգոնի որդի Սանհէրիբը (Ս. Գրքի Սենեքերիմը) նկարագրում է իր արշաւանքը Վանի լճի հարաւային լեռներում: «Նիրուր լեռան ստորոտը բանակս դրի. քաջամարտիկ անձնապահերովս և ճակատամարտիս անեղծանելի զօրքերովն վայրենի եզան մը պէս անոնց ճակատ մատուցի ես: Չորեր, ծործորներ, լեռանց զառիվայրեր, լեռնային հզօր վտակներ անցայ իմ գահուս վրայ: Այն տեղն որ դեսպակի հա-



մար կարի դժուարին էր, ոտիցս վրայ իջայ, այծքաղի մը նման, բարձրաբերձ կատարներուն վրայ անոնց դէմ ելայ: Ուր որ ծունկերս հանգչեցնել պէտք էր, քարաժայռի մը վրայ կը նստէի, ծարաւիս դէմ լեռնային ցուրտ աղբերականց ջուրը կը խմէի: Անտառուտ լեռներու բարձանց վրայ անոնց հետամուտ եղայ, անոնց վրայ պարտութիւն ածի՞ 1):

Այսպիսի նեղութիւններ Ուրարտուի լեռներում կրելու պէտք չը կար: Ռուսաս Ա.-ի օրինակը ցոյց էր տուել, որ աւելորդ և աւերիչ բան է այնքան ուժեղացած Ասորեստանին դիմադրելը: Ուստի նրա յաջորդ Արգիստի Բ.-ը ձիաներ է ընծայ ուղարկում Սահհէրիբին, որ հշանակում է եթէ ոչ կատարեալ հպատակութեան, գոնէ բարեկամութեան ցոյց անել: Ուրիշ ելք չէր մնում Ուրարտացուն: Ասորական զօրքերը գրաւած ունէին Վանի լճի հարաւային կողմերի ամբողջ լեռնաստանը և ասորական պաշտօնեան Տուս-

1) Սանտալճեան, Կր. 188:

պա քաղաքի մօտերքում հաստատուած՝ հսկում էր Ուրարտուի վրայ և մանրամասն տեղեկութիւններ էր հաղորդում իր թագաւորին<sup>1)</sup>։ Որ այդ ուրարտական նոր քաղաքականութիւնը միայն Արգիստի Բ-ին չէր յատուկ, այլ հաւասարապէս ամենախելացին էր համարւում և նրանից յետոյ, այդ երևում է Ասուրբանիպալ թագաւորի (668—638) մի արձանագրութիւնից, որի մէջ խօսք կայ ուրարտական Սարգուրի Գ թագաւորի մասին։ Ահա ինչ է նա ասում. «Շարդուրի՛ Ուրարտուի թագաւորն՝ որուն հարքն թագաւորք՝ իմ հօրս եղբայրութիւն յայտարարած էին, այն ատեն Շարդուրի այն նշանաւոր գործերը, զորոնք դիքն մեժամեծք ինձի սահմանած էին, լսեց։ Որդւոյ մը նման՝ իր հօրը «տէրութիւն» ծանոյց, և ըստ այնմ ծանոյց՝ «ողջոյն արքայի՛ տեառն իմում», և յարգութեամբ՝ հպատակութեամբ իւր ծանր

<sup>1)</sup> Յայտնի է և այդ պաշտօնեայի անունը—Պահիր-Բէլ, որի նամակներից մի քանիսը, ուղղած Սանհէրիբին, հասել են մեզ։

ընծայն իմ առջևս տանել տուաւ»<sup>1)</sup>։

Այս դարձուածներէց, սակայն, չէ հետևում թէ Ուրարտուն կորցրել էր իր ինքնուրոյնութիւնը, դարձել էր Ասորեստանի մի մասնիկ։ Ուրարտուի անկախութիւնը վկայող մի փաստ ենք գտնում Աստուածաշունչի մէջ։ Սանհէրիբի դէմ ապստամբութիւն ծագեց երկրի մէջ և այդ շարժման գլուխն էին կանգնել նրա երկու որդիները, Ադրամէլիբ և Սարասար։ Թագաւորն սպանուեց դրանց ձեռքով, բայց հայրասպանները չը կարողացան օգտուել այդ եղեռնագործութիւնից։ Նրանց դէմ դուրս եկաւ նրանց եղբայրը Բաբելոնի կառավարիչ Ասարհազդոնը, որ ջարդեց նրանց բանակը և իր ձեռքն առաւ Ասորեստանի թագը։ Իսկ հայրասպանները, Ասարհազդոնից ազատուելու համար, փախան Արարատ, ինչպէս պատմում է Մ. Գիրքը<sup>2)</sup>։ Այստեղ, ուրեմն, իբրև մի անկախ երկրում նրանք ապաստան գտան։ Վինք-

1) Սանտալահան, եր. 196։

2) Չորրորդ թագ. ժթ. 37, Եսայի մարգ. Լէ, 38։

լէրը նոյն իսկ կարծում է թէ նրանք յոյս ունէին այստեղ, Ուրարտուի մէջ, գտնել օգնութիւն Ասարհադդոնի դէմ<sup>1)</sup>։

Երկու վաղեմի անհաշտ թշնամիներին իրար վերաբերմամբ բարեկամական դիրք բռնել հարկադրում էին և արտաքին քաղաքական հանգամանքները։ Արևելքից և հիւսիսից ահեղ շարժումներ էին գալիս, որոնք զգալ էին տալիս թէ հին աշխարհը պիտի անհետանայ, տեղի տալով նոր ժառանգների։ Այդ շարժումները կատարում էր պատմութեան ասպարէզում նոր երևան եկած արիական ցեղը։ Արևելքից շարժւում էին մարերը, որոնք իրանց ձեռքն էին գցել հին Մեդիան, իսկ հիւսիսից՝ կիմմերացիները— ուժեղ, անձնապաստան, թաւան ու կռիւ սիրող թափառականներ, որոնք ամբողջ թափով յարձակուեցին հին քաղաքակիրթ աշխարհի վրայ։ Այս ահաւոր շարժումների դիմաց Ասորեստանը չէր կարող կոյր մնալ և չը զգալ գոնէ այս անգամ թէ որքան մեծ

<sup>1)</sup> Винклеръ, с. 71.

է եղել Նաիրիի լեռնաստանի նշանակութիւնը հէնց իր պահպանութեան համար: Դա մի ամուր և ապահով միջնաբերդ էր եղել հիւսիսային ազգերի դիմաց, բայց մի միջնաբերդ, որի խորտակման համար Ասորեստանը ոչինչ չէր խնայել: Այժմ էր զգացւում դրութեան ամբողջ վտանգը: Խորտակելով իր շուրջը եղած բոլոր մանր ու մեծ պետութիւնները, Ասորեստանն այժմ մեն-մենակ պիտի կանգնէր արշաւող ազգերի դիմաց: Նա ինքն իր ձեռքով խողխողել էր այն բոլոր կազմակերպութիւնները, որոնք կարող էին օգտակար լինել վտանգի բռնակցին: Ուրարտուի հետ բարեկամական յարաբերութիւններ պահպանելը այսպիսով պետական ինքնապաշտպանութեան թելադրած մի անհրաժեշտութիւն էր: Բայց ուշ էր այլ ևս երկու երկիրների համար էլ:

Արտաքին քաղաքականութեան մէջ խաղաղասէր և բարեացակամ ընթացք ընդգրկելուց յետոյ, երկրորդ դարեջրջանի Վանեան թագաւորներին մը-

նում էր իրանց ընդունակութիւնները գործադրել ներքին խաղաղ զարգացման ասպարէզում: Եւ իրաւ, այստեղ մենք տեսնում ենք նշանաւոր առաջադիմութիւն նոյն իսկ առաջին դարեշրջանի համեմատութեամբ:

Ռուսաս Բ-ը առանձին հոգացողութեան տուարկայ է դարձնում Զըմփ-Զըմփ դաղի գագաթը, ուր կառուցանւում է բերդ, տաճար և այլ շինութիւններ, որոնց աւերակները այժմ կոչւում են Թոփրաք-կալէ: Դա Վանի բերդի մի երկրորդ, բայց աւելի փոքրիկ օրինակն էր. ժայռ, իբրև միջնաբերդ, և այգեստանների քաղաք նրա ստորոտում: Այգեստաններ տնկելու համար հարկաւոր էր հեռուից ջուր բերել, ինչպէս արել էր Մենուասը: Այս նպատակով Ռուսաս Բ-ը Վարագի կողմերում շինում է մի մեծ արհեստական լիճ, որին և տալիս է իր անունը (այժմ նա կոչւում է Քէշիշգետլ, քահանայի լիճ): Լճի ջուրը հաւաքւում էր ձմեռը և գարնանը ձիւնից ու անձրևներից և ջրանցքով տա-

րուած էր ժայռի ստորոտները: Այս նոր քաղաքին (Թոփրաք-կալէին) Ռուսասը տալիս է իր անունը, այն է՝ Ռուսասի քաղաք<sup>1)</sup>: Նրա յաջորդներից մանաւանդ Ռուսաս Գ-ը աշխատում են այդ ուղղութեամբ և Ռուսասին դառնում է կուլտուրական մի գեղեցիկ կենտրոն: Այսօր Թոփրաք-կալէի աւերակներից հանուած նիւթերը մի ընդարձակ հասկացողութիւն են տալիս թէ որքան բարձր աստիճանի էր հասնում ուրարտական քաղաքակրթութիւնը Վանեան պատմութեան երկրորդ շրջանում, որ սկսւում է Ռուսաս Ա-ի ողբերգական մահից:

1) «Հանդէս Ամսօր.» 1913 թ. հր. 406:

## ՌԻՐԱՐՏԱԿԱՆ ԿՈՒԼՏՈՒՐԱ

Որպէս զի ամբողջացրած լինենք Ուրարտական քաղաքակրթական տիպը, այստեղ կը բերենք նրա այդ զարգացած կուլտուրայի մի քանի երեւոյթները:

Քարակոփութիւն: — Ուրարտական շինութիւնները ամենից առաջ ցուցադրում են մի ժողովուրդ, որ, եզրիպտացիների նման, իմացել է հպատակեցնել իրան քարային ահռելի զանգուածները, ժայռերը: Վանի ժայռի ճակատը յղկել, նրա վրայ 400 տող արձանադրութիւն փորել — այս մի վկայութիւն է թէ Վանի քարտաշները




գիտէին նուաճել այդ կարծր և միապաղաղ նիւթը: Եւ այդ նուաճողական ընդունակութեան գերագոյն սքանչելիքն է այն, որ Վանի և Զըմփզըմփ-դաղի ժայռերի մէջ փորուած են սենեակներ և դահլիճներ, սանդուղքներ, որոնք տանում են դէպի ստորին յարկերը և որոնցից մէկն, օրինակ, Թոփրաք-կալէի ժայռում, ունի 55 աստիճան<sup>1)</sup>: Այսպիսի շինութիւններ ուրարտացիները շատ էին սիրում և նրանք միայն Վանում չեն գտնւում, այլ ուրիշ տեղեր էլ են հանդիպում: Այսպէս է, օրինակ, մի շատ նշանաւոր շինութիւն, ժայռի մէջ, Գալա կոչուած տեղում, Խարբերդի մօտ: Պրօֆէսօր Լեմանն այսպէս է նկարագրում այդ ուրարտական մեծագործութիւնը, որին նա տալիս է «Դուռն Ռուսաս Բ-ի» անունը.

«Ինձի ծանօթ խալդիական ժայռի շէնքերու մէջ ասիկայ է որ կլոր կամար մ' ունի. միւս բոլոր մուտքերն Խալդիական ժայռի սենեակներ-

<sup>1)</sup> «Հանդ. Ամս.», 1899, եր. 284.

բու ուղղանկիւն դուռ մ' ունին, եթէ  
 երբէք կանոնաւոր կերպով շինուած  
 են: Ռուսաս Բ-ի շինութիւնն յայտնա-  
 պէս ըստ այն նախատիպ օրինակաց  
 ձևուած է, որք արևմտեան երկիրնե-  
 րու մէջ, արտաքոյ կամ ի շրջակայս  
 Խալդիական պետութեան, գործածա-  
 կան էին: Ի վաղուց փնտռած նախա-  
 տիպն պոնտական արքունի դամբա-  
 նաց, իրենց աղեղնաձև կամարօքն,  
 գտնուած կը թուի: Ինչպէս խալդիա-  
 կան ժայռի շէնքերու մեծամասնու-  
 թիւնն, նոյնպէս նաև սա կը կազ-  
 մուի բազմաթիւ սենեկիկներէ: Գլխա-  
 ւոր սենեկէն, ուր կառաջնորդէ մեզ  
 մուտքն, կանցնուի ուրիշ աւելի փոքր  
 սենեկի մը մէջ յաջակողմն՝ ուղղան-  
 կիւն դռնով մը, գոր—ինձի ծանօթ  
 միակ դէպքն է—կը զարդարեն զար-  
 դաքանդակներ: Կրնայինք գանոնք  
 հաւկթազարդի նմանեցնել, բայց հոս  
 գործերնիս կիսաշրջանակներու հետ  
 է, որը՝ ճարտարապետական ձևերու  
 լեզուին քիչ հմուտ եղողի մը համար  
 դժուարաւ նկարագրելի եղանակաւ



Ռւրարսական շինութիւն (պեղումներ)

մը իրարու անցած և այս կերպով քաղմապատիկ շղթայիւք դրան երկու կողմերն իրարու մօտ են, իսկ դրան վերին կողմը իրարու խառնուած կընթանան»<sup>1)</sup>։

Քարակոփութեան արհեստին այնքան կատարելութեամբ տիրացած ուրարտացիները համար դժուար չը պիտի լինէր կառուցանել այնպիսի շինութիւններ, որոնք յայտնի են կիկլոպեան անունով։ Քարի ահագին կտորներ, իրանց թանձրութեամբ և մեծութեամբ ժայռի ամբողջ հատուածներ ներկայացնող կտորներ գործածել՝ պատեր բարձրացնելու համար—այս արհեստը ոչ միայն խիզախ ձեռներէցութեան ոգի էր պահանջում, այլ և ահագին նիւթական միջոցներ, քանի որ այդ անհեթեթ բեկորները շարժելու, տեղը դնելու համար հար-


<sup>1)</sup> «Բաղմապէս» 1908 թ., եր. 488.—Կենդանի ժայռերի մէջ ամբողջ շինութիւններ փորելու արուեստը մնաց Հայաստանում և Ուրարտացիներից շատ ու շատ յետոյ։ Այս արուեստի մի գեղեցիկ յուշարձան է Փեղարդի վանքը, շինուած ժ. Գ. դարում։

կաւոր էր բանուոր ձեռքերի մեծ քանակութիւն: Ուրարտացիները իրանց կիկլոպեան պատերը շինում էին կամ տաշած կամ անտաշ, կամ թէ հազիւ տաշած ու ձևաւորուած քարերից: Սրանք դարսւում էին իրար վրայ մեծ վարպետութեամբ, շատ յաճախ առանց կրային մածուցիկ զանգուածի: Այս տեսակ վիթխարի պատերի նմուշներ տալիս է Մենուասի ջրմուղը (Շամիրամ-սուս), կիկլոպեան պարիսպներով էին շրջապատւում և ուրարտական բերդերը ժայռերի վրայ:

Անդրկովկասի սահմաններում ուսումնասիրութիւններ կատարած ռուս հնագէտները (Իվանովսկի, Նիկոլսկի) երևան են հանել որ համարեա իւրաքանչիւր սեպածև արձանագրութեան մօտ գտնում են շատ հին, անշուշտ ուրարտական բերդեր, մեծագոյն մասամբ մանր ամրոցներ, որոնց բնորոշ յատկութիւնն է կիկլոպեան պարիսպը:

Որմնադրութեան արհեստը նրբութեան և կատարելութեան էր հաս-

ցրած: Թոփրաք-կալէի տաճարը, չը նայած որ կործանուած է մինչև հիմքը, «Չքեղ», «հրաշալի» անուաններով



Ուրարտական բերդ Չրլղր 16ի ափին

է կնքուում եւրոպացի այցելուների կողմից:

Ուրարտացի քարտաշները գիտէին

և գեղեցիկ զարդարանքներ շինել գոյն-  
զգոյն քարերի դասաւորումով: Սա մի  
տեսակ մոզաիք էր: Թոփրաք-Կալէի  
տաճարի յատակը ծածկուած էր այդ-  
պիսի մոզաիքանման բանուածքներով,  
որոնք բաղկացած էին համակենտրոն  
շրջանակներից, միմեանց ագուցուած՝  
ընտիր ճաշակով<sup>1)</sup>:

Մի ուրիշ մեծագործութիւն էլ,  
որ ներկայացնում է ուրարտական քա-  
րակոփութիւնը, այն քարէ հսկայական  
կոթողներն են, որոնց վրայ Վանի թա-  
գաւորները քանդակել էին տալիս ի-  
րանց գործերը պատմող արձանագրու-  
թիւնները: Դրանք քարի միապաղպղ  
կտորներ են, յղկուած, սովորաբար  
տափակ, վերևը կիսաբոլորակ: Հսկա-  
յական է Արգիստիի կոթողը, որ գտըն-  
ւում է Վանի ս. Կարապետ եկեղեցու  
բակում: Կոթողներից պակաս չէին և  
այն քարէ պատուանդանները, որոնց  
փորուածքի մէջ մտցւում էին կոթող-  
ները: Որպէս զի կարողանային պահել

1) Քարերի գոյներից զարդարանքներ կազմելը  
մնաց և հայկական ճարտարապետութեան մէջ:



Զուարթնոցի արձանագրութիւնը



այդ հսկայական կոթողները, պատուանդանները պիտի լինէին նոյնպէս շատ խոշոր ու հաստ, իսկ նրանց տեղափոխելու համար իւրաքանչիւր կողմի վրայ թողնուում էր հանգուցատեղի, որին կապւում էին պարանները: Այսպէս է, օրինակ, Հասան-Կալէի մօտ գտնուող խոշոր պատուանդանը, որ նկարագրել է Լեմանը<sup>1)</sup>:

Քարի այդ ճարպիկ վարպետները կարողանում էին աւելի քնքոյշ ու նուրբ գործերի համար էլ բանեցնել այդ կարծր նիւթը: Վանի բերդում կայ քարէ արձանի մի մնացորդ, որ, տարբախտաբար, ամբողջութեան մասին շատ քիչ հասկացողութիւն է տալիս: Արձանից մնացածը իրանն է միայն, առանց գլխի: Հաւանական է համարւում որ ուրարտական արուեստի գործ լինի այդ կտորը: Գտնուած են և այնպիսի գործեր, որոնք ցոյց են տալիս թէ ուրարտացի վարպետները գիտէին քարի և մետաղի մշակութիւնը միաց-

<sup>1)</sup> «Բաղմազէտ» 1908 եր. 550.

նեւ արուեստի մէջ: Օրինակ, քարի մէջ խոր փորուած է ծառի ճիւղ բռնած մի մարդու պատկերը և փորուածքը լցուած է մետաղով <sup>1)</sup>:

Զրանցֆաւերնուքիւն: Ուրարտական կուլտուրայի այս նշանաւոր ճիւղը, որ միաժամանակ մի մեծ յուշարձան է թէ որքան այդ ժողովուրդը անձնատուր եղած էր երկրի մշակման, մանրամասն նկարագրութիւններէ կարօտութիւն չունի: Զրանցքաշինութեան ամենամեծ գործը Մենուասի «պիլին» է, որ գոյութիւն ունի և այսօր: Նրա նկարագրութիւնը մենք բերինք վերելում, այդ նշանաւոր թագաւորի պատմութեան մէջ: Այսպիսի գործի ընդունակ մի ժողովուրդ, իհարկէ, չէր թողնի իր երկիրը առանց ոռոգման, ուր որ հնարաւոր էր արհեստական ջրանցքներ շինելը: Եւ անշուշտ, շատ են երկրի զանազան կողմերում շինուած, այժմ բոլորովին մոռացուած կամ անհետացած ջրանցքները:

<sup>1)</sup> Lehmann—Haupt — «Materialien Zur älteren Geschichte Armeniens», p. 81.

Ոռոգման գործին կարօտ էր մանաւանդ Արարբատեան դաշտը: Առանց արհեստական ջրանցքների այս սքանչելի հողը չէր կարող զարմացնել իր արգաւանդութեամբ: Ուրարտուն, անկասկած, ամենալայն շափերով շահագործում էր այս երկրի հարստութիւնները, և ջրանցքների սխտեմն այստեղ, անշուշտ, շատ պիտի զարգացած լինէր: Այժմ էլ նկատուում են այդ հին ջրաբաշխական աշխատանքների հետքեր Երևան քաղաքի մօտ: Այս քաղաքի և Էջմիածնի մէջ ընկած ընդարձակ հողերը ջրելու համար օգտուում են Զանգու (Հրազդան) գետից: Սակայն այդ գետը խոր ընկած է, ժայռոտ փերի մէջ սեղմուած: Եւ ահա աջ փի բազալտեայ ժայռոտ բարձրութիւնների մէջ փորուած են երկու տուննէլ, որոնք այժմ կոչւում են «Դալմաներ» և որոնց միջով Զանգուից վերցրած ջրմուղները ոռոգում են՝ վերևինը — Երևանի այգիները (Դալմա), իսկ ներքևինը (110 սաժէն երկարութեամբ) — Էջմիածնի և Երևանի մէջ

եղած հողերը: Այդ տօնները համարում են Ուրարտացիների գործեր: Այս ենթադրութիւնը միանգամայն հաւանական է դարձնում Ռուսաս Բ-ի արձանագրութիւնը, որ Զուարթնոց եկեղեցում է գտնւում և որի մէջ թաթաւորն ասում է թէ ինքը Իլգարունի գետից ջրմուղ է բերել և այգիներ տնկել: Այդ Իլգարունին այժմեան Զանգուն պիտի լինի<sup>1)</sup>: Զրմուղներ (պիլի) հանուել են և Արաքսից և այս մասին վկայում է Արաքսի ափին, դէպի Սարգարաբաղի դաշտը տանող ջրմուղի սկսուածքում ժայռի վրայ փորուած արձանագրութիւնը <sup>2)</sup>:

Մեսաղագործութիւն: Ոսկին, արծաթը, բրոնզը, երկաթը ուրարտական մետաղագործութեան նիւթերն էին: Այստեղ էլ նշանակելի է այն բարձր զարգացումը, որին հասել էր արուեստը: Թոփրաք-կալէի պեղումները տուել են ոսկէ մի կոլոր մե-

<sup>1)</sup> Մեսրոպ Եպիսկոպոս—«Էջմիածնի դաշտի ոսկումը», («Արարատ» ամսագիր 1912, էր. 238—239):

<sup>2)</sup> Անդ, էր. 240.

դալ, վզից կախ անելու սահմանուած. նրա վրայ քանդակուած է մի շատ նուրբ, ուղղակի գեղարուեստական նկար, որ ներկայացնում է երկու կնոջ. — մէկը նստած է բարձր մէջք ունեցող աթոռի վրայ, իսկ միւսը բազկատարած կանգնած է նրա առջև: Կանգնած կինը հագած ունի երկար զարդարուն զգեստ: Նստածը, անտարակոյս, մի աստուածուհի է: Բայց երկուսն էլ հետաքրքրական են մանաւանդ այն կողմից, որ ներկայացնում են ուրարտական կանանց տիպեր:


Կանացի պատկեր է ներկայացնում և մի պղնձի ձուլուածք, որ ունէր կրօնական մեծ նշանակութիւն: Եզիպտոսում, Ասորեստանում, յետոյ նաև Պարսկաստանում աստուածութեան ամենաբարձր նշանակը (սիմբոլը) արեգակի թևաւորուած սկաւառակն էր, որի հետ ներկայացւում էր և գլխաւոր աստուածը (ինչպէս, օրինակ, Ասորեստանում՝ Ասսուրը, Պարսկաստանում՝ Ահուրամազդան): Ուրարտուն էլ ունէր այդ նշանակը, բայց նրա հետ

ներկայացուողը կին էր և ոչ տղամարդ: Ի՞նչ է այս ցոյց տալիս: Արդեօք ա՛յն, որ ուրարտական գլխաւոր աստուածը (Խալդին կամ նրա երկու ընկերներից մէկը) իգական սեռին էր պատկանում:—Առ այժմ այս հարցին որոշակի պատասխանել չէ կարելի: Բայց մի ուրիշ կարևոր հանգամանք է ներկայացնում այդ կանացի պատկերը: «Շատ կորացած քթի և այտոսկրի դրոշմուածը—ասում է պրօֆէսօր Լեմանը—կը յիշեցնեն ինձ ծանօթ հարաւային Գովկասի բոլոր տիպերէն գլխաւորապէս վրական տիպարը: Եւ եթէ զանազան պատճառներով մտածուեցաւ վրաց և խալդեաց խնամութեան մը մասին, հոս ևս նկատելու արժանի պարագայ մ'է այն, որ երկայն ու գլխի երկու կողմէն ուսերու վրայ ծածանող խոպոպիքներն... դեռ ցայսօր բնորոշիչ առանձնայատկութիւն մ'են վրացի կանանց հերազարդին <sup>1)</sup>»։

Ուրարտացի տղամարդկանց գծագրութիւնն էլ հասել է մեզ: Դարձեալ

<sup>1)</sup> «Բազմապէս» 1909 թ. 10.

Թոփրաք-կալէի աւերակների միջից է որ հանուել է մի տղամարդու պղնձէ արձան, որ մի շատ սիրուն գործ է, բայց, տարարախտարար, ոչ ամբողջութեամբ պահուած: Մի քանի նշան-




Ուրարտ. վահան նկարներով

ներից երևում է որ իրանը ծածկուած է եղել ոսկով: Գլուխը շինուած է սպիտակ քարից, իսկ աչքերը և վզազարդի

ծակերը, ինչպէս երևում է, լցուած են եղել թանկագին քարերով:

Բրոնզեայ իրերի վրայ եղած քանդակները դարձացնում են իրանց նըրբութեամբ և ճաշակով: Նրանց մէջ ամենանշանաւորներն են Ռուսաս Բ-ի



Ռուսաս Բ-ի վահանը

և Ռուսաս Գ-ի բրոնզէ վահանները, որոնք, ըստ ուրարտական սովորութեան, կախուած են եղել տաճարում: Ռուսաս Բ-ի վահանը ծածկուած է



քայլող առիւծների և ցուլերի նկարներով<sup>1)</sup>։ Արտակարգ գեղեցկութեամբ աչքի է ընկնում և մի բրոնզէ բարձր աշտանակ, որ հաստատուած է աղեղնաձև բարձր երեք ոտերի վրայ։ Ոտերը վերջանում են ցուլի կճղակների ձևով, իսկ իւրաքանչիւր կողմի վրայ հաստատուած է մի բրոնզէ արձանիկ, որ Ասորեստանն է յիշեցնում — մարդու գլուխ ունեցող թևաւոր ցուլեր։ Ուրարտուն այդ ձևը Միջագետքից է փոխառել, բայց իր սեփական ինքնուրոյնութիւնն էլ է ցոյց տուել։ Չանազան կենդանիներից ձևեր կազմելը ուրարտացի արուեստագէտին տուել է միջոց սիրուն առարկաներ յօրինելու։ Այսպէս է, օրինակ, արծուառիւծը, այսինքն թևաւոր մի առիւծ՝ արծուի գլխով. աչքերի ծակերն են մնացել, որոնք, անշուշտ, ուրիշ մի նիւթով են եղել (ցուած<sup>2)</sup>)։ Կայ և մի թևաւոր ցուլ, որի առաջին ոտների վրայ բարձրանում է մարդու իրան. թևերը խաշուած

<sup>1)</sup> Линчъ, т. II, с. 80.

<sup>2)</sup> Lehmann Haupt, p. 97.

են կրծքի վրայ, իսկ երեսը չը կայ, շինուած է եղել ուրիշ նիւթից <sup>1)</sup>: Երկու արձանիկներն էլ իրանց գլուխների վրայ ունին յաւելուածներ, որոնց մէջ մտցուած էին պղնձից շինած սիւներ: Ասել է՝ արձանիկները պատուան-



Թեւաւոր ցուլ

դանի դեր էին կատարում: Պղնձագործութեան յուշարձանների մէջ յիշատակենք և գահոյքի մի ծանր ու հաստ

<sup>1)</sup> Линчъ, II, с. 81.

ոտ, որի զանազան տեղերում թողած ծակոտիները, անշուշտ, թանկագին քարերի համար էին:

Արծաթագործութիւնը ծաղկած էր միւս արհեստների նման: Ուրարտական ոսկերիչներին յայտնի էր ծծմբարծաթը, որի միջոցով կարելի է սև բանուածքներ անել սպիտակ արծաթի վրայ: Ներկայումս այդ արհեստը Եւրոպայում յայտնի է Տուլայի<sup>1)</sup> արծաթ անուէնով: Բայց նոյն արհեստը այսօր աւելի ճոխացած է Վանում: «Սոյնպիսի Տուլայ գործեր—ասում է Լեմանը—նաև ցայսօր յատկապէս Վանայ մէջ մեծ բազմութեամբ և կարգէ դուրս նրբութեամբ կը պատրաստուին: Վանայ մէջ կարելի է ոսկերիչներն, խանութ առ խանութ, իրենց աշխատած միջոց դիտել: Մեր գտածն կը ցուցնէ թէ հոս ամենահին բնիկ գործի մը շարունակութիւնն է և թէ նա կովկասի վրայէն Ռուսաստան անցնելով՝ նոր հայրենիք մը գտած է<sup>2)</sup>»:

<sup>1)</sup> Քաղաք Ռուսաստանում:

<sup>2)</sup> «Բազմավէպ», 1909, եր. 11.

Արծաթի և ոսկու վրայ նկարելու արուեստի յիշատակարաններ համար-  
 ւում են և հիւսիսային Կովկասում, Մայկոպի մօտ և այլ տեղեր գտնուած  
 մի քանի իրեր, որոնք, ինչպէս են-  
 թաղրում են, ուրարտական գործեր  
 պիտի լինեն: Այդ գիւտերից մէկը ար-  
 ծաթէ աման է, ըստ երևոյթին, հին  
 շրջանի մի գործ, և երկու ոսկէ պա-  
 տեաններ, ծածկուած զարդանկարնե-  
 րով<sup>1</sup>):

Երկաթի մշակութիւնը նոյնպէս  
 հետքեր է պահել Թոփրաք-Կալէի աւե-  
 րակների մէջ: Բայց այդ մետաղի գոր-  
 ծածութիւնը անշուշտ աւելի շատ էր  
 տարածուած և կեանքի մէջ բազմա-  
 թիւ պիտոյքների էր ծառայում հմուտ  
 վարպետների ձեռքով, քանի որ են-  
 թաղրութիւն կայ թէ երկաթի գիւտը  
 տեղի է ունեցել հէնց Հայաստանում:

Կաւագործութիւն: Այս արուեստը  
 ամենից առաջ կարևորութիւն ներ-  
 կայացնում էր այն կողմից, որ տա-  
 լիս էր նիւթ գրութիւնների համար:

<sup>1</sup>) Тураевъ, т. II, с. 52.

կաւէ տախտակներն էին ուրարտացիներին, ինչպէս և նրանց ժամանակակից միւս ազգերի թուղթը: Թոփրաք-կալէի աւերակներից հանուած են մի քանի այդպիսի տախտակներ, որոնք ծածկուած են կամ սեպագրութիւններով կամ մեհենադրոշմ նշաններով (հիերոգլիֆ): Վերջին տեսակի տախտակները, անշուշտ, ուղարկուած են Վանի թագաւորներին հեթիթական հարևան երկիրներից, ուր գրութեան ձևը մեհենադրոշմն էր: Իսկ սեպագրութիւնները ներկայացնում են նամակներ<sup>1)</sup>, առօրեայ յարաբերութիւնների վաւերագրեր: Վերջիններիս թուին է պատկանում մի դաշնագիր, որից կարծուած է բաբելոնական ձևով մի կնիք: Այս գիւտը մի վկայութիւն է, որ Ուրարտուի մէջ էլ տիրում էին իրաւական այնպիսի կարգեր, որոնք արդէն ծանօթ են Միջագետքի կուլտուրայի պատմութիւնից և որոնք կար-

<sup>1)</sup> Մնացել է Մուսասիրի Ուրջանա թագաւորի նամակը, ուղղած Ռուսաս Ա. թագաւորի պալատի հազարապետին («Հանդ. Ամս.» 1913, էր. 402).

գաւորում էին մարդկանց յարաբերութիւնները դրամական գործառնութիւններին, առևտրի և արդիւնաբերութեան մէջ: Տարաբախտաբար, դեռ շատ քիչ են եղել որոնումներ և այս մի քանի հատ տախտակները դեռ բաւական չեն Ուրարտուի քաղաքային կեանքի մշակած կարգերը այնպէս մանրամասն լուսաբանելու համար, ինչպէս այդ հնարաւոր է եղել կատարել, հիմնուելով նոյնպիսի տախտակների վրայ, Բաբելոնի և Միջագետքի վերաբերմամբ:

Կաւագործութեան մի հարուստ ցուցահանդէս Բէլք և Լեման գիտնականներին հայթայթել է Թոփրաք-Կալէի պալատի մասանը, ուր սովորական մանր ու մեծ պտուկների, սափորների, կփերի հետ միասին երևան եկան 20—25 մեծամեծ կարասներ, իւրաքանչիւրը 500—600 լիտր հեղուկի տարողութեամբ: Կարասների վրայ նկարուած էին ամաններ և ցոյց տուած թէ այդ ամանով քանի հարիւր չափ է բովանդակում իր մէջ կարասը: «Մեզի յաջողեցաւ այս կարասներէն եր-

կուքը գրեթէ անվնաս դուրս հանել, — պատմում է Լեմանը — ասոնք իրենց ձևովն և մեծութեամբ շատ կը նմանին Անդրկովկասու մէջ դեռ մինչև այսօր գործածուած գինւոյ կարասներուն, մանաւանդ վրացւոցին»<sup>1)</sup>։ Շատ կարասների գօտիները ներկայացնում են գեղարուեստական զարդարանքներ։ Ուշագրաւ են մանաւանդ այն զարդարանքները, որոնք կազմուած են կենդանիներից։ Այսպէս մի կարասի վրայ կայ այսպիսի մի արձանագործութիւն. հորիզոնական դիրքով ընկած է մի կենդանի, ըստ երևոյթին արջառ կամ եղջերու, առանց, սակայն, եղջիւրների։ Վերևից վար այդ կենդանու վրայ ընկած է մի գազան, երևի, անբաշ մի առիւծ և ուտում է կենդանուն, որ իր որսն է։ Բաւական տպաւորիչ է թէ ինքը, լափող գազանը և թէ նրա ահեղ ճիրանների տակ կծկուած զոհը։ Պատահում են և ուրիշ գազանների ամբողջական արձաններ կամ անդրի-

<sup>1)</sup> «Բազմազգայ», 1909, եր. 70:

ներ՝ կարասի փողի կամ փորի վրայ<sup>1)</sup>։  
 Ընդհանրապէս, ուրարտական ամբողջ կուլտուրան ներկայացնում է իր մէջ երեք տարր։ Մի կողմից նա մօտենում է Միկենեան կուլտուրային<sup>2)</sup> և այս հանգամանքը ցոյց է տալիս որ Ուրարտացիները արեւմուտքից էին եկել։ Միկենեան կիկլոպական արուեստը, որ արտայայտւում էր ժայռաշինութեան և որմնադրութեան մէջ, տարածուած էր արեւմուտքում մինչև Իտալիա և արևելքում մինչև Փոքր Ասիա։ Ուրարտացիները այդ տարածման շրջանի մէջ էին մտցնում և Հայաստանը։ Նոյն տարրն է երևում և ուրարտական կաւագործութեան ու պատկերաշինութեան մէջ։ Այս արեւմտեան տարրը ուրարտացիները բերել էին իրանց հետ։ Հայաստանի բարձրաւանդակում նրանք ենթարկուեցին ասո-

<sup>1)</sup> Lemann Haupt, p. 114—115.

<sup>2)</sup> Միկենք—քաղաք Յունաստանում։ Այստեղից էր Տրոյեայի պատերազմի հերոսներից մէկը—Ագամեմնոն թագաւորը։ Միկենեան կոչւում է առհասարակ հնադոյն կամ հերոսական Յունաստանի ամբողջ քաղաքակրթութիւնը։



րական ազդեցութեան, որ և կազմում է երկրորդ տարրը նրանց քաղաքակրթութեան մէջ: Իսկ երրորդն արդէն այն ինքնուրոյնութիւնն է, որ մշակեցին ուրարտացիները իրանց նոր հայրենիքում:

Եզրակացութիւն: Որքան հետզհետէ շատանում են հնագիտական գիւտերը, այնքան աւելի ընդարձակւում են տեղեկութիւնները Ուրարտուի կուլտուրական ճոխութիւնների մասին: Դա մի ծաղկած թագաւորութիւն էր իր անկումից առաջ: Միայն քաղաքական ոյժը չէր աճում նրա մէջ Մենուասի, Արգիստիի օրերով. առաջնակարգ, մեծ պետութեան արժան թափով առաջանում էր և արուեստների զարգացումը, իսկ երկրի հարստութիւնները աւելի և աւելի բազմանում էին: Վերը մենք պատմեցինք թէ ինչպէս Սարգոնը գրաւեց Մուզասիր մայրաքաղաքը և կողոպտեց Խալդի տաճարն և Ուրզանա թագաւորի ինչքը: Այդտեղ էլ մենք բերինք մի կտոր Սարգոնի արձանագրութիւնից, որի մէջ մէկ-մէկ յիշատակւում է ա-

ւարի քանակութիւնը: Այդ ցուցակը, սակայն, լրիւ չէ: Նոր գտնուած է մի ուրիշ արձանագրութիւն, որի մէջ այդ աւարի նկարագրութիւնը բռնում է 56 տող:

Պատերազմական աւարը ամենից առաջ ցոյց է տալիս երկրի հարստութիւնն ու ռազմական կազմակերպութիւնը: Ահա Սարգոնի աւարը ըստ այդ նորագիւտ մանրամասնութիւնների: Թագաւորի պալատից վերցուած է 34 տաղանդ 18 մնաս ոսկի, 167 տաղ. 27 մնաս արծաթ, բրոնզ և թանկագին քարեր, գաւազաններ փղոսկրից և երենոսի փայտից ոսկի պատեաններով, արքայական իշխանութեան նշաններ, գանազան անուէնով անօթներ, գէնքեր թանկագին նիւթերից, 13 բրոնզէ աւազաններ, 130 բրոնզէ առարկայ տեղային գործ, 130 գունագեղ զգեստներ և վուշէ շապիկներ: Ուրարտուից և Կիլիսուից: Իսկ Խալդի տաճարում, բացի ոսկուց, արծաթից, բրոնզից և պղնձից, 6 ոսկի խոշոր վահան, որոնք կայքրած էին պատերին և շողշողուն փայլ ունէին.

նրանց մէջ կային այնպիսիները, որոնց վրայ շան գլուխ էր նկարուած և դրանց կշիռն էր 5 տաղ. 12 մնաս ոսկի, 12 հատ արծաթի վահան վիշապների գլուխներով, ոսկի կողպէքներ, բանալիներ, սրեր, 96 նիզակներ, 33 արծաթէ կառքեր, 394 արծաթէ անօթներ՝ ասորական, ուրարական և կիլիսուի գործ, Բողբարգու աստուածուհու կնիքը, 25212 բրոնզէ վահաններ, 1514 բրոնզէ նիզակներ, 305412 բրոնզէ սրեր, 607 աւագաններ բրոնզից՝ լուացումների համար, մի ահագին ջրաման, որ տանում էր իր մէջ 80 չափ ջուր և որ գործ էին ածում Ուրարտուի թագաւորները՝ գինի ձօնելու համար Խալդին, պահապան աստուածների 4 բրոնզէ արձաններ, Սարդուրիի քարէ արձանը, Արգիստիի արձանը, աստղերով թագ դրած, կշիռը 60 տաղանդ, Ռուսասի արձանը, որի վրայ կար հետևեալ արձանագրութիւնը. «Երկու ձիով և մի ձիավարով իմ ձեռքերը նուաճեցին Ուրարտուի թագաւորութիւնը»<sup>1)</sup>։

1) Тураевъ, с. 53.

Եւ երբ այսպիսի զարգարանքներ և հարստութիւններ գտնուում էին Մուգսաիրում, որ մի երկրորդական փոքրիկ թագաւորութիւն էր Ուրարտուի մէջ, կարելի է մօտաւորապէս եզրակացնել թէ ինչ պիտի լինէին Վանի արքայական պալատները, տաճարները, ազնուական տները Մենուասի և Արգիստիի ժամանակ և թէ որքան բարեկեցիկ ու տնտեսապէս զարգացած պիտի լինէր առհասարակ երկրի կեանքը:

ԳԼՈՒԽ ԺԷ.

Կ Ո Ր Ծ Ա Ն Ո Ւ Մ

Արդէն դեռ Սարգոնի ժամանակ մենք տեսանք որ արևելքից և հիւսիսից առաջանում էին դեռ անձանօթ և բարբարոս նոր ազգութիւններ, որոնք շտապում էին տեղ բռնել համաշխարհային պատմութեան մէջ: Սարգոնի յաջորդները Սանհէրիբ, Ասարհադդոն, Ասուրբանիպալ պահպանեցին այն համաշխարհային տիրապետութիւնը, որ նուաճել էր Սարգոնը իր անդադար պատերազմներով: Բայց ասորական մեծ պետութեան ժամը հասել էր: Ասուրբանիպալը (668—626) վերջին մեծ թագաւորն էր, որ բարձր էր

պահուում իր պետութեան զինուորական մեծ ոյժը: Բայց նա մի անհատ էր, որ իր զօրքի հետ այդպիսի գործ էր կատարում: Մեռաւ այդ անհատը և Միջագետքի ահարկու բռնապետութիւնը իսկոյն երևան հանեց իր զառամութիւնը:

Մինչդեռ Ասորբանիպալը պատերազմներ էր մղում հարաւում և արևմուտքում, հիւսիս-արևելեան այն նահանգները, որոնք պատկանում էին Ասորեստանին, կազմակերպեցին մի նոր պետութիւն—Միդիան (Մարաստանը): Այդ կազմակերպումը հետեւանք էր այն հանգամանքի, որ հիւսիսից արշաւած արիական ցեղերի մի մասը հաստատուել էր Մաննայի երկրում և իր դիրքը ապահովելու համար Ասորեստանի դաշնակիցն էր դարձել ու անհաշտ թշնամի մարական ազգին: Այդ արիական ցեղերը ընդհանրապէս կոչւում են կիմմերացիներ: Նրանք ապրում էին հարաւային Ռուսաստանում, Ազովեան ծովի շուրջը: Արևելքից, Ասիայի կողմից, կասպից ծովի հիւսիս-

սային տափարակներով առաջացած մի ուրիշ արիական ցեղ, որ կոչուում էր շակ կամ սակ, սկսեց նեղել կիմմերացիներին, որոնք թողին իրանց բնակութեան վայրերը և երկու մասի բաժանուեցին: Մէկը, ուղղուելով դէպի արևմուտք, անցաւ Դունայ գետը, մտաւ Թրակիա և հալածելով այդտեղ բնակաւորուած արիական ցեղերը, նրանց ետևից անցաւ Բոսֆորով Փոքր Ասիա: Միւս ճիւղը ուղղուեց դէպի հարաւ և անցնելով Կովկասեան գլխաւոր լեռնաշղթան Դարիալի կիրճով, մտաւ Անդրկովկաս: Նրա ետևից նոյն ճանապարհով եկան սակերը, որոնք հաստատուեցին Կուրի հովտում<sup>1)</sup>:

Ահա այս կիմմերական տեղափոխութիւնները մեծ իրարանցումներ զրցեցին այն ժամանակուայ քաղաքական աշխարհի մէջ: Ուրարտուի սահմաններում կիմմերացիները անուանուում էին սպարդա, Մաննայի երկրում — աշկուդա, ուրիշ տեղերում՝ պար-

<sup>1)</sup> Հայաստանի Ուտի նահանգում մի ամբողջ գաւառ կոչուեց Շակաշէն (այժմեան Դանձակի գաւառը):

զապէս կիմմերացի<sup>1)</sup>։ Աշկուզաները, ինչպէս ասացինք, դաշնակից դարձան ասորեստանցիներին, որոնք տեսնում էին նրանց մէջ մի նոր բարբարոս ոյժ։ Ուրարտուի մէջ սպարդաները տիրացան շատ տեղերի և Մարդուրի Գթագաւորը, դրանց դիմադրելու համար, կամովին հպատակուեց Ասուրբանիպալին, սակայն, ըստ երևոյթին, ոչինչ չը կարողացաւ շահել դրանով, քանի որ Ասորեստանը ոչինչ չը ձեռնարկեց այդ նոր ժողովուրդների դէմ։ Ասորական կուսակալները սահմանագլխի վրայ հետևում էին թէ ինչպէս այդ նոր ժողովուրդը պայքարում էր ուրարտացիների դէմ և յայտնում էին այդ մասին իրանց կառավարութեան։ Այսպէս թուլանում և փոքրանում էր Ուրարտուն. նրա թագաւորները գնալով աւելի ուժասպառ էին դառնում։

Ասուրբանիպալից յետոյ նիունէի գահը գրաւեցին դարձեալ երկու թագաւորներ, որոնք յիշատակութեան արժանի գործ չեն կատարել։ Մարաստա-

<sup>1)</sup> Винклеръ, с. 131.



նը, ուժեղանալով, իր համար նպատակ  
 էր դրել Նինուէի նուաճումը և Ասորե-  
 ստանի կործանումը: Կիաքսար թա-  
 գաւորի առաջին փորձը յաջողութիւն  
 չունեցաւ: Նա պաշարել էր Նինուէն,  
 երբ կիմմերական ազգերի մի նոր հո-  
 սանք, որ աւերում էր ամբողջ Փոքր  
 Ասիան, Անդրկովկասը, իր յորձանք-  
 ները հասցրեց և Մարաստան: Բար-  
 քարոսների այս նոր և աւելի տհեղ  
 արշաւանքը սպառնում էր ոչնչացնել  
 ամբողջ հին քաղաքակրթութիւնը: Իր  
 աւերիչ հոսանքները կիմմերական ար-  
 շաւանքը տարաւ հասցրեց Եգիպտոսի  
 դռներին, բայց ժամանակի փարաւոնը  
 փող տուեց նրանց և յետ դարձրեց:  
 Անկարգ և անդիսցիպլին հօրդուներից  
 էին կազմուած կիմմերացիները: Նը-  
 րանք թալան էին որոնում և պատ-  
 րաստ էին զնալ ամեն մէկի ետեւից,  
 ով խոստանում էր առատ աւար: Այս  
 աղէտալի արշաւանքներն են, որ նը-  
 կարագրել է Երեմիա մարգարէն մի  
 քանի տեղերում. «Զի ահաւասիկ ես  
 ածից ի վերայ ձեր ազգ ի հեռաստա-

նէ, տունդ Իսրայէլի, ասէ Տէր, ազգ  
 որ առաջին, ազգ որ յաւիտենից, ազգ  
 որոյ ոչ լսեցիս զլեզուս նորա, և ոչ ի-  
 մանայցես զխօսս նորա: Կապարճք նո-  
 րա իբրև զգերեզմանս բաց են. ամե-  
 նեքին զօրաւորք: Եւ կերիցեն զհունձս  
 ձեր և զհաց, և կերիցեն զուտերս  
 ձեր և զդստերս, և կերիցեն զոչխար  
 և զարջառ ձեր, և կերիցեն զնյգիս և  
 զթզենիս ձեր և զձիթենիս. և կասեսցեն  
 զամուր ամուր քաղաքս ձեր. և յորս  
 դուքն պանծացեալ էք՝ որով սատա-  
 կեսցեն»... «Ահաւաղիկ զօր գայ ի հիւ-  
 սիսոյ. ազգ մեծ, թագաւորք բազումք  
 զարթիցեն ի ծագաց երկրէ, աղեղնա-  
 ւորք և տիգաւորք, արք ժպիրհ և ան-  
 ողորմ. ձայն նորա իբրև զձայն ծովու  
 յարուցելոյ, կառօք և երիվարօք ճա-  
 կատեսցի, և լաստեսցի իբրև զհուր ի  
 պատերազմ ի վերայ քո, դուստր Սիո-  
 նի: Լուաք զլուր նոցա, և լքան ձեռք  
 մեր, նեղութիւնք կալան զմեզ իբրև  
 երկունք ծննդականի: Մի ելանէք յան-  
 դրս, և ընդ ճանապարհս մի գնայք. զի  
 սուր թշնամեաց շուրջ պատեալ է:

Դուևսոր ժողովրդեան իմոյ, քուրձ զգեցիր. մոխիր տարածեան, առ զսուգ սիրելւոյ, և կոծեան կոծ ողորմ. զի յանկարծակի եկեսցէ թշուառութիւն ի վերայ քո՞<sup>1)</sup>: Մի խօսքով, Արևմտեան Ասիայում կատարւում էր մի հսկայական աղէտ, որի նմանները յետագայ դարերում բերին Չինգիզ-խանն ու Լէնկթիմուրը:

Այս համատարած աւերանքի մէջ անվնաս մնաց Նինուէն: Ուրարտուի վիճակի մասին տեղեկութիւններ չունինք: Սակայն ասորական բախտը պետութեան վրկութիւն չէր բերում: Հէնց որ կիմմերացիների արշաւանքները զաղարեցին, Կիաքսարը զաշնակցութիւն կնքեց մի կողմից Նգիպտոսի, միւս կողմից Բաբելոնի հետ, որ Ասորեստանի դարաւոր թշնամին էր: Բաբելոնում իրան անկախ թագաւոր յայտարարած Նաբօպօլասարը գրաւում է Միջագետքը, իսկ Կիաքսարը նորից պաշարում է Նինուէն: Այս անգամ հռչակաւոր մայրաքաղաքը զիմադրել

<sup>1)</sup> Երեմ. Ե, 15—18, 2, 22—27.

երկար չէ կարողանում. ասորական վերջին թագաւորը, Սին-շար-շիկուն, տեսնելով որ ամեն ինչ կորած է, փակուեց իր պալատի մէջ և հրդեհելով պալատը, իր ընտանիքի և գանձերի հետ կորաւ բոցերի մէջ,— ինչպէս պատմում է աւանդութիւնը: Մարերը ներս թափուեցին և հիմնայատակ կործանեցին ամբողջ քաղաքը, այնպէս որ մի երկու հարիւր տարի անց՝ նոյն իսկ Ասորեստան անուն էլ չէր մնացել. նախկին փարթամ մեծ պետութիւնը Աղիարին անյայտ անունն էր ստացել<sup>1)</sup>:

Այս դէպքը փոփոխում էր Արևմտեան Ասիայի քարտէսը, փոփոխում էր պատմութեան ընթացքը: Կործանում էր սեմականների համաշխարհային տիրապետութիւնը, որ անցնում էր արիական ցեղի ձեռքը: Ասորեստանը շատ ազգեր էր խորտակել, շատ ու շատ էր ծծել ժողովուրդների ա-

<sup>1)</sup> Նինուէի կործանման ճիշտ թուականը յայտնի չէ. Ոմանք ընդունում են 625 թուականը, ոմանք՝ 609, բայց աւելի հաւանական համարում է 600 թուականը Բ. ա.

րիւնը և գազանաբարոյ բռնակալութեան ծանր լուծի տակ խեղդել մեծ ու փոքր ազգերը: Այժմ հերթը իրան էր հասել և խորտակուում էր, առանց ամսոսանք անգամ պատճառելու: Նինուէի կործանումը ծափահարութեան արժանի մի զէպը էր համարում հրէական մարգարէներէց մէկը, Նաումը, որ ընկածի երեսին էր խփում նրա արատներն ու կեղտերը: «Ո՛ր քաղաք արեանց, ամենևին սուտ, լի անիրաւութեամբ. որոյ զննեսցի որսդ: Չայն հարուածոյ, ձայն շարժման անուռոյ, շաշիւն կառաց, շահատակիւն հեծելոց, փայլիւն զինու, շողալ սուսերի, թաւալզլոր խաղալ վիրաւորաց, և ոչ գոյր չափ ազգաց նոցա, և տկարասցին ի մարմինս իւրեանց ի բազում պոռնկութենէ: Պոռնիկ գեղապանծ, գլուխ կախարդաց, որ վաճառէր զազգս ի պոռնկութեան իւրում, և գտոհմս կախարդանօք իւրովք: Ահաւասիկ ես ի վերայ քո, ասէ Տէր Աստուած ամենակարող, և յայտնեցից գյետուստ քո և արկից գերեսօք քովք ու ցուցից ազ-

գաց զամօթ քո, և թագաւորութեանց  
զանարգանս քո: Եւ ընկեցից ի վերայ  
քո զպղծութիւնս և զաղտեղութիւնս  
քո, և արարից զքեզ խայտառակ: Եւ ե-  
ղիցի ամենայն որ տեսանիցէ զքեզ՝ զի-  
ջանիցէ և ասիցէ. Եղո՞ւկ դու, Նինուէ,  
ո՞վ իցէ որ հեծիցէ վասն քո, ուս-  
տի՞ խնդրեսցուք քեզ մխիթարութիւն...  
Թարախեցան վէրք քո, և չիք բժշկու-  
թիւն բեկման քում, ամենքին որ լուան  
զգոյժ քո՝ ծափս հարցեն ի վերայ բեկ-  
ման քո, քանզի յո՞յր վերայ ոչ շոգաւ  
չարութիւն քո հանապազ՞<sup>1)</sup>:

Այսպէս էր անեղ բռնակալութեան  
ձեռքում ճնշուած մի ազգի զգացմուն-  
քը այն բոպէին, երբ անհետանում էր  
այդ բռնակալութիւնը: Ուրարտուն էլ  
մէկն էր Նինուէի հարուածների տակ  
փշրուած ազգերից: Մենք չը գիտենք  
թէ նա ինչպէս վերաբերուեց խոշոր  
պատմական դրամային: Նինուէի կոր-  
ծանումից յետոյ նրա թագաւորութիւ-  
նը, ինչպէս՝ հաւանական է թւում, գո-  
յութիւն պահպանեց դարձեալ մի եր-

<sup>1)</sup> Նաում, Գ, 1—19.

կու տասնեակ տարի: Բայց այդ ժամանակամիջոցը հոգեվարքի վերջին շրջանն էր: Կիմմերացիներն անյայտացան ասպարէզից, բայց դա փրկութիւն չէր նրանց հարուածներից անչափ թուլացած ուրարտացիների համար: Ասորական կայսրութեան տեղ Առաջաւոր Ասիայում բարձրացաւ Մարական մեծ պետութիւնը: Ուրարտուն ենթարկուեց այդ նոր կայսրութեան իբրև մէկն այն բազմաթիւ ազգերից, որոնք բնակւում էին Մարաստանի արևմտեան կողմում մինչև Կիլիկիա:

## ՆՈՐ ԺՈՂՈՎՈՒՐԴ

Այստեղ իսկապէս վերջանում է վանի թագաւորութեան պատմութիւնը: Այդ անյայտացումը պատմական ասպարէզից վերջնական էր:

Սակայն թագաւորութիւնները մեռնում են, իսկ ազգերն ապրում են: Եւ մեզ մնում է դեռ որոնել այն մեծագործ ժողովուրդը, հարցնել նրա ճակատագիրը՝ ազգային անկախութիւնը կորցնելուց յետոյ:

Այստեղ, պէտք է ասել, ժամանակը շատ անողոք է ուրարտացիների վերաբերմամբ: Նա չափազանց աղքատ տեղեկութիւններ է պահպանել պատ-



մութեան այն շրջանի վերաբերմամբ, որ գալիս է եօթներորդ դարից, արիական ցեղերի յախուռն և կործանարար արշաւանքներից յետոյ: Ուրարտացիները կամ խալդերը համարեա ոչ մի ազգային յիշատակութիւն չունին այդ ժամանակի մէջ: Եւ նրանց ճակատագրի գոնէ աղօտ, ենթադրական մի պատկերը ուրուագծելու համար հարկաւոր է այժմ հետևել այն ազգին, որ երևան եկաւ ուրարտական երկրում: Դա հայ ազգն է:

Դեռ 1880-ական թուականների սկզբում պրօֆէսօր Պատկանեանը, քննելով վանի արձանագրութիւնների ընթերցումից ստացուած նիւթերը և համեմատելով նրանց այն պատմուածքների հետ, որ տալիս է Մովսէս Խորենացին հայ ազգի սկզբնաւորութեան մասին, յայտնեց այն կարծիքը թէ հայ ազգը բաղկացած է երկու տարբեր ցեղերից — հայ և արմէն: Ինչպէս յայտնի է, առաջին անունը միայն հայերն են գործ ածում իբրև իրանց ազգային անուն, իսկ երկրորդը — բացառապէս

օտարազգիներն են գործ ածում իբրև դարձեալ նոյն ազգի անուն: Պատկանեանը գտնում էր որ հայերը ապրելիս են եղել Վանի լճի աւազանում, իսկ արմէնները—Արաքսի հովտում<sup>1)</sup>:

Այս միևնոյն ենթադրութիւնը հաստատելու համար էր, կարծես, որ մարդաբանական գիտութիւնը եկաւ կարծիք յայտնելու թէ հայերի մէջ, ինչպէս և մի քանի ուրիշ ազգերի մէջ, նկատուում են երկու՝ իրարից խիստ տարբերուող մարդաբանական տիպեր<sup>2)</sup>:

Վերջին տարիներս այդ երկտարբութեան հիպոթեզը նոր ապացոյց էլ գտաւ լեզուագիտութեան մէջ: Ինչպէս արդէն գիտենք, ահադեմիկոս Մառի մի շարք լեզուագիտական աշխատութիւնները գալիս են ապացուցելու որ հայ ժողովրդի լեզուն էլ երկու, իրարից տարբեր տարբերից է կազմուած. այդ տարբեր տարբերին Մառն էլ

<sup>1)</sup> Паткановъ—«Ванскія надписи» с. 88—89.—

<sup>2)</sup> Проф. Д. Анучинъ—«Арменія въ антропологическомъ и географическомъ отношеніи» («Братская помощь пострадавшимъ въ Турціи армянамъ», М. 1898 с. 357),

տուեց այն երկու անունները, որոնք հայ ժողովրդի անունն են, այն է՝ հայոց լեզու և արմէնական լեզու:

Երկուութեան այս թէօրիան, որ արդէն բաւական ապացոյցներ ունի, գնալով, ըստ երևոյթին, հաստատ դիրք է գրաւում և հայոց պատմութեան վերաբերեալ մի քանի աշխատութիւնների մէջ արդէն ընդունուած են հայ և արմէն տարբեր ցեղեր, որոնք ձուլուել են իրար հետ և ստացել հայ անունը<sup>1)</sup>:

Արդ՝ այս երկու տարբերից արմէնները, ինչպէս ցոյց են տալիս շատ պատմական յիշատակումներ, եկուորներ էին և պատկանում հնդկա-եւրոպական կամ արիական ազգերի ընտանիքին: Մենք արդէն ծանօթ ենք այն ենթադրութեան, որ ասում է թէ ուրարտացիները Հայաստանի բարձրաւանդակը գաղթեցին Քրիստոսից ժԱ.—թ դարերում, հարկադրուած լինելով տեղի տալ այն արիական ցեղերի ճնշման, որոնք անցել էին Եւրո-

1) Kevork Aslan—«E'tudes Historiques sur le Peuple Arménien», Paris 1909 p. 52—54.

պայից Փոքր Ասիա և առաջանում էին դէպի արևելք, գրաւելով Փոիւզիան: Այդ արիական ցեղերի մէջ էին, ինչպէս գիտենք, և արմէնները:

Եւ ահա եօթներորդ դարի վերջերում, երբ կիմմերոսկիւթական արշաւանքները բոլորովին թուլացրել էին ուրարտացիներին, դարձեալ նոյն արմէնները, նոյն այդ արշաւանքներից ստիպուած, պոկուեցին իրանց բնակութեան տեղերից և առաջ մղուեցին նոր հայրենիք որոնելու համար:

Մի կողմ թողնելով այդ արիական ցեղի թափառումների հաւանական պատկերը, պիտի այժմից նկատենք որ այդ առաջխաղացումը պատերազմական մի արշաւանք չէր, այլ մի ժողովրդի տեղափոխութիւն, որ կատարուեց շատ դանդաղ: Եւ ուրիշ կերպ էլ չէր կարող լինել, քանի որ արմէն ժողովուրդը մեծ չէր և դեռ իր նախնական կազմակերպման շրջանի մէջ էր գտնուում: Դեռ Փոիւզիայում և Կասպագոյվկիայում բնակուած միջոցին նա գործի էր դրել իր կազմակերպչական

զարմանալի ընդունակութիւնը: Չգտելով բազմացնել իր թիւը, նա մօտիկ յարաբերութիւններէ և խաղաղ շփումներէ միջոցով ձուլում էր իր մէջ հարեան հեթիթական ցեղերը: Այսպիսով նա Եփրատի աջ ափում ստեղծեց իր սեփական հայրենիքը, որ յետոյ կոչուեց Փոքր Արմէնիա (Փոքր Հայք):

Անցնելով Եփրատը, արմէն ժողովուրդը նոյն դանդաղ կոտորածներ տարածուեց դէպի արևելք, հետզհետէ գրաւելով Արածանիի աւազանը և այդտեղից տարածուելով դէպի հիւսիս, Բարձր Հայքի լեռնադաշտը և դէպի հարաւ, մինչև Քրդիստանի լեռները:

Այս երկիրները, ինչպէս գիտենք, բնակեցրուած էին հեթիթական ազգին պատկանող մանր ցեղերով, որոնք մի ժամանակ միացած էին ուրարտական գահերէցութեան տակ: Ինչպէս էր եկուորների յարաբերութիւնն այդ ցեղերի հետ:

Բնականաբար ենթադրուում է ինքն ըստ ինքեան, որ նորեկների հաստատուելը այդ հողի վրայ պիտի կատա-

րուէր նուաճման, գէնքի ոյժի միջոցով: Դրական ցուցմունքներ այս մասին չեն մնացել, բայց առողջ դատողութիւնը չէ թոյլ տալիս ասել թէ տեղացիները հպատակուեցին առանց որ և է դիմադրութեան: Այս հանգամանքը համարեա միանգամայն անժխտելի է դառնում ուրարտացիների (խալդերի) վերաբերմամբ: Արածանիի վերին մասերում և Վանի լճի արմէնները, երևի, երկար ժամանակ աշխատեցին խալդերին ընկճելու համար: Այս իրողութեան հեռաւոր արձագանգը պահել է յոյն մատենագիր Քսենոփոնը (Ե. դար Ք. ա.) իր «Կիրոպեդիա» անունով աշխատութեան մէջ, որ թէև պատմական մի վէպի արժէքունի ժամանակակից գիտութեան համար <sup>1)</sup>, բայց անկասկած պահում է իր մէջ և այնպիսի փաստեր, որոնք պատմական ճշմարտութիւններ են յայտնի չափով <sup>2)</sup>: Ուրարտական հնու-

<sup>1)</sup> Th. Noeldeke—«Etudes historiques sur la Perse Ancienne», Paris 1896 p. 23.

<sup>2)</sup> Alfred Croiset—«Histoire de la littérature Grecque», t. IV Paris 1900 p. 402.

թիւններն այնպիսի փայլուն յաջողութեամբ ուսումնասիրած պրօֆէսօր Լէմանը պատմական ճշմարտութիւն է համարում «Կիրոպեդիայի» այն կտորը, որի մէջ նկարագրուած են թշնամական գործողութիւնները հայերի (արմէնների) և խալդերի մէջ և թէ ինչպէս վերջիններս քաշուել էին լեռները <sup>1)</sup>:

Կռիւներ, թշնամութիւն, ուրեմն, եղել են եկուորների և երկրում նրստածների մէջ: Այստեղ էլ, Հայաստանում, կրկնուում էր այն, ինչ կատարուում էր ուրիշ տեղերում արիացիների գաղթի հետևանքով: Տեղական այն ցեղերը, որոնք չէին ուզում հպատակուել, կորցնել իրանց ազատութիւնը, տեղի տուին և հեռացան դէպի հիւսիս, մասամբ դէպի հարաւ, ապաւինելով ամուր լեռնաստաններին: Այսպէս, շատ հեթիթական ցեղեր սեղմուեցին Կովկասեան գլխաւոր լեռնաշղթային: Բայց

<sup>1)</sup> «Հանդէս Ամս.» 1900 թ. եր. 247.—«Քսենոփոնական Կիրոսի խրատու պատմութիւնք», թարգ. Ն. Յ. Գաթրճեանի, Վիեննա, 1843, Գ. դպր. գլ. Բ.:

բոլորը չէին հեռանում և տեղական ազգարնակութեան խոշորագոյն զանգուածները մնում էին իրանց տեղը և ձուլւում էին արիացիների հետ։ Հէնց Քսենեփոնի նկարագրածը շատ լաւ ցոյց է տալիս թէ կռիւը եղել է մանր տեսակի, լեռնային, դրացիական անհամաձայնութիւններից բղխող։ Իրանց իրաւունքները պաշտպանելու համար խալդերը անշուշտ շատ անգամ են լեռները բարձրացել և զէնք վերցրել եկուորների դէմ։ Բայց այս դիմադրութիւնը երկարատե չէր կարող լինել, մանաւանդ որ եկուորները ունէին իրանց ձեռքում կռուի այնպիսի միջոցներ, որոնք չէին կարող թշնամութեան խիստ, յարատե կերպարանք տալ։

Պէտք է նկատել որ ոչ արմէնները ոչ էլ խալդերը միանգամայն անկախ ազգեր չէին, նետուած գոյութեան կռուի դաշար։ Երկիրը, ուր տեղի ունէր երկու ցեղերի շփումը, պատկանում էր Մարաստանին, իսկ յետոյ՝ Պարսկաստանին։ Եւ պայքարող կող-



մերի յաջողութիւնը մեծագոյն մասամբ կախուած պիտի լինէր այն վերաբերմունքից, որ ունէր մարա-պարսկական պետութիւնը դէպի իր առջև բացուած ցեղական պայքարը:

Այս կողմից հովանաւորուողի դրութեան մէջ գտնուում էին եկուորները, արմէնները: Սկզբից և եթ, ենթարկուելով մարական տիրապետութեան, արմէնները իւրացրին իրանական կրօնն ու քաղաքակրթութիւնը և այդ հօր ազդեցութիւնը Փոքր Ասիայի ցեղերի մէջ տարածելու միջնորդներ հանդիսացան: Նրանց թագաւորները «սատրապի» համեստ տիտղոսն էին կրում, բայց իսկական վասսալ թագաւորներ էին <sup>1)</sup>: Նրանք օգնեցին Մարաստանի թագաւորին Ասորեստանի դէմ մղած պատերազմի ժամանակ <sup>2)</sup>: Իսկ երբ Մարաստանին յաջորդեց Պարսկաստանը, արմէնների սատրապները խնամիանում էին պարսից թագաւորների

<sup>1)</sup> Maspero, t. III p. 777.

<sup>2)</sup> A. Delattre—«Le Peuple et l'Empire des Mèdes»  
Bruxelles, 1883 p. 194.

հետ <sup>1)</sup> և այդպիսով մեծ հեղինակութիւն ձեռք բերում: Այսպիսով եկուոր տարրը բաւականաչափ հովանաւորուած էր՝ տեղական տարրերը իրան ենթարկելու համար: Սա նուաճում չէր, ոչ էլ ստրկացում կամ ուժով ճնշում: Արմէնները տեղացիներին դէպի իրանց դրաւեցին խաղաղ դրացիական ձրգտումներով, երկուստեք համաձայնութեան, փոխադարձ իրաւունքների կիրառութեան պայմանով: Եւ այս խաղաղ ճանապարհով, երկարատև աշխատանքի միջոցով էր որ արմէնները ձուլեցին իրանց մէջ ուրարտացիներին կամ խալդերին <sup>2)</sup>, խառնուելով նրանց հետ, ենթարկուելով նրանց կուլտուրային, բայց պահպանելով իրանց լեզուն ու սովորութիւնները: Չուլման այս եղանակը զուտ արմէնական չէր: Նա յատուկ էր բոլոր արիական ցեղերին <sup>3)</sup>: Լեզուի այս պահպանութեան և

<sup>1)</sup> A. Boucher—«L'Anabase de Xenophon», Paris 1913 p. 208.

<sup>2)</sup> Պրոֆ. Ն. Դէլցէր—«Համառոտ Պատմութիւն Հայոց», Թարգմ. Ն. Գ. Գալէմքեարեան, Վիեննա, 1897, եր. 5.

<sup>3)</sup> Анучинъ Армяне и пр. (Бр. Пом. с. 358).

տարածման մէջ էր արիական այս փոքրաթիւ հատուածի ամբողջ կենսունակութիւնը, ցեղի կազմակերպչական ուժեղ կարողութիւնը, որ հնարաւոր էր դարձրել սիստեմատիկ և անընդհատ ձուլումների միջոցով ստուարացնել իր բանակը <sup>1)</sup>։

Զուլման վերին աստիճանի հետաքրքրական գործողութիւնը, որ դարեր է տևել, կարելի է պարզել և ընդարձակել այն առատ նիւթերի միջոցով, որոնք մնացել են Մովսէս Խորենացու պատմութեան մէջ։ Այդ պատմութեան առաջին և երկրորդ մասերի նիւթը հիւսուած է առաջ ու առաջ բազմաթիւ և առատ ազգային աւանդութիւններից, զրոյցներից, առասպելներից <sup>2)</sup>, որոնց մէջ զուտ արմէնական իրողու-

<sup>1)</sup> Լեզուի միջոցով օտար ցեղեր ձուլելու ընդունակութիւն ցոյց տուին հայերը զբանից յետոյ էլ ժամանակակից Սարաբոնի վկայութիւնն է որ այդ կերպով հայացուեցին մի շարք նահանգներ (Գուգարք, Սիւնիք, Արցախ և այլն)։

<sup>2)</sup> «Հայկական աշխատասիրութիւնը հայագէտ Յ. Ֆէթթէրի» թարգ. Ն. Յ. Տաշեանի, Վիեննա, 1895 էր. 26։

թիւնների հետ խառնուում են ուրարտական անցեալի հեռաւոր արձագանգները:

Այսպէս՝ Խորենացին ասում է<sup>1)</sup> թէ հին զրոյցները պատմում են թէ Սըլկունի նախարարութեան նախահայր Սլաքը Հայկից առաջ մեր աշխարհում եղած մարդկանցից էր: Այս նշանակում է որ հին աւանդութեան անյայտ չէր որ երկրի նախկին բնակիչները, խալդերը կամ ուրարտացիները, չը զրկուեցին իրանց դասակարգային դիրքերից, չը հեռացուեցին կառավարութիւնից, պատուից ու իշխանութիւնից, այլ պահեցին իրանց հին իրաւունքները նոր կազմակերպուող պետութեան ազնուականութեան մէջ: Այս ցուցմունքը պէտք է առիթ տար որոնելու մեր նախարարութիւնների ծագումը, համեմատելով նրանց տոհմանունները այն տեղական անկախութիւնների, թագաւորութիւնների հետ, որոնք յիշատակուած են Ասորեստանի և Ուրարտուի սեպածև արձանագրու-

<sup>1)</sup> Գիւր Բ. Ը

թիւնների մէջ: Այս համեմատութիւնը ցոյց է տուել որ հայ նախարարական 256 տոհմանունները մօտ  $\frac{1}{6}$  մասը կարելի է շատ մօտ համարել, նոյնացնել սեպագրութիւնների մէջ գտնուած անուններին<sup>1)</sup>: Եթէ այս ճիշտ է միանգամայն, մենք, ուրեմն, ունինք մի զօրաւոր փաստ պնդելու թէ եկուոր արմէնները հաւասարութեան, դաշնակցութեան սկզբունքներով միացան երկրում ապրողների հետ: Երկրի աշխարհագրական կերպարանքից առաջացած հոգեբանութիւնը, այն է տեղական անկախութիւնների խիտ ցանցով ապրելու սիստեմը, հին Նաիրեան պետական կազմակերպութիւն էր և նրա վրայ էլ շափուեց ու ձևուեց նոր հայկական պետութիւնը:

Արեւմտեան Ասիայում հանդէս եկած արիական ցեղերը կենսունակ, ուժեղ էին իբրև թարմ, երիտասարդ տարրեր, բայց կուլտուրական զարգաց-

<sup>1)</sup> Կ. Բասմաջեան—«Հայ նախարարութիւնները բնեռածն արձանագրութեանց մէջ» («Բանասէր», 1902, թ. 7—9):

ման կողմից ցած էին այն քաղաքակիրթ ազգերից, որոնց հետ խառնուեցին, և որոնց ենթարկեցին իրանց իշխանութեան: Ասել աւելորդ է որ այդ նորեկները պիտի ենթարկուէին իրանց նուաճած ազգերի կուլտուրայի խիստ ազդեցութեան:

Այս երևոյթը նկատուում է և Հայկական Բարձրաւանդակի վրայ արիական և ոչ-արիական տարրերի միաձուլման միջոցին: Նախահայերի ազնուականութիւնը, որ խառնուում էր նորեկների հետ, ներկայացնում էր կուլտուրապէս աւելի շատ զարգացած դասակարգը, որ բերում էր իր հետ երկրի պատմութիւնը անգիր ականդութիւնների ձևով: Եւ այդ պատմութիւնը, այդ առասպելները դառնում են ընդհանուր ազգային, սեփականութիւն այդ նորակազմ ազգութեան, որ քաղաքական ասպարէզ էր դուրս գալիս՝ կռթնած իր մի մասի անցեալի և կուլտուրայի վրայ: Եւ այս ձուլումը, ուրարտական անցեալի այս ազգայնացումը ամենայն

հաւանականութեամբ տեղի է ունեցել Վանի լճի արում, ուր այժմ էլ այնքան առատ և հարուստ է ժողովրդական բանահիւսութիւնը:

Այսպէս, գուտ տեղական, Վանեան է Հայկի առասպելը: Դա մի անուանադիր (էպոնիմ) հերոս է, գուցէ և մի աստուածութիւն, որ Վանի լճի շրջանից դուրս չէ գնացել և մի ուրիշ տեղ չէ գործել<sup>1)</sup>: Եւ նրա կռիւը քաղաքա-ասորական Բէլ աստուած դէմ ամբողջովին ուրարտական պատմութիւն է և անկասկած ներկայացնում է դարաւոր կռիւները Հայկական Բարձրաւանդակի և Միջագետքի մէջ, մի կռիւ, որի հնագոյն շրջանը չէր կարող ժողովրդական առասպել չը դառնալ, գուցէ մի մասնիկ և նախահայկական պանթէոնի աստուածաբանական սիստեմի:

Այսպէս է և Արա Գեղեցիկի առասպելը: Վերևում մենք բերինք ուրարտական աստուածների ամբողջ ցուցակը, որ փորագրուած է Մհերի

<sup>1)</sup> Паткановъ — „Ванскія надписи“ с. 89.

Դուռ ժայռի մեծ սեպագրութեան մէջ: Այդ ցուցակի մէջ մենք պատահում ենք Արա անուկնով մի աստուծու<sup>1)</sup>: Եթէ այստեղ ընթերցումի սխալ չը կայ, մեզ կը մնայ յիշեցնել որ այդ գեղեցիկ տղամարդու վաւաշոտ տարփածու Շամիրամն էլ ասորական գիցուհի էր, և այնուհետև պարզ կը լինի որ Արայի զրոյցը մի կրօնական վէպ է ուրարտական պանթէոնից, որ անշուշտ պարունակում է իր մէջ երկու հակառակորդ ազգերի յարաբերութիւնները պատկերացնող մի այլաբանութիւն<sup>2)</sup>:

Եթէ Արան դուրս է բերուել ուրարտական պանթէոնից՝ հայոց պատմութեան աւանդական շրջանի գործիչներից մէկը դառնալու համար, մենք ունինք նիւթ դատելու և այն մասին որ արմէնօ-խալդական ձուլումից առաջացած ազգի պանթէոնի մէջ էլ մտել

1) Sandaljian, p. 206, 209.

2) Առաջին անգամ պրոֆ. Գէլցերն է ցոյց տուել Արայի զրոյցի կրօնական հանգամանքը («Հետազոտութիւն Հայ Դիցարանութեան», Ղենեակի 1897 եր. 78, 96):



են ուրարտական աստուածներ: Այս հանգամանքը, ինչպէս ցոյց է տուել հայ բանասէրներին (մէկը<sup>1)</sup>), կարելի է տեսնել Տորք Անգեղի առասպելի մէջ, որ պատմում է Սորենացին<sup>2)</sup>: Տորքը, ինչպէս երևում է, մի աստուածութիւն էր, որ պատկանում էր հեթիթական ցեղերի պանթէոնին:

Կրօնական-առասպելական աւանդութիւնների շրջանից դուրս մենք ունինք և իրական արժէք ունեցող պատմական փաստեր, որոնք նոյն ձուլման ապացոյցներն են: Նիկոլսկին ուշադրութիւն է դարձնում Սորենացու պատմութեան այն գլխի վրայ, որ պատմում է հայ Արամ թագաւորի գործերը: Դա ուրարտական քաջ Արամէն է, նոյնպէս երկիրը կազմակերպողի, նուաճողի, թագաւորութիւն հաստատողի, ազգային սկզբունքը քաղաքական նշանաբան դարձնողի գե-

1) Ն. Ազոնց—«Տորք աստուած հին հայոց («Յուշարձան», գրական ժողովածու Մխիթարեանների, Ալեքնա 1911, եր. 389—394):

2) Գ. Ք., Է.:

րով<sup>1)</sup>: Ուրարտական սիրուած հերոսը նոյնպիսի պատկերով է և հայոց պատմութեան մէջ: Նա, ուրեմն, ազգայնացուել էր և արմէն ժողովրդի կողմից:

Նոյն գիտնականը գտնում է նաև որ Արաքսի աւազանի սեպագրերը ցոյց են տալիս որ ուրարտական պատմութիւնը իր հեռաւոր արձագանգներն է պահել հայկական աւանդութիւնների մէջ, որոնք պատմուած են Խորենացու աշխատութեան մէջ (Ա, ԺԲ.): Այդտեղ յիշատակուած Մանաւազը ուրարտական Մենուան է, Արմենակը՝ Արգիստի թագաւորն է: Մանաւազի և Արմենակի գործողութիւնները, որոնք մանրամասնաբար պատմուած են աւանդութեան մէջ, միևնոյն պատկերն են ներկայացնում, ինչ Մենուասի և Արգիստի գործողութիւնները, ըստ սեպագրերի, Արաքսի հովտում և նրա հիւսիսային լեռնաշխարհում:

Երկու տարբեր ցեղերի խաղաղ կե-

<sup>1)</sup> Никольскій «Клинооб. надписи Ванскихъ царей» («Древн. Востокъ», с. 399—400):

նակցութեան, հաշտ միաձուլման փաստերի կարգին պէտք է դասել, մեր կարծիքով, և այն, որ բազմաթիւ ուրարտական աշխարհագրական անուններ պահեցին իրանց գոյութիւնը հայոց գրականութեան մէջ<sup>1)</sup>, իբրև սեփական, ազգային անուններ, որոնց բացատրութեան համար գոյութիւն ունէին ազգային անուանադիրներ (էպոնիմներ):

Մնում է երկու ազգագրական տարրերի (արմէն—խալդ) շփման և կուլտուրական ձուլման մի մեծ յիշատակ ևս—լեզուն: Սրա մասին մենք արդէն խօսել ենք վերևում: Յափեթագիտութիւնը, դեռ բոլորովին նոր հիմնուած մի ճիւղ լեզուագիտութեան մէջ, պէտք է սպասել որ դեռ շատ փաստերով պիտի հաստատէ երկու լեզուների ձուլման իրականութիւնը և ապացուցանէ Վանեան սեպագրութիւնների լե-

<sup>1)</sup> Г. Халатьянцъ—«О нѣкоторыхъ географическихъ названіяхъ Древней Арменіи въ связи съ данными Ванскихъ надписей (Древ. Восточ.» т. II вып. II, М. 1901 с. 120—131).

զուրի առնչութիւնը հայոց նախա-արիա-  
կան լեզուի հետ:

Հաւանաբար այսպէս կազմուեց  
Արևմտեան Ասիայի մէջ մի նոր ժողո-  
վուրդ, որ այնուհետև դուրս եկաւ  
կատարելու իրան վիճակուած խոշոր  
պատմական դերը: Բայց այս նոր ժո-  
ղովուրդը այլ ևս Վանի լճի ամուսն չը  
հիմնեց իր պետութեան կենտրոնը, այլ  
անցաւ հիւսիսային մեծ դաշտը, Արաք-  
սի հովիտը: Այստեղ արդէն առանձ-  
նայատուկ էին այն կուլտուրական  
պայմանները, որոնց վրայ պիտի կա-  
ռուցուէր մի նոր պետական շէնք:  
Իսկ Վանը շարունակեց մնալ իբրև ազ-  
գային ոգու, ազգային ինքնամփոփ  
գոյութեան գլխաւոր յենարաններից  
մէկը, որից ներշնչումներ էր ստանում  
Արարատեան դաշտի պետութիւնը:

Նոր ժողովուրդը երկար ժամա-  
նակ, դարերով շփումներ ունէր քաղա-  
քակիրթ աշխարհի հետ և նրան ծանօթ  
բոլոր ազգերը—յոյներ, պարսիկներ,  
հռոմայեցիներ ճանաչում էին նրան  
արմէն անունով: Ինքն այդ ժողո-

վուրդը դեռ իր սեփական գրած պատմութիւնը շունէր և նրա կեանքի փաստերը մի մի անգամ արձանագրուում էին այդ ազգերի գրականութեան մէջ:

Բայց ահա նա էլ ստանում է իր սեփական գրականութիւնը, սկսում է խօսել իր մասին և մենք տեսնում ենք որ նա իրան արմէն անունով չէ ճանաչում, այլ հայ անունով:

Ինչից առաջացաւ այս անունը: Գիտութիւնը դեռ միանգամայն բաւարար պատասխան չէ դտել, թէ և բազմաթիւ փորձեր է արել և անում է: Տիրապետող է այն կարծիքը թէ տեղային, ուրարտական կամ խալդական տարրի անունն է այդ, մի անուն, որ գուցէ բղխում է ընդհանուր ցեղային անունից (հաթ կամ հաթք): Պրոֆէսոր Եսսենը ենթադրում էր թէ այս ազգային անունը կազմուել էր դեռ այն ժամանակ, երբ արմէնները ձուլում էին իրանց մէջ հեթիթներին կապազովկիայում և Կիլիկիայում: Բայց թւում է որ երկու ազգերի մի կուլտուրական-լեզուական տիպի մէջ ձու-

լուելու գործում վերջնական և վճռա-  
կան դեր կատարել է այն՝ առ այժմ  
անյայտ՝ ժամանակը, երբ արմէնները  
հաստատուեցին Ուրարտուի սրտում,  
այսինքն Վանի լճի արևելեան ափերին:

Այս ենթադրութեան ոյժ է տալիս  
հայ պատմական աւանդութիւնը, որ  
ժողովրդական վէպերից է ստեղծուել:  
Այդ աւանդութիւնն ասում է թէ Կոր-  
դուաց լեռների հիւսիսային ստորոտ-  
ներում, ուրեմն հէնց այն երկրում, որ  
կոչւում էր հնագոյն ժամանակներում  
Արարադ (Ուրարտու), կար մի գա-  
ւառ՝ Հայք<sup>1)</sup> (Վանի ժողովրդական  
բարբառով՝ Խէք) անունով: Գուցէ  
այսպէս էլ կոչւում էր այդտեղի ժո-  
ղովուրդը, որ ուժեղանալով, առաջնա-  
կարգ դիրք բռնելով ուրարտական ցե-  
ղերի մէջ, իր անունը հաղորդեց Վանի  
լճի շրջանում ապրող ժողովրդներին և  
այնտեղից էլ՝ ամբողջ արիա-հեթիթա-  
կան կամ արիա-յաբեթական միաձոյլ  
ազգին:

Նորագոյն հետազօտութիւնները

<sup>1)</sup> Խորեն. Ա, ԺԱ.

ցոյց են տալիս որ Հայաստանում, արմէնների հաստատուելուց յետոյ, տարածուել և տիրել է «հէնիօխ» կամ «հանիօխ» անունով մի հեթիթական կամ յարեթական ցեղ, որ խոր հետք է թողել հայ ազգի ցեղային հոգեբանութեան մէջ: Այստեղից ինքն ըստ ինքեան հետևում է ենթադրութիւն որ «հայ» անունը առաջացել է այդ հէնիօխներից կամ հանոխներից<sup>1)</sup>:

Այս բոլոր հաւանականութիւնների մէջ նշանակութիւնից զուրկ չէ և վրաց հին աւանդութիւնը, որ մնացել է «Քարթլիս-Յխովրեբայի» մէջ: Այդ աւանդութիւնը, բերելով կովկասեան կամ հեթիթական ութ ցեղերի անուններ, որոնց թւում և հայերին, ասում է թէ նրանք միևնոյն ծագումն ունին և նրանց նախահայրերը ութ եղբայրներ էին, թորգոմի որդիները: Հայոց նախահայրը այդ աւանդութեան մէջ այլ ևս Հայկ անունով չէ յայտնի, այլ Հասու անունով, որ թորգոմի աւագ

<sup>1)</sup> Н. Марр — «Кавказский Культурныхъ Миръ и Арменія» Пет. 1915, с. 28.

որդին է, նախապատիւ միւս եղբայրներին մէջ, և որին հայրը բաժին տուեց Արարատ և Մասիս լեռներին մէջ գլխաւոր երկիրը<sup>1)</sup>, այսինքն ճիշտ այն տեղը, որ համապատասխանում է նախնական Ուրարտուին, այն է՝ Վանի լճի հարաւային կողմերից մինչև Արաքսի հովտի հարաւային լեռնաշղթան: Այսպիսով վրացական աւանդութիւնը գեռշատ հին ժամանակներից էր վկայում, որ վրացիները, ինչպէս և կովկասեան կոչուող միւս ազգերը, ազգակից են հայերին:

Այս բոլոր ապացոյցները բերում են բոլոր գիտնականների կողմից ընդունուած այն վերջնական եզրակացութեան թէ ուրարտական քաղաքակիրթ և ընդունակ ցեղը չը կորաւ անհետ, այլ մտաւ հայ ժողովրդի կազմի մէջ:

Լեզուագիտութիւնը վերին աստիճանի հետաքրքրական նիւթեր է տալիս թէ երկու ազգագրական տար-

<sup>1)</sup> M. Brossét—«Histoire de la Géorgie» Pet. 1849 t. I p. 16—17.



րերը — արիացիները և հեթիթականները կամ յարեթականները — ինչ էին մէջ տեղ բերում՝ մի ընդհանուր ազգային կուլտուրա ստեղծելու համար: Եկուոր արիացիները ուժեղ էին գլխաւորապէս իրանց զինուորական կազմակերպութեամբ: Դրանք կռուողներ էին առաւելապէս: Եւ հայոց լեզուի մէջ արիական են այն բառերը, որոնք արտայայտում են զօրք, զէնք և այլն, մինչդեռ տեղական կամ յարեթական են հոգեկան տրամադրութիւններ արտայայտող բառերը, մասաւանդ այնպիսիները, որոնք արտայայտում են երկրագործական գործիքներ, մետաղներ, տնային անասուններ, մատաղ և այլն: Այսպիսով արիացիները տեղացիներից իւրացրին երկրագործութիւն, արհեստներ, վաճառականութիւն, կրօնական պաշտամունք:

Այս բարձր կուլտուրայի արտայայտութիւն դառաւ այն երկտարր, խառն լեզուն, որ մեզանում յայտնի է «գրաբար» անունով: Այդ հարուստ լեզուն, որ ազնուականութեան, կառավարող

խաւերի լեզուն էր, ըստ ենթադրութեան ակադեմիկոս Մառի, զարգացել է Հայաստանի հարաւ-արևելեան մասում <sup>1)</sup>, այսինքն դարձեալ Վանի լճի աւազանում:

Եթէ այս ճիշտ է, ահա, ուրեմն, և մի անհուն հարստութիւն, որ մշակեց և հայութեան ու մարդկութեան ընծայեց նոյն այն գեղեցիկ աշխարհը, ուր ծփծփում են Վանի լճի կապուտակ ալիքները:

<sup>1)</sup> Кав. Культ. Миръ и Армения, с. 29.

# ԲՈՎԱՆԳԱԿՈՒԹԻՒՆ

202

## ՆԵՐԱԾՈՒԹԻՒՆ

1. Վան.	9
2. Ծօռուժ են մեռած լեզուները	15
3. Վանեան սեպագիրներ	39

## ՄԱՍՆ ԱՌԱՋԻՆ

### ԵՐԿԻՐԸ ԵՒ ՄԱՐՂԻԿ

Գլ. Ա. Սեպագիր աշխարհագրութիւն	77
Գլ. Բ. Ժողովուրդը	102
Գլ. Գ. Քաղաքակրթութիւն	117
Գլ. Դ. Կրօն	126

## ՄԱՍՆ ԵՐԿՐՈՐԴ

### ՆԱԽԱՎԱՆԵԱՆ շՐՋԱՆ

Գլ. Ե. Նախրի և Միջագետք	139
Գլ. Ջ. Նախրի անկումը	160
Գլ. Է. Ուրարտու	179
Գլ. Ը. Արամէ	183

## ՄԱՍՆ ԵՐՐՈՐԴ

### ՎԱՆԵԱՆ շՐՋԱՆ

Գլ. Թ. Սարգուրի Ա	208
Գլ. Ժ. Իսպուինի	219
Գլ. ԺԱ. Մենուաս Ա.	225
Գլ. ԺԲ. Արգիսախ Ա.	245
Գլ. ԺԳ. Սարգուրի Բ.	266
Գլ. ԺԴ. Ռուսաս Ա.	279
Գլ. ԺԵ. Անկում.	304
Գլ. ԺԶ. Ուրարտական կուլտուրա	314
Գլ. ԺԷ. Նախ ժողովուրդ	354



Հեղինակի այն աշխատութիւնները,  
որոնք յոյս են տեսել առանձին հրատա-  
րակութիւններով:

1. Արարատի Գլուխը Մօրդովցեկի, փոխ. Շուշի 1883
2. Ուխտաւորի Յիշատակարանը Շուշի 1885
3. Հայ Գիւղացի (Ռուսահայ), Մարտի 1885
4. Նոր Ցաւ (Սկայորդի), Շուշի 1886
5. Վէպ թէ Պատմութիւն, Շուշի 1887
6. Մայրեր, Շուշի 1888
7. Կոյրի Աղջիկը, Շուշի 1888
8. Պանդուխտ, Բագու 1888
9. Վահան Մամիկոնեան, Շուշի 1888
10. Կորածներ, Թիֆլիս 1889
11. Արնագին, Թիֆլիս 1890
12. Իմ Յիշատակարանը, Շուշի 1890
13. Հանգիւ Ղար. Հայ. թեմ. Դպրանոցի հոգաբարձու-  
թեան. Շուշի 1890
14. Դաւիթ և Մհեր, Մոսկուա 1891
15. Վերջին Վէրքեր, Թիֆլիս 1891
16. Թաթախման Գիշերը, Շուշի 1892
17. Սպանուած Հայրը, Շուշի 1892
18. Ախտահանութիւն, Բագու 1893
19. Երեւելի Մարդիկ, Բագու 1894
20. «Արօրի» Սեղանի Օրացոյց գրական յուե-  
լուածներով 1894 թ. Բագու
21. «Արօրի» Ծոցի Օրացոյց 1894 թ. կենսա-  
գրականներով, Բագու
22. «Արօրի» Սեղանի Օրացոյց, 1895 Բագու
23. «Արօրի» Ծոցի Օրացոյց 1895 Բագու
24. «Արօրի» Սեղանի Օրացոյց 1896, Բագու

25. Նապաստակի և Ոգնու գրազը, (փոխ.) Թիֆ. 1897
26. Քնած Գեղեցկուհին (փոխ.) Թիֆ. 1897
27. Մէլիքի Աղջիկը, Թիֆլիս 1898
28. Կենդանիների Աշխարհում Լուսկեզիլի  
(Թարգ.) Թիֆ. 1898
29. Գլազուսոն, » 1899
30. Հայկական Տպագրութիւն, հատոր Ա. Թիֆ. 1901
31. » » հատոր Բ. » 1901
32. Ստեփանոս Նազարեանց հատոր Ա. » 1902
33. » » հատոր Բ. » 1902
34. Յովսէփ կաթող. Արղութեան Թիֆ. 1902
35. Գրիգոր Արծրունի, հատ. Ա. » 1902  
» » հատ. Բ. » 1903
36. Թաթախման Գիշերը 2 տպագր. » 1903
37. Կարմիր Գռակը, Բագու 1904
38. Այծարածը, Բագու 1904
39. Ս. Մեսրոպ Թիֆ. 1904
40. Խուսահայոց Գրականութիւնը, Վենետիկ 1904
41. Հայկական Տպագրութիւն, Հ. Ա., 2 տպգր.  
փոփոխ. Թիֆ. 1904
42. Մէլիքի Աղջիկը, 2 տպ. փոփոխ. Թիֆ. 1905
43. Գրիգոր Արծրունի հատ. Գ. Թիֆ. 1905
44. Երեսնամեակ Հայ. Բարեգործ. Ընկերութեան  
Կովկասում Թիֆ. 1911
45. Հայ Գրքի Տօնը, Թիֆ. 1912
46. » » » 2 տպ. » 1913
47. Պատմութիւն Երևանի Հայոց թեմ. Հոգ.  
Դպրոցի Թիֆ. 1914
48. Պատմութիւն Ղարաբաղի Հայոց թեմ. Հոգ.  
Դպրոցի Թիֆ. 1915
49. Հայ Հայրենիքը, » 1915
50. Հայոց Հարցի Վաւերագրերը, Թիֆ. 1915
51. Վանի Թագաւորութիւնը Թիֆ. 1915





## ՀԵՂԻՆԱԿԻ ՆՈՐ ԱՇԽԱՏՈՒԹԻՒՆՆԵՐԸ

- |  |              |
|--|--------------|
| 1. Պատմութիւն Երևանի Հայոց<br>Թեմական Հոգևոր Դպրոցի<br>1837—1912, ընդարձակ պատ-<br>մական տեսութիւններով (585<br>մեծադիր էրես) . . . . .      | Ր. Կ.<br>2 — |
| 2. Պատմութիւն Ղարաբաղի Հա-<br>յոց Թեմական Հոգևոր Դպրո-<br>ցի, 1838—1913, ընդարձակ<br>պատմական տեսութիւններով<br>(692 մեծադիր էրես) . . . . . | 3 —          |
| 3. Հայ Հայրենիքը (Հայաստանի<br>գունատիպ քարտէզով) . . . . .  | — 60         |
| 4. Հայոց Հարցի Վաւերագրերը<br>(պատմութիւն և վաւերագրեր,<br>400 էրես) . . . . .   | 1 —          |
| 5. Վանի Թագաւորութիւնը (Մի<br>դրուագ Հայաստանի Պատմու-<br>թիւնից—2 քարտէզ, 22 նկար)  | 1 25         |

Ծախուում են Թիֆլիսի գրավաճառա-  
նոցներում



